

ibrevia di P.I.A. No a Catina D.35



The work Google



# MEMOIRES DESTAT

## PAR

MONSIEVR DE VILLEROY; Conseiller d'Estat, & Secretaire des Commandemens des Rois Charles IX. Henry III. Henry IV. & de Louis XIII. à present regnant.



### A PARIS,

Chez CHARLES DE SERCY, au sixième Pillier de la Grand' Salle du Palais, vis-à-vis la Montée de la Cour des Aydes, à la Bonne-foy couronnée.

M. DC. LXXVIX.



## 

## AVANT-PROPOS:

Es Memoires ont esté faits & dressez par feu Monsieur de Villeroy, lors que durant les guer-

res de la Ligue, la necessité des affaires le portoit aux negociations pour remettre l'Estat en paix, & les peuples revoltez en obeissance, témoins irreprochables de sa fidelité & de ses services, qui ont eust bon succez, que la France en a receu tout contentement. Au lieu de cét échantillon, s'il eust laissé toute la piece, le public luy en eust esté grandement obligé. Car il faut auouer franchement, qu'il n'appartient qu'aux Secretaires d'Estat à faire l'Histoire, lesquels ont veu, sceu & connu les secrets de l'Estat, les Conseils du Prince, & les af-

BIBLIOTECA NA.

faires du Royaume. La connoissance de leurs écrits & discours, assaisonnez par divers âges & experiences, apprennent les nouuelles du monde, les moyens de s'y condui-. re, & la voye pour en sortir. Ce qui veritablement se reconnoist par ces Memoires, lesquels il auoit adressé à Monsieur de Bellieure, Chancelier de France, & à Monesieur le President lanin, pour estre seuls témoins de ses actions & deportemens, sans les vouloir donner au public. Pour moy j'ay crû, avec le iugement de mes amis, que ce seroit une trop grande perte de les taire & Supprimer, tant pour l'étilité. que le general & particulier en pourra receuoir, que pour rendre l'bonneur à ce grand Personnage, lequel par sa fidelité, merites & services, a obligé toute la France à sa memoire. Cette consideration m'a porté à ce dessein.

#### क्षेत्र क्षित्र क्रिन क्षेत्र क्षेत्र क्षेत्र क्षेत्र क्षेत्र क्षेत्र क्षेत्र क्षेत्र

# TABLE DES PIECES contenues en ce-premier Volume des Memoires d'Estat.

E TTRE de Monsieur de Dunes	s â M.
de Villeroy, pa	ge 71
Promette écrite de la propre m	ain de
ia Majesté,	107
Apologie & Discours de Monsieur de	Vile-
roy, pour montrer la peine qu'il a p	oris de
faire la paix entre le Roy & Month	eur de
Mayenne,	114
Avis de Monsseur de Villeroy à M. de	Duc.
de Mayenne, publié à Paris aprés la	mort
du Roy, sur la fin de l'an 1599.	408
Harangue faite par Monsieur de Vi	Heroy,
pour estre prononcée en l'assembl	ée des
pretendus Estats de Paris, l'année n	ilcing
cens quatre-vingt treize,	445
Lettre de M. de Villeroy à M. de Ma	yenne,
du 20. jour de l'an 1594.	516
Lettre de M. de Villeroy à M. de Bel	lieure,
du 17. Mars 1596.	519
Maniseste de M. de Villeroy, sur l'eval	son de
l'Hoste son Commis, 1604.	521



# MEMOIRES D'ESTAT.



E plus grand contentement que puisse auoir vn homme de bien, apres celuy que luy rend sa conscience, lequel ne luy peut estre osté, & d'estre tenu pour tel qu'il est, & principa-

lement de ceux ausquels il a voité amitié & service. Nous voyons peu de personnes en ce Royaume auoir ioity de ce bien-là depuis ce regne, tant a esté grande la corruption des bonnes mœurs, & la porte ouuerte à la calomnie: & plus que les autres, les Courtisans en ont esté priuez, & specialement ceux qui ont esté employez aux affaires publiques, & ont voulu suiure & executer sidelement & rondement les commandemens du Roy; soit qu'ils ne s'en soient rendus dignes, ou qu'ils ayent porté le blasme & l'enuie des choses qui ont esté faites, lesquelles ont esté plus souuent condamnées qu'approuuées, à cause de nos diuisions & partialitez, & dès vexations & surcharges publiques, qui ont esté

mesurées aux causes & fins motiues d'icelles, mais plustost au poids de nos passions, ou du mal que nous en auons receu; car comme le Roy a esté contraint, ou bien a voulu quelques changer de chemin & de resolution en la conduite de sesaffaires, ceux ausquels tels changemens ont dépleu & porté dommage, ont accusé les Ministres & serviteurs de sa Majesté, de legereté, d'imprudence, mes d'insidelité: les Huguenots les ont appel lez Guisards & pensionnaires d'Espagne, & les autres, sauteurs d'Heretiques & Politiques, & pouvons dire qu'il n'y a celuy pou droit qu'il aye cheminé, qui aye pû éuite

qu'il n'ait esté dépeint de l'vne desdites cou leurs, & de plusieurs autres encore: ce qu'a plus appresté à parler aux detracteurs, qu'i n'a troublé la conscience des gens de bien.

CAR la verité console & asseure asse d'elle-messme celuy qui s'y consie: mais à pressent que la violence de nos troubles a force plusieurs personnes de changer de route, ceu qui courent telle fortune, qui sont soigneu de leur honneur, & de conseruer leurs ami doiuent les esclaircir des raisons qui les or poussez à ce faire, asin de ne leur donner o casion de changer la bonne opinion qu'i auoient conceuë d'eux, saquelle a deu est le principal fondement de leur amitié, d'autant qu'il est impossible que nous aymion bien celuy que nous n'estimons.

C' Est pourquoy me trouuant, par volonté de Dieu, du nombre de ceux qui o changé de place, plus desireux de viure en bonne opinion des hommes, & par ce moyen conseruer mon honneur & mes amis plus que ma propre vie, i'ay estimé leur deuoir representer les choses qui me sont aduenues, & en ce faisant les rendre iuges de ma procedure, ce que ie feray le plus succinctement qu'il me sera possible: mais ie les exhorte & prie de croire que ie ne leur diray rien qui ne soit tres-veritable, & que ie ne verisse & preuue par écrit, ou autrement quand besoin sera: mes actions ont esté aussi si publiques, que quand ie voudrois les déguiser, c'est chose qui me seroit tres-dissicile.

I' E v cét honneur, quoy qu'indignement, mais fauorisé de la protection de la feue Reyne Mere du Roy, que Dieu absolue, & des seruices tres recommandables que feu Monsieur de l'Aubespine, mon beau-pere auoit rendus à sa Majesté, d'estre pourueu à l'âge de vingtcinq ans, par le feu Roy Charles mon premier Maistre, de l'Ossice de Secretaire d'Estar, qu'exerçoit ledit seu sieur de l'Aubespine, par la resignation qu'il m'en sit à sa suruiuan-. ce, le vingt-cinquième iour du mois d'Octobre 1567. Mes Lettres furent seellées par feu Monsieur de l'Hospital Chancelier de France, auquel feu M. de Moruillier prit la peine de les presenter, & le iour mesme seu mandit sieur de l'Aubespine tomba malade dans le Chasteau du Louure où il estoit logé, de laquelle maladie il trépassa l'onziéme Nouembre, qui fut le lendemain que la bataille fut donnée entre Paris & S. Denis, en laquelle feu Monsieur le Connestable Anne de MontI E commençay dés le lendemain à e

morency fut bleffe à mort.

cer ledit Office, & y ay depuis vacqué tinuellement & fans intermission duran Regne dudit feu Roy Charles : si ç'a esté sa bonne grace & son contentement, i'en pelle à tesmoin ceux qui ont vescu & s la Cour de ce temps-là, lesquels ont pû uoir la fiance qu'il auoit en moy, & la bo volenté qu'il me portoit; laquelle verita ment procedoir plus de sa bonté, qui el infinie, que de mon merite; estant cer que tout le bien que ie faisois lors au ser de sa Majesté, ne procedoit de mon indus mais de l'instruction & des bons records ie tirois iournellement de feuz Messieur Moruillier & de Limoges, lesquels aud tres-grande experience & connoissance de faires du monde, & ne pensoient iour & n qu'à procurer le bien du Roy & du Ro me, comme ils ont fait tant qu'ils ont ve & neantmoins telle communication & couversation que nous auions ensemble laquelle Messieurs des Fises, Bruslart & inard estoient aussi ordinaires, ne peut exempte d'enuie, & de jalousie, specialer apres l'aduenement du Roy à la Couro que ceux qui auoient deuant les yeux la re de Dieu, l'honneur du Roy, & le bien blic du Royaume, eurent bien-tost pour traire, les autres qui vouloient s'auan quelque prix que ce fust:dequoy led. Eue de Limoges commença à sentir & receuo effects aux premiers Estats de Blois,

de son bannissement, ny luy donner lieu de

n justifier.

I'E n'ay deliberé de rendre compte par le c'ent Memoire de toutes mes actions, ce oit chose tedieuse, ie me contenteray seument de representer celles qui ont seruy argument à quelques-vns de me calomnier, ur esclaircir ceux qui le liront de la verité celle, à la charge de respondre tousiours autres quand il en sera besoin, à quoy ie foûmets & oblige de tres-bon cœur.

PARTANT ie commenceray par le yage que ie fis en Languedoc deuant le des du Roy Charles, pour respondre à ceux i ont voulu croire & publier que i'auois eu arge dudit Roy partant d'auprés de luy, faire attenter à la personne de Monsieur Duc de Montmorency, qui portoit lors le m de Damville, sous couleur de luy parler paix: car c'est vne imposture tres-vraye, plus ny moins que l'accusation, que l'on a t depuis auoir esté faite par vn nommé ...... ontre Monsieur de Villequier & moy, lesel suc executé par le commandement dudit uc, lors que le Roy sut en Auignon l'an sil cinq cens soixante & quinze.

I e fus depesché audit pays de Languedoc acc seu Monsieur de S.Sulpice, Super-Intenant de la maison de seu Monseigneur le Duc Alençon frere du Roy, exprés pour essayer composer les troubles qui estoient entreteus audit pays, ou en quelques autres Proinces de ce Royaume par les Huguenots,

A iij

MEMOIRES

sur les aduis que ledit Duc de Montmoreney Gouverneur dudit Pays, avoit donnez au Roy & à la Reine sa Merc, qu'il auoit moyen d'y pouruoir par cette voye-là: mais il ne fut iamais à nostre puissance de passer plus auant qu'Auignon, ny de voir ledit, Duc, quelque deuoir & sollicitation que nous en fissions, & nous ne pouuions traitter auec les autres, & auccluy; parce que nostre commission s'addressoit à luy, il s'excusoit sur les affaires qu'il auoit ailleurs; mesmes nous découurismes bien-tost qu'il attendoit quelque nouueau mouuement à la Cour, qu'il estimoit reussir

tout autrement qu'il n'aduint.

CAR vn mois apres nostre arriuée en ladite ville d'Auignon, nous receûmes la nouuelle de la prison de seu Monsieur le Duc de Montmorency son frere, & de feu Monsieur le Mareschal de Cossé, laquelle nous sut apportée par le feu Comte de Martinengue, auec Commission scellée du grand seau, & commandement de sa Majesté, par lettre es. crite de sa propre main, denous saisir de la personne dudit Duc de Montmorency, que sa Majesté nous mandoit tremper bien auant aux entreprises de feu son frere, aupres duquel sa Majesté pensoit que nous fussions, & d'aduertir les Gouuerneurs & Capitaines, Consuls, manans & habitans des villes de son Gouvernement: & particulierement les bandes Corses qui estoient en garnison en icelles, de ne le reconnoistre plus pour Gounerneur, ny luy rendre obeissance.

LEDIT sieur saint Sulpice & moy fasmes

tres-estimez de ce commandement, non tant pour le regard du mécontentement que le Roy nous mandoit auoir dudit Duc, dautant que nous auions découuert plusieurs choses qui nous auoient donné occasion de nous défier d'iceluy. Mais dequoy sa Majesté, laquelle nous auoit choisis & enuoyez deuers sedit seur Mareschal, exprez pour parler de paix, nous commandoit-il de nous saisir de sa perfonne, au milieu de fon Gouuernement & de ses forces, n'y ayant aucune apparence de raison, d'esperer que ce fust chose que nous peussions effectuer, quand mesmes nous nous fussions trouuez aupres de luy, n'ayant forces ny moyens quelconques pour ce faire; de sorte que nous fusincs tres-aises de ce que ledit Martinengue nous auoit encore trouuez en ladite ville d'Auignon, & est certain que si nous eussions esté aupres dudit sieur Marelchal, qu'il luy esté tres-facile de nous faire le traittement, duquel l'on nous vouloit faire Ministres en son endroit.

PARQVOY nous nous resolumes bientost de nous contenter de pouruoir au second
chef de ladite charge que l'on nous donnoit
par ladite depéche, dont à la verité nous
mismes peine de nous acquitter auec toute
vigilance & fidelité, & nous succeda assez
heureusement par la bonne assistance & correspondance que nous tirâmes de seuz Messieurs le Cardinal d'Armagnac, du Duc d'Vsez, & du sieur de loyeuse à present Mareschal
de France: & des seuz sieurs de Suze, de Quenaux, de Maugiron, de Quelus, & du sieur

M E M O I R E S de Rieux, ensemble desd. Corses, & des Offi-

ciers & habitans des villes principales dudit Gouuernement; dequoy les effets eussent encore esté plus grands, n'eust esté que ledit Duc de Montmorency sut aduerty aussi-tost que nous de l'emprisonnement de sondit Frere, & du commandement que sadite Majesté nous auoit addressée, par les bons amis qu'il auoit

en Cour & en la ville d'Auignon.

CELA fait, & voyant que nostre plus longue presence & demeure en ladite ville d'Auignon estoit inutile au seruice du Roy, ledit sieur S. Sulpice & moy prismes resolution de reuenir trouuer leurs Majestez par l'aduis desdits sieurs. Mais nous trouuâmes à nostre retour que le seu Roy Charles estoit decedé, à nostre grand mal-heur & regret, & de toute la France, voire de toute la Chrestienté qui ne devoit pour la gloire de Dieu & le bien vniuersel d'icelle, estre si-tost priuée de la vertu, presence & assistance d'vn Prince si magnanime, equitable & bon qu'estoit ledit Roy, qui estoit aussi tant obey, honoré & aimé de tous ses seruiteurs, qu'il n'y a que la seule mort qui puisse effacer de leurs cœurs fa tres-heureuse & chere memoire.

S r Sa Majesté eust commandé audir sieur de S. Sulpice, & à moy, partant d'aupres d'elle, de prendre le Duc, ou le faire tuer comme l'on a dit, nous ne nous sussions arrestez si longuement que nous sismespar les chemins, ny en ladite ville d'Auignon, sur les difficultez & remises que ledit Duc faisoit de nous voir: n'y n'eussions attendu que les

nouuelles de la prise de son frere luy eust découuert l'intention de sa Majesté: pareillement nous ne fussions partis de la Cour sans voir clair, & estre bien asseurez des moyens auec lesquels nous eussions pû executer tel commandement : d'autre-part il n'eust esté besoin que le Roy nous cust enuoyé vne nouuelle Commission pour prendre ledit Duc, comme il nous enuoya par ledit Martinengue; car nous ne fussions partis de la Cour sans estre garnis d'vn bon pouuoir pour ce faire: plus ie diray que nous estions instrumés tres-mal propres pour executer vne telle entreprise; led. Martinengue auquel on disoit que le Roy en auoir depuis donné la charge, estoit bien plus propre pour ce faire que nous n'estions. Or i'ay en main plusieurs lettres, memoires & papiers que ie représenteray tousiours, où il sera besoin, qui font fov certaine de la verité dudit fait.

Mais il se trouua si animé d'icelle contre luy, qu'il le sit executer aux slambeaux, sans attendre la réponse de sadite Majesté, qui luy pouvoit estre apportée en vn ou deux jours

au plus.

ÂPRES le deceds du feu Roy, ie fus enuoyé par ladite Dame Reine sa Mere, en la compagnie de Monsieur de Cheuerny, à present Chancelier de France, de feu Monsieur de Sauue, au deuant du Roy, lequel nous trouuasmes à Thurin, il nous receut tres-humainement, & me sit en particulier, certainement plus d'honneur & de bonne chere, qu'aucuns n'esperoient ny desiroient, se ressouuenant de la bonne volonté que le seu Roy son frere m'auoit portée, & de la recommandation qu'autresois il luy auoit saite de moy, qui auois receu de luy auparauant qu'il sust Roy en cette consideration, & de sa bonté toute assistance, saueur & protection.

LE Roy estant arriué à Lyon, sut conseillé par quelques-vns de faire deux choses, entre les autres, qui ont depuis engendré beaucoup de maux: l'vne sut l'ouverture des acquits des deniers contans, mis és mains ou cosses du Roy: l'autre, le changement de la forme ancienne des expeditions des dons & bien-faits, sur ce qu'on luy sit entendre, qu'il n'estoit pas raisonnable que ses Officiers controllassent ses volontez & commandemens, comme ils faisoient du temps du seu Roy son frere, lequel à la verité se reposoit grandement sur leur deuoir & sidelité, pour l'administration de ses sinances, & execution de ses

1. yol. f. 4.

commandemens, dont aussi ils estoient responsables du tout : ce qui estoit cause qu'ils y versoient plus religieusement & loyalement, comme l'ona mieux connu & experimenté depuis : car la facilité & couverture desdits comptables a engendré tant de sortes de concussions, larcins, dons immenses, & dépences mal employées, que ie ne pense point qu'il y ait rien qui ait tant fait de tort au Roy, ny destruit le Royaume que cela, comme a fait aussi la nouuelle forme de presenter & expedier lesdits dons; parce que n'estans par icelle permis aux Princes & Seigneurs de qualité, de parler au Roy pour autres que pour eux, comme ils souloient faire de tout temps auparauant, cela les auoit grandement indignez & mal contentez, & auoient tellement chargé, voire accablé d'enuie, ceux qui estoient auprés de sa personne, qu'vne grande partie de nos troubles en sont aduenus. Dauantage, au lieu de retrancher par ladite forme les abus que l'on disoit que les Secretaires ou leurs Commis y faisoient, elle leur rendit les moyens de ce faire plus faciles: car deuant ils estoient responsables des expeditions qu'ils faisoient, & n'eussent osé en figner vne contraire ausdites Ordonnances & Reglemens du Roy, sans courir le hazard d'vn chastiment & reproche : dequoy ils furent deschargez par ce nouuel ordre, d'autant qu'il leur estoit enjoint par iceluy, de signer & expedier sans difficulté, tout ce que le Roy auroit vne fois accordé par placet signé de sa main; ce qui ouurit la porte à A vi

plusieurs furprises: Et me souvient qu'vn iour le Comte d'Éscars m'apporta yn placet qu'il auoit fait signer au Roy; par lequel sa Majesté luy auoit accordé, qu'il seroit imposé & leué sur les habitans de ses terres la solde de certain nombre de soldats qu'il disoit vouloir employer à la garde de ses Chasteaux, que ie sis difficulté d'expedier, parce que l'on n'auoit encore commencé à faire garder les maisons des particuliers aux despens du peuple: dequoy il s'alla plaindre; de faço que i'en receus vne grande reprimande, & me fut dit, que ie voulois controller les commandemens du Roy, que c'estoit chose que l'on ne vouloit plus que mes compagnons & moy fifsions, ains que nous eussions à dépescher promptement tout ce qui nous apparoistroit par placet, figné de la main de sa Majesté, & auoir par elle esté accordé, nous contentant de retenir & garder le placet pour nostre descharge, sans entrer à l'aduenir plus auant enconnoissance de cause : ce qui a esté par moy, comme par mesdits compagnons, suiuy depuis; de façon que ie ne voudrois répondredes expeditions que i'ay faites depuis ledit: commandement : chose certainement que ie ne faisois difficulté de faire en toutes celles. que i'ay signées du temps du feu Roy Charles, lequel à l'exemple de ses predecesseurs,ne disoit iamais non, à ceux qui luy demandoient quelque chose, aussi il ne leur accordoit d'abord leur demande, ains il commandoit de bailler leur placet à l'vn de ses Secretaires, qui estoit tenu d'en refuser à la partie

de sadite Majesté.

CERTAINEMENT ceux-là ont esté trèsfages, qui ont dit, qu'il ne falloit legerement changer les loix & formes qui sont en vsage en vn Royaume, parce que tels changemens offencent souvent autant qu'ils edifient: joint que l'on ne reconnoist ordinairement les inconueniens d'vne loy, que par l'experience d'icelle, & que toutes choses, pour bien ordonnées qu'elles soient, sont sujettes à deprauation & corruption: de maniere que i'estois bien de l'aduis de ceux qui disent, qu'il faut plustost corriger les abus d'vne loy deprauée, ou mal obseruée, que de l'innouer ou changer; specialement quand il est question de chose qui touche à plusieurs, & mesmes aux Grands, lesquels vn Prince bien aduisé doit entretenir de tout son pouuoir, comme il sera facilement, quand il ne communiquera à moindre qu'eux, sans grande raison, ce que la Nature & les anciennes Loix & Constitutions leur ont affectée: Et s'il aduenoit qu'aucuns d'eux en abusassent au dommage du Roys

ie dis qu'il seroit plus expedient pour le bien du Prince & du Royaume, faire chastier par Iustice ceux-là, que de les priuer de leurs droits & préeminences; l'entends bien que l'on a dit, que lesdits Princes & Grands acqueroient des subjets & Officiers du Roy pour seruiteurs, & les obligeoient aux despens de sa Majesté, quand il leur estoit loisible d'interceder pour eux. Mais considerons si par cette nouvelle forme, sa Majesté a esté depuis plus fidellement servie qu'elle n'estoit, & si lesdits Princes ont eu moins de cliens & seruiteurs, ie ne dis pas à la suitte de la Cour, où chacun idolatre la faueur; mais dedans le Royaume, quand il a esté question de remuer mesnage: l'on trouuera que les changemens ont plustost enflé leur fuitte qu'ils n'ont seruy à la retrancher.

I E fus employé à traitter la paix qui fut faite auec le Roy de Nauarre l'an mil cinq cens soixante & dix-sept, & sis ce que ie pû pour en estre excusé, tant parce que le Roy auoit protesté & declaré quelque mois deuant en la ville de Blois, y estant ses Estats assemblez, qu'il ne feroit iamais paix auec les Huguenots, s'ils n'accordoient de viure en ce Royaume, sans iouir de l'exercice de leur Religion: Et si par necessité, mauuais conseil ou autrement il en accordoit yn autre, qu'il vouloit & entendoit qu'eux & leurs compagnons sçeussent que c'estoit contre ses commandemens & volonté, & partant qu'il ne l'observeroit point, afin que l'onn'en fist plus d'estat, & que parce que plusieurs estimoient que l'on auoit donné congé à l'Euefque de Limoges seulement, parce qu'il auoit assisté la Reine Mere du Roy en la paix qu'elle auoit pour suiuie, & faite auparauant auec seu Monsieur, en laquelle ie sçauois

qu'il avoit seruy en homme de bien.

Nonobs Tant mes excuses, le Roy me commanda d'entreprendre ladite negociation, & me dit qu'il ne vouloit rien accorder de contraire à sa declaration, mais qu'il se promettoit que lesdits Huguenots accepteroient la paix, sans auoir ledit exercice, & de fait ie sçay quelques-vns qui abusoient sadite Majesté, ou connoissoient tres-mal lesdits Huguenots, luy en donnant esperance; & croy certainement que telle estoit lors l'intention de sadite Majesté, laquelle aussi ne me donna autre charge, m'y depéchant, que d'y faire resoudre le Roy de Nauarre & ceux de la Religion.

A QVOY ie les trouuay tres-contraires, jaçoit qu'ils fussent alors tres-foibles & mal-menez, mais ils commençoient à se promettre que seu mondit sieur frere du Roy, qui conduisoit l'armée de sa Majesté, & leur fai-soit la guerre, se lasseroit bien-tost de ce faire: chatouillé, & diuerty des esperances & recherches qu'on luy representoit de la part de ceux de Hainault, où il ne tarda gueres

apres de s'acheminer.

CE qui fut cause que sa Majesté se resolut d'auancer la conclusion de ladite paix auec ledit Roy de Nauarre, parce qu'elle estimoit que lesdits Huguenots seroient plus dismondit Seigneur se seroit separé de sadite Majesté, en la poursuite d'icelle, comme certainement il aduint: & toutesois le Roy sus sien seroit en consia la principale conduitte, n'y employerent toute la matiere qu'elle y auoit destinée, & en rapporterent de reste, de quoy elle monstra estre tres-contente.

Comme elle fit aussi de l'autre traicté que Monsieur de Belièvre & moy sissmes aupres de seu mondit sieur, auec le Roy de Nauarre au lieu de Flex, où sa Majesté sut aussi tres-sidellement servie, comme il me sera tousiours tres-facile de faire paroistre par escrit ou au-

trement à qui en doutera.

I E croy fermement que les Catholiques de ce Royaume, eussent à la fin receu vn notable aduantage de l'observation desdits traittez, si les choses qui se passoient à la Cour n'eussent réueillé & alteré les esprits des Grands, qui supportoient impatiemment l'authorité & puissance que l'on avoit donné à moindre qu'eux, & qui craignoient qu'il ne leur en arrivast encore pis à l'aduenir.

Le ne diray point ce qui se faisoir à la Cour, car chacun l'a sçeu, & en estois aussi absent, il y auoit huit mois quand les troubles commencerent: le diray seulement deux choses; la premiere, que i'ay tousiours esté observateur si entier des commendemens & volontez du Roy, que l'on ne trouuera point que i'aye fait depéche; ny resusé austits Huguenots aucune expedition contraire

de sadite de sadite omme cer-Roy sutsi e ceux ausnitte, n'y lle y auoit , de quoy

raicté que aupres de Nauaire ist oussours rit ou au-

tholiques

u vn no-

desdits ient à la sprits des iemment it donné ent qu'il nir. sois aussi les trou-ulement ousiours

idemens

rouuera

usé aus-

ntraire

à la paix que sa Majesté leur auoit accordée, tant qu'elle a duré; bien ay-ie empéché de tout mon pouuoir qu'ils n'ayent élargy la courroye, & obrenu de sa Majesté plus que ses Edits ou Articles pour mal-faits qu'ils fussent ne portoient, & ose dire m'y estre comportési loyalement, que les Deputez du Roy de Nauarre & desdits Huguenots, n'ont eu occasion de s'en plaindre: l'autre, que si ceux qui estoient demeurez aupres de sa Majesté, durant mon indisposition qui m'en tenoit absent, eussent tenu la main que les gens de guerre de cheual & de pied, que le Roy auoit au commencement de l'année départis par ses Prouinces, eussent continué à estre establis & payez suiuant les reglemens qu'elle en auoit faits, il eust esté tres-difficile de troubler fon Royaume, comme l'on fit : dequoy ie suis contraint d'accuser ceux qui ont renuersé les anciennes maximes de nos peres, au maniement des affaires de ce Royaume, qui vouloient que les dépenses necessaires pour la conservation d'icelle, & principalement celles des garnisons & de la gendarmerie, fussent assignées & payées par preference à toutes autres.

IL fus accusé par Salcede d'auoir proietté & fait certains desseins auec feu Monsieur de Guise, & quelques autres, pour troubler ce Royaume, par le moyen du Roy de Suede & ses Ministres: & combien que sa deposition sust jugée pour ce qui me concernoit tres-impertinente, & peu vray-semblable par la simple & nue lecture d'icelle: toutesois ie

fis grande instance au Roy & à mes bons amis, à ce que ie fusse representé, recollé, & confronté audit Salcede, dessors que l'on trauailla à son procez. Mais parce que sa Majesté declaroit estre éclaircie, & bien asseurée de mon innocence, & aussi que ledit Salcede à son arriuée & premiere interrogatoire, declara & soustint que tout ce qu'il avoit deposé 30 estoit faux, & que l'on luy auoit fair dire iusques au iour qu'il fur gehenné & executé: ie me remis à sa Majesté à en vser ainsi qu'il luy plairoit, & fis si peu de conte de toute cette poursuite, me confians en Dieu, & en mon innocence, que iene fis aucune recommandation aux Iuges ny à autres, & me contentay d'en attendre le jugement tel qu'ils ordonneroient. Ie iure & proteste aussi, & appelle Dieu & ses Anges à témoin, suppliant sa diuine Iustice, que son ire soit sur moy, & sur. mes enfans à jamais, si ie dis chose qui ne soit tres-veritable: c'est que ie ne parlay jamais qu'vne fois audit Salcede, qui fut lors que Monsieur de Carrouges Gouverneur de Normandie, donna main forte à l'execution d'vn Arrest de la Cour de Parlement de Roijen contre ledit Salcede, pour forfaits par luy commis, lors qu'vne maison qu'il auoit en Normandie fut saisse, que ledit Salcede s'enfuit à Paris, où estoit Monsieur le Duc de Lorraine, qui me sit commandement par le Roy, d'écrire vne lettre en son nom audit sieur de Courrouges, pour faire sortir de ladite maison les gens de guerre qu'il y auoit mis,.. d'autant que ledit Salcede offroit se rendre

prisonnier entre les mains du grand Preuost, our se iustifier de ce dont on le poursuiuoit, jue ledit Salcede me vint demander ladite letre, laquelle ie luy refusay, parce qu'il me int des propos dudit sieur de Carrouges, inlignes de sa preud'hommie & vertu, conniie l'vn chacun, & de sa dignité: de sorte qu'il alloit que mondit sieur le Duc de Lorraine uquel i'en sis plainte, comme i'auois sait au Roy, me fist faire vn commandement par salite Majesté, laquelle ledit Sarcede se garda ien de venir querir luy-mesme; Mais monlit sieur le Duc de Lorraine y enuoya vn des iens qui s'en chargea, & ledit Salcede qui ne ouloit que tromper le Roy, & eluder la Iutice, s'absenta de la Cour contre ce qu'il uoit promis, soudain qu'il eut tiré ladite ettre, ayant découuert que ledit sieur de Carrouges & le Parlement auoient enuoyé à a Majesté les charges sur lesquelles ils l'asoient condamné, qui fut cause que sa Maesté me commanda deux ou trois iours apres le reuoquer ladité lettre, par vne nouuelle, iddressante audit sieur de Carrouges, qui fut soudain depeschée & enuoyée. Voila en veriétoute la connoissance que i'ay iamais euc ludit Salcede, & que ie n'auois veu deuant, & n'ay veu depuis aucunement; & pour plus grande iustification de mon innocence en cét endroit, ie m'en remets au procez dudit Salcede, & à son iugement, & prie Dieu de tout mon cœur me rendre le plus miserable homme qui viue sur la terre s'il me connoist coulpable, directement ou indirectement, en

tout ou en partie de ladite accusation.

l'estois aux champs malade, il y auoit huit iours, comme i'ay commencé à dire,... quand la guerre & la Ligue commença, l'an mille cinq cens quatre-vingt-cinq, ie me rendis aussi-tost aupres du Roy à Paris, ayant encore la fiévre, où ie seruis sa Majesté en homme de bien, & confesse que ie ne fus jamais si outré de douleur & d'affliction, que ie fus de ce remuëment, lequel ie ne m'attendois pas voir arriuer durant la vie du Roy, comme ie croy aussi qu il ne fust aduenu si sa Majesté eust esté bien assistée & seruie ; ie veux dire si ses seruiteurs & officiers plus redeuables eussent eu seulement autant de soin de son service que de leurs affaires prinées, que la resolution de la leuée des Suisses, dont sa Majesté fut secourile tres à propos, & l'auancement de la venue d'icelle, sans laquelle ses affaires se fussent tres-mal portées, rendront témoignage à la posterité de la fidelité du sieur de Fleury, mon beau-frere, qui estoit lors son Ambassadeur en Suisse, comme fera ledit sieur Fleury, du bon deuoir que ie sis de l'en solliciter auec Monsieur de Believre, & les gens de bien qui estoient prez sa Majesté: si elle eust esté servie en toutes autres choses aussi diligemment qu'elle fut en cette-cy, elle eust fait la paix plus à son aduantage qu'elle ne fit.

S a Majesté voulut m'enuoyer à Espernay deuant la Reine sa Mere, lors que l'on estoit quasi sur la conclusion du Traitté de ladite paix qui y sut faite: ie n'en diray l'occasion,

parce que ce ne sont choses à divulguer, moins par moy que par vnautre; mais ie destre bien que l'on sçache que ce sur contré mon aduis que ie sis ce voyage, comme ie puis monstrer par lettre escrite de la propre main de sa Majesté.

Non pour cela que ie veuille faire croire que l'aye esté contraire à ladite paix, car tant s'en faut que cela ait esté, que i'aduoije auoir esté de ceux qui ont conseillé à sa Majesté de reiinir à soy tous les Catholiques, par tous les moyens possibles, & plûtost faire la guerre fort & ferme ausdits Huguenots, qui ont esté les premiers autheurs de nos diuisions, que souffuir former en son Royaume vn party composé de Catholiques separéd'elle: meu premierement de l'affection tresgrande que i ay tousiours connu que le Roy portoit à nostre Religion, de son inclination à haïr mortellement les heretiques, n'ayant onques receu de luy commandement, par lequel ie me sois apperceu qu'elle les aye voulu fauoriser ny espargner, quoy que l'on aye publié: ce que ne diray de tous ceux qui auoient part aupres de sa Majesté: meu aussi du deuoir de ma conscience, & du zele à nostredite Religion (que i'ay tousiours eu, & que i'auray tant que viuray si Dieu plaist) qui quia eu plus de pouuoir sur moy, que toute autre chose, & finalement de la crainte que i'auois de voir arriuer ce que nous sentons maintenant, par vn desespoir de reconciliation des Chefs des Catholiques separez de sa Majesté, preuoyant auec Monsieur de Belié-



vre, que quand cela arriueroit, ce seroit la ruine du Royaume, & vn grand affoiblissement de nostre Religion, comme nous sommes prests d'éprouuer au grand regret des gens de bien.

C'A esté le sujet & la cause des Conseils retenus & timides que l'on a publié que ledit sieur de Beliévre & moy, donnions quelquefois à sa Majesté, quand il estoit question de pouruoir au mécontentement qu'elle auoit

desdits Chefs.

PLEVST à Dieu que ceux qui ont meu ou conseillé sa Majesté à faire ce qui s'est executé à Blois contre Messieurs les Cardinal & Duc de Guise, eussent esté aussi timides & apprehensifs, que ie confesse auoir esté toutes & quantessois qu'il a esté parlé d'vser de violence, & appliquer le cautere aux malades de ce Royaume, peut-estre qu'ils eussent fait à sa Majesté vn seruice, duquel auec le temps il eust receu plus de contentement & d'vtilité, qu'il ne fera de ce qui s'est passé.

I L y auoit ce me semble, d'autres moyens pour remedier aux mécontentemens du Roy, & aux choses qui se passoient : ie sçày certainement que le Roy auoit assemblé ses Estats auec dessein tout contraire à celuy qui en est succedé, & qu'il ne cherchoit qu'à bien faire pour nostre Religion, pour se public, & pour suy, qui sont trois choses inseparables: & croy fermement qu'il en sust ainsi auenu s'il eust esté assisté de personnes qui eussent eu son service en plus grande recommandation que

leurs affaires particulieres.

A ce propos, ie diray auoir remarqué aucc plusieurs autres, que iamais on n'a parlé de rechercher & punir les larcins de la Cour, que l'on n'ait aussi-tost suscité quelque trouble nouueau, qui a interrompu & fait cesser les dites recherches: ce ne sont pas aussi ordinairement ceux qui ont la bourse mieux garnie, & qui ont le plus dérobé, & fait leurs affaires (pour vser des termes qui sont en pratique) qui ont eu le moins de pouuoir auprés

des Grands qui ont pû remuer ménage.

Qv 1 forçoit & obligeoit le Roy à se laisser emporter aux poursuittes des Estats, & à leur accorder les choses qu'ils luy demandoient, qu'il estimoit & reconnoissoit luy estre honteuses & preiudiciables. Ie ne puis croire quant à moy que ce fust l'intention du general desdits Estats, d'offencer sa Majesté: le mal & le reproche leur en fust à la fin demeuré, quand ils l'eussent entrepris & executé: Et pour le regard des particuliers,& qu'on a dit qui mouuoient les autres; ie dis qu'à la fin tout fust tourné à leur confusion, & à l'aduantage du Roy & du Royaume : vray est que l'on cust pû donner quelque regle & bride aux furcharges que le peuple portoit & aux de-fordres qui estoient ordinaires au maniement des finances du Royaume, pour contenter & soulager le peuple : Mais qui a plus desiré ce-la, & qui en deuoit aussi plus prositer que le Roy?

FEV M. de Guise estoit-il assez fort dedans Blois que cles deputez desdits Estats? Quand mesmes ils eussent esté tous à sa deuotion, pour forcer la volonté du Roy à leur accorder ce qu'il leur eust voulu resuser: il y parut par ce qui s'en est ensuiuy, le Roy n'auoit à faire autre chose qu'à fortisser son authorité & ses volontez de la raison; en épousant le premier par essect de cœur & d'assection le soulagement du peuple, la resormation des choses qui auoient besoin, & la guerre contre les heretiques; il eust en ce faisant & sans coup ferir renuersé la ligue, & attiré à soy les cœurs des Catholiques; qui en sont à present par trop distraits & éloignez.

Les autheurs & fauteurs d'vn tel conseil, deuoient mieux reconnoistre l'estat du Royaume, & les complexions & humeurs de la Cour qu'ils n'ont fait, leurs passions les ont aueuglez: ceux qui craignoient estre chassez ont mieux aimé conseiller au Roy de manquer à ses promesses que de les abandonner: ils luy ont dit que seu M. de Guise l'eust mis en tutelle, & amené prisonnier à Paris, si on ne l'eustait mourir, & qu'il suy vousoit donner vn conseil, & des seruiteurs à sa poste.

I E n'ay que faire en cela de iustifier l'intention dudit Duc, parce que ien en sus iamais assez informé pour en répondre; mais i'ose dire, que quand il l'eust entrepris il ne l'eust pû faire, & qu'il se fust perdu! l'on dit qu'il s'en fust allé, & cust rompu les Estats, & commencé la guerre. Sur quel sondement l'eust-il fait: le Roy auoit desia accordé, ou estoit resolu, d'accorde tout ce que le n luy demandoit pour le bien general du Royaume; c'étoit est déuoir aussi d'en vser ainsi, mais il ne

vouloit

vouloit changer de seruiteurs à la poste dudit Duc, ny le faire Connestable de France. Eustil pour cela, & sur cela commencé la guerre: C'eust esté bien vn foible fondement & pretexte, il eust esté mal receu d'vn chacun, & eust en ce faisant plus perdu de seruiteurs & de creance en ce Royaume, qu'il n'y en auoit acquis par ce qu'il auoit fait. Il s'est tousiours aussi tres-bien gardé de toucher de son particulier, ny d'auoir aucun autre dessein pour luy en tout ce qu'il a fait; il ne falloit que suiure le mesme chemin, & vser de mesme industrie pour contreminer ses desseins. Les peuples ne l'aimoient que pource qu'ils esperoient par son moyen estre déliurez des heretiques, & foulagez plustost que par celuy du Roy : il ne falloit pour changer les affections du peuple, que faire mieux que luy en l'yn & l'autre, voila comment i eusle voulu faire mourir Monsieur de Guise, c'estoit le moyen de releuer l'authorité du Roy.

Deslors que le Roy permit à Monfieur de Guise de le venir trouuer à Meaux, pour aduiser & resoudre des moyens de resister à l'armée Protestante, qui commançoit à marcher pour entrer en ce Royaume; ie m'apperceustien que l'on auoit fait trouuer mauuais à sa Majesté le conseil que l'on luy auoir donné de voir ledit Duc, & de le reallier à soy, pour mieux s'opposer ausd. Protestans, & que l'on luy auoit imprimé vne telle jalousie dud. Duc, qu'il oublioit quasi la crainte de ladite armée, en quoy sadite Majesté auoit esté nourrie & entretenüe par aucuas, poussez de leur



interest-priué, plûtost que du service du Roy, ce que i'ose dire auoir esté la principale cause de nos maux: car plus le Roy se declaroit jaloux & mal content dudit Duc, plus ledit Duc regardoit à se fortisser, tant pour se faire rechercher & rendre plus necessaire, que pour mieux resister à ses ennemis; ce qu'il ne pouvoit faire qu'en offensant & assoiblissant le Roy, ce qui a engendré à la fin le tonnerre

qui est tombé sur les Catholiques.

L'A derniere chose qu'vn Prince Souuerain doit faire, est de se monstrer mal content
& offensé d'vn sien sujet, au lieu de le chastier,
luy donner plus de moyen & pouuoir de luy
mal faire: car c'est tres-grande folie & impertinence que d'esperer arrester le cours d'vne desoberssance, par gratification, c'est par
la vertu de la Iustice que telles playes doiuent
estre gueries; ce qui a esté trop mal practiqué en ce Royaume depuis 30. ans, de sorte
que petits & grands ont creu que pour auoir
des charges & des recompenses, il se falloit
plûtost faire craindre qu'aimer.

It fait plusieurs autres voyages, affaires, traitez & negotiations de tres-grande importance, que l'estime n'estre de besoinde representer, parce qu'il yiauroit trop de choses à dire, lesquelles il vaut mieux taire à present pour diuers respects; & d'autant plus qu'elles ne seruent à l'essect pour lequel i'ay entrepris d'éctire le present Memoire, comme i'ay déjadit, pour faire paroistre que i'ay seruy sa Majesté tres sidelement en toutes choses, & en la meilleure partie d'icelles assez heureuse-

ment, graces à Dieu, dequoy ie me rapporteray à ceux qui en ont eu la connoissance.

Mais restime estre à propos, voir necessaire pour ma décharge, d'éclaireir mes amis de tout ce qui s'est passé entre Monsieur d'Espernon & moy, parce que l'on m'a dit que son inimitié auoit plus aduancé m'a disgrace que toute autre chose : quoy estant, s'il y auoit eu de ma faute, l'on auroit eu occasion de m'en blasmer.

I e puis prouuer par lettre & témoins, gens de bien qui viuent encore, que feu Monsieur de la Valette son pere, sur ses derniers iours n'auoit personne à la Cour de qui l'amitié luy fust si asseurée & si vraye que la mienne, yant souuent fait mon propre fait de tout e qui le concernoit, tant i honorois sa vetu en toutes choses, & sa fidelité au service u Roy: & de fait quand il mourut, il me commanda ses enfans, & Madame de la alette sa femme, me les adressa lors quelles enuoya à la Cour: ce que ledit sieur uc d'Espernon a dit souvent, & que l'amiqu'il me portoit estoit hereditaire, & prosoit de l'obligation que seu son perem'ait, dont il faisoit telles demonstrations. · souuent à la Cour on aeu jalousie, comme tes choses sont sujettes à y estre interpre-, & prises plûtost en mauuaise qu'en ne part.

ETTE opinion dura, & fut creue d'vin un, & mesmes des plus Grands, iusques mps que ledit Duc s'opposa au mariage heritiere de la maison de Maure auec mon

MEMOLRES fils, auquel le Roy m'auoit seulement permis d'entendre, mais aussi promis auec la Reine sa Mere, de me prester toute faueur & assistance: & de fait leurs Majestez l'embrasserent de leur grace, auec telle affection, que ie croy certainement que ledit mariage eust esté fait sans l'opposition qu'y porta sedit Duc d'Espernon, lequel disoit que le Roy & Madame la Duchesse d'Vsez, parente de ladite fille, luy auoient promis de la donner en mariage au fils de Monsieur de Termes, que nous appellons à present Monsieur de Bellegarde: ce que ledit Duc prit à cœur contre moy, que reconnoissant le Rov en estre en peine, comme certainement il estoit, ie suppliay sa Majesté trouuer bon que i'en quittasse la pour-suitte, comme ie sis à l'heure mesme.

LES vns disoient que ledit Duc auo tentrepris la susdite poursuite: meu veritablement du desir qu'il auoit de marier sond. Cousin à ladite fille, qui devoit vn iour estre heritiere de grands biens; mais les autres eurent aduis incontinent qu'il l'auoit fait plûtost pour m'en priuer, que pour autre chose, par-ce que les principaux parens de ladite sille disoient qu'ils ne permettroient iamais qu'elle fust mariée audit sieur de Termes, aussi le Comte de Torigny fils de Monsieur le Mare [chal de Matigon l'a depuis espousée.

Q v o v que ce soit, depuis ce temps-là ledit Duc connoissant m'auoir fait perdre cette occasion, & croyant que ie susse de ceux qui n'oublient & ne pardonnent volon-tiers vne offense, a rousiours eu dessiance de moy & de tout ce que ie faisois; de saçon qu'il estimoit que ie susse contraire à tous ses desseins, interpretant en ce sens tout ce que ie disois & saisois par le commandement & service du Roy, qu'il ne luy estoit agreable & consorme à ces desirs, au lieu qu'auparauantil souloit prendre le tout autrement.

A quoy aida grandement la bonne volonté que seu Monsieur de Ioyeuse commença à me monstrer & à nion fils aussi, l'honorant de Guidon de sa compagnie de cent hommes d'armes, & le prenant en sa protection : car ces deux Ducs, que le Roy auoit voulu ioindre & allier ensemble de plusieurs sortes de liens, estoit si jaloux I'vn de l'autre, que l'vn haissoit mortellement les seruiteurs de l'autre, & toutefois il estoit comme imposible qu'yn ieune homme fust fortuné à la Cour, s'il ne prenoit le party de l'vn des eux: telle inimitié a duré iusques apres la nort, qui sont iugemens de Dieu, lequel e permet que telles amitiez, basties sur faux ondemens prosperent, quoy que les Roys portent de leur part tout ce qu'ils peuvent.

Q V A N D ledit Duc d'Espernon partit la Cour pour aller prendre possession du nucrnement de Prouence, (que le Roy luy pit donné, apres le trespas de seu Monir le grand Prieur de France, bassard ingloulesme) il voulut m'asseurer de son icié en presence de Monsieur de Bellièvre, Iuy estoit tres-affectionné, & à moy tresfait amy, laquelle asseurance il me cona encores à son logis à Paris, où ie le fus trouuer pour prendre congé de luy.

M A 1 s cela ne dura gueres, car ayant écrit au Roy, qui lors estoit allé aux bains de Pougues, que la surprise que le sieur de la Valette frere dudit Duc auoit faire en ce tempslà, de la Citadelle de Valence, sur le sieur de Gessan, estoit cause de troubler grandement les affaires, & jetter Messieurs les Ducs de Guise & de Mayenne en plus grande deffiance que iamais de l'observation de la paix, que l'on auoit de n'agueres faite auec eux, auec grande peine, & au defaduantage pour sa Majesté. Ledit Duc d'Espernon en fut incontinent adverty; les vns disent que ce sut par le Roy, les autres par autre voye: il m'en sceut tres-mauuais gré, & le coup que i auois frappé en bonne intention, renouvella la playe de son mécontentement en lon endroit; qui n'estoit pas encore bien consolidée.

La surprise de ladire Citadelle de Valence fut suivie quelque temps apres de celle des villes de Dourlans & du Crotoy en Picardie saite par Monsieur le Duc d'Aumale, lesquelles engendrerent tant de dessiance entre mesdits sieurs Duc de Guise & de Mayenne, & ledit Duc d'Espernon & ledit sieur de la Valette, que ç'a esté la pepiniere de tous nos

maux.

A v mesme temps quesques-vns de la ville de Lion, qui estoient bons seruiteurs du Roy, & amis communs de seu Monsieur de Mandelot & de moy, ne desirant pas que le dit sieur de Mandelot mariast sa sille aisnée à Monsieur le Marquis de Villars, sils de Ma-

crainte qu'ils auoient que telle alliance mist le Roy en desiance dudit sieur de Mandelot, & fit entrer ledit sieur de Mandelot en la ligue, mirent en auant celuy de mon fils auec ladite fille: dequoy estant le Roy aduerty, fa Majesté me commanda de le poursuiure, me disant que ie ne luy ferois pas moindre seruice que de luy asseurer ladite ville de Lion auec tout le Gounernement, & la personne dudit sieur de Mandelot, que sa Majesté auroit occasion de tenir comme perduë, si l'autre mariage se faisoit; & sur cela sadite Majesté me promit de faire tomber entre les mains de mondit fils le gouvernement dudit sieur de Mand lot, & de faire tant de bien & aduantage aux parties, que nous aurions occasion de nous en louer, & qu'elle recompenseroit en ce faisant tout d'vn même coup deux familles qui l'auoient tres-bien ferny, & dont il esperoit tirer encores à l'aduenir des seruices tres-notables. Le commandement de sadite Majesté,

sessites promesses, & le desir que i auois de luy faire seruice, & luy conseruer ledit fieur de Mandelot, pour l'honneur & la bonne amitié que ie luy portois, me firent bientost resoudre de rechercher ledit mariage, & le preferer à d'autres qui s'offroient, encore que le sceusse qu'ils estoient plus riches de biens que l'autre, mais non veritablement d'honneur.

CE qui fur incontinent divulgué par tout, B iiii

k sçeu aussi dudit Duc d'Espernon, qui n'aimoit gueres ledit sieur de Mandelot, à cause qu'il auoit aidé aux habitans de ladite ville
à faire sortir de la Citadelle le sieur du Passage, que Monsieur de la Valette y auoit mis,
lequel auoit achepté la Capitainerie d'icelle du sieur de la Mante, en esperance de recouurer quelque iour tout le gouvernement
duquel il auoit obtenu la reserve, laquelle
Citadelle ledit sieur de Mandelot auoit depuis
sait raserpar la permission de sadite Majessé,
dont ledit sieur de la Valette estoit tres-indigné, & par consequent ledit Duc son frere;
iaçoit qu'ils sissent quelquessois demonstration du contraire.

Comme fit encores ledit Duc en cette occasion: car à son retour de Prouence, ayant sçu que le Roy desiroit pour son service que ledit mariage se sist, & pour se faire, asseurer ledit sieur de Mandelot de la suruivance dudit Gouverneur pour son gendre, il remit entre les mains de sa Majesté, tant pour luy que pour son frere la reserve dudit gouvernement, dont sa Majesté luy avoit donné promesse.

I'EN fis vn grand remerciement audit sieur Duc d'Espernon à son arriuée à Paris, qui m'asseura qu'il n'eust quitté la dite reserve, si ce n'eust esté en ma faueur & consideration; de sorte que ie croyois veritablement auoir tres-grande part en sa bonne grace, laquelle ie ménageois & conservois de tout mon pou-

TONTEFOIS, parce que le Roy à son

retour de Prouence, ne luy monstroit ainsi qu'il disoit tant d'amitié & de confiance qu'il vouloit, & aussi que sa Majesté parloit plus souuent à moy que de coustume, il se persuada bien-tost apres que ie luy faisois de mauuais. offices,& que i'estois en partie cause du refroidissemét de sa Majesté en son endroit; de sorte que s'estant rencontré vne sois que ie parlois à sa Majesté de Monsieur l'Archeuesque de Lion, & que ie suppliois de luy faire faire vne lettre, & aduiser de composer le differend qui estoit entre ledit Duc, & luy, pour retenir & conseruer ledit Archeuesque en son seruice, que ie sçauois estre tres-fort ébranlé, à cause de la haine qui estoit entr'eux. Ledir Duc prit occasion de fonder sur ce sujet vne nouvelle querelle & plainte de moy; dont il me tint quelque propos, & pareillement d'vne certaine ouverture faite au Conseil par le feu President Nicolai, touchant le party du sel, qu'il disoit que i'embrassois & poursuiuois à son prejudice à cause des assignations qu'il auoit sur ledit sel, dont ie n'auois parlé aucunement, & estois du tout innocent : ie m'apperceus assez-tost que son mal procedoit d'ailleurs que de moy, & qu'il ne s'attachoit à moy que pour battre & gourmander le chien devant le lion, dont i aduertis fa Majesté, asin qu'il luy plût y pouruoir. S v R cela s'offrit le voyage de Meaux,

S v R cela s'offrit le voyage de Meaux, duquel i'ay cy-deuant parlé, qui seruit grandement à bien remettre ledit. Duc auec sa Majesté, au desaduantage de ceux qui desiroient rabattre & faire cesser les dessiances &

mécontentemens qu'elle auoit dudit Duc de Guise, pour les raisons susdites; dequoy la Reine Mere du Roy ne fut mesme exempte non pars que les autres: toutefois ces choses ne refroidissoient les gens de bien de leur deuoir, ny de procurer ce qu'ils estimoient estre vtile au Roy & au Royaume: & comme la nouvelle arriua que les troupes du Duc de Guise auoient ja commencé à combattre auec celles de ladite armée Protestante, où ils auoient gaigné vne cornette du Colonel Bouc, Monsieur le Duc de Neuers témoignera l'office que ie sis en cét endroit auec Juy, pour auancer le partement de Paris de sa Majesté, & son acheminement en son armée; meu principalement du zele que ie portois au Roy, & soin que l'auois de sa repitation & de son contentement, qui m'a tousiours esté plus cher quand i'ay esté aupres de luy, que la consernation de ma propre vie.

LE Roy s'achemina bien-tost apres en fon armée, où ie sus commandé de le suiure, estant à saint Aignan, ledit Duc d'Espernon s'attaque à moy, en la presence & dans le Cabinet de sa Majesté, sur vn rapport que ie faisois d'vn aduis de Messieurs du Conseil que l'on auoit laissé à Paris, touchant certains deniers qui y restoient à receuoir de la vente du domaine du douaire de la
feu Reine d'Escosse au pars de Poictou, que
lo n conseilloit à sadite Majesté de bailler au
grand Preuost, pour luy donner moyen de
partir de Paris, & d'acheminer en l'armée
ses Archers, dont l'on auoit grand besoin,

disant ledit Duc que les deniers auoient esté donnez à son frere pour les frais de l'armée qui estoit en Dauphiné sous sa conduite, & partant que l'on ne pouuoit plus les destiner ailleurs sans luy faire tort:comme il sembloit que l'on prenoit plaisir de faire, & de luy retrancher & oster tous moyens de seruir : à quoy ie ne fis aucune response, parce que ce propos, ce me sembloit, ne s'addressoit à moy, d'autant que c'estoit chose qui n'auoit passé par mes mains; mais sa Majesté & luy en entrerent en grande contestation, dont la colere tomba apres sur moy; car ledit Duc me dit, que i'auois esté seul cause de ce que l'on auoit ainsi traitté son frere; pour fauoriser Monsieur le Mareschal de Ioyeuse; dequoy m'estant voulu excuser, il me dit que ie taillois & rongnois des affaires de sa Majesté à ma discretion, & sans charge ny commandement de sadite Majesté; & luy ayant respondu que c'estoit chose que ie n'auois iamais faite, meline la pressant d'en cotter quelqu'vne, & que i'estois prest d'en respondre, il s'echauffa tellement qu'il m'iniuria & menaça en la presence de sa Majesté, lequel se leuant de sa chaire où il estoit assis, & moy appuyé derriere luy, me commanda de me taire: ce qui fut cause que ie me departis de cette façon de la presence de sadite Majesté, & l'on m'a dit depuis que ie courus dessors sortune d'estre renuoyé en ma maison, auec lesdites iniures & menaces: toutefois sadite Majesté fit toute autre contenance: car l'ayant suppliée le lendemain de me faire iustice de B vi

ladite iniure, ou me permettre de me retirer en ma maison, parce que ie ne deuois ny ne pouvois la servir estant iniurié; elle me refusa mondit congé, & se contenta de m'exhorter à la patience, & à l'exemple de ceux que ledit Duc avoit avoit bassoüez, qui fai-soient profession des armes, & estoient encores plus qualifiez que moy: & faut que i'advoite que ie n'eusse iamais crû que le Roy eust permis, que ledit Duc ny autre plus grand que luy, eust en sa presence, & pour occasion si frivolle, traitté de cette saçon vn sien servir & Ossicier auquel elle monstroit tant de bonne volonté & siance, comme étoit

celle que i'en receuois.

I E portay ce déplaisir insques à ce que la nouvelle arriva de la mort de Monsieur le Duc de Ioyeuse, que sa Majesté voulut deux iours apres que ledit Duc en sa presence me tinst, comme il sit, vn tres-honneste langage, sur ce qui s'estoit passé audit saint Aignan : de façon que i'cus certainement toute occasion d'en demeurer tres-satisfait, depuis se representant celle de la poursuitte de l'armée Protestante, qui se retiroit apres la desfaite d'Auneau, ie priay sa Majesté de trouuer bon que la compagnie de mon fils, qui n'estoit des moindres de l'armée, suiuist ledit Duc d'Espernon, comme elle sit, sans l'abandonner iusques à la composition qu'il fit auec les Chefs d'icelle, dont il enuoya la nouuelle à sadite Majesté par mon fils, qui la porta apres par le commandement de la-dite Majesté, à la Reine sa mere.

Mais ie ne veux oublier à dire, que quand l'on sçeut la dispute que ledit Duc auoit eue aucc moy, tant de gens s'offrirent à m'assisser, que ie reconnus que l'inimitié qu'on portoit audit Duc, estoit encores plus grandes que ie n'auois crû, & qu'elle seroit enfin cause d'vn tres-grand malheur : ce qui me m'eut depuis de le solliciter, & admonester assez souvent de composer tous les differens qu'il auoit auec Messieurs de Guise, & d'en poursuiure & parler à sa Majesté, sur laquelle ie preuoyois que le contrecoup & principal dommage en tomberoit à la fin: & certainement ledit sieur de Belliévre y faisoit de son costé vn tres-grand deuoir, comme il est tres-sage personnage, clair-voyant, & aimans grandement le seruice du Roy, comme il faisoit aussi particulierement le bien dudit Duc; mais plus nous remuyons ce propos & affectionnions ce Conseil, plus ledit Duc se deffioit de nous, & mettoir le. Roy en soupçon de nous; dont ie m'apperceuois tous les iours dauantage; & faut que ie die, que la connoissance que i'en auois, sit. grand tort aux affaires du Roy, lors qu'il se resolut de faire entrer les Suisses dedans Paris, car ie n'en osay parler qu'à demy : & à dire vray, le regret m'en demeura eternellement en l'ame, n'ayant rien fait ny veu faire durant que ie seruis le Roy, dont graces à Dieu, ma conscience demeure chargée, que

SvR cela ledit Duc d'Espernon s'achemina en Normandie pour prendre possession du

de ce seul fait.

gouvernement dudit païs, & de l'Admirauté de France, dont le Roy l'auoit pourneu apres la mort dudit Duc de Ioyeuse; ce qui augmenta l'enuie & la haine que l'on luy portoit.

C E s grandes deffiances & inimitiez croiffant à toute heure, firent venir à la fin ledit Duc de Guise a Paris, contre l'attente & volonté de sa Majesté: ce qui fut cause qu'elle sit entrer apres lesdits Suisses dans la ville, & les compagnies du Regiment de sa Garde qui estoient logez aux faux-bourgs, dont s'ensuiuit la iournée des Barricades, & le partement du Roy de ladite ville, qui se retira en celle de Chartres.

C E s choses affligerent grandemene les bons seruiteurs de sa Majesté, tant pour le déplaisir & la honte qu'elle y auoit receue, que pour la connoissance qu'ils auoient des miseres qui en naistroient; dequoy se donnerent peu de peine, ceux qui craignoient plus la guerre en la paix, que la ruine du Royaume.

C'a esté vn coup procedant du iugement de Dicu sur nous, car chacun preuoyoit & pre-disoit qu'il arriveroit quelque violence des-dités dessiances & inimitiez, qui mettroient le Roy en peine tres-grande, & ses affaires en pareille confusion; luy-mesme le disoit, & en receuoit tous les iours des aduis. Da-uantage, il faisoit demonstration d'y vouloir pouruoir; neantmoins comme il estoit con-seillé des vns pour ce faire par la douceur, & des autres par la rigueur, il s'y trouuoit tres-

empesché; toutesfois il inclinoit plus à suiure le dernier chemin que l'autre, pource qu'il estoit plus agreable à ceux qui auoient plus de credit aupres de luy: aussi qu'ils luy faisoient tres-facile, & qu'il luy sembloit que le malheur de ses affaires estoit d'auoir esté trop indulgent auparauant en semblables occasions : ce fut aussi celuy qu'il choisit, sans découurir rien à la Reine sa mere, parce qu'elle auoit iusques à l'arriuée dudit sieur Duc de Guise, grandement contredit aux aduis que l'on en auoit donnez, & particulierement des remuémens qui se preparoient en ladite ville, lesquels pour mon regard ie scauois & reconnoissois estre tres - veritable: Mais certainement l'apprehendois fort le danger qu'il y auoit d'y remedier par la force, estant les choses si preparées & aduancées qu'elles estoient à vne soûleuation; mais la facilité de l'executer que l'on en promit au Roy l'y embarqua: toutefois il me fit cét honneur que de me dire le marin, que lesdites forces entrant en la ville, qu'il eust desiré:les ordonner, ayant la nuit consideré & apprehendé le mal qu'il en pouvoit arriver. Dauantage ie suis obligé de dire que ie ne connus point que sa Majesté cust lors volonté d'attenter contre la personne de Monsieur de Guise, ny de faire apprehender ny punir par iustice aucuns de la ville, comme l'on a publié, ains seulement de faire vuider plufieurs Gentils-hommes, & autres gens d'effet que l'on y auoit fait couler deuant & de-puis l'arriuee dudit Duc de Guise, pour

rompre le coup d'vne soûleuation du peuple, dont il estoit menacé. A quoy i'adjousteray que la resolution que sa Majesté prist de sortir de la ville vint d'elle - mesme, iugeant qu'en conseruant sa personne, elle pourroit apres recouurer ce qu'elle delaissoit.

CERTAINEMENT i'entrepris des premiers de remonstrer à sa Majesté les maux & accidens que cette guerre engendreroit, & de luy donner conseil de penser à y remedier plustost par la douceur que par la force, luy cottant par le menu les raisons qui fortifioient telle opinion que sa Majesté sçauoit & entendoit encores mieux que nul autre de ses seruiteurs : pour cette cause elle eust bien desiré que ledit Duc d'Espernon ne la fust venu trouuer à Chartres, comme il fit : car d'ailleurs il estoit si mal voulu à la Cour, que les principaux d'icelle protestoient de s'en aller s'il y demeuroit, ne pouuant copatir auec luy: ce qui fut cause que sa Majesté ne cessa qu'elle ne l'eust enuoyé, & pour ce faire luy accorda tout ce qu'il luy demanda : Mais auant que de partir il dissuada sa Majesté tant qu'il peut de la paix, blasinant ceux qui la luy conseilloient, sur tous autres il monstroit m'en sçauoir tres-mauuais gré:toutefois,partant il me voulut asseurer de son amitié, sur vn propos que i'auois tenu à son Secretaire.

B I E N-tost apres ledit partement, sa Majesté me voulut depécher à Paris, pour donner commencement à la negotiation d'vne paix, dequoy ie la suppliay de m'excuser, pour la jalousie que led sieur d'Espernon auoit conceile contre moy, qu'il se prendroit à moy de tout ce qui seroit dit & conclud à son desaduantage; chose que sa Majesté print en bonne part, de maniere qu'elle y depécha M. Miron son premier Medecin: lequel n'ayant rapporté de deux ou trois voyages qu'il y auoit faits que des paroles generales qui tenoient sa Majesté en grand suspens & incertitude entre la guerre & la paix, dont elle estoit en tresgrande peine; elle m'enuoya querir le iour de la Pentecoste estant à Vernon, & m'ayant dit en la presence dudit sieur Miron, que ie trouuay seul auec elle, l'ennuy & fascherie qu'elle auoit de ces longueurs, & mesmes le prejudice que ses affaires en receuroient, & le desir extréme qu'elle auoit d'estre esclaircie de ce qu'elle se devoit promettre de ladite paix, pour mieux se resoudre de ce qu'elle auoit affaire: Sa Majesté me comanda d'entreprendre le voyage de Paris, où l'on disoit que i'estois desiré, pour aider à jetter les premiers sondemens de ladite paix : ie m'offris & resolus volontiers à ce faire; meu veritablement d'vn tres bon zele au seruice de Dieu, & celuy du-Roy, & au bien public du Royaume, & d'vn tres-grand desir de tirer sa Majesté des incertitudes esquelles elle demeuroit, que ie reconnoissois luy estre tres-dommageables, & refroidir grandement l'affection de ses bons sujets.

I e sus donc depéché à l'heure mesme, & sur le champ deuant que de sortir du lieu où nous estions, & escriuions sous sa Majesté ma premiere instruction, laquelle sur dressée sur les

aduis que luy donnoit ledit sieur Miron, qui auoit reconnu & appris aux voyages qu'il auoit déja faits, quel emplastre il falloit appliquer aux playes que l'on vouloit guerir; pour cette cause, ie suppliay sadite Majesté de renuoyer auec moy led. sieur Miron, ce qu'elle sit.

ET d'autant que ce dont i'ay esté le plus blasmé de toute cette negociation, a esté du pouvoir que le Roy avoit accordé audit sieur Duc de Guise, parce que personne n'en eust eu connoissance ny communication qu'apres la conclusion de ladite paix; ie defire qu'vn chacun soit bien éclairey de la verité de ce fait; pour cette cause il est besoin que ie die, que par ladite premiere instruction que le Roy me fit écrire sous luy, en la presence & par l'aduis dudit Miron, sa Majesté me commanda entr'autre chose, de proposer audit sieur Duc de Guise, la Lieutenance generale de son Royaume, comme ie puis monstrer par écrit, certifié & signé de la propre main de sa Majesté; ledit Miron luy ayant dit, que si elle ne luy donnoit ce pouvoir, l'on ne feroit iamais la paix : & fus depesché auec cela, & plusieurs autres commandemens, que ie me resolus de ménager & faire valoir à l'aduantage du Roy & de son contentement, auec toute industrie, solicitude & fidelité.

Sr i'eusse eu telle intelligence auec ledit Duc de Guise, & si grand desir de l'authoriser aux despens du Roy, ou eusse esté son pensionnaire, comme l'on a dit du depuis, sous correction tres-faussement, ie pouuois facilement luy donner aduis du commandement & du pouuoir que sa Majesté m'auoit donné, afin de luy faire demander & poursuiure la dite Lieutenance generale, que le sçauois que l'on luy eust en ce cas tres-volontiers accordée.

Mais tant s'en faut que telle trahison soit entrée en mon esprit, que ie me resolus de dire à Monsieur le Cardinal de Bourbon, & audit sieur de Guise & autres qui l'assistoient, que le Roy m'auoit depesché sans charge & pouuoir quelconque, ains seulement pour sçauoir & luy rapporter s'ils auoient enuie de la paix, ou non, afin qu'on ne s'y attendist plus, s'ils estoient resolus à la guerre, sinon, & qu'ils desirassent ladite paix, comme ils disoient, que sa Majesté sceust ce qu'ils demandoient pour cet effet, & pour ce en falloit sortir, afin de la conclure au plûtost pour soulager le peuple, & ne consommer inutilement les moyens & le temps que l'on auoit de faire la guerre aux Heretiques, à laquelle sa Majesté estoit plus disposée & resoluë que iamais, laquelle se plaignoit & mécontentoit grandement qu'en deux ou trois voyages qu'auoit fait vers eux ledit sieur Miron, il n'en n'auoit rapporté que des paroles generales & ambigues, sur lesquelles on ne pouuoit asseoir aucun fondement.

Ledit fieur Miron qui arriua à Paris deuant moy, sçait & pourra témoigner que ce fut la resolution que ie luy dis, que i'auois prise sur ma depesche, le priant de trouuer bon que ie la suiuisse, asin de ne rien precipiter, & faire parler les premiers ceux ausquels nous auons affaire.

CE qu'ayant fait entendre à la Reine Mere du Roy, à laquelle estoit ma principale adresse suivant le commandement de sadite Majesté, apres luy auoir à elle seule leu mon instruction, elle loua grandement ma deliberation, & principalement pour ce qui concernoit ladite Lieutenance generale, me difant qu'elle auoit découuert & appris (& pense qu'elle me dit que ç'auoit esté du sieur de Schomberg, ou par son moyen que ledit Duc de Guise se contenteroit) que le Roy luy donnast vn pouuoir general sur les armées en ce Royaume, conjoint & vny auec son estat de Grand Maistre de France, en sa personne seulement, & qu'elle auoit déja aductty sa Majesté par vne lettre qu'elle luy auoit enuoyée par la Roche Gentil-homme seruant de ladite Dame, lequel elle me demanda si ie l'auois rencontré par les chemins, & luy ayant dit que non, pource que ie n'estois pac venu le chemin des postes, elle me sit paroistre qu'elle desiroit grandement receuoir au plutost la response & volonté de sadite Majesté sur ladite lettre.

DEQUOY nous ne tardismes gueres à receuoir des nouuelles, car si-tost que le Roy eut veu l'aduis que ladite Dame luy donnoit, il m'écriuit que ie n'eusse à proposer ladite Lieutenance generale, mais m'informer bien particulierement de ce que ladite Dame auoit appris, que ledit Duc de Guise destroit que l'on luy accordast, asin de l'en esclaireir dauantage, me recommandant au reste l'aduancement de la negociation qu'il m'auoit commise. VOILA comment il me prit bien d'auoir teu le commandement qui m'auoit esté fait touchant ladite Lieutenance generale. Et comme ie ne fus iamais autheur ny inuenteur du pouuoir qui fut depuis donné audit Duc, lequel fut dressé, comme ie feray entendre

cy-apres.

La feuë Reine Mere du Roy, & ceux qui estoient auec elle, firent tant que ces Princes commencerent à se laisser entendre de ce qu'ils desiroient, & en baillerent quelque chose par écrit; que i'eus charge de remporter à sadite Majesté, ce qui fut assez debattu par ladite Dame deuant que de l'accepter, afin d'en faire rabattre tousiours & moderer quelque chose; mais ce fut tousiours sans leur rien promettre de la part de sadite Majesté, qu'vne tres-bonne volonté à la paix; d'autant que ladite Dame fut conseillée de faire voir au Roy Ieurs demandes deuant que de l'engager aucunement, afin qu'en son conseil sa Majesté considerast & resolust bien ce que son seruice requeroit qu'il en fust fait.

I'A y esté particulierement accusé de n'auoir conduit la pratique de la ville d'Orleans auec les sieurs d'Antragues & de Dunes, si chaudement & sidelement que ie deuois, dequoy ie rendray compte aussi par ce present

Memoire.

E r pour commencer, il faut sçauoir que le sieur de Chemerault, qui a tousiours esté tres-bon seruiteur du Roy, & honme de bien, me dit vn iour estant encore à Paris, quelque semaine deuant que Monsieur de Guise y arg

riuast, qu'il estimoit qu'il y auoit moyen de gaigner le sieur d'Antragues & de Dunes, & les rendre aussi affectionnez au Roy & à son seruice, que nul autre de ses subjets; ils étoient bien recherchez, & principalement ledit sieur de Dunes, qui pouuoit beaucoup enuers son frere: & parce qu'il sçauoir que l'vn & l'autre auoient grande fiance en moy, qui leur auois aussi fait en toutes occasions, office de vraye amitié, il estoit d'aduis que ie visse ledit sieur de Dunes, & que ie parlasse à luy, se promettant que i'y gaignerois quelque chose pour le service du Roy; ie m'offris soudain à ce faire, & resolusmes que ce seroit à Conflans où il ameneroit ledit sieur de Dunes, comme il fit deux ou trois iours apres. Là ie luy fis ouuerture de se rallier du tout auec sa Majesté, & y attirer son frere auec la ville d'Orleans, surquoy nous eusmes plusieurs propos qui conclurent enfin à faire que l'on rendist son frere content de deux choses, estimant, voire asseurant qu'en ce faisant, le Roy se l'acquerroit tellement qu'il en pourroit du tout disposer, & de tout ce qui dependoit de luy : l'vn estoit de faire que l'on fist raison du langage que M. d'Espernon auoit tenu à son fils à Neuers apres la déroute de l'armée Protestante; & l'autre, que sa Majesté luy donnast en chef le Gouuernement d'Orleans, afin qu'il ne fust à l'aduenir subjet à M. le Chancelier, auec lequel il disoit ne pouuoir plus compâtir.

I E luy promis de faire entendre au Roy sa bonne volonté, en laquelle ie le confortay

tant qu'il me fut possible, & de luy en faire réponse bien-tost par la voye dudit sieur de Chemerault. Quand ie parlay à sadite Majesté, elle me dit que ledit sieur de Dunes luy auoit desia fait tenir semblables propos par le sieur de Longnac, & me commanda de luy faire sçauoir qu'elle auoit pris en tres-bonne part tout ce que ie luy auois dit, & qu'elle aduiseroit aux moyens de pouruoir aux deux points desquels il m'auoit parlé, que sadite Majesté trouuoit assez difficiles à accorder, pource que l'on auroit affaire audit Duc d'Espernon, & pour l'interest aussi de mondit sieur le Chancelier. Toutesfois i'eus charge de luy en donner bonne esperance, comme ie sis par ledit sieur de Chemerault, dequoy l'on me dit que ledit sieur de Dunes aduertiroit son aisné.

Syr ces entrefaites suruint la journée des Barricades, qui nous sit partir de Paris & nous retirer à Chartres, où bien-tost apres que nous susmes arrivez, je ramenteus au Roy cette pratique, & je sollicitate d'écrire vne lettre de sa main pour cét effet audit sieur d'Antragues, considerant que si nous pouvions recouvrer ladite ville d'Orleans par son moyen en la necessité où nous étions, (car nous n'estions encore asseurez de la ville de Roijen) ce seroit vne retraite tres-aduantageuse & propre pour sa Majesté.

Ayant retiré ladite lettre, je l'enuoyay

A Y A N T retiré ladite lettre, ie l'enuoyay à vn de mes gens qui estoit à Orleans sous la couuerture d'autres affaires, pour la presenter audit sieur d'Antragues, auec yne autre que ie luy écriuis à mesme fin, & suy fis donner esperance de le contenter sur les deux points susdits, s'il vouloit se resoudre de prendre le party de sa Majesté, & la loger & receuoir dans ladite ville d'Orleans.

Av mesme temps vn autre qui ne scauoit rien de cette pratique, proposa à sa Majesté d'enuoyer deuers ledit sieur d'Antragues Desbarreaux habitant, & Thresorier de France en ladite Ville pour le pratiquer, par le moyen de sa femme, enucrs laquelle il estimoit pouvoir beaucoup pour vn tel effet. Et veritablement ladite Dame s'estoit toûjours monstrée tres-affectionnée au party de fa Majesté & à son seruice, & d'auoir grand regret de ce que son mary s'en estoit separé, Ledit Desbarreaux eut charge de luy offrir vne notable somme d'argent sans luy parler toutefois de la Charge de mondit sieur le Chancelier, auquel cette depesche fut communiquée, comme elle fut à moy, qui dis au sieur Desbarreaux que ie craignois que son voyage ne mist les habitans dudit Orleans en destiance dudit sieur d'Antragues, parce que sa personne leur estoit tres-suspecte, suy remonstrant que cela aduenant, il osteroit le moyen audit sieur d'Antragues de traitter; ce qui ne le pût retenir d'aller, parce qu'il se promettoit de couler dans ladite ville, & conferer auec le sieur d'Antragues par le moyen de sadite semme, sans estre découuert, & en tout cas quand il le seroit, que personne ne découuriroit, ny ne scauroit l'occasion de sa venue.

SOYDAIN

49

SOVDAIN que ledit Desbarreaux eut veu ledit sieur d'Antragues, il m'enuoya par l'vn des siens vne lettre, laquelle il me prioit de rendre au porteur d'icelle, apres l'auoir leuë, comme ie sis; par laquelle il se plaignoit estrangement du voyage dudit Desbarreaux, lequel il disoit auoir esté suscité par ses ennemis expressément, pour luy faire perdre le credit en ladite ville, & le desespoir en quoy le confirmoient les propos qu'il luy auoir tenus, parce qu'il ne luy avoit parle que d'argent, au sieu du Gouvernement duquel ie luy auois déja donné esperance, & sans l'asseurance duquel is ne vouloit ny pouuoit entendre à aucun accord: au demeurant qu'il auoit aduisé pour leuer de luy toutes sortes d'ombrages aux habitans de ladite ville, de leur permettre de changer les Magistrats d'icelle à l'exemple de ceux de Paris, esperant qu'il y en logeroit qui seroient du tout à sa deuotion, & par le moyen desquels il pourroit tousiours mieux disposer de ladite ville.

AYANT receu ladite lettre, i'en aduertis incontinent fadite Majesté, qui se repentit d'auoir enuoyé ledit Desbarreaux, & me commanda d'écrire audit sieur d'Antragues qu'il ne s'arretast à luy, mais qu'il aduisast par quel moyen l'on pourroit bien-tost conclure ce marché au contentement de sa Majesté, & au sien, & de luy renouueller l'espe-

rance dudit Gouvernement.

OVTRE cette réponse que le luy sis par l'homme qu'il m'auoit enuoyé; le sis que le

DEQUOY il fit tres-bon deuoir, nous mandant qu'il auoit trouué ledit sieur d'Antragues en tres-bonne di sposition; mais que pour bien faire & ne donner ialousie aux habitans dudit Orleans, ausquels le voyage dudit Desbarreaux auoit apporté déja vn grand ombrage, falloit aussi adresser cette negociation au sieur de Dunes qui estoit à Paris, lequel auoit tout pouvoir envers son aisné.

LE mesme aduis & conseil nous fut donné par le sieur de Schomberg, & par le sieur de Chemerault qui estoient bons amis dudit sieur de Dunes, & ausquels il auoit découuert la volonté qu'il auoit de traitter; ce qui fut cause que ie suppliay sa Majesté d'enuoyer à Paris ledit sieur de Schomberg, sous couleur d'aller assister la Reine sa Mere, mais expressement pour parler audit sieur de Dunes: ce que sa Majesté trouua bon, & pareillement pour aduancer l'affaire, & pour conuertir ledit sieur de Dunes à ce faire, & sans perdre temps de luy bailler une promesse

50

par écrit qu'il emporta, signée de la main de sa Majesté, & contresignée de la mienne, de pouruoir ledit sieur d'Antragues en chef dudit Gouuernement, & ledit de Dunes de la Lieutenance, & pareillement d'vne compagnie de cinquante hommes d'armes; en s'obligeans par promesses signées de leurs mains, & cachetées du seel de leurs armes, de se departir de toutes ligues, associations & pratiques qui seroient desagreables à sadite Majesté, & la seruir à l'aduenir de leurs personnes, & pareillement de ladite ville d'Orleans, & de toutes celles dudit Gouuernement, enuers & contre tous, sans nuls excepter ny reseruer.

LEDIT sieur de Schomberg s'en estant allé auec cette promesse, ie sus d'aduis encore de le faire suiure par ledit sieur de Chemerault, qui auoit tres-grande enuie que ce marché reussist selon l'intention de sa Majesté, pour le bien & aduantage qu'il reconnoissoit qu'elle en retireroit, asin d'y eschausser tousiours dauantage ledit sieur de

Dunes.

LEQUEL fit réponse audit fieur de Schomberg, ainsi qu'il nous manda apres auoir veu par écrit l'intention de sadite Majesté, qu'il estoit besoin qu'il en aduertist son aisné de-

uant que de faire autre chose.

S v R ces entrefaites, sa Majesté s'achemina à Mante & à Vernon, & aduint que le iour mesme que ie partis dudit Vernon, pour m'acheminer à Paris, pour la negociation de ladite paix, estant ja à cheual, Monsieur 52

Bruslart m'enuoya par vn des siens vn pacquet dudit sieur de Schomberg, dedans lequel estoit la réponse que ledit sieur de Dunes luy auoit faite de la part de sondit frere,

qui contenoit ce qui s'ensuit.

PREMIEREMENT, vn remerciement de la faueur que sa Majesté leur voulut faire, d'accorder en chef audit sieur d'Antragues le Gouvernement du Duché d'Orleans, auec mesme puissance & authorité que sa Majesté l'auoit accordée à M. le Chancelier, sans aucune moderation ou restrinction.

ASSEVRANT sadite Majesté qu'en reconnoissance de ce bien, il estoit prest & resolu de la receuoir toutes & quantessois qu'il luy plairoit en ladite ville d'Orleans, & luy rendre toute honneur, seruice & oberssance qu'vn tres-humble subjet doit à son Prince.

ITEM, de luy donner asseurance par vn solemnel serment qu'il feroit entre les mains de sa Majesté, de se departir dés à present comme pour l'aduenir, de toutes ligues, pratiques, associations, obligations & intelligences qui luy seroient desagreables, ausquelles il renonçoit, tres-resolu de n'auoir iamais autre volonté, passion ou affection que ce qui concernoit le bien de son service, & l'accroissement & conservation de son authorité, offrant de faire ses Pasques, & rece-uoir le saint Sacrement, pour plus grande asseurance de ce que dessus.

M a r s qu'il supplioit sa Majesté de se contenter dudit serment & de sa parole, sans defrer ladite promesse par égrit, que sadite Majesté luy auoit fait demander, parce que semblable obligation écrite ne pouvoit apporter plus de seureté que la parole & soy d'vn homme d'honneur, & aussi qu'elle presup-

posoit quelque deffiance.

I L supplia aussi sa Majesté, à cause de la peur & du soupçon que quelques-vns des habitans de ladite ville auoient de sadite Majesté, d'auoir agreable & trouuer bon que lors qu'elle entreroit en ladite ville, il suy pleust se contenter d'y entrer auec sa Cour & Noblesse, sans autre force ou gens de guerre: protestant qu'il ne suy faisoit telle requeste pour suy prescrire son train; mais pour chasser par le témoignage de sa bonne volonté & consiance des cœurs desdits habitans, la crainte & la peur qu'on seur auroit imprimée de l'indignation de sa Majesté.

AYANT leu ladite réponse estant à cheual, ie me resolus de n'arrester pour le faire entendre à sa Majesté, pource que le sçauois qu'elle trouueroit mauuaises ces deux restrinctions proposées par icelle; l'yne touchant cette promesse que sa Majesté avoit demandée, & l'autre de son entrée en ladite ville d'Orleans, seulement auec sa Cour & Noblesse, pour la dessiance que sa Majesté auoit dudit sieur d'Antragues, à cause des choses passées; joint que l'auois pris congé de sa Majesté, laquelle m'auoit commandé de monter à cheual, & partir sans voir personne : ie me resolus de porter à Paris cette réponse pour en conferer moy-mesme auec le heur de Dunes, & voir si je pourrois faire

MEMOIRES

changer lesdites restrinctions.

Svivant quoy, ie ne faillis à voir ledit fieur de Dunes sur ce suiet, duquel i'appris encore vne autre difficulté que le n'auois comprise par ladite réponse, qui estoit, que sondit frere entendoit estre pourueu non seulement dudit Gouvernement en chef du Duché. d'Orleans, comme il sembloit qu'il ne pretendist autre chose par ladite réponse, mais aussi du païs Chartrain, de Blois, Amboise & Loudunois, tout ainsi & en la forme que mondit sieur le Chancelier estoit pourueu dudit Gounernement; dequoy ie fus fort estonné & marry, parce qu'il n'auoit iamais fait autre instance que d'estre deschargée de l'authorité & puissance que mondit sieur le Chancelier auoit sur eux, & que lesdits païs. Chartrain, Blaisois & Loudunois estoient separez du Duché d'Orleans; ie luy parlay aussi des deux autres points, mais ie ne peus rien conclure auec luy, me disant que son aisné auoit tousiours crû que les choses passeroient comme il les expliquoit, & qu'il ne bailleroit pas volontiers ladite promesse par écrit, n'y d'introduire le Roy dedans ladite ville pour la premiere fois, auec sa garde de gens de pied; mais qu'il feroit que sondit frere se trouueroit à Paris quand ie reuiendrois, auec lequel ie pourrois resoudre, & que de son costé il faciliteroit les choses. Voila donc à mon grand regret tout ce que de pûs faire auec ledit sieur de Dunes en ce premier voyage, pour le regard de ladite ville d'Orleans.

EsTANT retourné vers le Roy, que ie trouvay en la ville de Rouen; ie suppliay sa Majesté auoir agreable que ie luy rendisse conte de tout ce que l'auois sait, negocié & rapporté en la presence de tous ceux de son Conseil, tout ainsi que ce qui estoit passé à Paris auoit esté traitté en la presence de la Reine sa mere, de la Reine, & de tous ceux qui estoient aupres de leurs Majestez, pour l'importance de la matiere & pour ma descharge: ce que sa Majesté m'accorda.

DE sorte que ie sis rapport à sadite Majesté en plein Conseil de tout ce qui s'estoit
traitté, leur representant par écrit les demandes desdits Princes & de leurs adherans,
ensemble ce que nous leur auions répondu &
remonstré sur icelles en les receuant : sa Majesté sit écrire son intention sur chacun article d'icelles audit Conseil par Monsieur Brûlart; ce qui me seruit d'instruction au second
voyage qu'elle me commanda de faire pour

poursuiure ladite negociation.

SEVLEMENT ie rendis compte à part à sadite Majesté, de ce que i'auois appris du pouuoir que la Reine sa mere luy auoit écrit, que l'on demandoit qu'elle donnast à Monsieur de Guise sur les armées de ce Royaume, conioint à son estat de grand Maistre, que l'on presupposoit deuoir estre accordée auec les mesmes sonctions & authoritez d'va Lieutenant general, ou Connestable de France, desquelles charges sadite Majesté me commanda de luy representer les prouisions & pouuoirs ordinaires pour en mieux jugez.

16

& ordonner, afin de n'en faire legerement: & parce qu'au moyen de nostre délogement de Paris en haste, ie ne m'estois chargé de mes Registres ordinaires, où estoient lesdits pouvoirs; sa Maiesté me commanda de les luy apporter quand ie reuiendrois, & cependant dire à la Reine sa mere, pour aduancer toufiours cette negociation, de laquelle Pon disoit sous main, que l'on ne tireroit iamais le bon mot de Monsieur de Guise, qu'il ne fçeuft ce que le Roy luy resoudroit de faire pour son particulier, que sa Maiesté estoit fort contente de faire depescher audit Duc de Guise vne declaration, portant pouuoir affecté à sa personne de commander comme grand Maistre sur les Armées, dont on ennoyeroit puis apres la forme, sans s'expliquer dauantage: voila ce qui me fut baillé & ordonné par sa Maiesté pour instruction particuliere & secrette sur ce fait, dont ie rendis conte à ladite Dame Reine mere du Roy à mon arriuée à Paris.

Le Roy ayant aussi entendu à part par moy les disticultez que m'auoit faites ledit sieur de Dunes, au moyen de son frere pour le fait d'Orleans, les trouua mauuaises & mal sondées, & toutesois me permit pour les surmonter de leur offrir & accorder de sa part & en pur don vingt mil escus, outre & par dessus ce qu'il leur auoit desia fait offrir.

En ce deuxième voyage ie suiuis le mesme ordre que i'auois tenu au premier, toutes choses surent traictées & debattues en plein Conseil & par écrit, pour le regard du general, dont les particularitez seroient trop longues à representer: mesme ie suppliay la Reine mere du Roy d'y appeller Messieurs les Presidens de la Cour qui s'y trouuerent vne sois; mais ceux ausquels nous auions à faire le trouuerent mauuais, de sorte que ladite Reine mere sut conseillée de ne les y appeller plus.

LADITE Dame fut d'aduis de n'engager point le Roy de promesse pour le regard dudit pouvoir de Monsseur de Guise; mais seulement luy dire, que le Roy l'approcheroit de sa personne, & se seruiroit de luy dignement, la paix estant faite, ce qui sut suivy.

LEDIT sieur d'Antragues se trouua à Paris, où il se comportoit de telle façon auec Monsieur le Duc de Guise, que luy & les siens en auoient tres-grande desfiance: ie parlay à luy pour luy faire entendre l'intention & les raisons du Roy, sur les demandes & difficultez qu'il auoit faites; dauantage, ie luy fis offre pour luy & sondit frere deldits vingt mille escus; mais ie le trouuay si resolu & difficile à se contenter, que ie me departis d'auec luy, tres-mal edifié, & m'en plaignis au sieur de Chemerault son Cousin, qui estoit Lieutenant de sa Compagnie de gens-d'armes, & depuis aux sieurs de Schomberg, & de Dunes; & ce qui m'en faschoit & mettoit encore plus en peine, estoit que ie voyois Monsieur de Guise resolu de demander ladite ville d'Orleans pour ville de seureté, & de ne faire paix si elle ne luy estoit accordée, par où la pratique que i'auois auec ledit sieur

48

d'Antragues, & tous les moyens de feruir Le Roy, s'en alloient en fumée; toutefois ie fus contraint de partir de Paris fans rien conclu-

se auec ledit sieur d'Antragues.

I E retournay vers le Roy luy rendre conte de ce que l'auois negocié en ce second voyage, dequoy ie m'acquittay ainsi que l'auois sait la premiere sois, où toutes choses surent debattues, representées, considerées, ordonnées & recueillies par écrit par le sieur Brûlart; entr'autres choses ie sis entendre l'instance qu'on faisoit d'auoir Orleans pour ville de seureté, auec Bourges, & sur resolu & à moy baillé par écrit, qu'elles seur seroient accordées, si on ne les en pouvoit saire departir, les instructions qui me surent données sont soy de ce que dessus.

I e receus à mon arriuée à Rouen vne lettre dudit fieur d'Antragues, par laquelle il me manda, qu'ayant depuis mon partement mieux pesé ce que ie luy auois dit & remonstré de la part du Roy, il s'estoit resolu à condescendre à faire tout ce que ie luy avois dit, que sa Maiesté vouloit de luy, & me prioit de mettre fin à ces affaires que i'auois si bien acheminées, s'en fiant & reposant du tout sur moy, qu'il reconnoissoit aimer plus son bien que luy-mesme. Ce qu'il accordoit donc étoit, d'accepter le Couvernement en chef de Duché d'Orleans, la Lieutenance pour son frere, & vne Compagnie de cinquante hommes d'armes, & ses vingt mil escus, & de bailler par écrit la promesse que le Roy augit demandée : ce que le fis entendre à sa Maiesté

deuant qu'elle eust resolu ma dépesche, pour sçauoir si par l'occasion du traité dudit sieur d'Antragues, il aduenoit que nous ne peus-sions faire departir ceux de la Ligue de la demande qu'ils faisoient d'auoir Orleans pour ville de seureté; nous romprions le traissé general de la paix, ce qu'elle n'entendoit pas.

I e sis voir aussi à sa Majesté vn pouuoir du Connestable de France, & vn autre du Lieutenant general, representant la personne du Roy par tout le Royaume: de ces deux pouuoirs, sa Majesté me commanda de tirer ce dont sut composé celuy qui sut baillé audit sieur Duc de Guise, que sa Majesté auoit fait lire, ou leu elle-mesme, & corrigé par trois sois, comme il appert par la minutte que i'ay reseruée; puis l'ayant mis au net, il le signa, & auec tout cela me renuoya à Paris pour la troisséme sois.

Où ie me trouuay plus empesché que iamais, pour les disticultez nouvelles qui nous
estoient faites; sur tout ie le sus pour le fait
d'Orleans: car plus i'en voulois éloigner &
détourner Monsieur de Guise, plus s'y opiniastroit-il: ie proposay que le Roy donneroit aux sieurs d'Antragues & de la Chastre,
la surviuance de leurs Gouvernemens pour
leurs enfans, & que l'on ne rendist point pour
villes de seureté celles d'Orleans & Bourges,
qui estoient sieges d'Archeuesché & Eucsché;
& que c'estoit chose qui n'auoit point encore
esté faite; & combien que telles ouvertures
fussent plus advantageuses, & pour le parti-

culier desdits fieurs de la Chastre & d'Antragues, & mesme pour ceux de la Ligue, tourefois ils n'y voulurent entendre. Sur cela ie fis dire audit sieur de Dunes que son frere & Juy deuoient faire parler les habitans d'Orleans, & leur faire dire que ladite ville leur sera baillée pour ville de seureté : Mais ie trouuay qu'ils auoient faute de credit enuers eux, pour leur faire faire ledit office : ie dis doncques alors qu'il falloit que ledit sicur d'Antragues fist les mesmes protestations, 82 obtinst que ceux de la Ligue se departissent de leurs demandes, puis que pour mes raisons ils n'en vouloient rien faire, & que nous étions accrochez à ce point: lesdits sieurs d'Antragues & de Dunes ne furent d'aduis non plus de faire ladite protestation, de sorte que tous moyens & inventions pour gaigner ce poinct me manquerent; ledit sieur de Schomberg sçait ce que ie luy en dis, & commençant à dresser l'article, qui faisoit mention de l'octroy desdites villes, ie m'aduisay de le coucher de telle façon, que quelque iour il pourroit seruir de sondement d'y changer quelque chose.

Av troisième voyage nous demeurasmes d'accord de toutes choses auec ceux de la Ligue pour ladite paix, & mesmes du fait du Havre de Grace, qui auoit esté demandé de surcroist pour eux; depuis le traisté le Gouverneur d'icelle s'estant ietté au party quelques iours deuant, de sorte que les articles de ladite paix surent signez de part & d'autre, lesquels de sur porter à sa Majesté, qui les

confirma & ratifia aussi-tost, apres les auoir fait lire en son Conseil.

I E dis aussi à sa Majesté comme la Reine · sa mere, & moy auec elle, auions leu à Monsieur le Duc de Guise, apres l'accord & signature desdits articles, la minutte du pouuoir que sa Majesté auoit aduisé de luy accorder, lequel m'auoit donné charge d'en remercier sa Majesté; & neantmoins se supplier d'auoir agreable qu'il ne l'acceptast point, ains seulement qu'il le seruist de son estat de grand Maistre, duquel il se sentoit fort honoré, & ne luy demandant pour son particulier que -l'asseurance de sa bonne grace puis qu'il auoit pourueu au public, ainsi que luy deuoient plus particulierement faire entendre Messieuts l'Archeuesque de Lion & de la Chastre, qui deuoient le lendemain arriuer vers sadite Majesté, laquelle me répondit resolument, qu'elle vouloit que ledit sieur de Guise prist ledit pouvoir, & qu'elle confirmast encore ausdits sieurs, & écriuist vne lettre de sa main tres-expresse audit sieur de Guise, de laquelle furent porteurs lesdits sieurs Archeuesque de Lion & de la Chastre; & neantmoins lesdites lettres de pouuoir & declaration ne furent mises au net, signées, seellées, ny déliurées audit sieur de Guise, que iusques à leur entreueuë à Chartres, que quelques-vns en auoient dégousté sa Majesté, & luy auoient fait trouuer mauuaise l'authorité qu'elle auoit accordée par icelle audit sieur de Guise, les vns par ialousse qu'ils luy portoient, les autres parce que c'estoit chose qui diminuoit aucunement

## MEMOIRES

l'authorité & puissance de leurs Estats, & la plus grande partie, parce qu'ils connoissoient que sa Majesté ne pouuoit oublier le mal talent qu'il portoit audit Duc pour luy complaire, l'animer & irriter dauantage contre

DE façon que sa Majesté mit vn iour en deliberation de retrancher ledit pouvoir dewant que de le déliurer, dequoy elle fut déconseillée par ceux ausquelselle en parla, qui luy remonstrerent, que puis que c'estoit chose qu'elle auoit dessa accordée audit Duc pour le bien de la paix, que la coppie luy en auoit desia esté leuë & baillée, elle n'en pouuoit rien oster sans faire tort audit Duc, & à la foy donnée pour ladite paix, qui auoit trop cousté à faire, & dont l'observation importoit grandement à ses affaires; joint que ledit Duc qui sçauoit les trauerses qu'on luy donneroit en ce fait, se laissoit desia dire n'auoir pû faire qu'à l'appetit de tels enuieux, on ne luy fist receuoir telle escorne; surquoy sa Majesté se resolut, & commanda sedit pouvoir estre déliuré audit Duc de Guise, comme il fut fait; mais on a dit depuis qu'elle fit ce commandement auec tel regret, qu'elle resolut délors de chasser d'aupres d'elle, ceux qui luy auoient donné tel conseil, & ne l'auoient secondée en la volonté qu'elle auoit de le retrancher.

IL faut noter encores de ce traicté, que iaçoit que les principales & plus aigres plaintes que ceux de la Ligue auoient fait de leurs mécontentemens, & ausquels ils requeroient

plus viuement estre pourueu; eussent esté sondez sur la personne, l'authorité & les charges dudit Duc d'Espernon; comme il appert par leurs écrits: toutefois dautant que sa Majesté me l'auoit ainsi recommandé & ensoint tres-expressement; ie sis tant, qu'en tout ce qui fut mis par écrit, il n'en fut fait aucune mention; mais que l'on se contenta de remettre à sa Majesté d'y pouruoir elle-mesme, comme elle leur auoit fait dire & promettre qu'elle feroit; dequoy certes il faut que ie die, que ie trouvois ledit sieur de Guise plus fauorable & moderé que nul autre, non tant pour en auoir occasion, que pour ce que ie luy auois remonstré qu'il feroit en ce faisant seruice tres-agreable au Roy.

Les Deputez de ladite paix témoigneront assez le deuoir que ie sis, & le soin que i'en eus, pour l'honneur & obeissance que ie portois à tous les commandemens de sa Majesté, & pour le desir que i'auois aussi d'éteindre toutes les estincelles qui pouvoient seruir auec le temps à rallumer le seu de discorde entre ses sujets & seruiteurs Catholiques, pour la consideration seule de l'honneur de Dieu & du seruice de sa Majesté, dont dependoit se

bien du Royaume.

E r toutefois ie sus souvent adverty durant la negociation de la paix, & depuis la conclusion d'icelle, que ledit Duc estoit tres-mal content; & insques-là qu'il écrinit à quelqu'vn de ses amis en Cour, qu'il m'en seroit repentir & perdre la vie; dequoy ie ne m'émeus gueres, parce que ie sçauois qu'il n'auoit occasion quelconque de se prendre à moy de ce qui s'estoit passé, ny de la dessiance de son Maistre, qui estoit ce qui l'irriteroit le plus, d'autant que ie n'auois esté que Ministre de sa Majesté à tres-bonne sin & intention; & mesme que i'auois eu tel soin de sa reputation, qu'il n'auoit esté rien écrit contre luy, & aussi que ie me consiois que i'auois pour bon témoin & protecteur de mon innocence sa Majesté, qui sçauoit comme toutes choses

auoient passé.

LE Roy estant à Vernon, par où il passa reuenant de Roiien à Mante où se deuoient trouver les Reines, il m'enuoya querir exprés, pour se plaindre d'vn aduis qui luy auoit esté donné, que sedit Duc d'Espernon se vou-loit aller ietter dedans la ville d'Angoules-me pour s'en saisir, & me commanda d'écrite des lettres en son nom au sieur de Tayan, aux habitans de la ville, au Lieutenant general d'icelle, & au Capitaine de la Citadelle, de ne receuoir personne en ladite ville qui leur peust donner loy, de quelque qualité qu'il sus jusques à ce qu'il leur apparust d'vn commandement de luy, posterieur ausdites Lettres que sa Majesté au dessaut d'vn valet de chambre commanda d'enuoyer par courier exprés, comme ie sis incontinent & sidellement, ainsi que, i'auois accoûtumé les commandemens de sa Majesté.

LE Courier arriva à Angoulesme trois iours apres que ledit Duc y eust esté receu, auquel les lettres du Roy surent portées, dont il s'irrita & s'offença grandement, & s'en pris

à moy, disant que i'auois esté autheur desdites lettres, & en sit vne tres-grande plainte à sa Majesté, qui luy manda les auoir commandées, & les raisons qui l'auoient meu à ce faire. Lesdites lettres ayant esté veues du Maire & des habitans d'icelle ville, furent cause qu'ils depescherent bien-tost apres l'vn de leurs Citoyens, beau-frere dudit Maire, en Cour, lequel eut charge de s'adresser à moy; parce que ladite ville d'Angoulesme estoit de mon departement, que les lettres dernieres que le Roy leur auoit écrites estoient contrefignées de moy, aussi qu'ils auoient quelque creance en moy pour m'auoir tousiours reconu tres-affectionné à leur bien,& au seruice de sa Majesté: Il se presenta comme nous estions à Chartres, & me dit que lesdits Maire & Escheuins ayans veu lesdites lettres de sa Majesté, estoient entrez en doute si c'estoit son intention, ou non, que ledit Duc d'Espernon fist sa residence en leur ville, en laquelle ils protestoient qu'ils ne l'eussent iamais receu, s'ils n'eussent pensé faire service à sa Majesté, comme ledit Duc leur auoit fait apparoir par vn pouuoir que sa Majesté luy auoit donné de commander en leur ville & au pais, & qu'il auoit esté depesché exprés par eux pour en estre éclaircis, d'autant que si sa Majesté ne trouuoit bon ce qu'ils en auoient fait, ils pourroient encore reparer leur faute, en fermant la porte de leur ville vn matin qu'il seroit forty dehors pour aller courre la bague, comme il faisoit souuent, laissant la garde des portes ausdits habitans, qui estoient beau-

coup plus forts dans la ville, que n'estoit ledit Duc auec tous ses gens, & qu'ils pouuoient aussi pour mieux asseurer & executer ladite entreprise, se saisir de la personne du Capitaine de la Citadelle, finon la circuir, & enuironner par dehors par vn bon nobre de Gentils-hommes du païs qui estoient à leur devotion, afin de garder que le secours n'y entrast, pendant qu'ils forceroient ladite Citadelle par le dedans de la ville, comme ils disoient pouvoir faire facilement. Ayant entendu ce propos, ie luy demanday qui il estoit, & s'il auoit quelques lettres; & m'ayant donné connoilsance de sa personne par le moyen du courrier qui auoit porté à Angoulesme les susdites: lettres de sa Majesté; & sur ce, dit, qu'il ne s'estoit osé charger d'aucunes lettres de peur d'estre pris en chemin : ie luy dis que l'ouuerture qu'il m'auoit faite de l'occasion de son voyage, estoit de telle importance, qu'il étoit necessaire que i'en parlasse au Roy auant que d'y répondre, & partant qu'il eust à me venir trouuer le lendemain de bon matin.

I e fus le soir mesme trouver sa Maiesté, tant pour la remercier de ce que la Reine sa mere m'auoit dit qu'elle luy auoit accordé & promis de me descharger de l'exercice de mon ossice de Secretaire des Commandemens, sui-uant la supplication que ie luy en auois faite, ainsi que ie diray cy-apres, auec tout ce qui s'est passé en ce fait, que pour luy faire entendre les propos que m'auoit tenu ledit habitant d'Angoulesme, sequel sa Maiesté sit demonstration d'écouter volontiers, pour le

mécontentement qu'elle auoit de ce que ledit Duc estoit allé en ladite ville, ainsi que sa Majesté disoit, contre son commandement, se promettant d'en auoir sa raison par les dits habitans: Et en ce faisant, faire paroistre & sçauoir audit Duc & à tous autres, combien vn Roy a les bras longs; & est soible toute autre puissance en son Royaume sans la sienne, me disant qu'il vouloit parler luy-mesme audit habitant sans que personne en sçeust rien; dont il me chargea expressément, & à cette sin le luy amener le lendemain de bon

matin, comme ie fis.

E T l'ayant introduit dans le cabinet de sa Majesté, où il n'y auoit personne que moy, il luy rapporta & confirma les mesmes propos qu'il m'auoit tenus de la part desdits Maire & habitans, desquels sa Majesté luy declara estre fort contente, & leur sçauoit tres-bon gré, luy disant qu'elle les avoit tousiours reconnus tres-gens de bien, aimans Dieu & son seruice, & qu'elle louoit la resolution qu'ils auoient prise d'enuoyer deuers elle pour estre éclaircie de la verité sur l'entrée & demeure dudit Duc en ladite ville, laquelle sa Majesté vouloit qu'ils sceussent luy auoir esté desagreable, comme ayant esté entreprise par ledit Duc contre son commandement, & en saison qu'il auoit eu occasion de se dessier de luy & de ses actions; parce qu'il monstroit estre par trop indigné de ce que sa Majesté auoit fait la paix, par laquelle elle auoit accordé qu'il se dépouilleroit d'une bonne partie de ses Charges, & specialement des Gouuernemens qu'il auoit, & qu'il sembloit que Dieu auoit conduit expressément ledit Duc en ladite ville, & auoit enuoyé à sadite Majesté cette occasion, pour luy donner moyen de pouruoir à ce coup, puis que ledit Maire & habitans auoient le moyen & la volonté d'executer ce qu'elle leur commaderoit: Mais que ce n'estoit assez faire pour son seruice que de chasser & faire sortir ledit Duc d'Espernon de ladite ville, comme il luy auoit proposé, qu'il falloit que lesdits Maire & habitans ses bons subjets & seruiteurs se saisissent de luy, sans toutesfois faire mal à sa personne, afin que le tenant en sa disposition, il peust recouurer ses villes de Mets & de Boulogne qu'il ne vouloit rendre, & le faire contenter du Gouvernement de Provence, qu'il avoit aduisé de luy laisser. Quoy faisant, lesdits Maire & habitans luy feroient ensemble à la Religion Catholique & à tout sonRoyaume, vn seruice tres-signalé, que sa Majesté reconnoistroit à iamais, luy demandant si lesdits habitans n'auroient pas le courage & le pounoir de luy faire ce seruice qu'il auoit fort à cœur, & qui les importoit aussi grandement; parce que si ledit Duc demeuroit long temps en leur ville, tout ainsi qu'il s'entendoit auec le Roy de Nauarre & les Huguenots, il estoit à craindre qu'il ne les mist auec le temps entre leurs mains, qui estoient leurs ennemis. A quoy il luy fut répondu par ledit habitant, que lesdits Maire & ses concitoyens auoient tousiours eu le courage de mourir pour executer ses commandemens, lesquels il leur

rapporteroit tres-fidellement, & que sa Majesté en oiroit bien-tost parler. Et comme il
auoit esté enuoyé sans apporter aucune lettre,
il sur aussi renuoyé sans en remporter, & prit
congé de sa Majesté en cette saçon, laquelle
luy commanda de déloger à l'heure mesme,
asin de n'estre découvert.

Tovrefors ledit habitant me vintencore trouuer en mon logis, pour me dire que depuis estre party d'auprés du Roy, il auoir mieux examiné & consideré le commandement que sa Majesté luy auoit commis, lequel il craignoit ne pouuoir estre executéa fans coup ferir, d'autant qu'il estimoit que ledit Duc se mettroit en dessence quand on le voudroit prendre. Quoy aduenant, il desireroit volontiers sçauoir ce qu'ils auroient à faire contre ledit Duc. A quoy ie luy répondis, que c'estoit chose qu'il deuoit auoir. demandé luy-mesme à sa Majesté, quand elle luy auoit fait ledit commandement. Mais ce que ie luy pouvois dire sur ce, estoit que le Roy luy auoit expressément commandé ne faire aucun mal à la personne dudit Duc; de sorte que i'estimois, quant à moy, que s'ils ne s'en pouuoient saisir sans crainte d'estre offencez, ou de l'offencer, qu'il seroit plus à propos qu'ils se contentassent de luy fermer la porte de la ville, lors qu'il en seroit hors, comme il auoit propose qu'ils pouuoient facilement & sans danger de personne, ny de leur vie, qui estoit tout ce que ie luy pouuois dire sur la difficulté qu'il m'auoit proposée, & que s'il en vouloit derechef.

parler au Roy, pour en estre mieux éclaircy & asseuré, que i'en aduertirois sa Majesté. Surquoy m'ayant dit qu'il craignoit que son sejour le sist découurir, il se resolut de s'en aller.

Voil A la verité de tout ce que i'ay sçeu & a passé par mes mains rouchant ce fait, & fais iuges mes amis & tout le monde si ie m'y pouvois conduire autrement; s'estant le dit habitant addressé à moy, comme il avoit fait.

I E ne veux point parler de ce qui est adueau de ladite entreprise, des propos qui ont esté tenus sur le suiet d'icelle; mais ie veux bien croire & ose dire auec verité, que ledit Duc d'Espernon a depuis suffisamment reconnu par diuers effets & témoignages, que la mal-veillance que le Roy luy portoit, ne procedoit de moy, ny de mon invention & persuasion, dont aussi i appelle Dieu à telmoin Veritablement i'ay souuent blasmé plusieurs choses que ledit Duc faisoit quand il estoit aupres du Roy, & ne les ay teuës à luy-mesme: Et pleust à Dieu qu'il eust voulu croire Monsieur de Bellièvre & moy; ie suis asseuré que le Roy, le Royaume, & luy-mesme s'en fussent beaucoup mieux trouuez qu'ils n'ont fait, & ne feront de ce qui est aduenu; mais les flatteurs qui sont les vrayes pestes & ennemis des Roys & des Grands, Cont toussours emporté par dessus les gens de bien, tant est force & puissante l'industrie. coniointe à la nature.

Estant à Chartres ie receus encores

yne lettre dudit sieur de Dunes par les mains du sieur de Schomberg du 27. de Iuillet, par laquelle il me mandoit m'enuoyer la promesse sussition de siné & de luy, que ie leur auois demandée de la part du Roy, & ne l'auoit pû recouurer que depuis deux iours. Et asin que l'on sçache qu'il n'estoit point si mal content de ce que i'auois fait & poursui-uy pour son frere & pour luy en cette occasion, come l'on m'a depuis voulu faire croire qu'il l'auoit publié; i'ay bien voulu icy transcrire la mesme lettre dudit sieur de Dunes, pour me seruir de descharge où besoin sera, & à luy de réponse s'il s'est plaint de moy.

## S'ensuit donc la teneur de ladito Lettre.

## Monsievr,

Mon beau-pere s'en retournant trouuer le. Roy, ie l'ay supplié de se charger de la promesse que vous auez desiré de mon frere d'Antragues, laquelle i'ay depuis deux iours recouuerte, & la vous presente auec cette lettre, que vous receurez, s'il vous plaist, pour me ramenteuoir en vostre bonne grace, & vous asseurer de la sidelle volonté que i'ay de vous faire seruice, & non pour vous importuner & presser de l'effet que vous nous auez à tous deux procuré; vous priant treshumblement de croire, que si tous les bons ossices qu'auez departis à beaucoup de per-

sonnes de toutes qualitez, auoient rencontré des ames aussi peu ingrates, que le seront pour iamais enuers vous celles des deux freres, que ie ne sçache Seigneur en France, qui ait plus acquis d'amis & de seruiteurs, ny qui en eust de plus affectionnez que vous, Monsieur, à qui i'espere pour mon particulier faire connoistre que l'obligation que ie yous ay iointe à l'ancienne inclination que i'ay eue toute ma vie à vous faire seruice, vous a acquis sur moy toute l'authorité & commandement que vous sçauriez desirer: dequoy ie me promets que Dieu me fera la grace quelque iour de vous en rendre témoignage. Ie n'ay mis que le mois en ladite promesse, ayant laissé le iour en blanc, asin que comme vous le trouuerez le plus à propos, vous commandiez qu'elle soit remplie, ayant fait entendre sur ce sujet l'opinion de mondit frere à Monsieur de Schomberg, laquelle il vous descouurira, voulant finir apres vous auoir tres-humblement baisé les mains pour prier Dieu, Monsieur, qu'il vous donne en santé tres-heureuse & longue vie. De Paris, ce 27. Iuillet 1588.

PAR cette lettre écrite apres la conclusion & publication de la paix, apportée par ledit sieur de Schomberg qui auoit assisté ladite negociation, & auoit veu & sçeu tout ce que i'auois traité auec ledit sieur d'Antragues & son frere, chacun peut iuger s'ils estoient mal satisfaits de la peine que i'auois prise pour eux, ou non. A la verité aussi s'il y a eu faute en ce fait, elle a plus procedé. de l'irresolution dudit sieur d'Antragues, & de la dessiance que ses actions passées luy faisoient auoir de la volonté du Roy en son endroit, & particulierement du peu de pouuoir & peu de credit qu'il auoit dans la ville d'Orleans, que d'autre chose.

LEDIT sieur de Dunes arriua en ladite ville de Chartres, bien-tost apres que ladite lettre m'eut esté baillée par ledit sieur de Schomberg, accompagnant encore feu Monsieur de Guise, & me vint parler; & me le sit aussi commander par le Roy, de parler à Monsieur le Chancelier, pour auoir sa procuration du Gouvernement du Duché d'Orleans en faueur de son frere, & la luy faire remettre entre les mains du Roy, afin que sondit frere en peust estre pourueu. Veritablement ie luy dis, qu'il me sembloit pour le seruice du Roy, & le bien particulier de son frere & le sien, qu'il ne deuoit encores poursuiure ladite prouision, parce que i'estimois que ceux de la ligue s'y opposeroient, d'autant que ladite ville leur auoit esté delaissée pour leur seureté; quoy faisant le Roy seroit contraint passer par dessus leurs oppositions, ou bien y acquiescer, & que de l'vn & l'autre party qu'il choisiroit, il pourroit plus aduenir de mal que de bien: parce qu'ils diroient que sa Majesté commenceroit desia de contreuenir à la paix si elle gratisioit ledit fieur d'Antragues dudit Gouvernement malgré eux : estant ainsi que la condition d'vne ville de seureré, tiroit apres vne consequence, que ceux qui y commandoient fussent Tome I.

74 agreables & confidens à ceux ausquels elle auoit esté delaissée & accordée par cét effect; dequoy sa Maiesté se pourroit trouver en peine, n'estant à propos ny vtile, si fraischement apres estre sorty d'vn mal, tel qu'étoit celuy où nous auions esté, que nous entreprissions de faire chose qui nous y plongeast, incertains du bien qui en succederoit; que s'il aduenoit aussi que sa Maiesté pour le bien general de ses affaires, fust contrainte de ne faire expedier ledit Gouuernement audit sieur d'Antragues, & à luy la lieutenance, que les dommages & la honte en tomberoient principalement sur eux, desquels ils seroient découuerts, tres-mal à propos pour eux, & le seruice du Roy; luy remonstrant pour conclusion qu'il ne devoit encore, à mon aduis, faire ladite poursuite, en luy offrant & à sondit frere la continuation de mon service & assistance lors que ie verrois qu'il seroit à propos de remuer cette pierre pour le seruice du Roy & leur contentement. Iem'apperceus que ledit sieur de Dunes n'auoit. si bien pris le propos, comme certainement ie le luy disois de cœur & d'affection que ie: luy portois, & à toute sa maison; & parceque le partis de la Cour deux iours apres pour venir en ma maison, ie ne puis respondre de ce qui s'est passé depuis pour ce regard, n'ayant eu connoissance ny communicationquelconque d'vn certain breuet, qui s'est trouué expedié dudit fait, & fais vn chacun iuge, si i'ay deu estre blasmé de la façon de laquelle ie me suis conduit en cet affaire : &

hiesdits sieurs d'Antragues & de Dunes ont esté bien sondez de s'en plaindre; i'ay dequoy prouuer & verisser tout ce que i'en ay cydeuant dit: l'on peut iuger aussi par l'issue qu'a eu la precipitation desdits sieurs d'Antragues & de Dunes en la poursuitte dudit Gouvernement, si i'auois raison ou non, de les en divertir, tant pour le service du Roy,

que pour leur propre bien.

I L y auoit quelque temps que ie desirois me faire décharger, finon du tout, au moins en partie du labeur & du trauail ordinaire de la charge que l'exerçois, tant pource que ma santé n'estoit si bonne & asseurée depuis auoir en la sièvre quarte, qu'elle estoit devant, que pource qu'il me sembloit qu'à cause de la multitude & diuerses fortes d'affaires, dont i'estois surchargé, sa Majesté n'estoit si bien diligemment servie en toutes choses, que ie defirois, son service & le bien de ses affaires, m'ayant toûjours esté recommandé plus que toute autre chose. Et faut que ie confesse que ce mien desir se fortifia & augmenta grandement, destors que ie vis qu'il auoit esté permis audit Duc d'Espernon de m'outrager en la presence du Roy, sans raison ny fondement, ayant en toute ma vie esté aimé & protegé de mes maistres en les servant sidellement; & ce qui m'auoit encores plus picqué, c'estoit que ledit Duc m'avoit accusé & reproché en la presence de sadite Majesté, que Panois fait, & faisois en ses affaires tout ce que ie voulois, fans que sa Majesté scenstrient du cont de ce qui se passoit; dont elle avoit fait si peu de conte de me saire raison, que par là ie iugeay, ou que sa Majesté le croyoit ainsi, ou qu'elle estimoit sort peu la reputation & l'honneur d'vn homme de bien, qui estoit ce qui m'estoit le plus cher, & me faisoit bien souuent quitter le manger, le boire & le dormir pour la bien seruir.

I E m'estois quelques fois découuert de ce mien desir à aucuns de mes principaux amis & parens, pour y estre fortissé de leur consentement & assistance, mais ils m'en diuertissoient tousiours plûtost qu'ils ne m'y confortoient tous, pour l'affection qu'ils me portoient, n'estimant pas que ce fust monbien de me retirer si-tost de la Cour; quelques-vns pour leur interest, & les autres parce qu'ils me faisoient cet honneur de croire que inflois encores vtile en ma charge pour le seruice du Roy; Toutefois plus l'allois en auant, & considerois les choses qui se passoient en ce Royaume & à la Cour, & celles qui se preparoient, cette enuie m'augmentoit dauantage.

C E qui me meut au second voyage que ie sis à Paris pour la paix d'en parler à Mon-sieur de Villequier, & le prier de me conseil-ler & secourir en cette occasion vers la Reine Mere du Roy, aupres de laquelle ses longs seruices luy auoient acquis authorité & creance, en quoy ie le trouuay de sa grace tres-disposé, & en parla à ladite Dame, laquelle il trouua tres-desireuse de me faire tout plaisir, suiuant sa bonté accoûtumée enuers les creatures, telle que i'estimois estre

Monsieur de Villequier m'ayant asseuré de la bonne volonté de ladite Dame, i'en remerciay sa Majesté, & la suppliay d'en faire naistre le fruit, quand elle reuerroit le Roy son fils: la suppliant de croire que ie ne pretendois demander autre recompense du seruice que ie luy auois fait, & pretendois faire tant que ie viurois, que ladite permission de me décharger de mon Office, & de me retirer én ma maison, auec la bonne grace de leurs

Majestez, & en leur protection.

Mars comme à la Cour on interprete plûtost en mauuaise part qu'en bonne, les actions d'vn chacun, & ne peut-on croire qu'vn Courtisan qui a esté employé aux affaires publiques, auec honneur & dignité, veuille iamais de son bon gré s'en départir, sinon à dessein d'obtenir mieux : Ladite Dame Reine, & plusieurs autres qui ourrent parler de cette mienne deliberation & poursuite, creurent incontinent, ou que ie ne parlois à bon escient, ou que i'auois quel-qu'autre pretention, dont ie ne me découurois, qui fut cause que ie dis à ladite Dame, que s'il plaisoit à leurs Majestez m'octoyant ma requeste estre encores quelquefois servies de moy à la Cour; ie receurois à grand honneur qu'il luy pleust m'accorder, qu'estant à leur suitte ientrasse en leur Conseil d'Estat, & en celuy de leurs affaires; sinon, ainsi que faisoir mon grand pere en celles du Roy François I, au moins comme le faisois tous les iours : dequoy madite Dame me promit d'en faire requeste à sa Majesté.

ELLE en parla à sa Majesté à Mante, ou leurs Majestez se virent la premiere fois apres que la paix sut accordée; toutesois elle me dit qu'elle n'auoit peu obtenir du Roy qu'il me permist de me décharger de l'exercice de mondit office sans m'en dire autre raison: & parce qu'elle s'en retourna de là à Paris querir Messieurs le Cardinal de Bourbon & Duc de Guise, elle me promit qu'elle aparleroit derechef, lors que sa Majesté seroit à Chartres.

CE qu'elle sit d'elle-mesme, & sans en estre par moy sollicitée, ainsi qu'elle me sit l'honneur de me dire, & qu'elle auoit tant pressé le Roy qu'il m'auoit accordé ma re-

queste, dont ie fus tres-joyeux

E T sus des lesoir trouver sa Majesté pour Pen remercier, & luy faire entendre les raisons qui me mouvoient à faire ladite poursuitte. Ce sur le soir mesme que i'ay dit cy-dessus que ie la sus trouver pour luy parler de la venue du beau-frere du Maire d'Angoulesme.

Soudain que sa Majesté m'apperçeut dans sa chambre elle m'appella, & sans me donner loisir de parler à elle, commença à me dire la priere que la Reine sa Mere luy auoit faite pour moy, comme elle luy auoit répondu à la sin, qu'elle destroit tant faire pour moy, & mesme en sa consideration, qu'elle condescendroit & accorderoit tousiours tresvolontiers tout ce que ie desirois, tant en cette occasion qu'en toutes autres: mais aussi qu'il falloit que i'eusse égard à son seruice, qu'elle auoit à present plus grand besoin de

ma presence en ma charge, qu'elle n'eut ia-mais, & mesmes en ses Estats qu'elle alloit tenir, où l'on traiteroit des affaires tres-importantes à sa personne & à son Estat, me donnant courage par ses paroles, pleines de tres-grande confiance & affection, de continuer à la seruir audit Estat; surquoy ie suy representay les raisons qui me contraignoient à faire ladite poursuite, suppliant sa Majesté de ne croire que ce fust en intention de quitter son seruice, ny de demeurer inutile, & mesmes en l'assemblée des Estats, en laquelle je luy promettois me trouuer, & la seruir de mon pouvoir; que i'estois de ceux qui servoient de cœur & d'assection sa Majesté, comme i'y estois tres-obligé; & partant que ie voulois mourir à ses pieds, si telle estoit sa volonté, pourueu que le susse des chargé du faix trop pesant de l'exercice de ma charge qui commençoit à m'estre insupportable. Et voyant que ie ne pouuois obtenir que sa Majesté m'en déchargeast entierement, comme ladite Dame Reine m'auoit dit qu'il luy anoit accordé, ie m'aduisay au moins de la supplier me permettre que ie m'en déchargeasse d'une bonne partie sur le fieur de l'Aubespine Secretaire de ladite Dame, auquel sa Majesté auoit déja en ma faueur accordé & fait expedier la suruiuance d'iceluy, & que nous pussions ensemble, estans à la Cour, expedier & signer ses com-mandemens, afin que ie susse soulagé: ce que sa Majesté m'accorda tres-volontiers, me commandant d'en faire expedier telles

lettres que ie connoistrois estre necessaires, comme ic fis incontinent, & luy en presentay la minutte afin qu'il luy plûst de la voir, & la considerer à part, pour la faire apres changer ainsi qu'il luy plairoit: sadite Majesté retint & garda trois iours ladite minutte, auant que de me la rendre, puis me dit qu'elle l'auoit trouuée tres-bien de la sorte, & que i'eusse à la faire mettre en forme & expedier. Et parce que la grace que le Roy m'auoit faite fut incontinent diuulguée & sçeue d'vn chacun, le sieur de Beaulieu Ruzé; qui pretendoit tousours d'estre fait quelque iour Secretaire d'Estat, s'en plaignit à sa Majesté, ainsi qu'il luy pleut me dire ellemesme, & qu'elle auoit tres-volontiers permis audit Ruzé de se retirer en sa maison, & de se deffaire de tous ses offices, sur l'instance qu'il suy en auoit faite, fondée sur le mécontentement qu'il avoit de ce que sa Majesté m'auoit accordé, encores qu'elle luy cust fait cet honneur de luy remonstrer & faire entendre qu'il n'auoit aucune cause de ce faire: d'autant qu'elle ne creoit vn office nouueau, comme il s'estoit persuadé, mais me donnoit moyen seulement de me soulager, me faisant sa Majesté paroistre se soucier fort peu de la retraite dudit Ruzé, puis qu'il s'és toit si legerement & mal à propos débandé.

A v D IT temps le Roy me fit encores vne autre faueur, par laquelle il luy plût me témoigner sa bonne volonté, & le soin qu'elle auoit de moy & des miens. Ce sut sur l'instance tres-grande que la Reine sa mere luy faisoit en faueur de Madame de Nemours & de Monsieur son fils, pour le Gouvernement de Lion, duquel on requeroit sa Majesté qu'il luy pleust rafraischir la promesse autrefois faite audit sieur de Nemours : à quoy sadite Majesté ne se voulut engager, se souuenant de ce qu'elle en auoit accordé à feu Monsieur de Mandelot & à moy pour mon fils, en le mariant auec la fille aisnée dudit sieur de Mandelot, sans en auoir au prealable mon aduis & consentement. Pour cette cause non seulement elle m'en parla en la presence de ladite Reine sa Mere, où ie leur dis que si leurs Majestez connoissoient que ce fust chose qui leur tournast à service, que d'asseurer mondit sieur de Nemours dudit Gouvernement, que pour ce qui me concernoit particulierement & mondit fils aussi, ie me remettois à elles d'en disposer à leur discretion & volonté, les suppliant seulement d'auoir égard aux merites & seruices dudit sieur de Mandelot, & au besoin que leurs affaires auoient, qu'il n'eust occasion de se plaindre: Mais aussi sa Majesté voulut que ie visse à part, & mesme reformasse selon mon aduis le breuet qu'on luy en demandoit, afin qu'il ne fust rien écrit, ny ordonné par iceluy, qui obligeast sa Majesté à autre chose, qu'à ce qu'elle auoit promis par le premier susdit breuet, qui auoit autrefois esté depesché par elle pour cét esset, du consentement mesme dudit seu sieur de Mandelot, ainsi que ie sis, sans que personne en sçeust rien que sa Maje de, de laquelle ie pris congé deux iours apres pour me venir 12fraischir en ma maison, apres luy auoir promis de me rendre à Blois deuant l'ouverture desdits Estats, suivant son commandement. Et faut que ie die que ie ne m'estois iamais departy d'auprés de sa Majesté & de la Cour, auec tant d'asseurance de la bonne grace, satisfaction & protection d'icelle, que ie sis lors: ce sut le 23, du mois d'Aoust 1588.

E r neantmoins le huictième du mois de Septembre ensuiuant, le iour de la Nostre-Dame estant en ma maison de Villeroy, ie receus au matin par Benoise la lettre & le commandement de sa Majesté, par laquelle elle me deschargeoit de mon office, & de son service; & toutesois me promettoit de me faire plaisir en autre chose; i'appris dudit Benoise qu'il auoit porté pareille depesche à Messieurs le Chancelier, de Bellièvre, Brûlart & Pinart, & qu'ils auoient desia quitté la Coursans voir le Roy, ny prendre congéde luy.

I E laisse à penser à mes amis, si i'eus occasion ou non, de m'émerueiller d'vn tel changement & inopiné commandement, lequel neantmoins ie receus auec la reuerence que ie deuois, fortissé & consolé de la sincerité de mes comportemens: Ie m'enquis seulement dudit Benoise, si le Roy ne pretendoit point de faire disserence de ceux qui augient bien versé & seruy, d'auec les autres, & buy dis, que s'il suy plaisoit de suivre ce chemin là, qu'il feroit beaucoup pour son service,

& pour les gens de bien.

Et m'ayant demandé réponse, ie l'écriuis,

& Ia luy baillay sur le champ, telle que la deuoit faire vn seruiteur tres-fidelle & obeissant à son maistre; adioûtant seulement de bouche, que s'il eust plû à sa Majesté me laisser sortir de la Cour, par la porte à laquelle i'auois tant heurté deuant que d'en partir, sans me faire sauter par les senestres, qu'elle eust mis mon esprit en grand repos, comme i'esperois, moyennant la grace de Dieu & le congé qu'elle me donnoit, d'y

mettre le corps.

l'Avors fait venir de Lion en ces quartiers mondit fils exprés, parce que Monsieur le Duc de Mayenne ayant à dresser vne armée pour seruir en Dauphiné contre les Huguenots, il sembloit que ceux de son âge ne se pouuoient bonnement excuser estans voifins dudit païs; ce que ie ne voulois qu'il fist, fans que le Roy luy commandast pour ma descharge & pour la sienne, à cause du lieu que ie tenois au seruice de sa Majesté, m'étant toussours estudié de la servir sidelement; mais aussi de ne luy donner aucune cause de suspition de mes actions, & de tout ce qui dependoit de moy: Ce que ie diray en passant m'auoir meu dés le commencement à nourrir mondit fils prés de Messieurs de Longueuille, Princes que ie reconnoissois, & par l'exemple de feu M. leur pere, & par l'instruction que seur donnoit Madame leur mere, ne viser qu'au pur seruice du Roy, & auoir leur grandeur attachée à la prosperité des affaires de sa Majesté; à quoy ladite Dame sçait & témoignera tousours le deuoir que i'ay fait de la conforter, toutes & quantesfois qu'il s'est.

presenté occasion de ce faire.

l'Avois doncques enuoyé mondit fils deuers sa Majesté pour receuoir ses commandemens sur l'occasion susdite, lequel arriva à Blois le iour mesme, où le lendemain que les commandemens de nos congez furent portez à Messieurs du Conseil, & enuoyez. deuers moy, & furent sceus d'vn chacun; toutefois il ne laissa de se presenter à sa Majesté auec la lettre que ie luy écriuois, laquelle il receut tres-benignement; luy difant, ainsi qu'il me rapporta, qu'il estoit fils d'vir pere qu'il-auoit si bien seruy, qu'il n'auoit qu'à imiter son exemple, & suiure le chemin qu'il luy auoit monstré, pour acquerir honneur en sa profession, & sa bonne grace & protection en toutes choses.

Qv'i L destroir qu'il le seruist en ladite armée en Dauphiné auec sa compagnie de gensd'armes, & quelques autres sorces dont Monsieur de Mandelot auoit projetté de luy donner sa conduitte, sous le bon plaisir de sa Majesté, laquelle écripit par luy vne lettre de sa main audit sieur de Mandelot, pour l'asseurer de la continuation de sa bonne vo-

lonté.

Ces bons propos qui me furent rapportez par mondit fils, certainement me confolerent grandement, entendant par iceux que le Roy n'auoit conçeu mauuaise opinion de moy, ayant dit que ie l'auois tres-bien & sidellement seruy. C'estoit le fruiet aussi que l'auois toute ma vie desiré moissonner de tous mes labeurs & seruices, duquel à la verité se craignois que le chemin que l'on auoit tenu à me donner congé, m'eust aucunement priué, sinon à l'endroit des gens de bien, qui auoient eu connoissance de mes deportemens, au moins en l'opinion commune du vulgaire qui a accoûtumé de juger des actions des hommes, plûtost par le succez de leurs fortunes, que par la verité & justice d'icelles.

C E langage doncques m'ayant grandement conforté, me donna encore la hardiefse d'enuoyer un de mes gens deuers le Roy, pour luy remonstrer la perte que ie faisois par la prination de mon office, qui m'auoit esté mis en consideration, en partageant les biens de seu Monsieur de l'Aubespine mon beau-pere, duquel ie le tenois, & le peu de bien qui me demeuroit apres auoir si longuement seruy le seu Roy son frere & luy audit office auec beaucoup d'honneur, n'ayant acquis pour toutes choses, que trois ou quatre mil liures de rente de reuenu en fondsde terre que ie pourrois lors dire miens, quand i'aurois payé mes debtes, qui n'estoient pas petites, comme il me seroit facile de monstrer en répondant de toutes mes actions, où & quand il plairoit à sa Majesté l'ordonner, comme i'estois prest de ce faire; le suppliant à cette cause d'y auoir égard, & m'ordonner quelque recompense; & en attendant icelle de continuer de me faire payer les gages & pensions dont ie iouissois, pour m'aider à viure en ma maison, & donner moyen à mondit fils de luy faire service en la profession,

en laquelle ie l'auois nourry & acheminé par son commandement, & sur la promesse qu'il luy a plû me faire quelquesfois de l'y proteger : le suppliois aussi sa Majesté, puis qu'elle auoit aduisé & resolu d'employer à l'exercice de mon Office, des personnes nouuelles & de moindre estosse & qualité, ce sembloit, que n'estoient celles qui auoient seruy, il luy pleust au moins choisir & prendre pour ce faire quelqu'vn de ceux que i'auois nourris, qui s'estoient rendus dignes & capables de ce faire, luy faisant seruice auprés de moy, comme ie reconnoissois qu'estoit en fidelité & sustifance Pasquier mon Commis, que i'auois rendu porteur de ma lettre, luy remonstrant qu'en ce faisant, il donneroit à entendre à tout le mondé, m'auoir éloigné de son seruice pour faute que i'eusse fait, ny pour desfiance que sa Majesté eust de ma loyauté, qui estoit la plus digne & chere recompense, que ie luy demandois de tous mes services; i'en écriuis autant à la Reine mere du Roy, la suppliant d'interceder pour moy enuers sa Majesté.

La réponse que le Roy sit à ma susdite dépesche, m'osta toute esperance d'attendre & receuoir de luy à l'aduenir aucune recompense & gratissication, & qui plus est me donna assez le suiet de croire qu'elle n'estoit demeurée si satisfaite de mes seruices ny de ma sidelité, que ma conscience, les traitemens que i'aurois reçeu de luy en toutes choses, & mesme à mon partement de la Cour, & les derniers propos qu'il auoit tenus à mondit

fils, m'auoient donné occasion de croire encores que ladite Dame Reine sa mere m'alseurast du contraire par la réponse qu'elle me faisoit par ledit Pasquier : dequoy certainement i'estois tres-affligé, & allois examinant toutes mes actions passées; & conferant auec vn chacun pour découurir les causes dudit mécontentement : les vns disoient, que le Roy s'estoit laissé entendre, que i'auois trop d'authorité & de credit en ma charge; les autres, qu'il trouuoit mauuais que ses Secretaires ouurissent ses Pacquets ailleurs qu'en sa presence, & qu'ils écriuissent des lettres particulieres aux Gouuerneurs des Prouinces, à ses Ambassadeurs & autres qui le servoient, & en receussent aussi d'eux concernant ses affaires. Aucunt disent que sa Majesté auoit découuert que quelques-vns de mes gens, & mesme ledit Pasquier, donnoient aduis à ceux de la Ligue des affaires de sa Majesté qui passoient par mes mains, & melmes que ie m'entendois auec eux.

PLYSTEYRS me taxoient aussi de ce pounoir accordé à seu Monsieur de Guise, & de la negociation de la paix, en laquelle on disoir mesme, que la Reine Mere du Roy estoit entrée en jalousie de moy: & ceux qui estimoient estre plus clairs-voyans disoient, que le Roy auoir ainsi essoigné de luy ses vieux seruireurs & ministres, pour le seul respect de ladite Dame Reine Mere du Roy, aucc laquelle ils auoient trop grande communication. Comme si sa Majesté n'eust eu vo-lonté de se consier à l'aduenir celle part de

ses affaires, qu'elle luy auoit disserée iusques alors; & sut telle opinion fortifiée par les déportemens de ceux que sa Majesté appella au maniement de ses affaires, lesquels ne recherchoient aucunement ladite Dame. & ne l'honoroient & courtisoient comme nous a-uions accoûtumé de faire.

E r combien que les choses qui sont aduenues depuis, ayent vuidé cette question, & assez éclaircy vn chacun de la verité, & cause certaine de nos essoignemens, & que toutes les autres raisons susdites n'estoient que couleurs mises en auant pour ébloüir les yeux de ceux qui s'y sont arrestez.

Toutesois ie répondray succinctement à celles que l'on a publié auoir esté cause de ma condamnation & disgrace, plus pour representer la verité des choses, à ceux qui pourroient voir quelque iour le present Memoire, que pour besoin que i'estime qu'il en

foit.

Doncques pour répondre à la premiere raifon, par laquelle l'on disoit que le Roy reconnoissoit que i'auois trop d'authorité & de
credit en ma charge; ie diray que ie me suis
tousiours mocqué d'icelle quand l'on m'en a
parlé, n'ayant pû croire que sa Majesté ait
conçeu telle opinion de moy, & sur ce sondé
la resolution qu'elle a prise de m'éloigner
d'elle, veu que l'authorité que i'auois procedoit entierement de celle qu'elle me donnoit, du fardeau qu'elle me faisoit porter, &
de la consiance qu'elle faisoit paroistre auoir
en moy. Chose qui luy estoit tres-facile de

retrancher toutes les fois quelle eust voulu, sans me chasser, ioint que ie luy auois mis en main quelques iours deuant le moyen d'y pouruoir plus doucement, lots que ie l'auois supplié me descharger de l'exercice de ma charge. Dauantage, i'auois deuant cela souuent suppliésa Majesté de ne me charger de tant d'enuie comme ie sçauois que i'en portois, pour executer les commandemens dont elle m'honoroit ordinairemet en ses affaires, lesquels elle me deffendoit de communiquer à autres quels qu'ils fussent. Mais tous ceux qui connoistront en quoy consiste, & combien importe la charge des Secretaires d'Estat, ne trouueront estrange, si en faisant bien leur devoir, ils acquierent de l'authorité, de l'honneur, & de la creance, non seulement aupres du Roy, & à la Cour, mais aussi par toutes les Ptouinces du Royaume, & hors iceluy: S'ils sont gens de bien, le Roy ne le peuttrop sier en eux, il faut qu'ils écriuent: & fassent toutes les dépesches que les autres proposent, & ordonnent, & qu'ils tiennent: registres & memoires des precedentes pour en seruir le Roy, & ceux qui l'affistent aux occasions qui se presentent. Ce que tous autres ne peuueut si bien faire qu'eux : ç'a toùjours esté aussi sur la vigilance, diligence, capacité & fidelité d'iceux, que les plus sages Princes se sont reposez, & reposeront, quoy. que l'on fasse, de la principale direction & conduite de leurs affaires. Et est certain que le maistre qui n'en vsera ainsi, s'en trouuera tres-mal, ses affaires seront faites par pieces,

MEMOIRES & à bastons rompus ; ioint qu'il suy sera tourours beaucoup plus facile de corriger & châtier vn Secretaire qui versera mal en sa charge qu'vn autre de plus grande qualité, c'est aussi en chastiant par instice les méchans, & faisant difference d'iceux d'auec les bons, qu'il faut corriger les abus & fautes des charges. Il n'y a rien qui oblige tant vn homme de bien à se crucifier pour semir son Maistre, que quand il void qu'il se fie en luy, & qu'il fait distinction de son service d'avec celuy de ceux qui versent mal. Sa Majesté ne se peut trop fier en les Secretaires qui la feruent bien & fidellement, & ne peut austi chastier trop leuerement & exemplairement ceux qui en vsent autrement. Pleust à Dieu que le Roy cust voulu suiure ce chemin ennostre endroit, il cust fait beaucoup pour I homeur & contentement de ceux que l'on eust trouné avoir bien vescui; mais il eust fair encore dauantage pour son service : car tout ainsi que le benefice bien colloque & employé honore le Prince, encourage & recompense tout d'vn coup plufieurs personnes; aussi la correction des méchans a pareille vertu & efficace. Et n'y a rien qui fasse tant reuerer, craindre, & aimer vn Prince que l'vsage de cette iustice, par laquelle les Rois regnent, & ne regneront iamais heureusement sans icelle, quoy qu'ils fassent. Mais considerons si auec toute la faueur', authorité & confiance que le Roy

me communiquoit; i'eusse pû acquerir quelque reputation & creance entre ses serviteurs; sie l'eusse servie insidellement & negligem-

ment. l'en appelle à témoins tous ceux qui auoient correspondance auec moy, & suis content de receuoir relle punition que l'on voudra, s'il s'en trouve vn seul qui puisse prouuer que le luy ave iamais dit, conseissé ny écrit chose qui fust tant peu que ce soit contraire; iene diray pas aux affaires & services de sa Majesté, mais seulement à ses volontez & commandemens, qui m'ont toujours seruy de loy & de regle en toutes choses. Dauantage, en quoy ay-ie abusé de ladite authorité; me suis-je agrandy auec les miens au dommage de quelqu'vn? l'ay exercé vingt & vn an & plus vne mesme charge, aimé, honoré & fauorisé en icelle de la bonne grace de mes Maistres, autant & plus dés la premiere année qu'en la derniere. l'ay veu asseoir au Conseil du Roy, & passer deuane moy plusieurs personnes qui estoient venues à la Cour, & au seruice de sa Majesté, longtemps apres moy, & ay long-temps refule tel honneur, commandé par le Roy de l'accepter; & depuis en auoir esté honoré, A t'on veu que i'ave pris ma place, & me sois assis au Conseil de sa Majesté, lors qu'elle s'y est trouvée, encore que tous ceux qui estoient venus apres moy le fissent. l'estois content de quitter les honneurs, les charges, & malmes quelquefois les biens-faits aux autres, & estre leur solliciteur & facteur en la pour suitte d'iceux, pour faire que mon Maistre fust mieux seruy, aimé & obey d'vn chacun. Ce m'estoit assez de bien seruir & de connoître que sa Majesté se confioit en moy, & me

92

tenoit pour homme de bien.

Certainement les Secretaires ouuroient les pacquets des affaires du Roy, soudain qu'ils les receuoient, leurs peres & eux en auoient ainsi vsé durant les regnes du feu Roy Charles & du Roy qui est à present, & principalement depuis huit ou dix ans, sans que l'on leur ait iamais fait paroistre le trouver maunais, ils eussent volontiers pris telle regle que l'on leur eust prescrite pour ce regard, mais qui plus est, il sembloit que l'on voulust, voire qu'il fust necessaire, qu'ils en viassent ainsi, parce que le Royne leur permettoit de les luy porter à toutes heures, & que la plus grande peine qu'ils auoient, soit que le Roy fust present ou absent, estoit de luy lire ou faire voir les dépesches, d'autant que par faute de ce faire à point nommé, ils ne pounoient, comme il estoit necessaire, faire promptement réponse à ceux qui écriuoient, lesquels se prenoient ordinairement à eux desdites longueurs, & les affaires de sadite Majesté en patissoient; de sorte qu'ils estoient contraints quelquefois d'extraire desdites dépesches, ce qui estoit le plus important; soit pour l'enuoyer à sadite Majesté par écrit quand elle estoit dehors, ou ne pouuoient parler à elle, comme il aduenoit trop souuent; soit pour luy en faire rapport, & tirer - d'elle plus facilement sa volonté, afin d'y satisfaire.

I E diray que les affaires d'Estat requierent que ceux qui les conduisent voyent les dépesches à mesure qu'elles viennent, car elles

peuuent contenir telle chose, que si vous retardez d'y pouruoir, il en arriue des dommages & inconueniens incroyables, & on perd des occasions qui ne se peuuent apres recouurer : de sorte qu'il faut ou que le Roy permette que l'on les luy porte, & represente à toutes heures, ou qu'il donne charge à quelqu'vn de prendre ce soin, où bien qu'il s'en fust confie & repose sur sessities: sinon qu'il fasse estat d'estre tres-mal seruy, & de ne se prendre qu'à luy-mesme du mal qui en succedera. Quel plus grand contentement peuuent receuoir les Secretaires, que quand leur Maistre void tous les iours ses affaires, & leur ordonne ce qu'ils ont affaire, c'est leur décharge & leur honneur. Car il void & considere mieux le deuoir qu'ils font en leurs charges, & peuuent mieux satisfaire à ceux qui s'adressent à eux, & leur correspondre : sans quoy il est du tout impossible que les affaires du Roy cheminent comme il appartient; & c'est pourquoy i'ay trouué bien estrange, ce que l'on a publié que sadite Majesté auoit trouué mauvais de ce que lesdits Secretaires accompagnoient de leurs lettres celles que sa Majesté écriuoit.

SI sa Majesté s'estoit enquise & bien informée de tous ceux qui l'ont seruie dedans & dehors le Royaume depuis son regne; sic'est chose qui ait preiudicié à ses affaires, ou non, ie suis certain qu'elle ne blasmeroit ceux qui ont pris la peine de ce faire, ie pense estre vn de ceux qui en écrit autant, & est certain que c'estoit ce qui m'empeschoit & trauail-

loit le plus en ma charge, & en quoy ie cuide aussi auoir mieux seruy le Roy, voulant que fiparmy vue milliace de lettres que i'ay écrites, il s'en trouue vne qui ait esté contraire an seruice & aux volontez de sa Majesté, en estre repris & puny griefuement. Nous écriuons ce que nous connoissons estre l'intention de sa Majesté, & necessaires que ses Ministres sçachent pour bien seruir & accomplir ses commandemens, à laquelle nous ne cachions rien de tout ce que l'on nous écriuoit, & bien souvent c'estoit chose qu'on ne luy osoit écrire à elle mesme, pour divers respects, lesquels quoy qu'elle fasse, elle n'oste-ra iamais entierement l'esprit de ceux qui seruent; car la Cour & les affaires en engendrent tous les jours de nouueaux.

E r tels que si on ne leur ouure le chemin de se satisfaire & contenter en cela, le Roy doit saire estat qu'il ne sera seruy qu'à denty, dont i'appelle à tesmoins tous ceux qui manient ses affaires, & sont employez à son seruice dedans & dehors le Royaume; sadite Majesté deuroit pour son propre bien chercher plustost à consirmer & estreindre la correspondance & consiance entre ses Ministres & Officiers, que de les blasmer; ce ne seroit leur faire tort, ce seroit leur faire instice.

QVANT à l'intelligence que l'on a voulu dire que mes gens auoient auec ceux de la ligue, ie iure & proteste deuant Dieu, estre chose dont ie ne me suis iamais apperçeu; & à laquelle touterois l'ay eu les yeux ouverts autant que nul autre de ma prosession, & croy

veritablement que cela n'estoit point. Mais si l'on en auoit quelque opinion fausse ou vraye, pourquoy ne m'en aduertissoit-on? on eust veu comme i'y eusse pourueu, & si i'y eusse conniué, i'eusse porté patiemment la peine que l'on men eust imposée; il n'y a celuy qui ne soit sujet à estre trahi ou trompé, & mesmes en ce miserable siecle, que le vice & la corruption regnent par tout : & est certain que souuent nous nous apperceuons les derniers des tromperies qui nous concernent. Quoy que ce soit, ie repeteray encores vne fois ne m'estre iamais apperçeu que Pas-quier, ny aucun de ceux qui seruoient le Roy auprés de moy, m'ayent fait ce tort: protestant que si ie m'en susse apperçeu, i'y eusse pourueu tres-viuement. Dauantage, ie diray qu'il estoit assez dissicile de découurir tout ce que i'y faisois, pource que i'écriuois de ma main les choses plus importantes, & ne les commettois toutes à vn seul, mesme ie ne les faisois écrire en un registre pour cette occasion, comme d'autres faisoient; ie me contentois de garder & reserver mes minutes, des-quelles ie seray tousiours prest de répondre.

Er quant à la fidelité, pleust à Dieu d'etre condamné d'en rendre compte à peine de ma vie en la presence de mes accusateurs : ie suis certain que ie les serois rougir de honte, & paroistre tels qu'ils sont, ils diroient que Salcede m'a accusé, & que la plus grande partie de ce qu'il a dit, a esté consirmé par les euenemens suruenus depuis, qui sont témoins irreprochablessie l'auoue pour ce qui concerne

les autres, mais que ie sois pour cela conuaincu, iele nie; i'ay répondu par cy-deuant à ce point, de façon que ie n'en diray autre chose. Mais combien ay-ie écrit de lettres ; à combien de personnes ay-ie parlé: combien ay-ie d'amis & parens à qui ie me suis communiqué, & découncit ce que l'auois sur le cœur, &iug: ois d. aoir aduenir des remuëmens de ceux de la ligue? l'ofe me promettre qu'il n'y en aura vn leul qui m'accule de les auoir iamais approune, mais au contraire qu'il s'en trouuera plusieurs qui diront que ie les ay trauersez, voire persecutez pour cette seule occasion : car graces à Dieu, pour mon particulier ie n'eus iamais disputé auec personne, qu'auec ledit sieur Duc d'Espernon.

I 1 s diront aussi que seu Monsieur de Guiseme faisoit cét honneur, que d'estimer & rechercher mon amitié, se louier de moy, & mesme en faire cstat : tels argumens sont-ils suffisans pour me condamner, & que sçait-on s'il en vsoit ainsi pour me nuire: Veritablement ie ne le croy pas; mais ie dis qu'il y auoit peut-estre plus grande occasion d'en soupçonner quelque chose, que de m'accuser pour sa façon de proceder en mon endroit : aton iamais veu qu'il ait failly à carresser tous ceux qu'il a estimez que le Roy aimoit & fauorisoit? Que l'on se represente ses comportemens. Il auoit telle enuie d'acquerir les bonnes graces du Roy, & pousser la grandeur de sa fortune par cette voye-là, qu'il konoroit le plus petit seruiteur que sa Majesté eust, qu'il connoissoit auoir quelque part

part auprés d'elle ; mais combien y a-il maintenant auprés de sa Majesté de personnes qui ont suiuy la ligue? Pourquoy ne cottent-ils que lque chose particuliere de l'intelligence que i'auois auec ledit Duc de Guise, lors qu'ils sçauoient tous ses secrets? ie ne les prie point de s'en taire, ny de m'épargner, mais seulement de ne me seruir à couvert ny en derriere, pour faire les bons courtisans. l'offre de me representer & rendre où l'on voudra, pour répondre à tout ce qu'ils proposeront; ie ne demande point de grace & de faueur pour ce regard, ie ne demande que iustice, & que l'on trouve bon que la verité soit approfondie & connuë; ie me departiray volontiers de la poursuite de la recompense de tous mes seruices, & que l'on m'accorde ladite grace. le voulois, ce dit-on, establir Mon-ficur de Guise à la Cour pour en tirer support; & toutefois il est certain que i'auois demandé mon congé, & auois plus grande enuie d'en sortir que d'y demeurer. Estoit-ce pour plumer l'oye du Roy auec luy, que ie cherchois tel support? quel besoin auois-je de luy pour cefaire? Ceux qui s'estoient enrichis l'auoient fait sans son assistance, i'en pouuois donc bien faire autant, si i'eusse voulu sans icelle; dauantage, chacun sçait que ie tirois du Roy des biens-faits & des faueurs assez pour m'enrichir, si ie l'eusse voulu faire, sans auoir besoin d'vn entremetteur ou mediateur entre sa Majesté & moy pour cét effet : car de sa grace, elle ne me refusoit chose quelconque que ie luy demandasse : i'eusse aussi esté Tome I.

98

tres-mal aduisé, ce me semble, d'aider à rendre Monsieur de Guise si puissant à la Cour, que l'eusse esté contraint auec les autres de dépendre de luy, & aller à son leuer, au lieu que ie deuois estre recherché de luy, & qu'il auoit besoin de moy, comme de tous les seruiteurs du Roy pour se maintenir en Cour: dauantage, estois-ie si ignorant ou grossier que ie ne reconnusse quelque chose de la ialousie que sa Majesté auoit dudit Duc de Guile? nem'en auoit-elle iamais parlé; ce sont simplicitez ou malices trop grandes que d'en douter mais ils ont dit que ie voulois authoriser ledit Duc de Guise, pour me vanger de Monsieur d'Espernon, & me fortisser contre luy: voila encore vne plus grande afnerie; Ceux qui craignoient sa puissance, estoient-ils pas assez asseurez ou vangez de luy par son éloignement, sans faire autre chose? i'estois trop sçauant courtisan pour choisir cette voye-là, quand i'eusse voulu en trouuer quelqu'vne pour nuire audit Duc; car tant s'en faut que l'aye iamais crû que l'inimitié de Monsieur de Guise ait nuy audit Duc d'Espernon aupres du Roy, que ie tiens pour certain qu'elle luy a long-temps seruy de protection. Ledit sieur d'Espernon auoit à la Cour des ennemis & enuieux plus dangereux & puissans que ledit Duc & moy ensemble; ie les connoissois bien, ie iure auoir plûtost destourné que procuré le mal, que i'ay connu que l'on luy vouloit faire : aussi ma fortune n'auoit rien de commun auec la sienne, il voloit d'yne autre aile10000

l'AY tousiours conseillé l'vnion des Catholiques auec le Roy, comme i'ay cy-deuant dit; c'est ce qui a meu les Huguenots & leurs adherans, de dire que i'estois de la Ligue, & que ie la fauorisois au preiudice du service du Roy, aux Edicts duquel s'ils enseint voulu obeir, comme i'ay souvent esté cause qu'ils en ont esté recherchez & admonestez, ils eussent bien-tost éprouvé & connu le contraire, i'eusse esté leur cousin: car ils eussent en ce faisant sappé la Ligue par son fondement, esté cause de la restauration de ce pauure Royaume, que leur obstination

a renuersé les pieds contre-mont.

MAIS ie m'estonne & me plains grandement de ceux qui ont eu opinion, ou fait paroistre l'auoir, que i'eusse esté pensionnaire de Monsieur le Duc de Guise. Pericard son Secretaire m'a dit qu'il en a esté enquis & interrogé apres sa mort, & menacé de la corde, parce qu'il disoit que cela n'estoit point. I'ay receu beaucoup de mal & d'ennuy de toutes mes fortunes; mais i'aduoue que ie n'ay point senty de coup qui eust plus estourdy & émeu ma patience, que cettuy-là, ayant par iceluy reconnu la maunaise volonté que l'on me portoit, la sincerité de ma conscience m'empeschoit de le reconnoistre, & i'eusse esté tres-mal aduisé de m'adresser à Monsieur le Duc de Guise pour auoir du bien,il m'estoit plus facile d'en tirer du Roy, qui ne me retusa oncques choses que ie luy aye demandée, comme i'ay desia dit : Et quand i'eusse voulu estre si méchant que de m'enrichir aux dépens du Royaume, ie suis asseuré que la meilleure bourse de la Chrestienté ne m'eust point esté fermée. Et c'est pourquoy les Anglois & les Huguenots, qui sont plus rusez que les autres, ont bien mieux rencontré:car ils ont publié que ie prenois des pensions & des presens du Roy d'Espagne, & l'ont autrefois voulu faire croire à feu Monsieur frere du Roy & à d'autres ; ie ne répondray qu'vne seule chose à cette calomnie, c'est que fi i'eusse voulu estre traistre, & vendre ma conscience, ie l'eusse fait pour peu. Ie suis prest à rendre compte de tout le bien que i'ay : ien'ay esté ne ioiieur de dez, de cartes, ny faiseur de festins, ny trop somptueux & magnifique en toutes mes actions: i'ay seulement vescu honnestement, comme il me sembloir que le requeroit la charge que l'auois, & l'honneur que me faisoit le Roy:i'ay tousiours esté, comme ie le suis encores, fils de famille, & partant sans tirer aucune commodité de nostre maison; i'ay vécu de mon trauail; s'il y a quelqu'vn qui se plaigne de moy, que i'aye exigé de suy argent, ou autre chose, ou luy aye fait tort ou miure, ie suis prest de luy en faire raison, & d'en répondre où l'on l'ordonnera. Les plus grandes dépenses que i'aye faites ont esté à faire instruire lesils vnique que Dieu m'a donné, & à luy donner moyen de paroistre entre les gens d'honneur, & faire seruice au Roy. Si ceux qui entreprennent en ce Royaume de suiure le chemin que ie luy ay fait prendre par la permission & le commandement du Roy, ne

dépendent du commencement pour recompenser aucunement les autres défauts qui sont en eux; ils ne peuuent estre aimez ny suiuis, & mesmes en ce temps que le prosit & l'ar-gent commandent plus aux hommes que l'honneur. I'ay veritablement basty vne basse-court en la Maison ancienne de mes peres, & y ay employé plus d'argent que ie ne de-nois: mais ie suis prest à monstrer qu'il est venu de la liberalité du Roy, & non d'autre, comme tout le reste que i'ay eu, qui n'est pas grand chose, car pour tout, i'ay acquis en vingt & vn an que i'ay exercé mon Office, prés de quatre mille liures de rente en fonds de terre, que ie pourray dire miennes, quand i'auray payé 30000. écus que ie dois, comme ie puis à mon grand regret prouuer trop facilement; & submets à tout perdre, si ie ne le fais, où & quand l'on voudra, & outre cela que i'ay engagé ou vendu vne bonne partie du bien de ma femme.

Voila les tresors que i'ay tirez d'Espagne, & de Monsieur de Guise: est-ce ce que i'ay gagné à estre traistre. Quoy doncques? i'ay resusé autresois pension de deux mil écus par an, qui me sut offerte de la part du Roy de Nauarre, apres la paix, de l'an mil cinq cens soixante & dix-sept, par vn Cheualier d'honneur, comme ie puis encore monstrer par écrit; ie n'ay iamais receu aucun present d'Angleterre, & partant i'en dois auoir tiré & receu d'Espagne, ou d'ailleurs: cette consequence n'est pas bonne. Ie veux croire aussi que ceux qui en vsent, & les autres qui me

condamnent sans m'our, iugent de la conscience d'autruy par la leur. Qu'ils se presentent, & que l'on nous commande de répondre de nos actions; i'offre de comparoistre en l'on voudra pour cet esset, & ne demande point de grace, ny de pardon de ma déloyauté, si elle est verissée; ie ne leur souhaite aussi autre mal, sinon que mon innocence soit connuc telle qu'elle est; car ie ne pretens m'armer & dessendre de recrimination, leurs sautes ne me touchent point, mon but est de me dessendre, & non d'assaillir: pourquoy doiton plus volontiers exposer sa vie, pour sauuer son hommeur?

It n'y a grand ny petit en te Royaume, qui puisse dire m'auoir iamais donné vn écu; & s'il y en a bien peu qui n'ayent passé par mes mains; i'ay aussi seruy des maistres qui me faisoient assez de bien, sans en aller chercher ailleurs: Celuy qui prend s'engage, ce que ne doiuent faire ceux qui sont constituez aux charges publiques, pour quelque cause que ce soit.

Er parce que i'ay assez éclaircy vn chacun de la verité, de tout ce qui s'est passé en la negociation de la paix derniere, & de l'octroy & expedition du pouuoir dudit Duc de Guise pour ma instification en cét endroit, ie me contenteray de dire sur ce premiere-

ment.

Qve s'il se trouue que i'aye écrit chose que ie ne puisse prouuer, ie suis content de porter tout le reproche du mal qui s'en est ensuiuy. Secondement, i'ay tres-grand re-

gret dequoy le Roy n'a vsé autrement du bien & aduantage qu'il pouvoit recevoir pour luy, & pour son Royaume de ladite paix, & mesme dudit pouuoir; il a perdu, parce qu'il a fait la creance que l'observation de sa foy & parole luy auoit encore conseruée, non seulement entre ses peuples & sujets, mais aussi par tout le monde; ie luy ay souuent ouy dire, qu'il vouloit plûtost perdre la vie, qu'vn tel tresor; lequel ie suis asseuré qu'il eust gardé tres-cherement, s'il eust reconnu & crû pouuoir sans y faire bresche, conseruer son authorité & puissance. Vosta l'écueil contre lequel il à fait naufrage, voila la cause de ces trauaux & de nos maux; ie ne veux accuser ny excuser personne, se prie Dieu qu'il donne paix aux trépassez, & conserue les viuans: mais ie dis qu'il y auoit plufieurs bons moyens d'arrester le cours des desseins dudit sieur Duc de Guise, & de Monsieur le Cardinal son frere, estans desagreables à sa Majesté, comme ils estoient, sans vser de celuy qui a esté pratiqué; i'en ay dit quelque chose cy-deuant, & n'en diray dauantage à present, ne voulant augmenter le regret & la douleur que nous deuon's ressentir des maux que nous en receuons.

Que le Roy nous ait éloignez de luy pour le respect de la Reine sa Mere, c'est chose que ie ne croiray iamais: caril luy auoit trop grande obligation, & luy estoit son conseil & assistance trop necessaire: les Huguenots ont voulu dire qu'elle auoit des desleins à part en faucur de Monsieur de Lor-

E iiij

raine & Messieurs ses enfans, pour la reuerence qu'ils luy portoient, & pour luy estre si proches qu'ils estoient; mais qu'elle eust voulu pour cela nuire au Roy & à les affaires; ceux qui l'ont bien connu, n'ont iamais eu telle opinion; ouy bien qu'elle eust bien voulu que le Roy se fust seruy d'eux, & les eust aduancez plûtost que d'autres. Mais où sont ceux que lesdits Huguenots n'ont accusé, quandils ne les ont fauorisez & seruis; qu'ontils dit autrefois du Roy mesme, deuant & depuis qu'il est Roy, & qu'ils n'estiment vrais François que ceux qui approuuent leurs actions vilsblasment les Catholiques qui se deffient d'eux, & ils ne se fient aucunement aux Catholiques, dont i'appelle à tesmoin Monsieur de Montmorency, & tous les autres qui se sont meslez auec eux; ils appellent rebelles ceux qui combattent pour leur Religion; & il y a 30. ans & plus qu'ils font la guerre au Roy & au Royaume; sous ce pretexte, quelles villes n'ont-ils pillées? quelles Eglises n'ont-ils abbatues ? combien de fois ont-ils combattu contre le Roy mesme; mis la discorde en la maison Royale; logé les Anglois & autresestrangers en ce Royaume enfin quels maux n'ont-ils faits depuis ce temps-là? Il ne faut que lire les Edicts de paix que l'on a fait auec eux, l'on verra de quelle eau ils ont eu besoin d'estre lauez. Et toutefois auiourd'huy le Roy n'eut & n'aura iamais (ainsi qu'ils disent) de meilleurs seruiteurs & subjets qu'eux : cela veut dire, pourueu qu'il se serue d'eux, qu'il fasse leurs at-

faires, & qu'il trouve bon, ou souffre que le Roy de Nauarre tienne la place du Royaume, que l'on dit que feu Monsieur de Guise vouloit occuper, & cu'il leur foit loisible, cependant que sa Majesté & les Catholiques qui ont pris les armes s'entrebatteront, de s'emparer des villes & deniers du Roy, s'établir & fortisier, le tout pour le service de sa Majesté, & le bien general du Royaume. C'est estre Espagnol ou Guisard, que de n'approuuer ou endurer toutes leurs actions: de ne pouvoir compâtir auec ceux qui veulent nous troubler en nostre Religion, nous abstraindre à leurs volontez, & nous donner la loy, comme ils feront à la fin fi nos diuisions continuent encore longuement.

O R si tant est que nous ayons esté éloignez de ladite Cour, pour le respect de ladite Dame Reine mere du Roy, comme l'on a dit, certainement nous auons moindre cause de nous en plaindre pour nostre particulier, que

pour le Roy & le public.

Entr'autres Princes & Seigneurs qui me firent cét honneur, que de m'enuoyer visiter & offrir amitié apres mon bannissement de la Cour, seu Monsieur de Guise y enuoya deux ou trois sois, dequoy ie le remerciay bien humblement; le suppliant par ma réponse, que s'il auoit enuie de me faire plaisir, il luy pleust faire tant pour moy, que d'éclaireir sa Majesté, de la façon par laquelle ie m'étois conduit en son endroit, en guerre & en paix; ne desirant autre recompense de mes seruices, sinon que sa Majesté connust au

vray comme ie l'auois seruie. Voila toute l'intelligence que i'ay euë auec ledit Duc de-

puis mon departement de la Cour.

Plusieurs de mes amis qui estoient deputez aux Estats, & autres, voulurent sçauoir de moy si i'auois agreable que lesdits Estats sissent instance & supplication au Roy, pour me r'appeller à son service; mais ie les suppliay de ne le faire pas, parce que ie ne voulois que pour l'amour de moy, ils sissent chose qui dépleust à sa Maiesté: joint que ie m'estimois tres heureux de iouir du repos de ma maison, & aussi que ie ne voulois entrer à la Cour, ny aux affaires, contre le gré & la volonté de sa Majesté: si nonobstant ma reponse, quelqu'vn d'eux eust eu opinion d'en parler, ie n'en dois ce me semble estre blâmé, comme i'ay entendu auoir esté assez legerement pour ce regard.

Dieu voulut audit temps appeller à soy seu Monsieur de Mandelot, dequoy ie receus tel déplaisir, que chacun peut s'imaginer, perdant vn si sidel amy, & sur la vertu duquel i'auois sondé le reste de toutes mes esperances & ressources de ma miserable fortune.

Ie pris la hardiesse d'écrire une lettre au Roy, pour supplier sa Majesté d'auoir compassion de la famille dudit seu sieur de Mandelot, & de la mienne, qu'elle auoit iointe & unie ensemble pour son seruice, asin de faire iouir mon sils de l'esset de sa promesse, touchant le Gouvernement de Lionnois, sur laquelle auoit esté basty principalement ledit mariage.

## S'ensuit la teneur de la promesse écrite de la propre main de sa Majesté.

DVENANT que le mariage du fils du A sieur de Villeroy s'effectue auec la fille aisnée du sieur de Mandelot; l'accorde en consideration des seruices de l'vn & de l'autre, que le fils du sieur de Villeroy soit pourveu du Gouvernement de Lionnois, Forests & Beaujolois, à la suruiuance dudit seu sieur de Mandelot, pour l'exercer apres sa mort, dont ie veux que les expeditions & prouisions soient faites qui luy seront necessaires par l'vn de mes Secretaires d'Estat, Brûlart ou Pinart, apres l'accomplissement dudit mariage, sans qu'il soit besoin d'autre rolle, breuet, commandement, ou descharge, que la presente écrite de ma main, nonobstant tous autres Breuets de reserue, ou promesse dudit Gouuernement expediez au contraire. Fait à Paris le 2. iour de Iuillet 1587.

Signé, HENRY.

Depuis, ladite refignation, à condition de suruiuance, nous sur accordée & confirmée sur le rolle de Monsseur Brûlart le 11. Mars 1588. & la prouision d'icelle expediée en forme, & seel lé sur iceluy.

Veritablement ie ne m'attendois pas que le sieur de Mandelot deust si tost faillir au Roy, à la ville de Lion, & à ses amis; mais que viuant il dresseroit mondit fils de sa main, & le rendroit capable de faire seruice à sadite Majesté en ladite charge, de laquelle pour son

E vj

108

le ne receus point de réponse du Roy à mes lettres; mais quand il fut asseuré du trépas du sieur de Mandelot, non seulement il donna le Gouvernement dudit païs à Monsieur le Duc de Nemours, mais aussi il prina mondit fils de la Lieutenance generale d'iceluy, pour en pouruoir le sieur de Guadagne, il luy refusa pareillement le Bailliage de Mascon, qu'il avoit donné audit feu sieur de Mandelot six

mois deuant, à ma requeste & consideration.

Dauantage, sa Majesté voulut tant défauoriser la maison dudit sieur de Mandelot, & la mienne, que de donner au sieur du Perrat. demeurant en ladite ville de Lion, l'Abbaye de la Grace; de laquelle ledit sieur de Mandelot, depuis la mort de desfunct son frere, qui estoit Religieux & titulaire d'icelle, aduenue quelque temps auparauant, n'auoit encore retiré les Bulles & prouisions Apostoliques ; jaçoit que ladite Abbaye ne fust vaccante par le trépas dudit sieur de Mandelot, à qui fa Majesté en auoit enuoyé par vn sienparent toutes les expeditions necessaires.

Depuis Madame de Mandelot ayant enuoyé vers sa Majesté le sieur de la Grange, pour le supplier d'auoir compassion d'elle & de sa maison, & luy remonstrer les debtes d'icelle, il n'en rapporta que du mépris & de l'indignation: bien luy fut-il dit, que l'on pourroit auec le temps faire quelque chose pour ladite Dame & ses filles, en consideration des seruices du feu sieur de Mandelot; mais qu'il ne falloit pas qu'il s'attendist que

l'on fist rien pour mon fils ny pour moy.
Sur ces entrefaites la mort de feu Monsieur de Guise & de Monsieur le Cardinal son frere sont aduenuës, auec l'emprisonnement de Monficur le Cardinal de Bourbon, & de Mesfieurs les Princes de Ioinuille, Ducs de Nemours & d'Elbœuf, de M. l'Archeuesque de Lion, & autres qui ont esté arrestez auec eux.

Soudain que i'en fus aduerty, i'enuoyay querir les Officiers & habitans de la ville de Corbeil, dont ie suis le Capitaine, lesquels i'admonestay de leur devoir & fidelité, & de ne s'embrouiller auec ceux qui entreprendroient à l'occasion de ladite mort de remuer menage, ce qui me pensa couster, bien cher; parce que ceux de Paris en furent incontinent aduertis, qui entrerent en tel soupcon de moy, que ma maison de Paris faillit d'en estre pillée , comme furent les villages de celle de Villeroy, par les premieres trouppes qui sortirent de Paris; & quand ic visque les habitans dudit Corbeil prenoient le party de ceux de Paris, ie ne voulus que celuy que i'auois mis dedans le Chasteau qui n'estoit tenable contre ladite ville y demeurast auec eux, ny fist le serment qu'ils faisoient, & aimay mieux quitter la place, en laquelle ie n'ay pû entrer depuis, que de tremper en ce qu'ils faisoient, esperant que moy & les miens serions à la fin honorez de quelque commandement de sa Majesté. Ces mesmes raisons furent cause que mon pere s'abstint de s'engager & obliger en la ville de Paris; mais qu'il resolut de sortir d'icelle auec la

siévre carte, & se retirer en sa maison d'Alincour, laissant les biens qu'il a en ladite ville, qui sont les principaux de nostre maison, à la mercy & discretion du temps.

l'écriuis aussi à mes amis qui sont à la Cour, de sçauoir du Roy ce qu'il luy plaisoit faire de nous, & l'asseurer de nostre sidelité: à quoy il ne fit autre réponse, finon que l'on y aduiseroit; ce qui me mit en tres-grande peine, & encore plus quand ie vis que le Roy non seulement ne nous avoit fait cét honneur que de nous écrire, ny nous honorer d'vn seul commandement depuis la mort dudit Duc de Guise; ie ne dis pas encore pour nos personnes, mais pour les charges que nous auions, combien qu'alors l'on n'en fust pas chiche; mais que l'on auoit commandé au sieur de Varicaruille de se ierrer dans Meulan qui estoit de la charge de mon pere, & que l'on auoit fait sçauoir à ceux de Mante de se deffier de luy, & aussi que l'on auoit casse la Compagnie des gendarmes de mon-dit sils, laquelle M. le Cardinal de Gondy m'écriuit quelque temps apres auoir esté remise sur l'Estat pour seruir en Dauphiné à la requeste de M. le Duc de Rets son frere!

Ie receus encore au mesme temps vne lettre de sa Majesté, par laquelle elle me mandoit d'ordonner à mondit sils de se retirer de ladite ville de Lion & me venir trouuer; non parce que sa Majesté, ainsi que le portoit ladite lettre, l'estimast autre que son seruiteur; mais pource que son sejour en icelle ville, en ce temps plein de suspicions, ne pouvoit empescher d'en faire diuers discours, autrement qu'à l'aduantage de son assection.

Veritablement ladite lettre m'estonna, voyant que non seulement l'on ne se vouloit seruir de moy, mais aussi que l'on ne vouloit que nous demeurassions aux villes qui obeissoient à sa Majesté, & mesme en celle de Lion, laquelle ie sçauois n'estre démeurée en son obeissance les troubles passées, que par le bon deuoir de seu M. de Mandelot, excité & fortissé du mien, en la consideration du mariage de mondit sils; toutes i'écriuis aussi-tost à mondit sils d'obeir à ladite lettre.

Mais bien-tost apres ie sçeus que ceux de ladite ville de Lion auoient pris resolution d'entrer en l'vnion des Catholiques, & que mondit sils en estant par eux requis auoit fait le semblable, ne les ayant voulu éconduire & abandonner, en consideration de l'affection que seu M. de Mandelot leur auoit portée, & de l'honneur qu'ils auoient aussi fait à sa memoire.

I E sçay bien que peu de personnes croiront que mondit sils aye franchy ce sault
contre ma volonté; si est-ce que c'est chose
tres-veritable, & prie Dieu qu'il me punisse
rigoureusement s'il est autrement; & saut
que ie die que si deuant & depuis ladite declaration, i'eusse pû estre asseuré de la protection du Roy, i'eusse plûtost choisi & souffert la perte de tous mes biens, voire la prison, & la mort mesme, que d'en chercher va
autre, quand i'eusse deu abandonner pere &

fils, & tous mes parens & amis ensemble: chose pourquoy i'enuoyay demander vn passe-port au Roy pour sortir du Royaume, sitost que ie connus qu'il ne se vouloit point seruir de nous, & m'en fusse allé si le l'eusse receu plûtost; mais il me le sit seulement rendre à Paris le 2. du mois de Mars, par vn des gens du sieur de Hautefort.

OR voyant que non seulement le Roy ne vouloit point ouïr parler de moy à la Cour. ny ailleurs, mais aussi que mes ennemis auoient eu tant de pouuoir auprés de luy, que de luy imprimer en l'ame que i'estois vn traistre; de sorte qu'il ne nous estoit point loisible de demeurer és villes qui luy rendoient obeissance, & que l'on ne m'enuoyoit le passe-port que i'auois demandé pour sortir

hors du Royaume.

Voyans d'ailleurs que Messieurs de Paris parloient de faire saisir les biens de ceux qui n'entreroient en l'Vnion des Catholiques, & que tous les nostres estoient en ladite ville, ou aux enuirons en leur main; ie resolus auec mon pere, poussé d'vn tres-ardent desir que nous auions tousiours eu, de seruir de tout nostre pouvoir à la conservation de nostre Religion, & au bien public du Royaume, de nous transporter en ladite ville de Paris, où nous arrivasmes le 18. iour de Mars, & pareillement d'entrer en l'Vnion & conseil desdits Catholiques, où ils nous auoient choisis & enrollez en l'establissement d'iceluy, ayant esté recherchez & viuement poursums & sollicitez de ce faire, tant par M. le

Duc de Mayenne, que par lesdits sieurs de la-

dite ville, & autres dudit party.

I E supplie tous ceux qui liront le present Memoire, de ne croire que ce soit chose que nous ayons faite pour nuire à personne, ny pour en rechercher vengeance ou aduantage aucun au dommage d'autruy ou du public: ie prie Dieu me faire succomber miserablement si nostre volonté a esté telle; ains seulement de couurir de tout nostre pouvoir, & en gens de bien, l'Eglise Catholique, & tout le Royaume, audanger extreme auquel l'vn & l'autre se trouvent, & nous conserver aucc le general des Catholiques, qui sont arriuez. à la veille de deuenir la proye des heretiques, si Dien n'y met la main, & ne les assiste, comme i'espere qu'il fera, & l'en supplie de tout mon cour, en terminant au plûtost cette malheureuse guerre & division qui est entr'eux en vne bonne sorte, ou autre à sa gloire & au salut public dudit Royaume, pour lesquels i'exposeray ma vie tres - volontiers, comme i'ay toussours fait tres - sidelement, où i'ay esté employé, dont i'offre derechef pour la fin & conclusion du present écrit, de resoudre à peine de ma vie, si particulierement que l'on voudra, ou quand il me sera ordonné.

Fait à Villeroy le 8. iour d'Avril mil cinq cens quatre-vingt neuf.

Signé, DE NEVEVILLE.

## APOLOGIE ET DISCOVRS DE MONSIEVR

DE VILLEROY.

Pour monstrer la peine qu'il a pris de faire la paix entre le Roy & Monsteur de Mayenne, & de sa continuelle poursuitte à la pacification de nos miserables troubles.

## A M. DE BELLIEVRE.

Moire que vous m'auez demandé, il contient les causes qui me contraignirent du temps du seu Roy, que Dieu absolue de me sauuer à Paris, & me ioindre à Monsieur le Duc de Mayenne, lequel ie sis dessors plus pour moy - mesme, que pour le communiquer à personne, ny seruir à ma iustification: car encore que la nature nous excuse, voire que la loy nous permette de dessendre nostre vie auec impunité: toute-sois comme tout homme de bien doit estre moins soigneux d'icelle que de son honneur, & que ie sçay que le commun, lequel s'arreste plus à ce qui apparoist, qu'à ce qui

est, fait souvent tel iugement de nostre deuoir & merite, qui est le contentement que nos Superieurs monstrent auoir de nous; i'ay depuis cette action toûjours desiré l'amender, plûtost en bien faisant au public, que le iustisser ou l'excuser par la publication du present Memoire: lequel encore que ie vous le presente maintenant, plus pour vous obeir & satisfaire à nostre commune amitié, laquelle comme elle a esté fondée sur la connoissance que nous auons de nos deportemens au seruice de nostre Roy, le garantira, s'il vous plaist, en vostre endroit de soupçon, auquel il pourroit tomber enuers vn autre, qu'il ne m'auroit éprouué comme vous, qu'il fust accompagné d'artifice ou déguisement : car c'est vn peril, comme vous sçauez, qui suit l'aduersité autant & plus que l'enuie fait la felicité, laquelle aussi vn malheureux doit fuir tant qu'il peut ; ie dis aussi parce qu'il est impossible qu'il s'en garantisse entierement, tant est grande la malice des hommes, & sont nos fins & opinions diuerses; de sorte que souvent s'il nous advient que nous voulans purger d'vne chose par vn autre, comme nous donnons nouvelle matiere de parler de nous, nous empirons nostre marché au lieu de l'amender; specialement quand ce que nous entreprenons & faisons ne plaist à vn chacun, ou ne nous succede heureusement, mesme au gré de nos Maistres, dautant que leur opinion ou iugement, soit par authorité & flatterie, a communement plus de vogue & creance que la verité; chose que ie puis

dire auoir éprouuée depuis ma disgrace, en la continuelle poursuitte que i'ay faite de nos miserables troubles : car encore que i'y ave procedé auec toute l'affection, sincerité & candeur, qu'vn homme qui craint Dieu & aime son païs, peut faire: neantmoins, soit que mon entreprise ave déplû à quelquesvns, ou qu'elle n'aye eu bonne issue, i'en ay souvent esté long-temps hai & blâmé de part & d'autre, iusques à m'auoir taxé d'ingratitude enuers ma patrie, par vn écrit composé & publié par vn personnage qui me connoissoit tres-mal, encore qu'il fust mon voisin, & m'eust quelque obligation. C'est pourquoy, Monsieur, i'ay estimé qu'ayant à vous contenter du premier écrit, i'y deuois encore ioindre ce second, par lequel ie pretens vous rendre compte de toute cette poursuite : car ie confesse m'y estre embarqué apres les considerations publiques, exprés pour effacer l'opinion qu'aucuns auoient conceue & publiée de ma retraite auprés dudit Duc, & pour contenter mes amis & moymesine, au moyen dequoy ie vous supplie prendre la peine de lire apres l'autre : il est veritable, comme ie le puis facilement prouuer par écrit, ou par bons telmoins; si ie voulois aussi mentir ce ne seroit en choses qui ont estési publiques, & dont la memoire est si recente, n'y en parlant à vous, estant clair-voyant, & nous honorant plus que tout autre.

Monsieve, ie commenceray donc pour vous faire entendre chose que vous auez peut-estre experimentée comme moy; c'est qu'en mon aduersité i'ay certainement trouué & receu plus d'assistance de ceux ausquels i'auois moins fait de plaisir & seruice en prosperité, que des autres; soit que l'enuie de ceux qui nous approchent & connoissent le plus, soit communément plus grande que celle des autres, ou qu'ils estiment auoir plus grande occasion de craindre de se faire preiudice en parlant pour leur amy, que ne doiuent auoir ceux qui nous sont moins tenus,ou bien qu'il y ait veritablement des personnes qui ayent l'ame au prix des autres si bonne & genereuse, qu'ils s'estudient à bien faire, à quiconque en a besoin, comme il a plû au Roy qui est à present, & à seu Monsieur de Chastillon en vser en mon endroit; lors qu'estant le seu Roy arriué à Estampes, venant deuers Paris, apres la bataille de Senlis; ils supplierent sa Majesté à la poursuite de Bigot, qui sert maintenant de Secretaire à Monsieur de Guise, de me permettre de demeurer en seureté dans ma maison, comme i'en auois enuoyé charge audit Bigot, que ie serois auec mon pere & monfils, si elle l'auoit agreable & nous y vouloir proteger, contre ceux qui disoient auoir coniuré nostre ruine & celle de nostre maison, en quoy toutefois ils furent éconduits; de sorte que nous fusines contraints apres la prise du Pont de Poissy ( car nous estions à Alincourt ) de nous retirer tous à Paris aupres du Duc de Mayenne, où peu de iours apres suruint la nouvelle de la mort du seu Roy, à la suitte du quel le dit Bigot estoit demeuré, dont se ressouvenant le sieur de Chastillon, il l'enuoya querir & le fit parler à sa Majesté, laquelle luy commanda de me voir, & me venir trouuer auec vne lettre de samain, pour me dire qu'elle desiroit parler à moy; partant que i'eusse le lendemain à me rendre dedans le Parc de Boulogne, où elle se trouueroit; (car l'armée de sa Majesté estoit encore à saint Clou) disant qu'elle se vouloit seruir de moy pour faire la paix, à laquelle elle estoit tres-disposée, & de faire pour y paruenir tout ce qui y seroit raisonnable & ytile, mesme de contenter Monsieur de Mayenne. Ie fus tres-aise de cette ouuerture, de laquelle i'aduertis le iour mesme ledit Duc de Mayenne, le priant me permettre de voir sa Majesté, asin d'entendre plus particulierement son intention; mais il me refusa, disant que chacun entreroit en ombrage de cette mienne veuë, & qu'elle ne pourroit estre si secrette qu'elle ne fust sçeue, & partant à luy encore preiudiciable, toutes choses estans encore si meues comme elles estoient à cause de la mort du feu Roy, laquelle il esperoit apporter vn grand changement aux assaires en sa faueur, pour estre sa Majesté de contraire Religion. De fait il eut opinion qu'elle desiroit parler à moy, plus pour faire connoistre aux Catholiques de son armée, vouloir traitter, & par ce moyen les garder de se débander, que pour enuie qu'elle eust de faire autre chose. De sorte qu'il me fut permis seulement faire sçauoir à la Majesté par ledit Bigot, que s'il luy plaisoit enuoyer quelqu'vn des siens vers moy iusques en cette ville de Paris, ie le receurois & mettrois peine d'obeïr à ce qu'il me manderoit; adjoustant que ledit Duc m'auoit dit qu'il n'auroit aucune querelle particuliere auec sadite Majesté, laquelle il honoroit grandement, & d'autant plus il auoit sçeu qu'elle n'auoit approuué la mort de Messieurs ses freres.

S v R ce estant party, ledit Bigot ramena deux iours apres le sieur de la Marsilliere Secretaire de sa Majesté, que ie receus en ma maison; mais ledit Duc ne voulut iamais parler à luy, comme ie desirois qu'il fist; d'autant qu'il auoit expresse charge de l'asseurer de la bonne volonté de sa Majesté à la paix, luy representant combien elle estoit necessaire, que sa Majesté estimoit qu'il ne tiendroit à luy qu'il n'eust tres-bonne part aupres d'elle, luy remonstrant aussi que tous les Princes & Officiers de la Couronne, Seigneurs, Gentils-hommes & autres, outre ce qui s'estoit trouué en grand nombre en l'armée du feu Roy à sa mort, auoient dessa promis & iuré à sa Majesté toute loyauté & obeissance, estans demeurez contens d'elle pour le fait de la Religion, moyennant vne promesse qui leur auoit esté faite, de laquelle il me dit la substance, & dont il m'en enuoya depuis le double, que nous n'auions encore veu; adjoustant que si les choses se pouvoient accompagner, l'on pourroit aussi donner moyen d'adoucir les esprits desdits Catholiques, lesquels ils disoient grandement estre irritez

contre la personne dudir Duc, à cause de la mort du feu Roy leur Seigneur souuerain, laquelle ils luy imputoient, qu'ils auoient tous protesté de pou rsuiure la vengeance & punition iusques au bout : en quoy sa Majesté s'estoit aussi engagée si auant auec eux, qu'ellene s'en pouuoit départir, que pour vne vtilité telle que pouvoit estre la pacification du Royaume, laquelle pourtant sa Majesté desiroit que ledit Duc voulust embrasser, afin d'auoir occasion d'oublier le passé, de traiter & viure auec luy cy-apres, comme sa qualité le requeroit; ce qu'au desfaut dudit sieur de Marsilliere ie fis entendre audit Duc: mais il me donna charge de luy répondre, que sa Religion & le respect qu'il portoit à Monsieur le Cardinal de Bourbon, lequel il auoit reconnu pour son Roy comme cesuy à qui de droit la Couronne appartenoit, ne luy permettoit d'entendre à cette ouuerture : que Messieurs ses freres auoient pris les armes du temps du feu Roy, comme îls disoient auoir fait exprés, pour empescher que le Sceptre François tombast entre les mains d'vn Prince de contraire Religion, dont le Royaume auoit esté menacé par la mort de feu Monsieur le Duc d'Alençon: à present que l'occasion de s'y opposer estoit plus vrgente & necessaire que l'amais, il ne vouloit faire ce tott à la memoire de Messieurs ses freres, à sa conscience, ny à la fidelité qu'il devoit audit fieur Cardinal d'y manquer; ioint qu'il auoit engagésa foy, & donnésa vie à la cause publique, par le serment qu'il avoit fait, receuant

uaut la charge dont il auoit esté honoré; de sorre qu'encore qu'il eust yn tres-grand desir d'abreger la guerre, pour obuier aux maux qu'il preuoyoit qu'elle apporteroit: toutefois c'estoit chose qu'il ne pouuoit entreprendre seul, & sur tout que ledit sieur Cardinal ne fust libre, afin de se conduire par son commandement : que si la mort du feu Roy luy auoit acquis tant d'ennemis, comme disoit ledit sieur de la Marsillitre, elle luy auoit d'ailleurs apporté vne telle consolation du sang de ses freres, qu'il en porteroit plus patiemment toutes sortes de perils, partane qu'elle auoit plus à louer Dieu que de se mettre en peine de ce qui estoit aduenu, qu'il ne vouloit entreprendre de donner conseil à sa Majesté, ayant les armes en main contre elle: mais qu'elle deuoit considerer que difficilement il les pouvoit poser, & n'entendre à aucune negociation, tant que ledit sieur Cardi-nal seroit prisonnier, & qu'elle perseuereroit ensa Religion.

Le dit theur de la Marsilliere comme tresaduisé & affectionné serviteur de sa Majesté, me repliqua plusieurs raisons, principalement sur la reconnoissance & liberté dudit seigneur Cardinal & la religion de sadite Majesté, lesquelles auec tout ce qui se passa entre luy & moy; ie ne vous representeray, d'autant que ledit Duc de Mayenne voulut que les choses demeurassent aux termes susdits: toutes ois sa Majesté ayant ouy ledit sieur de la Marsilliere, eut opinion qu'on ne luy auoit parlé librement à cause de sa Religion; de

Tome I,

sorte que ledit Bigot sut encore renuoyé aucc vn trompette de la Majesté, & vne lettre de Monsieur de Liencour, premier Escuyer, par laquelle il me mandoit qu'il estoit necessaire qu'il parlast à moy pour chose qui importoit grandement, laquelle il ne me pouvoit écrire ny faire sçauoir par vn autre, partant il me convioit d'aller insques à Liencour. Le Roy estoit lors du costé de Clermont en Beau-noiss, où il se devoit trouver aussi-tost que moy, moyennant ledit trompette & vn passeport pour ma seurcté : ledit Bigot me dit que cette recherche procedoit encore du commandement de sa Majesté, laquelle depuis le retour dudit Marsilliere auoit monstré auoir plus grande enuie de parler à moy que de-uant, dont i'aduertis ledit Duc, le suppliant tres-instamment me permettre ce voyage; toutefois ie ne le pûs oneques vaincre, ny l'entreprendre sans sa personne, estant où estoit mon fils, quasi desesperé & deploré de l'arquebusade qu'il auoit receu au siege de Pontoise : de façon que ie fus contraint de m'excuser derechef deuers sa Majesté; & parce que ie voyois que ledit Duc faisoit estat de partir de Paris, & de s'approcher de sadite Majesté, i'écriuy audit sieur de Liencour, que i'estimois que nous sentions bien-tost si prés les vns des autres, que ie pourrois alors auoir congé & moyen de le voir, dont i'auois tresgrand desir, & de me retirer, en le remerciant du soin qu'il monstroit auoir de moy.

MONSIEVE le President Ianin estost nouvellement arrivé à Paris, venant de Lor-

raine, lequel auoit vù le Commandeur Moreau qui reuenoit d'Espagne, & avoit rapporté audit Duc qu'il devoit estre bien-tost secouru de grandes & fortes leuées en Allemagne, Suisse, aux Païs-bas & en Lorraine, & de grandes sommés de denièrs du costé d'Espagne, partant que rien ne luy manqueroir: ce qui auoit tellement enflé les esperances dudit Duc, qu'il me pria de faire qu'on ne m'enuoyast plus de messagers de la part de · sa Majesté, d'autant que plusieurs commençoient à en murmurer, & mesmes Dom Bernardin de Mendoze Ambassedeur du Roy d'Espagne, lequel auoit eu le vent du voyage dudit sieur de la Marsilliere & de l'arriuée dudit trompette; deslors ie connus que ledit Duc n'auoit pas grande enuie de la paix.

DAVANTAGE ledit Dom Bernardinde Mendoze estimant que ie pouvois estre in-Arument fort propre pour seruir aux desseins de son Roy, me les découurit & communiqua dessors plus clairement qu'il n'auoit encore fait audit Duc, ny à autre; auec dessein de m'y engager : mais comme ils tendoient à vsurper le Royaume, i'en demeuray si scandalise, que l'ayant fait entendre audit Duc, ie le fuppliay en la presence dudit sieur Ianin, de me donner congé de me retirer en ma Maison; s'il ne s'y vouloit opposer, luy declarant que ie ne voulois auoir part en vne entreprile si injuste & si impossible qu'estoit celle dudit Roy, laquelle deshonuroir tous ceux qui s'en méleroient, & seroit cause de destruire la Religion & le Royaume, adjoustant que puis que le Royauoit tel dessein, il ne deuoit aussi esperer de faire fortune par son moyen, & qu'il acquerreroit plus de gloire, de grandeur & de contentement en aidant au repos du Royaume, sous l'oberssance d'vn Prince François, qu'il ne feroit en fauorisant vn dessein estranger, lequel luy feroit ensin perdre la reputation & ses amis, & peut-estre perdre les biens & la vie.

Monsieur de Lorraine s'estoit nouuellement saisi de Monsieur de verdun, voyant que chacun aspiroit à l'vsurpation ou separation du Royaume, ce qui augmentoit mon dépit de mécontentement auec plainte : toutefois ledit Duc m'asseura par serment, qu'il ne consentiroit iamais ny à l'vn ny à l'autre; & au reste qu'il sçauoit mieux que ledit Dom Bernardin, que le Roy d'Espagne n'auoit autre intention, que de voir regner en ce Royaume vn Catholique, de l'amitié duquel il peust estre asseuré, comme ledit President Ianin luy auoit rapporté que luy auoit confirmé ledit Moreau; surquoy il obtint de moy que ie ne cesserois que ie n'eusse veu ledit Moreau, & sçeus de luy la verité du dessein de son Roy, auquel ie condescendis plus vo-Iontiers, d'autant que i'esperois l'accompagnant au voyage qu'il vouloit faire, de voir par ce moyen ledit sieur de Liencour comme ie luy auois écrit.

I' A vois neantmoins sçeu que sa Majesté auoit esté mal satisfaire de la réponse que je luy auois faite, & qu'aucuns m'auoient pour cela depeint pour vn bon Espagnol ennemy du bien & repos de la France, & en particulier de la personne de sa Majesté, à quoy auoit seruy à la persuader l'opinion qu'on leur auoit dit de leur reconciliation, comme leur auoit dit de leur reconciliation, comme le conte qu'elle auoit découuert des lettres par interceptes que ledit Dom Bernardin fai-

soit de moy à son maistre.

A P R E s la mort du feu Roy, ledit Duc fut conseillé & sollicité d'aucuns de se faire élire & declarer Roy de France par les Catholiques ausquels il commandoit, luy remonstrant qu'il ne deuoit perdre cette occasion, de remettre en sa maison la Couronne qui en auoit esté ostée, & estant desia reconnu & obey des principalles Villes du Royaume, & d'vn grand nombre de Noblesse, comme il estoit, ayant à faire à vn Prince de contraire Religion, auquel la succession pouuoit estre instement debatue : lequel ne seroit iamais bien obey, ny aime des Catholiques du Royaume : que si à ce commencement ceux qui auoient seruy le feu Roy, faisoient contenance de le suiure, c'estoit à cause du regret qu'ils auoient encores tout recent de la mort du feu Roy, plûtost que pour affection ou inclination qu'ils cussent: mais comme les Catholiques & Huguenots estoient imcompatibles, ils n'auroient gueres vescu ensemble, que la memoire des hames & injures passées durant nos guerres se renouuelleroit, laquelle leur seroit bien-tost oublier cette paction : que le prin-

cipal effoit que lors ils trouuassent vne-Royauté formée & establie, à laquelle ils pussent auoir recours, d'autant que les François estoient tous accoûtumez à la Monarchie, que tous autres gouvernemens leur estoient odieux; & qu'on ne les contentoit pas, leur donnant pour Roy Monsseur le Cardinal de Bourbon, comme aucuns propofoient, à cause qu'il estoit prisonnier, & Ecclesiastique, qu'ils vouloient iouir de leur Roy, qui fust belliqueux, & allast à la guerre commeenx, & non en seruir vn par imagination, qui ne pust voir leurs actions, les reconnoistre, ny leur bien faire; que ledit Duc seroit accufé lasche de courage, s'il méprisoit cette occasion: qu'il n'y avoit que les simples & pusillanimes qui attribuoient ce refus à bonté & équité, pour estre cette en rreprise digne d'vu cœur genereux, tant pour le merite de la chose, que de la commodité qu'il auoit d'y paruenir ; c'estoit faire les affaires du Roy de Nauarre, que de reconnoiare ledit sieur Cardinal son oncle: car c'estoir enfin confesser la Couronne appartenir à la maison de Bourbon, lequel toutefois l'on pouvoit debattre. Que de s'amuser à dessendre le droit de l'oncle contre le neveus c'estoit vn suiet bien fragile, à cause de l'âge & de la personne dudit Cardinal, qui estoit au pouuoir d'yn neveu; qu'auenant sa mort, il ne restoit plus que le pretexte & tiltre de Religion contre le Roy, lequel cesseroit quand il voudroit d'aller à la Messe, comme il ne salloit point douter qu'il ne fift,

enfin si autrement il ne pounoit faire ses a faires; qu'aussi diroit on que ledit Duc auoit mis ledit Cardinal en jeu exprés, pour fous fon nom couurir son ambition, & peut-estre auancer ses iours : car peu de gens croyoient qu'il l'eust fait par affection ny justice. Ce pauure Prince tenu prisonnier estant demy mort au monde, & la iustice peu considerable, quand il estoit question de regner: de sorte qu'en suiuant tel chemin, il ne seroit exempt de calomnie & de blasme, & si perdroit sa part d'une tres-bel-le & glorieuse fortune, laquelle il ne recouuriroit iamais ; car quand bien ledit sieur Cardinal mourroit, & que ledit Roy persisteroit en sa Religion, il resteroit toujours d'autres Princes de sa mesme Maison, faisans profession de la Religion Catholique, ausquels ledit Due seroit d'autant plus obligé de conserver leur droit par ces mesmes raisons qu'on luy reprosentoit; pour ledit sieur Cardinal, qu'il n'auroit le jeu si bean qu'il auoit maintenant à cause de la diversité de la Religion du Roy, & mesme de la prison de Monsieur de Guise son neveu. qui pourroit auec le temps estre déliuré & apres luy enuier cette grandeur, qu'il no falloit douter qu'il ne fustassisté du Pape & du Roy d'Espagne, apres ce coup; car com; me il seroit sans remede, il seroit tonjours plus aisé de le fauoriser, que d'acquiescer au Roy de Nauarre, estant pour sa Relia gion & pour la dispute du Royaume de Nauarre ennemy irreconciliable de l'yn & de

l'autre, qu'estant authorité de sa Saincteté; & secouru dudit Roy d'Espagne, tout luy deuoit estre possible; car il acqueroit vn grand honneur d'épouser cette entreprise, trauailler & mourir pour icelle, comme auoient fair ses predecesseurs; qu'il poursuiuist donc sa fortune couragensement sans varier, quoy qu'il en pust arriver : car tels desseins vouloient vne ame forte & constante; tel qu'il s'estoit monstré depuis la morr de Messieurs ses Freres, dont Dieu luy offroit & liuroit maintenant le loyer qu'il ne poutoit mépriset sans faire tort à la memoire des siens, & pareillement à ses enfans; Que quand Messieurs les Ducs de Lorraine & de Sauoye n'approuueroient du commencement cette resolution, il luy seroit facile apres la leur faire trouuer bonne, qu'au pis aller il en seroit quitte pour leur faire part de sa fortune. Aussi seroit-il difficile qu'il mangeast seul ce morceau, non plus qu'anoient fait ceux qui auoient autrefois tenu ce chemin, lesquels n'auoient rien épargné ny refusé pour y paruenir; Que c'estoit le principal aussi d'entrer en jeu, & auoir part au hazard, non comme procureur ou lieutenant d'vn autre, ainsi que l'on le voudroit rendre; mais comme partie interesse; & pour telle reconnue : car le temps acheueroit apres le demeurant, s'il s'en rendoit digne deuant Dieu & les hommes : Que fi maintenant il reconnoissoit ne pouuoir ny deuoir aspirer à ce grade, au moins deuoit il rompre & aduiser à la reconnoissance dudie

Cardinal de Bourbon; d'autant que par icelle, non seulement il prioit luy & toute sa maison de toute cette fortune; mais aussi c'étoit le moyen d'en pouvoir à l'aduenir disposer en faueur d'vn autre Prince que de la maison de Bourbon, laquelle estoit ennemie de la sienne.

A ce conseil, qui estoit assez chatouilleux, ceux qui y vouloient contredire, n'employerent pour toute raison que l'impossibilité; Car, Monsieur, comme vous sçauez, qu'en telles matieres, celles qui sont fondées sur l'equité, ont ordinairement peu de credit, l'honneur & la justice y suiuent l'vtilité, sinon deuant Dieu, au moins deuant les hommes. Ledit Duc auoit déja perdu partie de la bonne opinion, que du commencement l'on avoit eue de luy, autant peut-estre par ·la faute d'autruy, que par la sienne; tant y a que son mal-heur estoit tel : car ces peuples qui s'estoient persuadez, en prenant les armes que personne ne leur pourroit resister, ayant depuis éprouvé le contraire, & n'agueres veu ledit. Duc aux abois auec eux en la ville de Paris, s'en prenoient à luy, de façon qu'on ne luy portoit l'affection & obeissance que l'on deuoit faire: Partant, soit que lesdits peuples sussent déja pratiquez, ou qu'ils en parlassent par experience ou iugement, ils disoient sur cette occasion assez communément & ouvertement, qu'il n'estoit -puissant assez pour conseruer la Religion, & foûtenir cette guerre. Sur cela aucuns vouloient que l'on éleuast le Roy d'Espagne, &

While and by Google

que l'on se jettast du tout entre ses bras : les autres, que l'on prist Monsieur le Duc de Lorraine, ou l'vn de Messieurs ses enfans comme Chef de la Maison, se persuadans que ledit Roy d'Espagne l'approuneroit, & mesme y engageroit sa fille. Aucuns proposoient encore Monsieur le Duc de Sauoye, comme issu d'vne fille de France, déja allié & supporté de la Couronne d Espagne. Prince courageux, voisin du Rovaume & puisfant: Mais la plus grande & saine partie jettoient les yeux sur Monsieur le Cardinal de Bourbon, auquel l'on disoit que la Couronne appartenoit de droit pour en estre plus proche d'vn degré que son neveu, qu'il auoit esté ainsi jugé par les Estats & Parlemens du Royaume ; que c'est vn grand aduantage que de combattre & souffiir pour vne bonne & juste quereile. Dauantage, que ledit Cardinal estoit Prince & Catholique, auoit esté chef du party, & comme tel auoit beaucou) souffert, dont il estoit encore prisonnier, que l'on estimoit qu'il estoit facile de le recouurer & pratiquer par force, qu'il seroit cause de r'allier tous les Catholiques ensemblé, qui estoit le moyen de destruire bien-tost les Huguenots, sans estre contraint de mandier l'assistance des estrangers, laquelle ne nous seroit donnée pour neant. Peu certes inclinoient audit Duc de Mavenne, à cause de sa foiblesse, & du peu de contentement que l'on auoit de luy, & de ceux qui manioient les affaires auprés de luy : seulement aucuns de ses domestiques, ou leurs parens & amis en perit

nombre parloient pour luy, & comme il ne pouvoit se faire élire que par le Parlement, ou par le Conseil general de l'Vnion qui n'étoit lors en sa force, ou le corps des Villes; combien que telles compagnies sussent remplies de personnes de differentes humeurs & opinions, non encore bien pratiquées, instruits ni resolus de ce qu'elles devoient faire & desirer en cette occasion, s'accordoient, toutefois à ne vouloir reconnoistre ledit Roy. de Nauarre, à cause de sa Religion, ny élire ledit Duc de Mavenne pour Roy, pour les raisons susdites. Sur cela estoit fondée principalement l'impossibilité du dessein dudit Duc; à quoy ledit Dom Bernardin de Mendoze au nom du Roy son maistre, & les seruiteurs des autres Princes, qui aspiroient à ce grade ne s'endormoient pas; ce qui estoit mieux connu dudit Duc, que de ccux qui luy en parloient; partant ils prirent confeil, & resolurent d'en donner le tiltre à vn autre, & mettre peine d'en maintenir & conserver l'effect, puis qu'ils ne pouvoient avoir l'autre pour luy; & comme ledit fieur Cardinal estoit plus propre que tous autres, pour seruir à ce dessein, tant pour la qualité deson âge, qu'à cause de son absence, joint que ses pretentions estoient plus plausibles, il s'arresta à luy, le reconnut le premier, & le fit proposer, reconnoistre & proclamer au Parlement, au Conseil de l'Vnion, & par ceux de la Ville, par l'aduis dudit Dom Bernardin, lequel en fit grande instance; aucuns ont dit par affestion, comme celuy qui se vantoir estre isu

d'vne fille de la maison de Bourbon, mariée à celle de Mendoze en Espagne : mais plus & mon aduis pour donner temps & moyen à fon Roy,& dresser ses pratiques en ce Royaume, & assembler & faire venir ses forces &c. deniers pour mieux executer son dessein; iugeant bien que ledit Cardinal ne la feroit pas longue, que son nom seroit plus propre pour seruir de planche à son maistre que celuy d'yn autre, principalement dudit Duc de Mayenne, l'ambition & authorité duquel ilredoutoit. Et d'autant que cette opinion par laquelle la Couronne estoit adjugée & conseruée à la maison, à laquelle de droit elle appartenoit, iustifioit mieux la cause publique, & rendroit nos diuisions & guerres ciuiles moins dangéreuses; elle fut incontinent. embrasse d'vn chacun; & veritablement à rropos pour le salut du Royaume, puis qu'il. n'y auoit moyen de persuader lors à ce peuple d'enuoyer vers sa Majesté traiter auec elle, ny de la connoistre: car si ledit Duc eust pris deslors resolution de contenter le Roy Catholique, & tout autre Prince, il ne falloit que surscoir la declaration de reconnoîere ledit Cardinal, comme il pouvoit faire facilement, sous pretexte de sa captiuité, & d'assembler ceux du party pour en ordonner: car par ce moyen il en eust disposé quasi comme il cust voulu, tant estoit grande la haine dudit Roy, fondée sur la Religion, & bonne opinion que la Commune auoit de la probité, pieté, forces & moyens dudit Roy d'Efpagac, & de les Ministres & seruireurs; de

sorte que ceux qui furent cause de cette resolution ne firent pas petit seruice au Royaume. Ledit Duc de Mayenne partit de Paris, auec son armée le premier iour de Nouembre, passa par Noisy, Mante, Vernon, & Trepagny, alla assieger la ville de Gournay, dans laquelle commandoit le sieur de Rudempré auec son Regiment de gens de pied; là furuint le Commandeur Moreau, lequel estoit party d'Espagne deuant la mort du Roy, partant il ne sçaucit certainement quel conseil prendroit son maistre apres cette nouvelle: car si sa Majesté eust vécu c'estoit bien son intention de secourir Monsieur de Mayenne d'hommes & d'argent, mais sous-main, & fans engager son nom & ses bandes, comme déja il auoit commencé, lors qu'il auoit enuoyé en France le Comte de Collate auec son Regiment de Landsquenets qu'il auoit équipez à son seruice, & promis faire seruice audit Duc, encore qu'il fust payé de ses deniers, Cela fur cause qu'à l'abord ledit Moreau ne me parla qu'en termes generaux de l'intention de son Maistre, comme il auoit fait audit President Ianin en Lorraine: & neantmoins comme il estoit de son naturel assez prompt & impatient, aussi qu'il estimoit auoir h bon jeu, qu'il ne se deuoit plus contraindre, il ne tarda gueres à me donner trop d'occasion de croire qu'il n'auoit pas moins de fureur pour son maistre, que ledit Dom Bernardin: car il ne parloit pas de faire vn Roy de France de sa main, qui fust grand & puilfant affez par soy-mesme & sans secours. d'autruy, en bannir du tout l'Heretique & ses adherans, & plusieurs autres contes semblables, par lesquels l'on découuroit que la mort du Roy luy auoit aiguisé l'appet t.

LE Roy estoit retiré du costé de Dieppeauec les forces qu'il auoit, où le Duc s'achemina incontinent apres la prise de Gournay, qui ne dura que deux jours, reprit en passant Neuf-Chastel; & apres auoir joint Monsieur le Marquis du Pont & Monsieur le Duc. d'Aumale, se vint presenter deuant la ville de Dieppe, du costé du Polleg auec son armée, qui estoit composée de quatre cens cheuaux François, Reiftres & Vvallons, fix mil Suifses, trois mil Landsqueners, & de cinq à six cens hommes de pied François. Quelques iours apres i'obtins permission dudit Duc de voir Monsieur de Liencour, dont ie l'aduertis; mais il me:respondit que la recherche qu'il en auoit faite auparauant n'estoit pas venue de luy, partant qu'il scauroit & me manderoit si l'on l'auroit encore agreable. toutefois ie n'eus depuis aucune nouuelle de luy, dont i appris que de cela auoit esté causée l'impression susdite que sa Majesté auoit conceuë de moy, & perdis cette occasion à mon tres-grand regret, par laquelle i'esperois ietter les fondemens d'vne bonne negociation, pour abreger nos miseres.

Mais il s'en presenta une autre bien vite apres, par la prise du sieur de Belin, l'un des Mareschaux de Camp de l'armée dudit Duc, aduenuë au combat d'Arques, auquel Dieu fauorisa miraculeusement sa Majesté: car encore que le logement de son armée sut tenu aduantageux, & le chemin pour y aller tres-difficile & perilleux, toutesois comme les sorces dudit Duc estoient sans comparaison plus grandes que celles de sa Majesté, si elles eussent aussi bien assailly comme les autres se dessendaient, sadite Majesté eust couru grand sortune. Ledit sieur de Belin y demeura doncques prisonnier à la teste de l'armée, lequel estant déliuré sur sa foy, vint trouuer ledit Duc au Pont d'Aunay, où il s'estoit retiré, à cause que son armée s'estoit débandée depuis son partement de deuant la ville de Dieppe, pour recueiller quelques gens & deniers qu'il esperoit tirer du Pais-Bas, par le moyen dudit Moreau.

LEDIT sieur de Belin luy dit, que sa Majesté l'auoit enuoyée exprés pour luy demander la paix, de laquelle elle auoit telle enuie, que sans auoir égard à sa dignité ni consideration quelconque; elle auoit bien voulu le rechercher maintenant, que l'on ne pouuoit dire que ce fust par necessité qu'elle le fist, puis qu'il s'estoit reculé d'elle, mais pour la compassion qu'elle auoit du public & du Royaume; ledit sieur de Belin luy dit aussi, comme les Catholiques qui estoient auec sa Majesté le prioient de faire semondre sadite Majesté de quitter sa Religion, & embrasser la Catholique; & ce faisant ne laisser de traiter auec elle; & la reconnoistre, se promettant par ce moyen d'auoir la paix à la gloire de Dieu, ou bien qu'il en reussiroit va tres-grand bien & aduantage pour la dessense de nostre Religion, qui apporteroit audit

Duc tres-grand honneur.

CETTE proposition fut mise en deliberation, & dés-lors fort debattue prés dudit Duc: car les vns vouloient que le conseil desdits Catholiques fust suiny, & les autres y resistoient. Ceux-là dissient que telle frecherche ne pouvoit estre que tres-vtile à la Resigion & au Royaume, tres-honorable à ceux qui la feroient, & mesme agreable à Monsieur le Cardinal de Bourbon, estant en prison, & quasi hors d'esperance d'en sortir, comme il estoit : car il adviendroit d'icelle, que le Roy changeroit de Religion ou non; s'il faisoit le premier, Dieu en seroit glorisié, la Religion restaurée, & le Royaume mis en paix, au grand honneur & aduantage de Monsieur de Mayenne & de son party, parce qu'il seroit reconnu autheur de tel changement,& qu'il obtiendroit pour la grandeur de sa maison, la seureré de nostre Religion, & de tous ses partisans; que telles conditions qu'il voudroit demander, il les auroit, & alseureroit aussi la vie dudit sieur Cardinal, laquelle couroit fortune en ce debat, & peutestre seroit cause de sa liberté, laquelle il ne falloit esperer, puisque nostre armée ne s'y estoit acheminée & employée au départir de Paris, & qu'il auoit esté déliuré par M. de : Chauuigny au Roy son neveu, lequel l'auoit enuoyé à Fontenay en Poitou, en la garde de ceux de la Religion, seroit cause de la deliurance de Messieurs de Guise & d'Elbœuf, dont il

seroit loue & fortissé, & que c'estoit tout ce qu'il luy restoit à faire eterniser d'vne gloire immortelle, la poursuitte qu'il avoit faite & heureusement de la mort de Messieurs ses freres : & que si sa Majesté refusoit d'embrasser la Religion après son offre, non seulement iustifieroient sa cause deuant Dieu & les hommes, dedans & dehor's ce Royaume auec la memoire de sesdits freres, & les armes passees; mais aussi apporteroit vne telle diuision entre sa Majesté & les Catholiques qui l'assistoient, que son party en seroit tres-fortifié; que c'estoit le but auquel il deuoit tendre, le preferant à toute autre chose : les autres remonstroient qu'estant nostre guerre fondée sur la Religion plus que sur le droit de la Couronne, ledit Duc ne pouvoit en saine conscience, ny ne deuoit par raison s'engager à tel offre sans la permission du Pape, le consentement des Prelats, Villes & Communautez du party, mesmes des Princes étrangers qui l'auoient assisté insques alors, d'autant que c'estoit vn coup de partie que chacun trouueroit mauuais qu'il entreprist de iouer sans eux, lesquels encores qu'ils l'eusfent éleu chef du party, n'auroient toutefois entendu ny 'esperé qu'il disposast du generalsans les appeller; & quand meu de l'vrilité publique il s'en dispenseroit, il ne seroit suiuy des autres : de façon qu'au lieu de pacifier le Royaume, il le troubleroit & diuiseroit par aduanture plus qu'il n'estoit : quoy aduenant ses moyens ne sauueroient le public, ains demeureroit méprisé de tous; ce qui leur

118-

donnoit connoissance de soupconner que ce conseil des Catholiques apporté par led, sieur Belin estoit artificieux, & mis en auant du consentement de saMajesté, exprés pour faire perdre audit Duc ses amis dedans & dehors le Royaume, & sur tout le Roy d'Espagne, lequel ils n'estoient d'auis qu'il m'écontentast aucunement, comme celuy seul duquel dependoit son principal appuy; mesmement pour chose si incertaine qu'ils estimoient qu'étoit le fruit de cette ouverture, pour 2noir les Catholiques qui estoient auprés de sa Majesté, fait preuue depuis la mort du fen Roy, avoir peu de soin de leur Religion, pour maintenant esperer qu'ils fissent mieux à l'amenir: que leur deuoir estoit de sommer & presser eux-mesmes le Roy de se faire Catholique, & l'honneur de sa Majesté; qu'elle se resolust à leur requeste plûtost qu'à la postulation de ceux qui luy faisoient la guerre, & se contentast qu'apres sa conversion faite comme il convient, elle fust reconnue d'eux: ils remonstroient aussi le peril que couroir la Religion en cas de dissimulation en sa conversion, concluant qu'ils trouvoient cette ouverture si dangereuse, tant pour ledit Duc, que pour le party, que non seulement il la falloit rejetter, mais aussi celer à vn chacun, pour obuier aux destiances & divisions qu'elle engendreroit si elle estoit découverte & communiquée : les premiers repliquoient que la guerre estoit pour aucuns, bien plus ambitieux que religieux, comme l'on commençoit à découurir, & mesme de la pare

des Espagnols, lesquels au lieu de secourir ledit Duc des forces qu'ils auoient fait approcher de la frontiere, sous la conduite du heur de la Motte Gouverneur de Gravelines, auec lesquelles il eust pû du tout renfermer fadite Majesté dedans Dieppe, comme il leur auoit remonstré; & ce faisant, gagner vn grand aduantage fur luy, auroient voulu surprendre la ville de Cambray sur Balagny qui auoit ennoyé ses forces, & sestoit luymesme achemine au secours & service dudit Duc, & de la cause que seur but estoit d'vsurper l'Estat, & le dissiper, quoy estant ses armes & ses assistances seruiroient plus à nous dés-vnir & destruire qu'à autre chose; que l'on deuoit bien porter honneur & respect auPape, & parrant ne rien conclurre auec sa Majesté, sans son aduis & permission; d'autant qu'il estoit besoin que sa Sainteté mist la main à la conversion de sa Majesté, pour la rendre parfaite, qu'il en falloit aussi Communiquer aux Prelats, Seigneurs, Villes & Communautez du party, afin de ne rien faire sans eux, pour les raisons representées; mais que ledit Duc ayant plus de connoissance des affaires que personne, ne deuoit faire disticulté d'ébaucher ce remede à nos maux s'il iugeoit qu'il fust à propos, pour n'en perdre l'occasion, & apresle poursuiure & paracheuer, par l'aduis & consentement des autres enuers lesquels ils ne pouuoient prendre creance, si veritablement & par effet ils n'en recherchoient le bien & aduantage de la Religion & du Royaume, lesquels couroient plus grand peril, la

guerre durant, si elle n'estoit mieux justifiée & conduite, que d'vn bon accord fait auec sa Majesté convertie, quand mesme il y auroit du déguisement, d'autant que l'ambition & la confusion qui estoit audit party, rendoient les armes d'iceluy mal-heureuses, & que l'on pouvoit par ledit accord brider tel-Iement sa Majesté, qu'il ne seroit apres en son pouuoir de nuire à la Religion, ni à ceux du party, quand mesine elle en auroit volonté. Rejettant ce conseil, c'estoit non seulement affermir au seruice de sa Majesté lesdits Catholiques qui estoient auec elle, mais aussi luy en donner des nostres, lesquels connoissans comme plusieurs commençoient déja de faire, la malice des Espagnols & leur but, composeroient auec elle & l'iroient trouuer & seruir : que ledit Duc pouvoit facilement se conduire en ce moyen sans se faire tort ny offenser personne; & que tant s'en faut qu'il deust craindre que lesdits Espagnols sissent bande à part, & l'abandonnassent comme l'on disoit; qu'au contraire, quand ils verroient que luy & le party se pourroient passer d'eux, ils en feroient plus de conte, & rechercheroient dauantage son amitié, comme gens méprisans ordinairement ceux qui ont besoin d'eux; à quoy ils se reduiroient tellement auec le party; s'il refusoit cette occasion, qu'il seroit apres contraint de seruir tout à leur dessein, voire deuenir esclaue diceux; que neantmoins ils n'estoient d'aduis de les mépriserni offenser, si faire se pouvoit, tant pour l'assistance que l'on en auoit receue, qu'estoit

encore leur amitié & association vtile & auantageuse au public & au particulier dudit Duc; mais bien de ne laisser de faire pour eux ce que l'on iugeoit estre honneste, iuste & vtile à la cause, comme ils concluoient qu'estoit ladite ouuerture, laquelle pourtant ils supplioient ledit Duc d'embrasser, & non la reietter comme les autres luy conseilloient.

NEANTMOINS l'aduis des autres fur suit suit pressent de Belin sut renuoyé aucc vne réponse conçeue en termes generaux, de l'affection dudit Duc à la paix du Royaume, pour laquelle il disoit qu'il estoit prest de l'employer quand il connoistroit par icelle pouvoir conserver & asseurer la Religion qui estoit son principal but, dequoy ledit sieur de Belin eut charge d'asseurer les dits Catholiques, sans toutes ois engager ledit Duc plus

auant enuers sa Majesté.

LEDIT Duc de Mayenne alla de là à Amiens, où il fur receu tres-magnifiquement,
route la ville sortit en armes au deuantde luy,
l'artillerie le saliia & luy sur presenté vn poil
qu'il resusa; mais estant conduit en la grande Eglise; il s'agenouilla sur le marche-pied
qui luy auoit esté preparé. Il estoit en grand
soucy de la ville de Paris, où il auoit sçeu
que sa Majesté s'estoit acheminée au partir de
Dieppe; toutesois il sut si pressé des habitans
dudit Amiens d'y demeurer insques à l'élection de leur majeur, qui se deuoit faire le iour
de saint Simon saint sude, le 28. Octobre,
qu'il s'y accorda; mais il sit cependant auancer son armée du costé du Pont de sainte

Maixance, afin de s'approcher de ladite ville deParis, dont il sceut la prise des Faux-bourgs bien-tost apres, ce qui le hasta d'aller; & si l'on eust mieux rompu, ou tant soit peu desfendu ledit Pont de sainte Maixance, ie croy qu'il ne fust iamais arriué à temps dans ladite ville de Paris pour la seçourir, tant les habitans estoient esfrayez, pressez de sa Majesté, de sorte que ledit Duc y arriua fort à propos. Le lendemain sa Majesté quitta lesdits Faux-bourgs, & ledit sieur de Belin reuint encore trouuer ledit Duc, qui derechef luy parla de la paix, mais il aduança aussi peu que la premiere fois, encore qu'aucuns ayent depuis soupçonné qu'il luy fust dessors donné charge d'asseurer sa Majesté en secret; que si elle vouloit estre Catholique, ledit Duc se disposeroit auec ceux de son party de la contenter; chose, si ainsi est, qui ne me fur communiquée, encores que chacun scenst assez que ie fauorisois ce conseil sur tous autres. Il ne sortit aucun fruit de ce propos, car sa Majesté alla apres à Vandosme, au Maine & en Normandie, gaignant & forçant tous les iours quelques places : ledit Duc demeura en ladite ville de Paris.

Le sieur Iean Baptiste de Tassis du conseil du Roy d'Espagne au Païs-Bas, arriua quelque temps apres, accompagné dudit Commandeur Moreau: dessors ils voulurent engager ledit Duc à traiter auec leur Maistre, assistez dudit Dom Bernardin de Mendoze, & demandoient qu'il fust declaré Protecteur du party Catholique en ce Royaume; auec des

authoritez, puissances Royales & souueraines qu'ils bâtissoient, marques & tiltres de ladite protection & reconnoissance, comme ils disoient de l'obligation que nous luy auions, & du besoin que nous auions de son assissance, comme de pouruoir aux principales charges & dignitez du Royaume, Ecclesiastiques & Seculieres, tout ainsi que fait le Roy au Royaume de Naples & de Sicile par dessus ses Vice-Rois qu'il y enuoye.

Le fus appellé à ce conseil, où ie fus tresempesché, encores que ledit Duc m'eust promis, qu'il n'accorderoit rien contre les loix du Royaume; car il me sembloit que c'estoit faire tort à nostre honneur seulement de préter l'orcille à telles demandes, lesquelles ils poursuiuoient auec tant d'ardeur (comme ils nous eussent tres-honorez de nous receuoir pour esclaues) que c'estoit chose indigne de la nation Françoise d'y entendre; & mesme de la fidelité, que le party auoit iurée à Monsieur le Cardinal de Bourbon, duquel, ils faisoient bien lors paroistre qu'ils faisoient peu d'estat, & à quelle fin ils auoient fauorilé sa reconnoissance.Lesdits Espagnols pressoient tellement cette resolution, qu'ils ne vouloient donner loisir audit Duc d'attendre que Monsieur le Cardinal Cajetan enuoyé Legat en France par le Pape Sixte cinquiéme, fut arriué pour luy en communiquer, encore que sa Sainteté l'eust depesché exprés à sa poursuite, & qu'il sust dessa bien auant dans le Royaume: & fut cela à mon aduis pour s'asseurer de son affection particuliere

.I44 au seruice de leur Maistre, comme celuy duquel les parens tenoient desia de la volonté du saint Pere, lequel aussi l'on disoit commencer à reconnoistre leur malice & ambition,& auoir compassion de la France. Monsieur l'Archeuesque de Lion reuint lors de prison, & ce à propos : car il fortifia & authorisa grandement ceux qui contredisoient ausdits Espagnols, ausquels veritablement ledit Duc fit paroistre par effet, n'auoir enuie d'accorder leurs demandes : toutefois ils ne laisserent d'en faire instance & poursuites, assistez & fortifiez de leurs partisans qui n'é-

toient en petit nombre.

Monsieur, ie fus trouuer en ce temps-là Monsieur le Cardinal de Gondy à Novsi, auec Monsieur de Videuille., & le sieur Zamet, où vous pristes la peine de vous rendre à ma priere, il vous en souuiendra; ce fut pour vous dire la peine en laquelle ie me trouuois de la poursuitte desdits Espagnols, du peu d'affection que ie reconnoissois que ledit Duc auoit à la paix, & la crainte que i'auois qu'à l'arriuée dudit Legat, il prist quelque resolution, & remplist tout le Royaume de feu & fang pour iamais: & fur ce, i'ay suppliay leditsieur Cardinal de venir iusques à Paris, pour assister les gens de bien enuers ledit sieur Legat, afin de le disposer de rechercher les moyens de pacifier ce Royaume, comme chose que ie reconnoissois ne pouuoir auoir lieu, que par l'entremise & authorité de sa Sainfeté, pour estre le party trop fort de ceux qui sous pretexte de pieté, vouloient détruire

ou enuahir le Royaume. Vous nous aidastes aussi à faire entreprendre ce voyage audit sieur Cardinal, encore qu'il sust tresaffectionné au bien de ce Royaume, comme il s'est monstré en toutes occasions: de sorte qu'il se rendit à Paris apres l'arriuée dudit Cajetan qui y sut receu, ledit Duc absent; car il estoit au siege de Pontoise, duquel il vint à bout plutost qu'il n'esperoit.

MAIS ledit Cajetan fit peu de conte des bons conseils & aduis dudit sieur Cardinal de Gondy des miseres de la France, ny des remonstrances des gens de bien: car au lieu de faire l'office de Pere commun, comme l'on esperoit & croyoit certainement que c'essoit l'intention de sa Beatitude qu'il sist; il embrassa & sauorisa ouvertement les turbulents & sous main le dessein desdits Espagnols, au grand prejudice de la Religion & de la Frace.

Novs voyans doncques deceus & priuez de ce remede contre raison & nostre attente, ie me resolus de me retirer en ma maison; mais auant que partir ie voulois mettre & laisser par écrit audit Duc les conseils que ie luy auois donné pour me descharger, de les luy enuoyer au siege de Pontoise, parce que ie sçauois que ledit Tassis l'auoit suiuy, qui le pressoit encores de luy permettre de faire pour son Roy, sinon tout au moins vne partie de ses demandes, disant le vouloir aller trouuer & l'en resoudre. Ie sçeus aussi que ledit Duc auoit deliberé d'enuoyer auec luy en Espagne l'vn des siens, de sorte que ie craignois qu'il s'engageast, encore qu'il noue Tome I.

eust promis le contraire: il sit faire ce voyage à Rossieux, dont ie sus tres-marry, car c'estoit celuy de tous ses seruiteurs qui le sollicitoit le plus de contenter lesdits Espa-

gnols.

LEDIT Duc m'écriuit auoir pris en bonne part mon écrit qui tendoit à la persuader au conseil que les Catholiques qui assistoient sa Majesté, luy auoient donné par ledit sieur de Belin, c'est à sçauoir de sommer sa Majesté d'estre Catholique, & en ce faisant l'asseurer de la reconnoistre; i'ajoûtois aussi qu'à son refus il deuoit mettre peine de retirer va Prince du sang Catholique, pour estre nostre chef en l'absence de Monsieur le Cardinal de Bourbon, afin de coupper broche à toutes les pratiques que l'on faisoit contre l'Estat; neantmoins sedit Duc print autre conseil, pour autres raisons cy-dessus dites, lesquelles aucuns luy faisoient encore plus preignantes & considerables que deuant, à cause des voyagesen Espagne desdits Tassis & Roslicux, & de la ialousie que les Ministres du Roy d'EL pagne commençoient à faire paroiftre auoir de luy, & de ceux qui l'assistoient, pour auoir contredit leurs demandes qu'aucuns de la ville de Paris fauorisoient si ouvertement, qu'ils luy disoient, que ledit Duc estoit seul qui s'y opposoit, auec quelques-yns qui estoient aupres de luy, & que la ville & tout le party ne demandoient autre chose que de contenter sa Majesté Catholique : ce qui fut cause que les Ministres du Roy commençoient à s'adresser à ces gens-là pour des-authoriser ledit Duc, & faire leurs besongnes sans luy, comme ils leur disoient qu'il leur estoit facile de faire; en quoy les vns & les autres se conduisoient si impudemment & insolemment, que chacun s'en apperceuoit, mesme que la partie estoit fauorisée dudit Legat, auquel neantmoins ie sis voir l'écrit que i'auois enuoyé audit sieur Duc, sur l'instance qu'il m'en sit; car il sui incontinent diuulgué & assez bien receu; toutesois en la ville il se contenta d'en voir copie sans en faire autre conte, aussi ne pouuoit-il seruir au sien.

VOYANT doncques que ledit Legat nous estoit si contraire, ie dis audit sieur Cardinal de Gondy, lequel ie visitois souvent, que ie m'en voulois aller, & de fait ie ne voulus accepter vne prouision de Conseiller dudit Duc, qui me fur lors enuoyée, ny faire le serment d'iceluy, que Monsieur de Lion, lequel auoit accepté la garde des Seaux, faisoit prester à tous ceux que ledit Duc auoit choisis & retenus du Conseil general de l'Vnion, lequel il auoitesté conseillé de supprimer; & fusse party à l'heure mesme sans la prise de Monsieur le President de Blanmesnil, lequel iene voulois abandonner en cette necessité. qui estoit certes tres-perilleuse. Dieu me fic cette grace que sien'eus le credit de garantir sa bourse, iene fus du tout inutile à sa vie, laquelle estoit fort menacée de plusieurs, qui avoient lors plus de puissance & authorité en ladite ville, que n'auoit la justice, ny mes continuelles sollicitations & supplications, lesquelles durerent deux ou trois mois : que

si ledit President n'eust mis la main à la bourse, & payé sept ou huit mil écus qui tournerent au prosit d'vn particulier, & comme il se resolut de faire à la fin, il n'en sust pas

forty autrement.

QVELQVE s iours devant ie receus vne lettre de Monsieur le President Ianin, écrite de Maigny, par laquelle il me prioit si l'occasions'en offroit, & que i'en eusle les moyens, de ietter les fondemens d'vne negociation pour la paix publique, d'autant qu'il reconnoissoit ledit Duc plus disposé d'y entendre qu'il n'auoit encore esté: cette lettre me réjouït, estant dudit President, qui estoit à la suitre dudit Duc, auquel il se consioit grandement, & qui estoit homme de bien & clairvoyant.

L'EN sis part incontinent audit Cardinal de Gondy, & resolusmes que ie me retirerois en ma maison, que sa Majesté m'enuoyeroit vn passe-port, & me donneroit moyen de parter à elle pour attacher cette negociation, comme de moy-mesme, & la poursuiurois apres selon que les occasions s'en presente-

roient

Sv R cela ledit Cardinal partit de Paris, tres-mal ediné dudit Cajetan, & se retira à Noysi; mais voyant que ie mauois aucunes nouuelles de luy, & que d'ailleurs toutes choses, s'alteroient tous les iours dauantage en ladite ville de Paris, que les Flamans'estoient arriuez en l'armée dudit. Duc de Mayenne, sous la charge du Comte d'Aiguemont, que l'on ne parloit que d'aller secourir la ville de

Dreux assiegée par le Roy, & donner vne ba-taille, & que le marché de la deliurance dudit President Blanmesnil estoit accordé & signé, ce qui m'auoit si long-temps arresté en la ville de Paris. Ie pris congé d'vn chacun pour me retirer en ma maison, dequoy le Commandeur Moreau sut tres-aise: car il estimoit que ma personne portoit mal-heur aux affaires de son Maistre, & avoit esté si effronté que de le publier par la ville; & soupconnoit mesme ledit Cardinal Cajetan, qu'il auoit veu les articles de la paix signées de ma main, & accordées du consentement de Mesdames de Nemours & de Mayenne, desquelles il n'estoit lors gueres mieux edissé que de moy, parce qu'elles n'approuuoient leur dessein. Mais comme ie voulus monter à chedal le quinziéme du mois de Mars de grand matin, M.de Lion, duquel i'auois pris congé le foir de deuant, m'enuoya prier de le voir encore deuant que partir, auec lequel ie trous uay le fieur du Tremblay, qui luy auoit apporté le premier aduis de la perte de la bataille d'Yury, comme celuy qui pour estre prisonnier sur sa foy, auoit veu jouer les jeux sans s'en méler, & partant eut moyen d'ap-porter la nouvelle le premier: & neantmoins il parloit incertainement de la personne dudit Duc de Mayenne, pour estre party com-me il disoit auant l'entiere dessaite de l'armée.

CETTE nouvelle m'arresta tout court, car ie ne voulois qu'il sust dit que i'eusse abandonné le party à cause de cette perte, com300-

me peut-estre on eust fait de part & d'autre, fans auoir égard à ma premiere resolution: je vouloisvoir aussi si elle n'apporteroit point quelque changement aux affaires publiques, comme de nous donner enuie de faire la paix; & chercher quelque remede à nos maux, autre que celuy duquel nous auions vsé insques alors ; ie voyois aussi mon fils engagé à Pontoise, dont ledit Due luy auoit de nouneau rendu la charge apres l'anoir-reprise, & me sembloit ne pouvoir honnestement laisser ledit Duc, le party, ny les miens en cette necessité, laquelle chacun estimoit verirablement denoir éclorre d'autres effets qu'elle ne fit, comme à mon aduis il fust aduenu, fi les choses cuffent autrement efte conduites qu'elles ne furent.

LEDIT Duc arriva tost apres à saint Demis, peu accompagné; ie le fus trouuer aucc' les autres, & comme il ne parloit que de chercher les moyens d'auoir sa reuanche, d'y engager & encourager vn chacun; ie m'abstins aussi de luy parler de ma retraite, ny d'entreprendre la paix, pource qu'il ne l'eût eu agreable, & qu'il l'eust peut-estre attribué à lascheté; mais i'en dis mon aduis au seur de ...... & entre tous audit President Ianin, lequel m'asseura que sans cette disgrace, ledit Duc se fust dispose à la paix; mais qu'il n'y auoit ordre apres ce coup de luy persuader, ny seulement de luy en parler, qu'il le falloit laisser se douloir, & abbatre le vent des esperances qu'on luy donnoit par yn nouncau secours, me promet-

tant qu'il ne perdroit l'occasion d'y seruit, quand il reconnoistroit le pouvoir faire auec l'honneur dudit Duc, & la seureté de la Religion & du party. Ledit Duc se retira à Soissons, & laissa à Paris Monsieur de Nemours pour y commander, assisté dudit sieur de Lion; il y laissa aussi sa mere, sa sœur, & sa femme auec ses enfans, & pria ledit Cardinal Cajetan d'y demeurer pour asseurer lesdits habitans, ausquels il promit de les secourir bien-tost, quatre ou cinq iours apres son partement. Monsieur le Cardinal de Gondy m'enuoya yn passe-port du Roy, pour, aller à Noisi & à Mante, où estoit sa Majesté, car la Ville luy avoit esté rendue par les habitans: apres cette victoire ie recournay, à Paris pour huich iours, durant lesquels ledit Cardinal me coniura de l'aller trouuer, à quoy ie me resolus, pour sçauoir de luy à quelle fin il m'auoit enuoyé l'édit passe-port, & quel moyen il y auoit de seruir au public. Il me dit que ledit passe-port auoit esté accordé sur l'instance qu'il en auoit fait saire par le seur de la Verriere son Cousin, deuant la bataille, suivant la resolution que nous en auions prise ensemble sur la lettre dudit President Ianin, dont i'ay fait mention cy-deuant : & encore qu'il n'eust esté expedié que depuis ladite bataille, il auoit estimé estre à propos de le receuoir & me l'enuoyer, parce qu'il estoit apres ce coup plus necessaire que deuant, de bastir un bon accord pour. sauuer la Religion & garantir la ville de Paris, laquelle couroit grande fortune; par-G iiij

rant il estoit d'aduis que ie visse sa Maje sté, & luy fisse ouverture de ladite paix, nonobstant: ce qui estoit aduenu depuis; disant qu'elle s'y attendoit, & que mon logis déja estoit marqué en ladite ville de Mante, mais ie m'en excusay sur ledit changement, lequel ie luy! dis auoir plustost refroidy que rechaussé ledit Duc de Mayenne d'entendre à la paix, comme i'auois appris dudit sieur President lanin: partant ie craignois, allant trouuer sa Majesté, non seulement me faite mocquer! de moy, mais aussi nuire plus aux affaires publiques que ie n'y seruirois. Toutefois sur l'instance que m'en fit ledit sieur Cardinal, ie luy promis de voir le sieur du Plessis Mornay, comme mon voisin & amy, auec lequel ie pourrois conferer des affaires publiques & des miennes particulieres, sans preiudicier à personne, tout ainsi que i'auois fait, par la permission dudit Duc de Mayenne, auec le fieur de Buy son frere, qui lors commandoir à Pontoise pour le seruice du Roy.

Doncoves ie sus trouver ledit sieur du Plessis prés de ladite ville de Mante, auquel ie sis le discours de tous les susdits propos de la paix, qui s'estoient passez entre ledit Cardinal de Gondy & moy, à laquelle ie luy disque i'auois reconnu lédit Duc auoir eu plus grande inclination, depuis auoir découvert les intentions des Ministres du Roy d'Espagne, qu'auparauant: de sorte que i'estimois que l'on en eust pû tirer quelque fruict deuant la bataille, comme il m'auoit estémandé & asseuré par un de ses principaux

seruiteurs, dont i'auois aduerty ledit sieur Cardinal de Gondy, lequel sur cela auoit defiré que ie visse sa Majesté pour l'en aduertir: à quoy ie m'estois disposé, pour le desir que l'auois toussours eu de seruir à vn si bon œuure, luy disant en ce propos la deliberation en laquelle m'auoit surpris la nouuelle de la bataille; mais depuis que l'auois reconnu ledit Duc refroidy en ladite paix, & resolu de recouurer ce qu'il auoit perdu ; dont ie preuoyois que les Espagnols feroient tres-bien leur profit; comme ceux qui auoient bien reconnu que ledit Duc, ny le general du party, n'auoient pas grande enuie de s'embarquer auec eux, qu'ils se seruiroient de cette nécessité, en nous faisant achepter cherement leurs discours : à quoy il estoit au pouuoir de sa Majesté de remedier, en bien vsant de la victoire que Dieuluy auoit donnée, comme elle feroit si elle aduisoit à contenter les Catholiques au fait de la Religion; sans quoy ie tenois pour certain que la guerre durcroit encore long-temps, & que sa Majesté auroit quasi aussi-tost la fin du Royaume que dudit Duc de Mayenne & son party, d'autant que les Villes & la Noblesse qui en estoient ne s'accorderoient iamais auec sa Majesté, tant qu'elle seroit de contraire Religion, & à luy difficile de les y forcer, estans assistez du Pape & du Roy d'Espagne, comme ils estoient; & sur tout du dernier, lequel il sçauoit auoir deliberé d'abandonner ses propres affaires pour soûtenir le party contre sa Majesté. Que se le Roy auoit autresois resisté à la France.

lors qu'elle estoit florissante & viue, à plus forte raison la pourroit-il endommager maintenant qu'elle estoit à demy destruite & diuisée par tout comme elle estoit; qu'il ne deuoit croire que la bonne fortune de sa Majesté ébranlast les Villes ny la Noblesse du party, qu'elle n'eust pourueu au susdit poinct de Religion, ains plûtost que le peril les rendroit plus constans & opiniastres; mais s'il plaisoit à sadite Majesté satisfaire à ce point, comme ce changement seroit du tout înterpreté à la pieté & bonté fans plus craindre qu'il fust à aucune autre necessité, ie me laissois asseurer que chacun accourroit à elle, la reconnoistre, & obeiroit à l'enuy l'vn de l'autre, soit que ledit Duc se resolust ou non; que pour mon regard ie detestois le dessein des Espagnols, encores qu'ils me l'eussent découuert & confié des premiers, que ie m'é-tois retiré vers ledit Duc du temps du feu Roy par necessité; mais que ie m'estois depuis entretenu pour le respect de ma Reli-gion, & pour m'estre promis de seruir quelque iour au repos du Royaume, à l'honneur de Dieu, que f Dieu nous vouloit tant pupir, que de nous priver de cette esperance là, comme il adviendroit, si ledit Duc par necessité ou autrement se iettoit entre les bras des Espagnols, & se donnoit à cux; i'avois delibere me retirer de la presse, & ne participer iamais à ce dessein, s'il plaisoit à sadite Majesté, me prendre en sa protection: chose que le sérois encore plus volontiers, si sa Majesté pouruoyant à la seureté de la Ré-

ligion, vouloir vaincre, comme il me sembloit qu'elle pouvoit facilement & vtilement faire ledit Duc & ses partisans par bonté & prudence, comme elle avoit fait par les armes, à quoy i'exhortois ledir sieur du Plessis d'employer le credit qu'il auoit auprés de sa Majesté, laquelle l'eusse volontiers pris la hardiesse de l'en requerir & supplier moy-mesme, i'eusse estimé qu'elle l'eust pris en bonne part, & n'eusse eu crainte de déplaire audit sieur Duc; mais qu'il me suf-fisoit de luy auoir representé, sçachant qu'il estoit si affectionné à sa Majesté, & d'ailleurs tellement mon amy, à cause de nostre voifinage, & de l'assistance qu'il avoit tiré du nostre, du temps que i'estois en Cour, qu'il sarisferoit à tout ce qui estoit necessaire pour. ce regard, l'asseurant pour fin que si ledit Duc refusoit d'entendre à la paix, le l'abandonnerois pour viure priuément en ma maison, suiuant ma premiere deliberation prise deuant la bataille.

LEDIT sieur du Plessis sit contenance de bien prendre mes raisons & mon intention, & me dit que sa Majesté auoit encore plus de bonté que de generosité, ne demandant à ses subjets que l'obeissance qu'ils luy de-uoient; que la Couronne luy appartenoit, tant par droit que par merites, qu'ils y falloit arrester comme Prince tres-vertueux & parfait, dont il auoit rendu tant de preu-ues, que personne n'en pouvoit douter: da-uantage qu'il estoit Prince de soy, tres-grand observateur de sa parole, à laquelle il vou-

116

loit moins manquer qu'à soy-mesme; que c'estoit vn fondement tres-solide, sur lequel on pouuoit bastir vne bonne paix & reconciliation, à laquelle l'on le trouneroit toûjours tres-disposé; qu'il n'essoit aucunement vindicatif; qu'au combat il estoit ardent & courageux, mais hors d'iceluy il estoit encore plus gracieux, comme il apparoissoit qu'il faisoit aux prisonniers de la bataille, lesquels estoient de luy fort caressez : que Dieu l'auoit tousiours assisté, luy attribuant toutes ses prosperitez, lesquelles sont encore plus aduouées de ceux qui l'ont toûjours seruy, que des autres, principalement depuis la Ligue, la rage de laquelle estoit tombée sur luy contre toute iustice, parce que lors il ne pensoit qu'à viure en patience, & rendre obeissance au feu Roy, sous la protection de ses Edicts, au lieu de l'accabler, comme les autheurs d'icelle l'auoient projetté, l'auroient remplie & comblée de gloire : que quand il se ressouvenoit d'auoir veu huit ou dix armées toutes employées: contre luy & les amis, & delaissé & abandonné quasi de tout le monde, il n'avoit pû toutefois gaigner sur luy aucun aduantage digne de memoire, ny seulement d'ébranler sa foy enuers Dieu, ny sa vertu & constance en aucune chose; qu'il auoit dessors iugé que Dicu auoit entrepris sa dessense & protection, & l'auoit reserué exprés pour faire trophée de fa justice diuine, & restablir le Royaume en son entiere splendeur & puissance : que si jamais Prince sut aussi propre de ce saire, il

l'estoit; car s'il aimoit les armes il fauorisoit encore plus la iustice, & estoit ennemy du vice, honorant & respectant les gens de bien & de vertu: qu'il luy asseuroit que si ledit Duc luy demandoit lapaix, & se rangeoit à la raison, il la leur accorderoit tres-liberalement, & demeureroit content de luy & de ses actions, comme l'estoient les Catholiques qui l'assistoient; & mesmes de la declaration qu'il leur auoit faite sur la Religion, qu'estant comme ils estoient en tres-grand nombre, composé des principaux Princes & Officiers de la Couronne, Seigneurs & Gentils-hommes du Royaume, l'on pourroit dire qu'ils faisoient la principale & plus considerable partie des Catholiques d'icelle; de sorte que ledit Duc ni les siens ne pouvoient vser de ce nom, ni apporter de scrupule & difficulté, & ce dont les autres estoient des meurez tres-contens & satisfaits, sans luy faire tort, & donner occasion à vn chacun de se dessier de sa vosonté; qu'il ne doutoit point que les Espagnols ne fissent leur prosils pouuoient de la mauuaise fortune dudir Duc, comme il luy auoit remonstré; ce qu'il ne trouuoit estrange d'eux, estant comme ils estoient nos anciens ennemis, mais que le blasme & le dommage en demeuroit audit Duc & autres François, s'asseurant à cux : qu'il esperoit que Dieu acheueroit de renuerser leurs desseins comme il auoit commencé: quand le Roy d'Espagne n'auroit que vingt-cinq ans, & seroit trois fois plus puissant & mieux assisté en ce Royaume, il 118

y succomberoit, l'entreprenant contre va Prince si genereux & bien sondé en justice, nourry au trauail, '& bien assisté dedans & dehors le Royaume comme essoit sa Majesté, laquelle faisoit aussi peu de compte des rodomondades & forces Espagnoles, & que ce ne seroit samais par crainte que ses subjets obtiendroient la paix de luy, mais par submission, émeuë de la compassion qu'il auoit du peuple : qu'il connoissoit mon intention à la paix, m'exhortoit d'y perseuerer, & comme mon amy me separer dudit Duc & de son party, comme d'vn tres-mauuais garand & appuy: que sa Majesté me don-neroit pour ce faire toutes les prouisions & asseurances qui me seroient necessaires; mais il falloit que mon fils en fist de mesme, remettant au pouvoir de sa Majesté la ville de Pontoise à laquelle il commandoit, disant que ma retraitte ne pouvoit estre autrement que tres-suspecte & mal receue : que puis que ie n'auois aucune charge dudit Duc de Mayenne de parler de la paix, i'auois bien fait de ne me presenter deuant sa M. mais qu'il estoit d'auis que ie visse ledit Duc, plustost pour l'asseurer de la volonté de sa Majesté, & sçauoir qu'elle estoit la sienne, pour sur cela me resoudre, ne pouvant croire que Dieu eust fait tant de graces au Roy pour les lais-ser imparfaites : de sorte qu'il esperoit que ceux qui s'opiniastreroient luy faire la guer-re, accroistroient plustost leur honte qu'ils ne recouureroient leur perte, & qu'il ne fal-loit plus qu'oster la pierre au laist à ceux de Paris pour les ranger à leur deuoir par force, s'ils n'y vouloient entendre d'amitié: quoy succedant, qui douteroit que les autres Villes du Royaume ne se vinssent ietter aux pieds de sa Majesté? Qu'il ne pouvoit conseiller audit Duc, d'attendre insques-là à se resoudre, parce qu'il ne feroit son devoir ny son prosit, comme il me conseilloit de luy remonstrer, m'asseurant au reste que si e reuenois auec charge dudit Duc de parler de la paix, ie serois tres-bien venu, & que sa Majesté, auprés de laquelle il m'assisteroit, me verroit bien volontiers, mais il me

prioit de me hastet.

Monsievr, le remerciay ledit sieur du Plessis de sa bonne volonté, & luv dis que i'estois si affectionné à ma patrie, que ie tenois pour perduë, si la guerre duroit, que ie ne faudrois d'aller trouuer ledit Duc de Mayenne iusques à Soissons, où il s'estoir retiré pour luy faire entendre ce qu'il m'auoir dit de la bonne intention de sa Majesté à la paix, & le supplier de s'y resoudre, en preserant le salut du Royaume à toute autre confideration, l'asseurant que le ferois pour ce regard tout ce qui seroit de ma puissance, & que selon sa réponse i'yrois trouuer sa Majesté pour luy en rendre compte : où s'il appelloit les Espagnols & traitoit auec eux, ie me retirerois en ma maison, sans plus le suipermettre que mon fils rendist Pontoise, parce qu'il me sembloit y aller trop de son honneur, la place luy ayant esté franche-

ment baillée en garde par ledit Duc : & ne voyant autre cause & changement en la personne de sa Majesté qui le pust iustement mouuoir & excuser de ce faire, que l'auantage de cette derniere victoire que Dieu luy auoit donné, laquelle obligeoit plûtost mondit fils de perseuerer en la foy qu'il auoit donnée audit Duc, qu'elle ne 1 en deschargeroit s'il ne vouloit estre accusé & conuaincu de lascheté; de laquelle, comme mon amy & Gentil-homme faisant profession d'honneur, il me devoit plûtost déconseiller si i'y estois disposée, qu'exciter par la consideration du repos de ma maison, duquel ie luy declarois vouloir plûtost estre priué pour iamais, voire de la vie mesme, que de consentir que mondit fils acquist vne telle honte, & auois mefme vne telle confiance en la bonté & vertu de sa Majesté, que ie m'asseurois qu'elle l'estimeroit dauantage, faisant ce qu'vn homme de bien doit faire, que s'il en vsoit autrement; que s'il falloit que i'achetasse à tel prix la seureté de ma maison, i'estois deliberé de quitter plûtost le Royaume que d'y condescendre : que ie ne doutois point des vertus de sa Majesté, & de sa bonne fortune, ny de la fidelité de ses seruiteurs & amis, & pareillement qu'en ostant à ceux de Paris le laict & le froment, & les passages de viures, sa Majesté n'aduançast grandement ses affaires; mais ic priois de croire qu'elle ne reduiroit iamais les habitans d'icelle, ny d'aucune autre ville de la Ligue à la reconnoistre de bonne volonté, fi elle ne donnoit ordre au point de la Religion: le suppliant sur ce de considerer combien il falloit de temps pour forcer les dites Villes l'vne apres l'autre, estans mesmes assistez des susdits Espagnols, encouragez par le Pape, desesperez de la Religion de sa Majesté, laquelle pourtant messembloit y deuoir bien penser.

LEDIT sieur du Plessis fit peu de conte de ces propos, mais il ne me pressa dauantage d'engager mon fils à ma retraite, seulement d'auancer mon voyage deuers ledit Duc, pour lequel il m'enuoya du depuis vn passe-port par la voye dudit sieur de la Verriere, par lequel i'auois esté conduit en cette Conference. Ce ne fut sans me plaindre à bon escient audit sieur de la Verrière, du propos que m'auoit tenu ledit sieur du Plessis concernant mon fils, luy priant de dire au Roy, que: iene desirerois pas que mondit fils vint à son feruice indignement ny honteusement, parce que le sçauois qu'il saisoit plus de conte d'vn homme de bien que de mille poltrons, & qu'au reste ie serois son tres-humble seruiteur, bien deliberé de faire mon deuoir pour la paix, & de n'estre iamais Espagnol. Ica vous asseure, Monsieur, que cecy me pensa débaucher: car ledit fieur du Plessis me donna? occasion de croire qu'il auoit plus d'enuie de. retirer ladite ville de Pontoise pour ledit sieur de Buy son frere, lequel en estoit Gouuerneur auparauant, que d'aider à la paix. ny à mon repos particulier: toutefois ie me resolus de m'acquitter encore de ce deuoir, & auprés prendre conseil de mes affaires auec

15/2:

Dieu & mon honneur, comme i'ay declare andit Cardinal de Gondy, quand ie fus de retour à Noisi, où vint le jour mesme ledit Cardinal Cajetan, & me semble que vous yous y trouuastes aush, poursuivant vostre accoûtumée affection au bien du Royaume, faire quelque office enuers ledit Cajeran; mais ce Prelat tendoit plûtost à diviser les Catholiques d'auec sa Majesté, les exciter, solliciter & presser de suiure l'Eglise; que de faciliter vn bon accord, tant il defiroit complaire au Roy d'Espagne, & le seruir. Co fut à Monsieur le Marcschal de Biron à qui il s'adressa pour cét effect : fut-il pas bien conseillé, mesme fi fraischement apres cette fignalée victoire, qui auoit enflé les cours & les esperances des serviceurs de sa Majesté, aussi fit-il tres-mal ses affaires, dont ie m'afseure qu'il n'estoit pas fort marry, comme celuy qui auoit à mon aduis fait le voyage, plus pour irriter le Pape entre les Catholiques qui seruoient sa Majesté, que pour y profiter, craignant que sa Saintete qui commençoit desia à changer d'aduis en nos affaires, fist trop de compre d'iceux.

Estant à Paris, ie sis part aux trois Princesses qui y estoient, & à Monsieur de Lion, des bons propos que m'auoit tenus ledit sieur du Plessis, tous sirent demonstration d'approuuer & desirer que i'allasse trouver ledit Duc de Mayenne pour l'en informer. Ie partis huict iours apres; le Sieur Zamet vint auec moy, nous le trouvasmes à Soissons mes-mal de sa santé, & encore plus assigé

de l'esprit, à cause de l'estat de ses affaires, neantmoins comme Prince courageux & aduise, il n'obmit rien à faire pour maintenir ses partisans en deuoir, & dresser une nouvelle armée. Il auoit desia depesché par tout, & auoir enuoyé gens exprés à Rome, en Espagne, Flandre, Lorraine & Sanoye, où vous pounez penser qu'il n'auoit rien oublié à remonstrer, & permettre, dequoy pouvoir feruir à son besoin, comme ont accoûtumé les Princes qui se trouvent en pareille necessité; voyant mesme que sa Majesté auoir desia gaigné la ville de Mante, laquelle s'estoit rendue d'essroy, & qu'elle auoit attaqué Corbeil & Melun, mal-garnies de ce qui estoit necessaire pour se dessendre le succez de cette derniere bataille, ayant surpris les plus fins & diligens, & estonné les plus asseurez.

LEDIT Duc ayant ouy mon rapport, que ie doray le plus que ie pûs; d'abord il cut grande dissiculté de me permettre de commencer cette negociation, tant il craignoit d'un costé offenser les Espagnols, par les partisans, desquels il estoit couronné & forté veillé; & d'autre part que la recherche de ce traité luy fust imputée à faute de courage ou de moyen de se dessendre, & partant tres-prejudiciable & honteuse: toutefois le lendemain il changea d'auis, soit que ce sust pour donner l'alarme & l'épouuante aux Efpagnols, & en ce faisant auoir le secours qu'il leur demandoit, ou preparer vn moyen pour au besoin sauver la ville de Paris, las

MEMOIRES quelle personne n'estimoit pouuoir durer, quand les passages des viures seroient bouchez, ou bien endormir sa Majesté de l'esperance d'vn accord : car il me permit de retourner vers elle, & me chargea de luy dire de sa part, que s'il luy plaisoit donner contentement aux Catholiques sur le fait de la Religion, il mettroit peine de disposer de ceux qui l'aunient esseu & reconnu pour chef de luy rendre obeissance, & traiter d'vne bonne paix, laquelle il protestoit desirer & affectionner, plus pour garantir le Royaume des calamitez de la guerre, que pour se preualoir'ny aduantager, comme celuy qui n'auoit rien deuant les yeux que le bien de la Religion, & contenter pour ce regard nostre saint Pere le Pape, lequel il honoroit comme le chef de l'Eglise, sa conscience & ceux qui l'auoient honoré de sa charge qu'il auoit, que sa Majesté ne deuoit croire que sa mauuaise fortune ny sa foiblesse luy fissent tenir ce langage, car-ie pouuois témoigner quel auoit esté son desir en cela: quelques iours auant la bataille, il esperoit aussi mettre sus bien-tost vne armée encore mieux que iamais: sur tout, il me pria de ne dire à personne qu'il m'eust donné la charge de parler à sa Maiesté d'aucune chose, mais de faire courir le bruit que ie me retirois en ma maison auec sa permission, pour n'ébranler ny intimider ses amis, aufquels il donneroit aduis de ma retraite,& ne croire qu'il m'eust enuoyé vers sa Majesté, si d'auanture l'on leur en demandoit quelque chose, tant de l'armée que d'ailleurs.

Ie voulus voir ledit sieur du Plessis, & luy communiquer ce que i'auois fait auec ledit Duc; & mesme l'aduis qu'il auoit donné de mon voyage à ses amis, deuant que de me presenter à sa Majesté, asin qu'il aduisast auec elle, s'il estoit à propos pour son service & le public, que ie passasse outre : car ie n'auois enuie de ce faire, s'il iugeoit qu'il en deust aduenir autrement. Ie le vis à Lezigny en Brie, ou ie sus conduit par le sieur de la Verriere; ledit sieur Zamet y vint auec moy, comme celuy qui desiroit servir de tout son pouvoir au repos de ce Royaume, ainsi que ie puis témoigner qu'il a fait depuis sidelement.

LEDIT sieur du Plessis, apres m'auoir ouy, fut d'auis que ie visse sa Majesté, laquelle ie trouuay logée aux faux-bourgs de la ville de Melun, de laquelle le sieur de Fontaines auoit composé deux iours auparauant. le dis à sa Majesté la charge que m'auoir donné ledit Duc, comment & à quelle condition il m'auoit permis de faire le voyage, & ce qui m'y auoit embarqué: le suppliant prendre en bonne part mon affection, & ne perdre maintenant l'occasion de remettre le Royaume en paix, que Dieu luy auoit misten la main par son trauail & sa valeur, que tout dépendoit du poinct de la Religion, puis que ledit Duc officit de la reconnoistre, si elle se vouloit resoudre d'y pouruoir au contentement des Catholiques, & par consequent de sa seule volonté: partant elle pouvoit dire qu'il-ne tenoir plus qu'à cela qu'elle ne vous rendist

laquelle peut - estre elle ne recouureroit iamais: car quand ses hostes viendroient, ledit Duc de Mayenne ne pourroit plus disposer de luy & de ses amis, comme il pouuoit faire de present, d'autant que la necessité authorisoit tous les iours les forces estrangeres, & facilitoit leur dessein: que i'auois entrepris ce voyage exprés pour luy representer ces raisons & inconueniens, meu d'vn tres-bon zele, & battu d'vne apprehension que i'auois du malheur qui menaçoit ce Royaume, lequel i'estimois ineditable si sa Majesté failloit à ce coup d'y remedier, comme il estoit en son pouuoir; que depuis le trépas du feu Roy i'auois suiuy ledit Duc, plus pour trouuer moyen d'aider à pacifier ce Royaume, que pour autres considerations, commei'auois desia assez témoigné par mes actions, & que ie desirerois continuer tant qu'il me demeureroit quelque esperance d'y pouuoir estre vtile; -mais aussi me retirer en ma maison quand -elle me le dessendroit, & y viure sous sa protection, comme son tres-humble subjet, sans plus me méler d'autre chose que de prier Dieu pour le repos & salut de son Royaume, shi sa Majesté l'auoit agreable comme ie l'en fuppliois.

S A réponse sur tres-benigne, elle loua mon intention, de laquelle neantmoins elle time dit que plusieurs auoient fait tout autre jugement, me tenant pour vn bon Espagnol; mais qu'elle estoit bien aise!, & me sçauoit bon gré de vouloir maintenant saire paroi-stre du contraire; ce que le ne pouvois pas

mieux

mieux faire qu'en recherchant & procurant le repos du Royaume, qu'elle auoit esté bien aise d'entendre ce que le luy auois dit de la part dudit Duc de Mayenne, qu'elle tenoir de Dieu premierement, & apres des Princes & Officiers de sa Couronne & de sa Noblesse, la victoire qu'elle auoit gagnée : Que Dieu estoit aussi le protecteur de la Iustice & des Rois, contre la rebellion & des-obeissance de leurs subiets; comme auoit tousiours esté en ce Royaume, leur vray & plus seur appuy, ladite Noblesse, ainsi qu'elle auoit bien. éprouué en cette derniere occasion, en laqueile elle l'auoit reconnue inuincible, ayant fon Roy en teste: que le Royaume luy appartenoit, par la grace de Dieu & par succession legitime, que personne ne le pouvoit quereller justement, & moins encore ses subiets luy desnier l'obeissance; qu'elle n'auoit offensé personne, seulement elle s'estoit deffendue pour conseruer le sien, comme elle pretendoit continuer, & esperoit faire aussi heureusement qu'elle auoit commencé, auec la grace de Dieu, & que c'estoit sa plus grande esperance: que quand elle se ressouvenoit des miseres & necessitez qu'elle auoit endurez du temps du feu Roy, lors que chacun auoit conspiré sa ruine; que les armées sortoient & marchoient en foule contr'elle & ses amis, & que l'on la tenoit pour perdue, sans jamais s'en pouvoir relever, & que Dieu l'avoit tellement fauorisé, que non seulement il auoir renuersé le dessein de ses ennemis, mais aussiluy auoit par ce moyen ouuert le chemin de Tome I.

170. sa gloire à leur honte & confusion : elle ne se pouuoit lasser d'admirer ses divins jugemens, benir sabonté, & sans cesse le remercier & inuoquer en son aide, comme elle auoit fait plus ardamment depuis la victoire que deuant, d'autant qu'elle reconnossoit en auoir plus grand besoin, pour estre la jouissance d'vne bonne fortune subiette à diuers accidens, souuent autant par nostre propre faute, que par celle d'autruy & par son accoûtumée inconstance. Que son but estoit d'estre Roy de fait comme de droit, & que celuy dudit Duc & de ceux qui l'assistoient, deuoit estre de viure en paix & honneur, sous l'obeissance de celuy que Dieu & la Nature leur auoit donné pour telidequoy sa Majesté estoit preste de les faire jouir sans auoit égard au passé, s'ils vouloient aussi s'en rendre dignes par leurs actions, aimant trop mieux les gagner par douceur que par la force, pour estre ce chemin le plus court qu'aucun autre, & plus approchant de son naturel, du tout alliené de la violence & vengeance; mais si jaloux à l'observation desa foy à laquelle elle n'auoit jamais manqué, qu'elle vouloit aussi la maintenir inuiolable, comme devoit faire vn Prince qui craignoit Dieu, & aimoit son honneur: qu'elle ne pouvoit approuver que Iedit Duc parlast pour les Catholiques du Boyaume, quand elle consideroit & jertoit les yeux sur ceux qui la servoient & avoient combattu aucc elle, depuis le deceds du feu Roy: lesquels en qualité & en nombre surpassoient de trop loing les autres de tous estats, voire mesme des Prelats & Ecclesiastiques, pouuant dire estre assisté de beaucoup plus de Catholiques que d'autres, enseignez à ce faire, autant par la Loy de Dieu, de la Nature, & de la Iustice de sa cause, comme de l'exemple de leurs Majeurs & de Ieur propre conscience.

Q v E c'estoient les mesmes Princes, Officiers de la Couronne, Seigneurs & Gentilshommes qui auoient suiuy & seruy les autres Rois deuant luy, par le conseil desquels il s'estoit conduit depuis son aduenement à la Couronne, & entendoit encore se conduire à l'aduenir; combien qu'elle me vouloit bien dire (toutefois sans faire tort à personne) qu'vn des meilleurs Conseillers de guerre qu'eust le Roy, c'estoit le Roy de Nauarre: que tout ainsi que lesdies sieurs auec les Officiers de la Cour de Parlement du Royaume, s'estoient contentez de la declaration & promesse qu'elle auoit-faite apres la mort dudit seu Roy, pour la seurcté & conservation de la Resigion Catholique; que les autres devoient fairele semblable, se confier en la Foy, & souffrir que toutes choses se fissent dignement à la gloire de Dieu, & au contentement de tous, sans violence & precipitation. Sur cela sadite Majesté me demanda si l'auois veu ladite declaration, ie luy dis que le sieur de la Marfillière me l'auoit enuoyée, & que ie l'auois fair voir audit Duc de Mayenne, dont il n'étoit satisfait, comme croyant en conscience qu'il ne pouvoit obeir à vn Roy de contraire Religion, foir qu'il tint ce langage par art, Hij

ou autrement : à quoy elle me repliqua sur le champ; qu'elle n'estoit toutefois infidelle ny idolatre; qu'elle adoroit le service d'vn mesme Dieu, & que la Religion en laquelle elle auoit esté nourrie, n'estoit si disserente de l'autre qu'elle deust estre incompatible, qu'enfin en tel changement qui importoit à la conscience, Dieu y deuoit operer, & non les hommes? se faire auec le temps instruire & non à coups d'espée: Que si du temps des Rois derniers l'on n'auoit pû gaigner ce poinct sur luy par force, ny par les appas de la Cour ébranler sa conscience, les armes d'Espagne, ny de tous ceux qui les fauorisoient y aduanceroient encore moins, maintenant que Dieu luy auoit témoigné tant de grace qu'elle n'étoit toutefois opiniastre, voulant ceder à la verité & au desir de ses subiets, mais qu'il falloit l'instruire & l'auoir autrement coups de canon. Ie luy dis sur cela que la connoissance que l'on auoit qu'il estoit Prince conscientieux, craignant Dieu, & affectionnant sa Religion, estoit ce qui donnoit plus de crainte aux Catholiques de la leur, d'autant qu'ils ne pouuoient persuader que sa Majesté, laquelle estoit responsable de ses subjets, leur voulust maintenir & laisser viure en cette Religion, fielle croyoit qu'elle fust abusiue; que l'estois vn mauuais Theologien pour répondre pertinemment au propos de sa Majesté; mais i'auois bien ouy dire mesmes à Beze au Colloque de Poissi que nos creances estoient aussi éloignées l'yne de l'autre que le Ciel estoit de la terre, mais que ie

n'approuuois les argumens en cette dispute du sang, ny des armées, mesmes contre sa personne, les cartes estant meslées, comme elles estoient : ains ie croyois certainement que nous aurions plustost deffait l'Eglise de fond en comble auec tels instrumens, que la purger comme l'on auoit que trop éprouué en la Chrestienté depuis cinquante ans: mais aussi que sa Majesté depuis cette victoire, pour acheminer cette instruction qui deuoit preceder sa conuersion, sans plus mettre en auant les armes de ses ennemis pour s'en exeuser, à cause de leur foiblesse; & si pour ce faire, il luy plaisoit appeller prés de soy quelques Prelats & Docteurs de bonne vie, ie l'asseurois, que non seulement cela resiouiroit & consoleroit grandement la France, mais aussi luy acquerroit & confirmeroit plus de Villes & de serviteurs que toutes les prosperitez du monde: la suppliant me permettre de luy dire que la ruine du Royaume ne seroit pas seulement imputée aux factieux, ny aux ennemis, ains à elle, puis qu'il estoit en sa puissance d'y remedier.

CE propos sut cause que sa Majesté remit au lendemain matin à faire réponse, & me dit qu'elle en vouloit deliberer auec ses seruireurs, & ne rien faire sans leur aduis, me commandant de la suiure à Nangis où elle

s'acheminoit.

S A Majesté me commanda de retourner deucrs ledit Duc, pour luy dire qu'elle auoit pris en bonne part ce que ie luy auois dit, que sa deliberation essoit d'embrasser & cherir.

174

tous ses subiets, selon leur merite, & mesme honorer & traiter ledit Duc, sil vouloit luy aider à mettre son Royaume en repos, comme il pouvoit faire; qu'encore qu'il eust déja commencé à pouruoir au fait de la Religion au contentement des Catholiques; touretois h l'on iugeoit estre necessaire d'y adjouster quelque chose, elle estoit preste à ce faire. Ayant pris & consideré tout ce que ie luy auois remonstré sur cela, me dit qu'elle ne pouvoit traiter plus avant avec moy, parse que ie n'estois pas assez authorisé dudit Duc, & partant elle desiroit qu'il luy enuoyast des deputez garnis de pouvoirs suffifans pour ce faire, qu'ils seroient les tres-bien venus; & qu'elle mettroit peine de leur donper contentement, pour le desir qu'elle auoit de déliurer son peuple d'oppression. Le luy répondis, que la charge que sa Majesté me donnoit me sembloit tres-bien considerée & est ey apredigne de sa prudence; car veritablement elle page 393ne pouvoit traiter ces affaires qu'auec gens qui eussent ponuoir de les conclurre, comme, il auoit tousiours esté pratiqué: Mais ie la suppliois de considerer que ledit Duc pour estre chef du party, n'en pouvoit toutefois disposer sans l'aduis & consentement commun; principalement en ce qui concerne la Religion & la reconnoissance de sa Majesté, & partant il seroit necessaire qu'il les assemblast pour en aduiser & resoudre auec eux, sadite Majesté n'estant apprentifue de l'authorité qu'auoit vn chef volontaire, ayant souuent passé par là, que ledit Duc pouvoit difficilement faire ladite convocation & assemblée, la guerre durant & sans passe-port, à cause des dangers des chemins: suppliant sadite Majesté d'y aduiser & v pourvoir d'heure, s'il suy plaisoit advancer les affaires; la remerciant au reste de la protection qu'elle me promettoit en ma maison, en laquelle se me retirerois apres que se l'aurois veue dereches pour reccuoir ses commandemens se lon son intention.

SADITE Majesté partit de la maison tout aussi-toft,& me repliqua qu'elle continueroit & ne cesseroit pour cela de faire la guerre: qu'elle ne vouloit point aussi donner lesdits passe-ports, parce qu'elle ne vouloit laisser perdre le fruict de sa victoire, ny donner moyen audit Duc de releuer les affaires, & mieux dresser sa faction, comme il pourroit faire auec lesdits passe-ports & cessation d'armes, se ressouvenans de la commodité qu'elle auoit autrefois receue de chose semblable du temps du feu Roy: & combien que ie la suppliasse tres-instamment de croire qu'il estoit vray que ledit Duc ne m'auoit parlé de cette cessation d'armes, ny desdits passe-ports, & que ce que le luy en disois venoit de moy, pour acheminer & abreger les affaires, comme celuy qui connoissoit bien qu'il ne se pouuoit rien faire autrement, neantmoins elle me dépescha auec cette réponse.

Dont ie sus parler à Monsseur le Mareschal de Biron, pour l'authorité qu'il auoit auprés de sa Majesté, luy representant ce que ie luy en auois dit, auec les responses, & ce que ie

H iiij

preuoyois qu'il en aduiendroit, le suppliant & conjurant par le serment qu'il auoit à l'Estat, de seruir le public en cette occasion, laquelle se perdant ne se recouureroit peut-estre iamais, pour les raisons que ie luy dis; & en tout cas me faire tant de bien que de se ressoumenir du deuoir auquel ie m'estois mis en cette occasion, comme ie faisois de m'estreadressé à luy, approchant sa Majesté en cette necessité, que l'auois ouy faire compte à ceux qui manioient les affaires de sa Majesté; qu'en peu de jours elle-prendroit Paris, & apres demeureroit facilement maistresse de toutes les autres Villes du Royaume, sans composer auec ledit Duc; que ie leur auois dir qu'ils s'abusoient grandement, & qu'on y trouueroit plus à faire qu'à dire; toutefois il s'estoient mocquez de mes raisons, tant ils prenoient plaisir de se flatter en leurs esperances, & auoient peu d'experience aux af-

faires du monde, ou estoient ennemis de la

paix.

me addition Tov Tefors apres plusieurs disputes &

faire in contestations, ledit Duc prit resolution d'alles alasembler ceux du party, à cette sin d'écrire par page Mout, d'enuoyer des deputez, sans neant-393. Amoins leur mander que ce fust pour la paix, elle est mais seulement pour donner ordre par leurs pour les recherche & pratique à part des Gouver-le sens neurs des Villes de Picardie, il se resolut d'y aller, tant pour y remedier que pour en s'ap-prochant de la frontiere y solliciter luy-mesme le secours que le Prince de Parme luy promettoit.

DEQVOY j'aduertis ledit sieur de la Verriere, auquel sa Majesté m'auoit commandé d'adresser mes lettres, ensemble les dépesches que ledit Duc auoit faites pour ladite assemblée, sans laquelle il m'avoit dit ne vouloir prendre autre resolution : l'aduertis aussi ledit sieur de la Verriere que ie suiuois ledit Duc en ce voyage, pour voir s'il s'y presenteroit quelque occasion de bien faire : toutefois que c'estoit chose dont i'auois plus de doute que d'esperance, veu ce qui se faisoit & passoit, & les propos que l'on tenoit, & les preparatifs de guerre qui se faisoient, priant sur cela ledit sieur de la Verriere, de m'aider à conseruer la parole que sa Majesté m'auoit donnée de sa protection en ma maison; parce que ie preuovois que i'en aurois bien-tost besoin, mais qu'il prist garde en ce. faisant qu'on ne me voulust obliger de faire rendre par mon fils la place qu'il auoit en garde, d'autant que son honneur qui m'estoit plus cher que sa vie, ne me pouuoit encor le permettre d'y consentir.

PAR sa réponse, il me manda que l'on approuuoit ladite assemblée & mon voyage, mais que l'on en craignoit la longueur, par-tant l'on desiroit que le m'employasse à l'aduancement & acceleration de l'vne & de l'autre, à l'occasion des accidens qui en pourroient naistre, ou bien que ledit Duc de Mayenne voulust se contenter d'en conferer seulement auec aucuns des principaux de son H. Y.

178

party, & traiter auec eux sans faire vne si grande assemblée, & garder plustost place aux ablens: au reste que l'on l'auoit derechef asseuré de me donner ladite sauve-garde; que ie meretirerois sans parler de mon fils, le quel toutefois personne ne croyoit que ie voulusse qu'il prist le party d'Espagne, puis que ie ne voulois y entrer; la lettre estoit du mois d'Avril: Depuis il me confirma le semblable par vne autre du troisiéme May, lesquelles i'ay receues en la ville de Peronne l'onziéme dudit mois, au retour d'vn voyage que ledit Duc auoit fait en la ville de Cambray, en laquelle il avoit esté traité & receu somptueusement de Monsieur de Balagny sept ou huit iours durant. Ce fut là qu'il fit iurer & promettre par écrit aux Gouverneurs & Capitaines desdites Villes de Picardie de demeurer vnis auec lay, de ne traiter à part auec les estrangers, & ne se separer de luy à leur follicitation ou d'autres. Ie dressay la cedulle, qui fut signée, dequoy l'aduertis ledie fieur de la Verriere-par lettres du douziéme May, en répondant aux siennes precedentes; y adjoustant que ie ne voyois pas que Mon-sieur le Duc de Mayenne pust tenir ladite assemblée dans la fin d'iceluy, comme il s'estoir proposé à mon retour de Melun, à cause de la difficulté des chemins, de l'aduis que l'on auoit donné audit Duc de l'approchement de fadite Majesté, & de son armée sur la ville de Paris, dont il estoit si transporte, qu'il ne pensoit plus qu'à trouver les moyens de la se-courir, que chacun consessoit comme il m'awoit écrit que la guerre ruineroit à la longue le Royaume & la Religion, mais que personne ne mettroit la main telle qu'il falloit pour la faire cesser; que ie sçauois que ledit sieur Duc de Mayenne estoit resolu de tout perdre plustost que de traiter à part auec sa Majesté; partant qu'on n'en fist point d'estat: mais au contraire de voir tout aller de mal en pis, si l'on ne facilitoit ladite assemblée, comme l'on pouuoit faire par vne cessation d'armes quelque temps, laquelle modereroit les cœurs que la guerre nourrissoit en alteration, & pourroit engendrer vne bonne paix: que i'estimois bien que sa Majesté blâmeroit ce remede comme preiudiciable à son seruice; toutefois ie l'asseurois que s'il estoit reietté, que le Royaume seroit bien-tost rem-Ily de tant d'estrangers, que ledit sieur Duc ne pourroit plus disposer ny de soy ny de ses amis, ce que ie luy demandois franchement afin d'en aduertir sa Majesté, ou d'en vser comme il verroit estre à faire pour le mieux: adioustant que i'estois marry de ne pouuoir donner meilleur conseil ny mieux faire, mais que i'estois bien delibere quand lesdits estrangers entreroient de me retirer : ie n'eus réponse à ladite lettre; dequoy ie me plaignis au sieur d'Alferan, lequel sut pris en vne course que sit sa Majesté vers Laon, où ledit Duc commençoit à recueillir & mettre ensemble ses forces, luy disant que i'auois grand regret dequoy l'on faisoit si peu de compte des aduis que ie donnois pour le bien du Royaume; que ie l'attribuois à la désiance

que l'on auoit de moy, & du peu de connoifsance qu'on avoit de mon affection, au public. Ledit sieur du Plessis aucc lequel i'auois negocié par le commandement de sa Majesté, dit qu'il regrettoit vostre absence de la Cour, pour vostre experience & prudence, & pour la creance que nous auions l'vn de l'autre; d'autant que ie voyois que sa Majesté alloit perdant vne occasion de pacifier le Royaume, qu'elle ne recouureroit peut-estre iamais, à cause de la venue du Duc de Parme en ce Royaume, dont il ne falloit plus douter, ainsi que i'auois appris de ceux qui auoient accompagné ledit Duc de Mayenne à Condé, où il auoit veu ledit Duc de Parme; car ie n'auois voulu faire ce voyage pour neme trouuer en lieu où tels marchez se faifoient, le priant d'en aduertir sa Majesté, comme ie sceus depuis qu'il auoit fait; mais que l'on l'auoit prise en mauuaise part, comme si l'eusse voulu preserire à sadite Majesté, ceux desquels elle deuoit se seruir, & blamer & controller les autres, de sorte qu'au lieu de seruir au public & à moy-mesme, ie fis tout le rebours, comme il arrive souvent aux marchands qui nauigent en cette mer des affaires publiques, ayant le vent contraire, comme ont ceux qui ont perdu leurs places. de la Cour.

CE qui engendra contre moy plus d'enuie & de mécontentement que ie ne meritois, & que le service de sa Majesté ne le réqueroir: de maniere que quand sur la certitude de la renue dudit Duc de Parme, l'enuoyay de-

mander à sa Majesté le passe port & la sauuegarde qu'elle m'auoit promis, i'en fus éconduit, & me fut écrit par Monsieur le Mareschal de Biron, du Plessis, & de Reuol, & depuis par Monsieur de la Verriere & par Monsieur de Chemerault, ausquels ie m'estois adresse, que l'on auoit fait vn mauuais raport de moy au Roy, pour lequel il auoit refusé lesdits passe-port & sauce-garde; joint que l'on ne pounoit gouster mon intention & ma retraite, laissant les miens derriere, ce qu'on disoit pour mon fils, ou pour mieux dire pour la place qu'il gardoit. Ce fut au mois de luin que cette réponse me sut faite par homme que l'auois enuoyé exprés en l'armée de sa Majesté pour obtenir lesdits passe-port & sauue-garde, adjoûtant ledit sieur de la Verriere que mes amis estoient d'auis, du nombre desquels il me mandoit que vous estiez, d'amener mon sils au service de sa Majesté-auec moy, ou plustost faire rendre audit Duc la place, ou bien promettre à sa-Majesté pour luy de la mettre entre ses mains apres la reduction de Paris, que ledit sieur de la Verriere estimoit infaillible, disant qu'on n'auroit iamais autre creance, si i'en vsois autrement, que ie ne susse participant du conseil & dessein des Espagnols, & que ma retraite fust autre que simulée:

L'A vois dessa pris congé dudit Duc de Mayenne, lequel l'auois laissé en la ville de Laon, & m'estois aduancé à Soissons, tant i'estois asseuré desdits passe-port & sauue-garde, sur la parole que sa Majesté m'en auoit

182

donnée, & la sincerité de laquelle i'y procedois, Quand ie receus lesdites lettres, dont ie demeuray tres-estonné & confus, me voyant bien loin du compte que i'auois fait, & mon fils remis en jeu contre ce que ledit sieur de la Verriere m'auoit si souvent écrit : l'on m'inposoit aussi auoir fait ou écrit certaines choses, que l'on disoit ne ressembler ny correspondre aux bons propos que i'auois tenus, comme m'écriuoit ledit sieur du Plessis, sans s'expliquer dauantage, dont ie fus plus scandalisé que du refus dudit passe-port : car c'étoit vne calomnie ou vn artifice inuenté par mes mal-veillans, lesquels pretendoient par ce moyen de me desesperer du tout, ou de me contraindre d'engager en ma retraite l'honneur de mon fils; ce qui me sit rechercher de parler audit sieur de Chemerault, comme ie fis bien-tost apres, au lieu de Villiers-costerets, croyant apprendre de luy les fondemens de cette imposture & rigueur; mais comme celuy qui n'en sçauoit le suiet, il ne m'en peût rien dire; ce que voyant, ie le priay d'asseurer sa Majesté, que ie n'auois dit, écrit, ny fait chose pour laquelle elle me deust refuser le passe-port qu'elle m'auoit accordé à Melun, lequel ie ne recherchois, pour crainte que i'eusse de la perte de Paris, ny du succez des affaires de la Ligue, ou autre necessité, pource que ie sçauois que ledit Duc deuoit estre bien-tost secouru si puissamment, que l'on porteroit plus d'enuie à ceux de son party que l'on n'auroit occasion d'en auoir com-passion; & que si ie m'y voulois engager à

bon escient, ie trouuerois non seulement qui me donneroir à viure plus commodément oue non pas en ma maison, mais aussi de faire du mal, & nuire à qui mépriseroit mon seruice; que mon intention n'estoit & ne seroit iamais de conseiller à mondit fils de faire chose que ie ne voulois pas faire, c'est à dire, d'estre Espagnol, mais bien de ne precipiter sa resolution aux despens de sa reputation, comme l'on vouloit que ie luy fisse faire-que reusse veu sadite Majesté, allant en ma maison comme elle m'auoit commandé, & luy aupis promis, & luy eusse dit chose qui eust peut-estre plus seruy à ses affaires que la ville de Pontoile, ou la retraite honteuse de mondit fils; parce que ie sçauois que ledit Duc n'estoit encore si engagé aux estrangers, qu'il n'y eust moyen de traiter auec luy sur la erainte qu'il auoit de perdre Paris, & son mécontentement des longueurs & dilations, desquelles le Duc de Parme vsoit à le seconrir, dont sa Majesté perdoit l'occasion, ie m'asseurois qu'elle en auroit vn tel regret vn iour qu'elle rechercheroit tous ceux qui en seroient cause.

l'en écriuis quasi aurant audit sieur de la Verrière, répondant à sa dernière lettre, me réjousssant & louant Dieu d'auoir connu par cét eschantillon le pouvoir qu'auoient mes mal-veillans de me nuire, devant que de m'étre plus auant engagé & mis à leur mercy: car ie ne pouvois attribuer à sadite Maiesté, laquelle abonde en bonté, vne rigueur si grande contre vne personne qui vouloit s'en-

## MEMOIRES

184 gager auec ses ennemis, plus pour s'acquie ter enuers son Prince & sa patrie, que par neceffité.

Monsieur le Duc de Mayenne estant à Peronne, eut aduis de la mort de seu Monseigneur le Cardinal de Bourbon; toutefois il creut que ce bruit estoit vn artifice de ses ennemis pour émouuoir les Parisiens à se rendre plûtost; de sorte qu'il n'en fit conte, mais étant à Rheims il en eut certitude. Sur cela quelques-vns luy proposoient qu'il devoit rechercher d'embrasser vn Prince de la mesme maison, entre ceux qui faisoient profession de la Religion Catholique, comme vn moyen tres-propre pour reunir les Catholiques contre sa Maiesté, & ceux de la Religion, rompre les pratiques & desseins des Espagnols, qui estoient odieux à tout le monde, auancer ses affaires particulieres, sans enuie; voire mesme faire durer la guerre assez long-temps pour luy donner loisir de dresser sa partie en ce Royaume selon son desir, dont on luy disoit les raisons & moyens qui estoient ce semble assez capables & faciles: toutefois il ne les peût iamais gouster, & répondit si froidement à cette ouuerture, que les autheurs d'icelle ne s'y vouloient embarquer plus auant, se persuadant pouvoir encore mieux faire ses affaires auec les forces qu'il attendoit, que par ce moyen. Lesdits sieurs de Chemerault & de la Verriere m'écriuirent lors chacun vne lettre faisant encore mention de la paix en termes generaux, sans toutefois m'éclaircir du mécontentement que l'on auoit de moy,

& des raisons pour lesquelles ledit passe-port m'auoit esté resulé, & aussi peu de ladite ces-sation d'armes.

I E leur fis réponse, & principalement audir. sieur de la Verriere, que la paix ne se poutoit traiter durant la guerre, parce qu'elle empefchoit l'assemblée susdite, sans laquelle il ne falloit point attendre qu'il se fist aucune chose, comme ie luy auois souuent écrit; partants que c'estoit peine perdue de plus parler de rechercher l'vne & l'autre; que ie sçauois aussi la necessité de Paris, voire sa perte quand elle aduiendroit, qui rendroit les choses encore plus irreconciliables qu'elles n'étoient; d'autant que ledit Duc n'estoit deliberé de ceder à tel accident, duquel toutefois il n'auoit pas encore eu telle crainte qu'ils en auoient d'esperance en leurs armées; mais que: si sur l'incertitude d'vn tel euenement l'on! perdoit l'occasion d'engager ledit Duc, & le party à ladite paix ; ie luy voulois bien dire derechef que l'on y auroit regret, & partant. le priois d'aduertir sa Maiesté de ne mépriser les ouuertures que l'on auoit faites aux sieurs de Vitry & de Bournonuille, par lesquelles l'on auoit fait tenir quelques propos de la paix, & au demeurant ne me laisser plus long-. temps en suspens dudit passe-port pour ma retraite, asin que ie n'en importunasse plus personne, & que ie prisse party.

LEDIT sieur de Mayenne receut lors 15. cens Espagnols du Regiment commandé par Dom Anthoine de Quiroga qui auoient esté mutinez, lesquels estoient en tres-bel équipage, comme ceux qui auoient touché de grandes sommes de deniers pour r'entrer en service : ils ne demandoient, comme ils difoient, que d'estre logez en lieu où il y eust de l'eau, & qu'ils n'auoient besoin d'autre chose, s'enquerans d'vne chose, si sa Majesté les voyans, les attendroit; mais ils ne tarderent gueres à nous faire sentir & paroistre qu'ils n'estoient pas si sobres & vaillans,

qu'audacieux & bien vestus.

Lors le sient de la Verriere me manda que l'on auoit surpris vne lettre que i'écrinois à ma femme, par laquelle ie l'asseurois entr'autres choses de la venue dudit Duc de Parme & de son armée, lequel disoit auoir tellement irrité sa Majesté contre moy, qu'elle ne m'auoit voulu accorder qu'vn passeport tel qu'estoit celuy qu'il m'enuoyoit, par lequel il m'étoit seulement permis d'aller à Alincour, ou à Pontoise auec mon train ordinaire, & y demeurer tant qu'il plairoit à sa Majesté, ledit passe-port contre signé, Ruse, lequel il me conseilloit d'accepter, & ne laisser pour lesdites clauses, d'abandonner ledit Ducde Mayenne, comme il tenoit Paris pour perdu : il adjoustoit que cela n'empescheroit la paix, pourueu qu'elle fust demandée auec submission & humilité: sa lettre estoit du 17. Iuillet.

I E luy renuoyay ledit passe-port dés le lendemain, car ie ne sus conseillé de l'accepter ainsi conditionné, puis que sa Majesté estoit si mal édifiée de moy, & qu'on prenoit en si manuaise part tout ce qui en venoit, comme

on auoit fait la lettre, par laquelle le luy mandois auoir certainement aduerty ma femme de la venue dudit Duc de Parme, parce qu'elle estoit vraye, & que plusieurs autres que moy l'auoient écrit, mais non peut-estre auec regret, comme moy, ainsi que l'on auoit pû connoistre par la mesme lettre que l'on auoit prise & trouvée si mauuaile, par laquelle l'auois adiousté audit aduis, qu'vne bonne paix seroit meilleure que sedit secours, duquel neantmoins ie n'eusse esté en peine d'aduertir madite femme enfermée dans Paris; si l'on m'eust enuoyé le passeport que l'auois continuellement sollicité de-puis quatre mois, lequel mauoit esté promis par sa Majesté: que ie ne pouuois que deplorer le mal-heur de la France, & le mien premier, voyant le public desesperer de la paix, & moy contraint de suiure cette armée estrangere, pour retourner en ma maison si i'y voulois iamais demeurer en scureté; puisque mes ennemis auoient eu le pouuoir de me faire refuser ledit passe-port. En ce temps il en fut refusé ou reuocqué vn à Monsieur l'Archeuesque de Lion encore plus mal à propos que le mien pour le bien du public : car si dés-lors il fust venu trouver ledit sieur de Mayenne, comme il auoit proposé, il eust trouué les choses plus disposées à traiter pour la necessité de Paris, & du mécontentement que ledit Duc auoit des longueurs du secours du Duc de Parme, qu'il ne fit au voyage qui luy fut permis à la fin d'y faire auec Monsieur le Cardinal de Gondy: car ils trous

188

Meaux, & Monsieur de Mayenne si enrage de ce secours, qu'il n'estoit plus capable de la paix.

L'on accuse quelques-vns de ce refus, dont ie ne puis parler qu'incertainement; mais en yerité il ne seruit qu'à aigrir & animer dauantage les Parisiens & ceux qui leur commandoient, lesquels comme par le retour dydit sieur, de Lion, en ce temps ils eussent esté asseurez de la bonté de sa Majesté, & ne l'eussent esté de la venue dudit Duc de Parme, car il estoit encore en Flandres; & Monsieur de Mayenne si foible qu'il n'osoit passer la Seine, peut-estre qu'ils eussent esté cause de sauuer la Ville de peril : & que l'on eust attaché vne negociation qui nous eust donné la paix generale : Car ledit Duc de Mayenne ne la vouloit perdre, & n'eust permis qu'elle eust composé sans luy, & si estoit quasi desesperé de la pouvoir secourir par la force, & de la sauuer autrement que par vn traité:mais c'est grande imprudence de perdre les occasions de seruir & secourir le public, principalement quand elle dépend de plusieurs. Car il aduient rarement qu'elle se recouure, parce qu'il faut peu de chose à faire changer d'aduis à vne multitude, comme l'on éprouua bien-tost apres en cette occasion; car quand lesdits sieurs Cardinal de Gondy & de Lion arriuerent à Meaux, ils ne seruirent de rien que de confirmer les habitans de ladite Ville en leur obstination, à cause de l'esperance qu'on leur auoit donnée de les secourir biendit Duc de Mayenne de disposer de affaires; & aussi qu'il eust esté mal-seant de rendre la dite ville de Paris à la veue du secont s', après auoir enduré & laissé passer cinq mois de temps sans y vouloir entendre.

Lors l'on m'enuoya vn passe-port de sa Majesté pour me retirer en ma maison à la requeste & poursuite de mon pere, exprés venu en Cour pour cet effet; mais ie ne pouunis plus m'en aider; parce que l'auois promis audit Duc de Mayenne, apres tant de refus que l'on m'auoit faits, de ne me retirer que ic n'eusse veu ce qui aduiendroit au secours de ladite ville de Paris. Dauantage, ie voulois essayer de garantir les maisons de mes amis qui estoient entre Meaux & Paris, de l'orage de ladite armée estrangere; surquoy neantmoins i'eus tres-mauuaile nouuelle : car toutes celles que i'auois effuie de sauuer furent pillées, insques à l'Abbaye de Malnouë, qui auoir esté tres-bien conseruée durant le siege, laquelle fut saccagée par lesdits estrangers auec grande insolence & impieté: de sorte que ie perdis dés-lors la bonne opinion que l'auois de la conduite dudit Duc de Parme, laquelle soit qu'il le fist par art ou autrement, fut si confuse dutant ce voyage, que le puis dire auec verité n'auoir iamais veu tant de desordre en nos armées Françoises qu'en celle là: & faut que ie vous die vne particularité; c'est qu'ayant prié ledit sieur Tean Baptiste de Tailis, nouuellement reuenu d'Espagne de secourir ladite ISA MEMOTIRES

Abbaye, il y mena des gens de guerre, par le commandement dudit Duc de Parme, qui acheuerent de saccager en ma presence ce que les autres auoient laissé, dont ie ne peus jamais auoir justite, & pillerent aussi en deux iours toutes les Eglises, depuis Lagny iusques à Paris, que sa Majesté auoit conserué entieres durant ledit siege; ce qui excita plusieurs clameurs & maledictions du peuple contre ladite armée, de laquelle ils s'attendoient de receuoir tout autre traitement qu'ils nous reprochoient en passant par les

villages.

L'on discouroit diversement du succez aduenu entre ces deux armées, & disoit-on que si sa Majesté eust gardé & deffendu le passage de Claye, dont l'abord effoit tres-difficile, à cause d'vn ruisseau qui y passe, qui est accompagné d'yn marais fascheux, & laissé quelque cauallerie à l'entour de Paris, pour empescher l'entrée des viures & la sortie des habitans, elle eust accumulé ledit Duc de Parme, l'eust contraint prendre vn autre chemin, oude combattre en ce passage auec desaduantage; quoy faisant, peut-estre que les Parisiens qui n'en pouvoient plus, eussent esté contrains de composer & venir à la raison: Ledit Duc de Parme craignoit foit estant à Meaux, lors que l'on luy representa le chemin qu'il falloit qu'il tinst', que sa Majesté prist ce conseil, de sorte qu'il fut tres-aise quand il trouua ce passage abandonné, encore plus quand il sceut que sadite Majesté auoit leué son siege; & venoit au deuant de luy, &

n'auoit laissé aucunes forces auprés de Paris; & neantmoins qu'elle luy donna loisir, les deux armées se voyans, de retrancher à la teste de la sienne au village de Ponponne, où ils estoient logez, car il vit ledit siege leué, qui estoit ce qu'il cherchoit, sans estre contraint de combattre. Sur cela-il prit Lagny par force, à la veue de sa Majesté, quasi sans que son armée eust autres alarmes que de perites escarmouches qui se faisoient à la teste des deux armées, dont il se mocquoit: certe prise accommoda son atmée, qui souffroit déja assez audit Ponponne; aussi fut-elle cause que celle de sa Majesté se débanda & retira incontinent, laquelle alla presenter vne escalade à Paris, qui faillit à reissir. Ie ne pretends blamer personne, en disant l'opinion susdite, & ce qui est aduenu; car ie sçay qu'il est plus facile de reprendre que de bien faire en toute chose, & principalement au fait de la guerre, où ce qui s'entreprend auec plus de consideration succede souvent le plus mal, aurant par la faute de ceux qui obeissent, que des chefs; soit que les vns executent mal leur charge, ou que les autres rencontrans ce qu'ils n'ont pas prenen, demeurent confus; Sa Majesté, auec ceux qui la conseilloienr, leuant le siege, s'attendoit de combattre l'ennemy, & d'vn coup mettre fin à leurs af faires : & de fait, sa Majesté se presenta d'abord, comme si elle eust voulu combattre; & peut-estre que si lors elle eust enfoncé ledit Duc fans marchander, qu'elle l'eust bien empesché, car il n'auoir encore commence ses

1792 tranchées. Mais quand il s'apperçeut que Ladire Majesté se logeoit, & sceut qu'elle n'awoit rien faissé deuant Paris, il commença à se retrancher, & vser de telle diligence, qu'en 24. heures il eut acheué. Nous vismes là ce que peuvent l'ordre & l'obeissance en vne armée: car ledit Duc n'auoit aucuns pionniers, les gens de guerre firent seuls cette besongne, mais les chefs y mettoient les mains comme ·les moindres, & trauailloient par ordonnance : de sorte qu'il n'y auoit aucun embarassement entr'eux 3 d'autant que les quartiers estoient départis aux compagnies, lesquelles se releuoient & rafraischissoient l'vne apres l'autre par houres, à mesure qu'elles auoient aduancé la besongne qui leur estoit baillée par les ingenieux en la presence dudit Duc de Parme, & des principaux de son armée: nos François les vouloient imiter, comme ceux, qui pour estre logez à la teste en auoient plus de besoin, mais ils ne faisoient rien qu'approcher des autres, & ne trauailloient que par acquit & confusément.

TANT y a que Monsieur de Mayenne atriua à Paris le 18. ou 19. du mois de Septembre, l'armée de sa Majesté s'estant retirécau de-là de la riuiere d'Oise : & combien que les habitans de ladite ville eussent toutes occasions de nous receuoir ioyeusement, en consideration de ladite deliurance, & de la gloire par eux acquise en la dessense de leur ville : toutefois ils estoient si combattus de la faim, & des maux qu'ils auoient soufferts, qu'ils nous regardoient d'vn œil plus . pitoyable

pitoyable qu'allegé : ne plus ne moins que ceux qui sortent d'vn peril contre leur esperance, sont encore plus estonnez que joyeux, sentans plus le mal qu'ils ont enduré, qu'ils ne reconnoissent le bien qui leur arriue, & sont si troublez d'apprehension & de douleur, qu'ils méprisent leur deliurance. Mais comme tels accidens font leurs effets selon la nature & disposition des cœurs où ils agissent : nous en voyons aussi sortir plusieurs de cette agonie, transportez de rage & d'vn desir effrené de se vanger & mal-faire à vn chacun, & les autres si mattez du passé & succez de l'aduenir, qu'ils auoient honte de ce que les autres faisoient gloire, & ne pouuoient nous regarder, ny nous eux sans soûpirer.

I E n'écris point les necessitez & extremitez qui furent endurées, parce que ie n'enpuis parler que par ouy dire, qu'elles ont esté publiées par ceux qui les ont veues & supportées, mais ie confesseray que ie n'eusse iamais crû que ladite Ville eust pû tant pâtir; & si i'ay iamais esté abusé en chose, c'est en celle-cy & au iugement que i'en faisois, me ressouvenant du peril, auquel on disoit ordinairement à nos Rois, que ladite Ville estoit quand seulement les marchez se trouuoient deux fois sans bleds: mais les maur qui nous arriuent par force se supportent plus doucement que ceux que nous estimions nous aduenir par nostre faute, chacun serefoluant d'endurer ce qu'il ne peut éuiter ; à quoy l'on adjouste le desir & le besoin que l'on a d'en vser ainsi pour conseruer le bon & Tome I

éuiter le pis, mesme quand il s'agit de la Religion, saquelle a sur plusieurs vne puissance merueilleuse; toutefois i'attribuë bien autant cette patience ou constance au naturel commun des Parisiens, qu'à toute autre chose; car ils sont ordinairement plus timides que courageux, & esclaues de leurs biens & commoditez, & pour cette raison se discordans en ce qui concerne le public, qu'ils s'accommodent plus volontiers au temps, a qu'il ne regimbent contre le mal. Aussi voyons nous que peu de gens ont ordinairement a esté: cause des mouuemens & changemens aduenus en ladite Ville, laquelle a esté plus preseruée de Dieu que des habitans, és perils esquels elle s'est trouvée, & veritablement nous pouuons dire que Dieu y est aussi bien seruy qu'en lieu du monde.

I in n'y demeuray que deux iours, car i'auois pris congé du Duc de Mayenne pour me
retirer en ma maison de Villeroy, en laquelle ieme rendis le iour mesme que le Duc de
Parme assiegea Corbeil: là me vindrent
trouuer le sieur de Fleury mon beau frere, &
l'Abbé de Chefy, auec la lettre de Monsieur
le Cardinal de Gondy, & de Monsieur le
Chancelier, par lesquelles ils me prioient,
tant en leurs noms que deplusieurs autres Seigueurs, estant au service de sa Majesté, de
reprendre les erres de ma premierepoursuite,
pour le repos du Royaume, & leur donner
aduis de ce qu'ils doiuent faire de leur costé
pour y servir, disant qu'il ne falloit se rebuter pour les choses passées, ny laisser à bien

faire au public pour les considerations priuées, qu'il y auoit plusieurs heures au iour, & que les cœurs & les volontez des Princes estoient subjetes au changement comme les occasions s'en presentoient. Que chacun de part & d'autre auoit éprouué la difficulté de vaincre son ennemy par la voye des arm rant les partisestoient puissans & bien deffendus, partant qu'il falloit en chercher & trouuer quelques-autres pour sortir de nos miseres; qu'ils m'asseuroient que sa Majesté estoit maintenant plus disposée d'y entendre que iamais, comme estoient ses principaux seruiteurs, partant qu'il n'estoit plus question que d'y faire entendre ledit Duc ; en quoy chacun estimoit que ie le pourtois mieux seruir que nul autre, tant pour m'y estre déja employé, que pour la confiance qu'ils auoient de l'affection que ie portois au bien du Royaume, pour lequel à cette cause ils me coniuroient d'entreprendre cette charge, en laquelle ils me promettoient de me seconder & assister de tout leur pouvoir, comme ils me promettoient qué feroient tous les autres bons seruiteurs de sa M. laquelle particulierement mesçauroit gré du deuoir que ie ferois, fans qu'il fust plus au pouuoir de personne de me trauerser auprés d'elle, & reietter sur moy les fautes des autres, ny attribuer à la necessité publique ou priuée mes poursuites, comme cy-deuant il auoit esté fait assez imprudemment par gens qui ne me connois-soient pas, comme ceux qui s'estoient promis toute autreissue du siege de Paris, que

196

celle qui estoit aduenue.

APRES auoir informé bien particulière. ment lesdits sieurs de Fleury & de Chesy du passé, tant de ce qui auoit esté commencé par moy que par d'autres concernant la paix; ie. leur dis que la vie me defaudroit plûtost que la volonté de seruir à vn si bon œuure, reconnoissant plus que iamais comme i'auois fait dés le commencement, que si la guerre duroit elle ruineroit enfin la Religion Catholique & le Royaume; que ie l'auois aussi predit & remonstré à tous ceux qui de part & d'autre auoient pouvoir d'y remedier; mais que i'auois esté plûtost blasmé que crû, comme si i'auois esté poussé à ce deuoir pour faire mes affaires particulieres, & non les publiques; que cela m'auoit assez déplû, mais non rebuté ny changé d'opinion ny de volonté de seruirau hien, rendu yn peu plus circonspect & retenu en cette action que deuant, pour de volée ne me laisser transporter à l'aduenir à mon affection, ny à la necessité publique comme i'auois fait : joint que i'auois reconnu mes épaules estre trop foibles pour porter ce fardeau qui estoit trop pesant, d'autant que les interests priuez auoient maintenant plus de puissance sur les François, que les raisons & considerations publiques : dauantage que ie n'estimois point que la paix se peust traiter durant la guerre, pource que ledit Duc de Mayenne ne pouvoit ny vouloit y entendre sans ceux du party, auec lesquels il ne pouvoit communiquer sans les assembler:ce qu'il ne pouvoit bonnement faire durant la guerre

à cause des dangers des chemins, comme il auoit éprouué depuis cinq mois, qu'il les auoit mandez en vain, ainsi que i'auois souuent dit & écrit à sa Majesté & à ses seruiteurs, dont aussi l'on auoit fait peu de compte: & toutefois il estoit manifeste que si la guerre ne cessoit, ledit Duc seroit plûtost contraint de traiter auec les Espagnols que de composer auec sa Majesté, pource qu'il ne pouuoit plus se dessendre, ny maintenir seul sans eux, & eux ne l'assisteroient plus qu'ils ne fussent asseurez de luy; au moyen dequoy il me sembloit qu'il falloit faire deux choses pour bien acheminer les affaires. La premiere, que sa Majesté & ledit Duc commissent & deputassent cinq ou six personnages d'honneur pour traiter ensemble, sans plus faire manier les affaires par vn seul, & en cachette, comme il auoit esté pratiqué iusques à present; & l'autre, accorder des à present vne surseance d'armes pour certain temps, pour faciliter ladite assemblée, afin de commencer à nous adoucir & reconcilier ensemble. Que fion trouuoit bon ce chemin, ie m'y engagerois volontiers auec les autres, si l'on m'en iugeoit digne: sinon, ie supplierois ces Mcssieurs d'en estre excusé, parce que ie ne pouuois esperer que les choses succedassent bien, y procedant autrement : que c'estoit l'aduis que ie pouvois donner à ces Seigneurs qui les aucient enuoyez vers moy, lequel ie desire-rois qu'ils prissent en bonne part; & neautmoins ie voulus voir ledit Duc de Mayenne, & luy faire entendre ce que lesdits sieurs de

Fleury & de Chefy m'auoient rapporté de uant Jeur partement, afin de découurir son incli-

nation pour les en instruire.

SYIVANT cela ie fus trouuer ledit Duc au siege de Corbeil, qui me dit que Monsieur le Chancelier auoit dessa mandé à Madame de Nemours sa mere, par Iean Baptiste, que l'on appelloit le Compere, qui souloit estre premier maistre d'Hostel de la Reine; cela mesme qu'il m'auoir fait dire par les sieurs de Fleury & Chefy, & sur ce qu'il demandoit que ie fusse enuoyé à Noisi pour en conferer auec les seruiteurs de sa Majesté, en la presence de Monsieur le Cardinal de Gondy, asseurant que ce voyage reufsiroit au bien du public & de la Religion; à quoy ledit Duc adjoustoit, qu'il auoit déja promis à ladite Dame de m'y enuoyer, me priant de prendre cette peine; mais ie luy répondis que ie n'y voulois aller scul pour n'estre subjet à desadueu, & me faire mocquer de moy comme i'auois fait; partant qu'il en deputast d'autres, ou que ie n'irois point. Ie m'apperçeus bien que ledit Duc n'approuuoit cette assemblée, sous couleur qu'elle donneroit ialousse aux Espagnols & à leurs adherans, mais qu'il desiroit que l'on fist vne cessation d'armes: i'appris, aussi de Monsieur de Rosne, qui estant allé n'agueres à Pontoise querir de la poudre & des balles à canon, il avoit dit à mon fils sur vne lettre de Madame de la Roche-Guyon, laquelle auoit assez de part auprés du Roy, failant mention de la paix, qu'il fist mettre en auant par le moyen de son pere,

vne cessation 'd'armes, comme vn moyen fort à propos & necessaire pour paruenir à ladite paix; dequoy ie sis lors peu de conte, estimant qu'on ne s'y arresteroit, car il me sembloit que ce fait deuoit estre manié plus solemnellement, dont à mon retour ie priay lesdits sieurs de Fleury & de Chesy, lesquels i'aduertis de ce que i'auois appris de Monsieur de Mayenne, & dudit sieur de Rosne, & de faire remonstrance à mondit sieur le Chancelier, asin qu'il tinst la main que les essaires sussent publiquement, & non secrettement, pour mieux engager les parties, autrement l'on ne seroit rien de bon.

De vx iours apres le departement de Villeroy, desdits sieurs de Fleury & de Chesy apres la réponse susdite, arriua vers moy un homme de mon pere, enuoyé exprés pour me faire sçanoir qu'il auoit veu sa Majesté à Magny, laquelle luy avoit dit en la presence de Monsieur le Mareschal de Biron, estre si desireuse de la paix, qu'elle estoit contente de commencer par une cessation d'armes, pour donner relasche à ses subjets, & moyen audit Duc de conferer auec ses partisans sans lesquels ils disoient ne pouvoir rien faire.

PARTANT qu'il n'estoit plus question que d'y disposer ledit Duc, & mettre la main à l'œuure, ayant comme il auoit, parole de sa Majesté, & sur ce me commanda d'en parler audit Duc, de l'exhorter d'y entendre, & d'en entreprendre la commission, & à cette sin l'aller trouuer à Pontoise, où il s'achemi-

I iiij

moit, & si i'en faisois disficulté; suy envoyet vn passe-port dudit Duc, auec lequel il le viendroit trouuer à Paris, ou en l'armée pout luy en faire l'ouverture; m'admonestant tourefois de ne perdre cette occasion d'assister le public en la necessité en laquelle il se trounoit, vsant des termes & commandemens de pere; dequoy i'aduertis incontinent ledit Duc, qui estoit encores au fiege de Corbeil, lequel me permit incontinent ce voyage, me pressant de l'entreprendre, & accorder ladite cessation d'armes, sans laquelle il disoit ne pounoir assembler ceux du party; & moins traiter sans eux. Ie le suppliay encores à ce coup, de ne m'y enuoyer seul pour les raisons suldites: toutesois ie ne pûs iamais gaigner ce poinct sur luy, estant en cela conforté par tous ceux qui le conseilloient, & mesmes par Messieurs de Lion & Ianin; ce qui me déplût grandement, joint qu'il me sembloit que leurs raisons lesquelles estoient seulement fondées sur le mécontentement que l'on auoit à Rome, en Espagne, & en plusieurs Villes de ce Royaune, que ledir Duc fit traitter publiquement aucc sa Majesté, estant de contraire Religion, ne meritoient d'estre balancées auec le bien que l'on pouvoit esperer pour la Religion & pour le Royaume, par yne publique negociation.

Toutefois ie ne pus rien profiter, quoy voyant ie me resolus de voir. Monsieur mon pere pour le contenter, & luy en dire mon aduis, prenant charge du Duc de traitter & accorder ladite cessation d'armes, accom-

pagnée d'vn commerce general, & d'vn reglement, tant pour le labourage que pour la leuée des deniers publics durant icelle. Le Cardinal Cajetan partit en ce temps de Paris pour s'en aller en Îtalie à cause de la mort du Pape Sixte cinquiéme qui nous l'auoit ennoyé, & nous laissa l'Eucsque de Plaisance creature du Duc de Parme, en qualité de Vice-Legat, dont il exerça la charge, sans pouuoir valable, & contre les formes du Royaume. Car puisque le Pape qui auoit delegué ledit Cardinal, estoit decedé, son pouuoir cessant, comme il faisoit, il ne pouuoit aussi subdeleguer vn autre; joint qu'en ce Royaume nous n'admettons pas volontiers telles delegations; aussi sa Commission ne fut presentée au Parlement, & se contenta d'entreprendre cette faute pour s'authoriser & s'accommoder.

LEDIT Cardinal laissa à son partement entre les gens de qualité vne opinion toute contraire à celle qu'ils s'estoient promise à son arriuée: car il se monstra durant son sejour si partial pour le service du Roy d'Est pagne, qu'il méprisoit les conseils de ceux qui n'y adheroient, & ne faisoient conte des autres. L'on a voulu dire que sa Saincteté n'étoit pas trop satisfaite de luy, commençant à connoistre que nostre guerre panchoit bien autant du costé de l'ambition que de la Religion.

I E partis donc de ma maison pour m'en aller à Pontoise auec la susdite charge, sans estre retenu des brûlemens & rauages que

faisoient tous les iours les estrangers, iufques aux portes d'icelle, & qui estoit remplie de toutes sortes de personnes, iusques à trois ou quatre mil qui s'y estoient retirez auec leurs semmes, enfans, & bestiaux, pour leur seureté. Mon pere m'attendoit à Pontoise, lequel me confirma de bouche ce qu'il m'auoit écrit, & aduertit sa Majesté de mon arriuée, ensemble du rapport que ie luy auois fait de l'intention dudit Duc, & de la charge que m'auoit donné sadite Majesté, qui luy manda auoir commandé à Monsicur le Mareschal de Biron, & à Messieurs de Thurenne & du Plessis, de conferer auec moy, & qu'ils se trouveroient pour ce faire dés le lendemain à Buy proche d'Alincour, on arriva ledit sieur de Fleury, qui me dit de la part de Monsieur le Chancelier, qu'il se resiouissoit de ma venue, & qu'il en esperoit tout bien, & que sa Majesté auoit deputé lesdits fieurs pour parler à moy, ayant iugé à propos qu'il n'en fust point; d'autant qu'il en pourroit mieux fauoriser ma negociation. auprés de sa Majesté laquelle estoit lors à Gifors.

CETTE assemblée & conference commença donc au lieu de Buy, le quinziesme iour d'Octobre, entre les susdits Seigneurs & moy, le maistre de la maison y assistant, & ledit sieur de Fleury, seur sur representé tout ce qui s'estoit passe en la poursuitre de la paix, & de la bonne volonté que les Chessauoient d'y entendre, & reconnu qu'il falloit commencer par vue cessation d'armes pour

quelque temps, laquelle fur pour cette cause arrestée de part & d'autre, & fut ce discours de la forme & des conditions, & particulierement des qualitez qu'on donneroit aux Chefs, du departement & leuée des deniers publics, de la liberté & seureté du commerce, & du labourage, au soulagement du pauure peuple, du renuoy hors du Royaume des forces estrangeres, de la deliurance des prisonniers de guerre, où il sut fait mention de celles de Messieurs de Guise & d'Elbœuf, & de Madame de Longueuille & sa suitte, & de la restitution & iourssance des biens saisis, & de l'ordre qu'on tiendroit pour faire executer & garder ladite cessation d'armes, des lieux où elle s'estendoit, du temps qu'elle dureroit; ce qui fut debattu & discouru diuersement : mais enfin il fut arresté que chacun mettroit son aduis par écrit pour en communiquer plus meurement, & s'en accorder à vn autre iour.

Des le lendemain ie leur enuoyay par le sieur de Fleury ce que i'en auois projetté & écrit, dont depuis ie conferay auec eux au lieu de Preaux prés Gifors, où ils amenerent Monsieur de Reuol: Mais d'autant que sa Majesté estoit partie dudit Gifors, & que ie n'esto is marry de sçauoir l'intention dudit Duc, sur l'aduis que ie luy auois donné de nostre premiere conference, deuant que passer outre, nous ne conclusmes ny accordasmes rien, & seulement reconnusmes, discourans sur chacun article de l'écrit que i'auois dressé, par ou à peu prés nous en deuions

## MEMOIRES

sortir, si nos Chefs continuoient à vouloir faire ladite cessation d'armes.

Sov DAIN que sa Majesté fut reuenuë audit Gisors, lesdits Seigneurs me renuoverent querir, & manderent aussi à mon pere de s'y trouuer, lesquels me dirent par la bouche de Monsieur le Mareschal de Biron assez succinctement, qu'encore que sa Majesté fust aduertie que Monsieur le Duc de Parme s'en retournoit auec son armée au Païs-Bas, & qu'il estoit en si mauuais estat, que de long-temps il ne pourroit reuenir en ce Royaume, de sorte qu'elle ne pouvoir faillir qu'elle n'en receust vn grand aduantage: toutefois que sa Majesté auoit tant de pitié de son pauure peuple, & estoit si remplie. de bonté enuers ses subjets, qu'elle ne vouloit point laisser de leur donner la paix, si ledit Duc s'y vouloit resoudre; mais qu'elle ne pounoit aucunement gouster ladite cessation d'armes qui auoit esté proposée, parce qu'elle luy estoit trop preiudiciable, d'autant que c'estoit accroistre ses subiets à la desobeifsance, & vn moyen de rafraischir les viures dans les Villes qui en auoient necessité, comme celle de Paris; donner temps & loisir audit Duc de Parme de dresser ses forces, en ce faisant reculer plustost que d'auancer la paix generale, laquelle si on vouloit pouuoit estre aussi-tost concluë, & apres plus facilement executée & mieux receue que non pas ladite cessation d'armes. Mais d'autant que i'auois souvent dit, que le Duc ne pouvoit traiter sans l'aduis & consentement de ceux

de son party, lesquels il ne pouuoit assembler durant la guerre à cause des dangers des chemins, ils offroient des passe-ports de sa Majesté pour les aller querir, & faire venir seurement, lesquels seroient expediez en la forme qu'ils aduiseroient auec moy, si ie m'en voulois contenter; adioustant que ce moyen auoit esté pratiqué en autre temps, mais que durant nos guerres ciuiles, l'on n'auoit iamais sait cessation d'armes generalement: partant que sa Majesté ne s'y vou-

loit point accommoder.

I E luy répondis que l'on m'auoit mandé. & fait venir exprés pour traiter ladite cessation d'armes; que ledit Duc m'auoit sur cela enuoyé & donné charge de l'accorder, croyant que sa Majesté sust resolue comme. on luy auoit écrit, mais puis qu'il estoit autrement & que l'on avoit changé d'aduis, & que maintenant ils faisoient une autre proposition, ie ne pouvois y répondre sans sçavoir l'intention dudit Duc, lequel à cettes cause retournois trouuer le lendemain auec la permission de sa Majesté & la leur; & neantmoins qu'il ne falloit laisser à faciliter les moyens de faire la paix pour la retraite dudit, Duc de Parme & de son armée, parce que de long-temps elle ne recouuriroit par armes l'aduantage qu'elle avoit perdu deuant Paris : que c'estoit tousiours à recommencer; que tant plus la guerre dureroit, plus sa Majesté y perdroit, car chacun de part & d'autre la faisoit à ses despens; & plus le mal est inneteré, & plus il est difficile à guarir: que MEMOIRES

i'estimois que les Espagnols n'en seroient au-Xil faut cunement marris, parce qu'ils ne s'y estoient ainuter ic formellement opposez quand on leur en auoit coqui ast I e receus le soir mesme vne lettre dudit u-après Duc, par laquelle il me dessendoit d'accor-paga 394 der ladite cessation d'armes, d'autant que

ledit Duc de Parme ne le trouuoit à propos; que les habitans de Paris en murmuroient, comme disoit le Preuost des Marchands, & aussi que l'Euesque de Plaisance que ledit Legat auoit laissé ne l'approuuoit : partant il me prioit seulement d'obtenir la liberté du commerce & la seureté du labourage. Par là ie reconnus que de part & d'autre l'on ne s'accorderoit que trop à reietter les moyens d'acheminer & faciliter la paix.

- ESTANT auprés dudit Duc, ie luy fis entendre ce que s'auois fait auec la derniere réponse & ouverture qui m'auoit esté faire de la part de sa Majesté, laquelle il prit resolution d'accepter, apres plusieurs disputes & considerations, se promettant qu'outre lesdits passe-ports, que l'on promettoit de suy bailler, l'on accorderoit aussi le commerce & le labourage qui estoit ce à quoy il tendoit

A voyez a le plus. X

Do No ledit Duc ayant pris resolution
la ditte spa d'accepter les dits passe-ports, pour enuoyer
394. Ene aux Prouinces, & assembler le party, il me pria encore de faire cet office, m'asseurant derechef qu'il ne desiroit rien tant que de faciliter ladite assemblée, pour composer les affaires; il me donna encore charge de faire instance du commerce & du labourage, & d'asseurer vn chacun de sa bonne volonté à la

paix, mesmes me la donna par écrit.

A v E c lequel ie me resolus de faire encores le voyage, iugeant estre necessaire d'auancer ladite assemblée, pour en tout cas leuer audit Duc l'excuse de traiter ce qu'il faudroit sur icelle.

LE fus à Mante pour cela, où ie trouuay Monsieur le Mareschal de Biron, qui estoit fur son partement pour aller en Angleterre & Allemagne querir le fecours qu'il en emmena depuis, & Monsieur le Chancelier qui se trouua en son lieu en la conference, en laquelle nous accordasmes la forme desdits passe-ports, lesquels ne furent déliurez suiuant nos Memoires; mais seulement furent expediez pour deux mois, pour plus aduancer ladite assemblée, comme chacun jugeoit estre necessaire de faire, afin de preuenir les pratiques, & rechercher des forces estrangeres que l'on faisoit de part & d'autre: toutefois il me fur promis que l'on les prolongeroit, si l'on connoissoit qu'il fust necessaire. Nous sismes yn reglement pour la liberté & seureté du labourage, qui fut depuis approuué & publié de part & d'autre; mais nous ne peufines conuenir dudit commerce general, pour les difficultez que l'on me fit, & reconnusmes que l'on n'auoit aucune enuie de nous accommoder: toutefois ils ne voulurent pas m'en éconduire du tout, pour ne nous effaroucher, mais s'excusoient de n'auoir pouuoir de passer outre, & me promirent d'en écrire à sa Majesté; laquelle estoit allée apres ledit Duc de Par-

Mon sejour audit Alincour attendant la susdite réponse sur cause d'vne grande faute qui fut faite, ou par malice, ou par ignorance, par ceux ausquels ledit Duc donna charge de dresser ou enuoyer aux Prouinces les lettres pour faire ladite assemblée, suiuant lesdits passe-ports que ie luy auois enuoyez, car elles portoient mandement d'yne conuocation des Estats generaux du Royaume, dont ie n'auois eu aucune charge de parler, & n'en auoit aussi esté fait aucune mention; moins aussi d'vne autre clause portée par lesdites lettres, par laquelle ledit Duc donnoit occasion de croire qu'il vouloit assembler le party, plus pour élire vn Roy que pour autre chose. DEQUOY ie fus le premier aduerty, & certes par hazard, car ledit Duc ny pas yn des siens ne m'en manderent rien; mais estant allé faire vn tour à Paris, en attendant lesdites responses de sa Majesté, pour voir Monsieur de la Chastre qui m'y auoit conuié, vn Gentil-homme seruant dudit Duc, lequel il auoit depesché en rouence & en Languedoc auec lesdites lettres, me vint trouuer pour sçauoir de moy comme il en deuoit vser, dont il disoit auoir esté mal instruit par ceux qui les luy auoient baillées : auquel ie dis que lesdites lettres auoient esté mal-faites, que ie n'auois eu charge de prendre lesdits passe-ports pour l'effet auquel l'on les employoit, & qu'il ne les devoit porter : aussi que ce n'estoit l'intention de ceux qui les auoient accordez & demandez, & particulierement que c'estoit me faire tort. Que les porteurs d'icelles couroient fortune d'estre arrestez & pris estans découverts, & que ie serois le premier à les condamner quand on les. iugeroit. Que le lit Duc receuant lesdits pal-, se-ports m'auoit expressément écrit & asseu-, ré sur la remonstrance & supplication que ie luy en auois faite, aqu'il n'écriroit ny manderoit rien aux Prouinces en vertu d'iceux qui pust offenser sa Majesté, ny ses seruiteurs; & toutefois ie voyois le contraire, dont ie ne luy conseillois de se charger, & luy dis que ie m'en plaindrois à Madame de Nemours, de Montpensier & du Maine, qui estoient en la ville, & ceux qui les assistoient, comme ie fis dés le jour melme : i'en fis aussi vne bonne depesche audit Duc, & à Monsieur. le President Ianin.

Lesdites Dames ordonnerent la retention desdites lettres: cependant ie reuins à Pontoise, & à Alincour, d'où iedonnay aduis à Monsieur le Chancelier, & à Monsieur le Mareschal de Biron de cette faute, & depuis leur enuoyay la réponsemesme que Monsieur le President Ianin me sit à la plainte & depesche que ie luy en auois faite, par laquelle il me mandoit que cela auoit esté fait par inaduertance, & non par malice, que l'on y pouruoiroit , & que l'intention dudit Duc estoit tres-bonne, qu'il estoit seulement necossaire que ie la visse pour faire reformet lesdites lettres en faisant prolonger lesdits passe-ports, d'autant que le terme d'iceux estoit expiré quasi devant qu'ils fussent receus où l'on les auoit enuoyez.

Mesorrs sieurs le Chancelier & Mareschal de Biron, me sirent réponse qu'ils auoient trouvé cette depesche tres-mausaise, & bien éloignée de l'esperance que ie leur auois donnée de l'intention dudit Duc: mais puisque ledit President m'auoit récrit, qu'il la resormeroit quand il me verroit, qu'ils me conseilloient d'aller trouver promptement ledit Duc, asin qu'il y sist remedier.

VERITABLEMENT, Monsieur, cette depesche auoit esté mal considerée & écrite, car iamais il n'auoit esté parlé desdits Estats generaux, & moins d'élire vn Roy; c'est chose aussi que sa Majesté se sust bien gardée d'accorder, si elle se sust seule ment apperceue que l'on eust tiré à ce but : par le memoire aussi que ledit Ducme bailla, que i'ay

encores, pour accepter lesdits passe-ports, il ne sit aucune mention de tout cela: & pour maintenir & conuoquer lesdits Estats, il eust bien fallu plus grands nombre de passe-ports que ie n'en pris : car vous sçauez qu'il faut écrire à tous les Baillifs & Seneschaux du Royaume, & ie n'auois seué que vingt ou vingt-cinq passe-ports, tant pour le dedans que pour le dehors, où nous auions accordex il 4 a

qu'ils seroient enuoyez.

l'ARRIVA y à Soissons la veille de Noël, ene additiaudit an 1591. où ie trouuay ledit Duc, au on a faire quel ie fis ma plainte & remonstrance de l'ex-ici elle ast pedition & enuoy desdites lettres, dont il ey aprezietta la faute sur ceux qui les auoient dres-pao. 306. sées, & sur le peu de loisir qu'il auoit eu de sag. 396. les considerer, à cause qu'elles auoient esté faites en chemin, & lors qu'il estoit accablé d'affaires auec ledit Duc de Parme, & pour faire la depéche du President Ianin qu'il auoit enuoyé en Espagne, & des continuelles allarmes que sa Majesté leur auoit données iusques à Guise. Mais qu'il estoit content de les faire reformer, en m'asseurant de n'auoir rien promis audit Duc de Parme qui l'obligeast à ruiner le Royaume, ny ses amis, sans l'aduis desquels il se garderoit bien aussi de promettre aucune chose à qui que ce fust, qui importast au general de la cause dont il ne se departiroit iamais.

PLVSIEVRS qui estoient auprés de luy le destournoient de ladite assemblée, laquelle il disoit estre fort suspecte aux Espagnols, desquels ils luy remonstroient qu'il auoit

plus grand besoin que iamais, & luy deuolt estre aussi en particulier plus dommageable qu'vtile : d'autant qu'en telle assemblée publique, l'on s'estudie ordinairement de diminuer l'authorité & puissance de ceux qui commandent: toutefois il passa par dessus leurs raisons, & fit dresser vne forme de lettre, laquelle i'adressay au sieur de Fleury, pour faire voir à sa Majesté, luy donnant auis de la disposition en laquelle ledit Duc estoit.

S A Majesté sit changer quelques mots ausdites lettres, qui n'importoient à leur substance, offrant en ce cas qu'on les voulust enuoyer selon la reformation, de rafraischir & prolonger lesdits passe-ports pour tel temps qu'il seroit aduisé, encore qu'elle n'eût que trop d'occasion de se dessier de ladite assemblée, ayant surpris des lettres qui alloient à Rome qui le confirmoient en ce soupçon: neantmoins elle vouloit passer par dessus tout cela, pour faciliter la paix & ne diuertir ledit Duc à y entendre, puis qu'il continuoit à protester, qu'il ne pouvoit rien faire sans ladite assemblée.

covez ci- Ledit fieur de Fleury eut charge de fai-aprez page Ledit fieur de Fleury eut charge de fai-les cet office enuers sa Majesté, laquelle luy 399. ce quil commanda de parler luy-mesme audit Duc saut au u-sur ce propos, pour mieux entendre & conceuoir son intention, dont i'aduertis ledit Duc, qui fut conseillé de plusieurs de le voir & faire infinis voyages, comme s'il eust esté question de conclure la paix; toutefois il le vid en public & parla à luy, dont ledit sieur de Fleury retourna assez satisfait.

Monsteva de Neuers estoit lors à Soisfons, qui m'auoit mandé qu'il desiroit parler à moy, mais ledit Duc ne le voulut permettre, dont ie fus tres-marry pour le respect que i'ay tousiours porté audit Duc de Neuers, & l'esperance que i'auois de profiter auec luy pour le public.

L'on promit audit sieur de Fleury, que I'on luy enuoyeroit apres son partement vn Memoire des passe-ports qu'il falloit faire rafraischir, auec yn double de ladite lettre reformée, signée & approuuée dudit Duc.

LEDIT sieur de Fleury trouua la Courpartie de Senlis, & separée, de sorte qu'il ne peût executer sa charge, & fut contraint la suiure iusques auprés de la ville de Chartres, laquelle sa Majesté alla de là assieger: ledit Duc ne laissa de luy enuoyer lesdites lettres & Memoires par vn trompette, exprés pour en auoir réponse plus seurement. Le sieur de Videuille arriua en ce temps-là à Soissons, lequel auoit veu Monsieur le Chancelier & Monsieur Do,& conferé de nouueau du commerce par le commandement dudit Duc, où il n'auoit rien profité, parce qu'ils auoient refusé de prendre le bled, le vin, & le foin, tant ils craignoient accommoder Paris, qui en auoit certainement necessité: toutefoisils luy donnerent apres esperance qu'ils pourroient changer d'aduis, apres en auoir parlé à sa Majesté, laquelle ils allerent trouuer audit siege de Chartres.

LEDIT Duc ayant oily ledit sieur de fron pour Fleury sur le soupçon que sa Majesté auoit cat endroi

Doy. p. 406.

conçeu de ladite assemblée, fondée sur ce qu'elle apprint par lesdites lettres interceptes, que cela seul auoit esté cause du retardement desdits passe-ports, luy répondit que depuis l'auoir veu il n'auoit changé de volonté, & qu'il destroit aider à la paix de tout son pouuoir, pourueu qu'elle se peust faire auec l'honneur de Dieu, & la conseruation de la Religion. Mais que ne le pouuant sans frapper coup, comme il auoit toûjours dit, il avoit desiré ladite assemblée, de laquelle toutefois il ne pouuoit nier, que plusieurs du party n'eussent prins ombrage comme ceux qui auoient diuerses fins & opinions en la conduitte & resolution des affaires publiques; qu'il estoit contraint quelques-fois pour contenir chacun en office & conserver son credit, d'écrire & parler des choses qui se presentoient diversement; toutefois qu'il n'auoit qu'vn but, qui estoit celuy mesme qu'il auoit tousiours declaré, dont il appelloit Dieu à témoin; que sa Majesté n'estoit apprentifue des peines & trauerses, ausquelles estoient subjets ceux qui commandoient à des volontaires, comme celuy qui auoit passé par là, que certainement l'on n'en disposoit pas comme l'on vouloit; qu'il desiroit doncques le repos du Royaume, comme à la fin l'on connoistroit par effet : mais puisque sadite Majesté prenoit tant de jalousie de ladite assemblée, & faisoit difficulté de bailler ses passe-ports pour l'aduent, il ne le vouloit presser dauantage, & neautmoins mettoit peine de

ne laisser pas de ce faire sans cela; qu'il ne vouloit répondre aux conseils & opinions de ceux qui s'y trouueroient, non plus qu'aux écrits & lettres d'vn chacun; mais qu'il l'afseureroit qu'il ne manqueroit iamais à son devoir, & que la lettre qu'il avoit écrite à l'Euesque d'Amiens, dont on se plaignoit, n'estoit du tout semblable à la coppie qu'il auoit apportée, comme il estoit facile de verisier sur la minutte qu'il representeroit, & melmes sur l'original qu'il disoit estre tombé en leurs mains, d'autant qu'il leur consigneroit le chiffre pour la dechiffrer quand on s'en voudroit éclaireir. Et d'autant que ledit sieur de Fleury luy auoit fait instance d'enuoyer à Chartres, où il disoit se deuoir faire par le commandement de sa Majesté vne notable assemblée, en laquelle l'on pourroit encore traiter du commerce, & auroit supplié donner cette commission à Monsieur de Videuille & à moy: Il luy répondit, encore qu'il destrast grandement satisfaire au desir de sa Majesté & des Catholiques qui la desiroient, qu'il ne pouvoit toutefois ouvertement enuoyer en ladite assemblée, sans par trop ombrager ceux qui le secouroient, lesquels il ne vouloit mécontenter à cause du besoin qu'il en auoit : que toutefois si à bon escient I'on vouloit traiter dudit commerce pour ladite ville de Paris, comme souuent il auoit esté proposé, il nous prioit volontiers ledit sieur de Videuille & moy, d'aller iusques-là; mais il ne pouvoit donner d'autre charge que de répondre en general de sa

droite intention au bien du Royaume, auec la conservation de la Religion, parce qu'il ne pouvoit passer plus avant sans ses amis, la page 402 ainsi qu'il avoit tousiours declaré, & sur cela ca quil faut congedia le dit sieur de Fleury par le moyen aiouter ici duquel nous receusmes le passe-port bientost apres.

Ledit sieur de Fleury alla à Chartres pour aduertir sa Majesté & ceux de son Conseil de ce que dessus, cependant ie demeuray en la maison oisif; & asin que ie n'obmette rien en ce discours sur cette occasion, i'employeray le temps pour vous rendre compte de la prise & reduction du Chasteau-Thierry, pource que ie sçay qu'il en a esté parlé diuersement, & mesme à mon desauantage; & vous tous en direz la verité, comme ie ferois de la prise dudit sieur de Videuille, aduenuë comme il s'acheminoit à cette negociation auec le passe-port de sa Majesté, si vous n'en auiez esté mieux informé qu'yn autre, comme celuy duquel il fut tres-bien seruy & secouru en son besoin.

Vous noterez doncques, Monsieur, s'il vous plaist, que ie n'estois à la fuitte dudit Duc lors qu'il inuestit ladite ville de Chasteau-Thierry, pour m'auoir laissé en ladire ville de Soissons, dont ie ne susse party pour le venir trouuer, sans l'arriuée dudit sieur de Fleury, lequel me manda l'y conduire, & le susmes trouuer audit siege, ayant d'abord gaigné les saux-bourgs de la ville des deux costez de la riviere, où son armée estoit logée aucc luy tres-commodément, ayant telle-

ment

ment surpris ceux de dedans, qu'ils n'auoient pû les brûler ny les debattre long-temps; aussi estoient-ils aussi mal pourueus de gens de guerre pour ce faire, & mesmes pour bien dessendre la Ville qui a tousiours esté estimée, comme certainement elle est vne des plus mauuaises places du Royaume: toutesois nous trouuasmes que les dits assiegez s'estoient assez gaillardement dessendus, ayant pris vne piece dedans la batterie dudit Duc qui l'in-

piece dedans la batterie dudit Duc qui l'incommodoit grandement.

CHACVN se retira au Chasteau, contre
lequel ledit Duc dressa sa batterie, & deux 404. ce
iours apres le Vicomte de Comblisy m'en-quil saus
uoya vn billet, par lequel il me prioit de par-aiouter
ler à luy. Ie trouuay la place si remplie de femmes & d'enfans, que ie connus bien qu'ils ui. ne pouuoient gueres durer; auec cela aussi il commença dessors de composer, & d'autant qu'il estoit occupé ailleurs, il me laissa son pere qui me proposa des conditions que ie luy dis qu'on n'accorderoit iamais; car il demandoit que la place luy fust laissée en garde comme à luy appartenante, à la charge de n'en plus faire la guerre : encore vouloit-iI qu'on luy donnast loisir d'en aduertir sa M. à quoy il s'opiniastra tellement, que ie fus contraint de me retirer sans rien faire, estant mandé dudit Duc, apres auoir contesté plus de deux heures auec luy. En partant ie luy die que s'il n'estoit pressé de composer, il faisoie mal d'en parler, parce que cela décourageoit ses gens, & sçauoit bien que ledit Duc n'accorderoit iamais ce qu'il demandoit. Ie le dis

Tome I.

aussi audit sieur de Comblisy, lequel me pria d'obtenir vn passe - port pour faire sortir sa mere & sa femme, auec les autres femmes qui étoient au Chasteau, dont il disoit estre en plus grand soucy que de la batterie qui estoit preste à iouer, & n'auoit esté retardée que pour ma consideration : & de fait Madame Pinart se vint ietter à mes pieds toute éplorée, me priant de l'amener auec moy; ce que ie n'osay entreprendre sans congé dudit Duc, dont ie luy fis requeste; mais il m'en refusa, & fir commencer la batterie, laquelle s'adressant à vne tour, & au pignon d'vne gallerie qui n'auoit esté terrassée, fit bien-tost iour. Les estrangers estoient logez au pied du Chasteau, & fussent entrez dans la ville tost apres, si la batterie eust continué, mais ledit Duc la fit cesser à ma requeste; & sur ce que ledit sieur Pinart & de Comblisy me prierent de faire pour eux telle composition que ie voudrois, ie l'obtins dudit Duc le plus honorablement & aduantageusement qu'il me fur possible, tant pour eux & leurs gens de guerre qui les assistoient, que pour les habitans; & vous asseure qu'elle fut faite au grand regret desdits estrangers, car ils connoissoient tres-bien ledit aduantage. Mais ledit Duc me vouloit faire ce plaisir, & straccompagner luy-mesme ledit Pinart & sa suitte, quand ils sortirent iusques au dehors de l'armée, de laquelle il ne m'eust esté possible de les garantir autrement. Voila la verité de cette composition, que ie puis prouter par écrit, pour laquelle ledit Pinart & son fils ont soussert ce

que vous fçauez. Ce qu'on leur pouvoit imputer estoit d'auoir refusé les gens de guerre, que l'on disoit leur auoir esté offerts quelques iours deuant ledit siege: Mais ils s'excusoient sur la mauuaise volonté qu'ils disoient sçauoir bien, que ceux qui seur com-mandoient seur portoient, lesquels auoient fair auparauant ce qu'ils auoient pû pour les dénicher de la place, & auoient iuré de ne leur pardonner en cette occasion: & quoy que ce soit, ie vous iure en homme de bien n'auoir cu durant le siege aucune intelligence auec ledit sieur Pinart & son fils, que celle que ie vous ay representée; & dauantage,n'auoir iamais veu personne si aigre & contraire à la Ligue que le pere, dont il ne se peut garder qu'il n'en donnast connoissance audit Duc quand il sorrit & l'accompagna : & fa ceux qui auoient entrepris de deffendre la bréche de la ville eussent fait leur deuoir, ie croy certainement que Monsieur du Maine se fust retiré sans le prendre. Voila à quoy sont subjets en ce Royaume ceux qui changent de profession, & ont faute d'amis & de support a la Cour; car ie puis dire que i'ay veu astaillir, forcer, & rendre infinies places qui n'auoient estési bien dessenduës, & dont le peril n'estoit toutefois à beaucoup prés si grand que celuy-cy; mais l'on auoit besoin de la bourse du pere, & croy que ledit sieur de Videuille n'eust esté quitte de sa prise à meilleur compre que les autres, si la foy & bonté de sa Majesté ne les cussent garantis de la haine, tant est grande l'enuie de ce temps, & preudon plaisir de courir à vn affligé que l'on 2

veu en prosperité.

Apres la déliurance du sieur de Videuille, & le retour de Chartres du sieur de Fleury, par lequel ie receus des lettres de Monsieur le Chancelier, & de Monsieur le Mareschal de Biron, n'y ayant trouué sa Majesté, ie m'acheminay à Estampes suivant leur mandement, où se trouua ledit sieur de Videuille, & eusse bien desiré que Monsieur le Cardinal de Gondy eust pris la peine d'en faire autant, comme ie l'en auois supplié, afin de nous aider à faciliter les affaires : mais il s'en excusa, ayant à mon aduis mauuaise opinion du succez de nostre negociation. Nous passalmes iusques à Dourdan, que ledit sieur Mareschal tenoit assiegé. Ledit Duc m'auoit mandé n'auoir iamais ouy les propos que le sieur de Rosne auoit tenus audit sieur de Fleury, lesquels aussi ledit sieur de Rosne tournoit en risée suivant sa coustume ; de sorte que ledit Duc me prioit de parler seulement du commerce dont il nous avoit donné charge, sans s'engager plus auant, ce qui fut cause que mon voyage fut du tout inu-tile: car les sieurs de Chiuerny & de Biron, n'auoient aucune charge ny enuie d'accorder ledit commerce, & attendoient de nous tout autre chose, partant chacun se tint sur les paroles generales, auec plus de deffiances les vns des autres, qu'il n'y en auoit ce me semble de suiet; car ils estimoient que nous fissions les fins, à cause de ce que ledit de Rosine auoit dit au sieur de Fleury, & nous ne

voyant rien de l'esperance qu'on nous auoir donnée de nostre voyage; au moyen dequoy apres nous estre assemblez deux iours durant, nous nous separasmes, remettant à consulter de toutes choses auec ceux qui nous auoient enuoyez. l'auois apporté le chiffre, de laquelle avoit esté écrite la lettre de l'Euesque d'Amiens, de laquelle a esté cy-deuant parlé, afin de la verifier; mais lesdits sieurs n'auoient l'original, de sorte que cela fut remis à vne autre fois, dont l'on ne s'est depuis souuenu, non plus que des autres discours que nous cusmes ensemble : ce fut au commencement du mois de May, de l'an 1591.

Novs retrouuasmes Monsieur du Maine à Rheims, qui fut plus marry du refus du commerce que de toute autre chose, dont i'aduertis ledit sieur de Fleury, & qu'il ne falloit plus s'attendre que ledit Duc fist parler de la paix, que les Deputez de Prouince qu'ils disoient auoir mandé les attendant tous les iours ne fussent venus, d'autant qu'il s'arrestoit à ne vouloir traiter sans eux, pour les raisons susdites. Et me souuient, Monsieur, que vous pristes la peine, estant à vostre maison, de m'écrire vne tresaigre lettre surce sujet, ne vous pouruant contenter des difficultez que faisoit ledit Duc de traiter, ou du moins ébaucher les affaires, en' attendant son assemblée, pour garantir l'Estat du peril qu'il alloit courre à l'arriuée des armées estrangeres que chacun attendoit, laquelle ie sis voir audit Duc, pensant l'ébranler; car c'estoit mon aduis qu'on en

vsast ainsi, mais ie n'y gaignay rien, s'excusant tousiours sur ce qu'il ne vouloit donner ialousie ny mécontentement à ses amis dedans ny dehors le Royaume, quoy qu'il en

peuft aduenir.

LE sieur de Landriano Milanois arriua, inopinément en la ville de Rheims, en ce, temps-là enuoyé par le Pape Gregoire quatorzieme, de la maison des Sfondrate, n'aguere au Pontificat, chargé d'offres & d'alseurances du secours, & d'vn nouveau mandement de sa Sainteté, adressant aux Catholiques qui assistoient sa Majesté, & specialement aux Ecclesiastiques, par lequel ils estoient exhortez & commandez d'abandonner sa Majesté, & sortir des Villes qui la reconnoissoient, à peine d'excommunication: Et combien que ledit mandement fust jugé de plusieurs tres-rigoureux, & arriué tresmal à propos, à cause de la prosperité des affaires de sa Majesté, toutefois il fut incontinent publié à la sollicitation de ceux qui vouloient nourrit la guerre : dont aucuns Ecclesiastiques furent scandalisez, encore qu'ils fussent tres-affectionnez au party, car ils disoient que le Pape deuoit encourager plustost ceux qui residoient aux Villes de sa Majesté d'y demeurer que d'en sortir; parce que c'estoit quitter le champ aux heretiques, qui estoit ce qu'ils me mandoient; & ce faisans, abstraindre le peuple d'abandonner leurs biens, maisons, & familles: qu'il estoit à craindre qu'ils éleussent l'vn plustost que l'autre, car il s'en verroit peu en ce temps

qui voulussent mourir de faim pour obeir à sa Sainteré; les Ecclesiastiques mesmes ne le feroient pas : de sorte que ledit mandement confirmoit plustost les Catholiques auprés de sa Majesté, qu'il ne les estrangeoit, au mépris du faint Siege, comme il effoit aduenu des precedens; & d'autant plus que les affaires de sa Majesté estoient en meilleur estat qu'auparauant: Que c'estoit tres-mal fait de desefperer chacun de la paix, les affaires du party estant si décousues qu'elles estoient, & deuant que l'on vist les moyens de les redresser; bien asseurez que nos maux estoient si enracinez, qu'ils ne pouuoient plus estre guaris par charmes ou paroles, ny crainte de l'indignation de sa Sainteré : de sorte que les huguenots & les estrangers qui auoient con-iure la ruine de la Religion, prositeroient sous ambre du desespoir qu'apporteroir ledit mandement, duquel si on les eust creus l'on eust sursis la publication apres la victoire. Mais ledit Landriano auoit charge expresse de le fulminer, dont il ne voulut rien. rabattre, tant il estoit mal informé de nos: affaires, & se comporta en l'execution de sa commission à la mode de Rome, où il leur. semble que toutes choses doivent passer par leur censure & jugement, encore que souuent ils se fondent plus sur le vray-semblable. que sur le profitable. Ils s'estoient persuzla leuée & venue des forces que sa Sainteté: auoit resolu d'enuoyer en ce Royaume contre sa Majesté, & auoit fait ledit Landriago K iii

## MEMOIRES

exprés commandement, comme si la crainte & apprehension desdites forces eussent deu l'authoriser, & rendre les affaires selon seur desir: mais l'euenement leur apprit bien-tost que la France ne veut pas estre maniée de cette façon.

l'ADV ERTIS ledit sieur de Fleury de tout cccy, afin qu'il sceust que nos folies alloient ruinant toutes choses; ce sur lors que le pauure Marquis de Maignelay seruit d'exemple & d'enseignement à plusieurs, & qu'il fur mené deuant la ville de la Fere, laquelle il suoit acquise au party, au hazard desa vie sur vn soupçon que l'on auoit de luy, qu'il traitoit auec sa Majesté & Monsieur de Longueuille; ce fut le Vis-Seneschal de Montlimar nommé Collas, qui fit ce bel exploit de guerre, auquel ledit Marquis se fioit plus qu'à personne de la Ligue. Il estoit accopagné du Lieutenant des Gardes dudit Duc, mais vesitablement les Capitaines dud. Marquis, & le peuple de lad. ville furent cause de son malheur plus que tous autres, tant ses fautes auoient attiré sur luy l'ire de Dieu: car ceuxlà estoient ses creatures qu'il auoit éleuées de peu, & preferées à d'autres; & ceux-cy auoient esté mal-traitez de luy depuis la prise de ladite ville : de sorte que les vus par malice, & les autres par animosité coniurerent sa mort; & pour ce faire augmenterent tellement le soupçon que ledit Marquis auoit commencé à donner de luy audit Duc, par mécontentement, de la frequentation de luy & des siens auec ceux du party contraire,

que ledit Duc laissa aller à y remedier par l'enuie dudit Vis-Seneschal, accompagné dudit Lieutenant des Gardes, auquel il donna charge, estant en ladite ville, de faire tout ce qu'ils jugeroient estre necessaire pour la conseruer; & neantmoins ie croy certainement que ledit Marquis, comme ieune & mal-aduisé, vouloit plustost faire peur de luy audit Duc, afin de l'exciter de l'honorer de plus grande charge, que prendre le party de sa Majesté; joint que ledit Duc luy auoit promis de conferer auec ledit sieur de Longueuille : aussi n'a-t'on depuis sa mort peu rien faire prouuer contre luy qui ait peu condamner sa memoire d'infidelité, ny excuser les autres de ce marché, quelque diligence qu'on y aye faite; dont ie parle comme celuy qui a veu les depositions mesmes, & les informations qu'ils ont produites, lesquelles condamnent plustost les autheurs, qu'elles ne les déchargent. Mais l'heure dudit Marquis estoit arriuée : i'estois auec ledit Duc quand il en receut la nouuelle, de laquelle ie luy vis tomber les larmes des yeux; & s'il n'eust depuis donné la charge de la place audit Vis-Seneschal comme il fit, ou du moins qu'il n'eust mieux justifié en la justice l'acte qu'il auoit commis, il eust beaucoup fait pour sa reputation.

Son excuse estoit qu'il ne pouvoit aucunement se conserver; ie croy qu'il s'en est repenty depuis assez de fois, tant pour le respect dudit Marquis, que pour la consequence d'yn tel acte, que pour s'estre depuis le dit

## MEMOIRES

Vis-Seneschal monstré plus affectionné ausdits Espagnols qu'à luy: il ne faillit pas aussi de se dessaire bien-tost des Capitaines dudit Marquis qui l'auoient trahy, ne se pouuant sier en eux apres vn tel forfait, qui est le juste payement qui est deu à telles personnes.

LEDIT Duc partant de Rheims alla renter vne entreprise sur Compiegne, qui ne reuffit pas, ce fut en la ville de la Fere, où il establit ledit Vis-Seneschal, de là il arriua à Amiens, où arriva Dom Diego d'Ibarra, pour resider auprés de luy de la part du Roy d'Espagne. D'Amiens il fut contraint de courir à Rouen à cause de l'intelligence qui estoit entre le Comte de Tauanes qui y commandoit, & de Monsieur de Villars Gouverneur du Havre, auquel il donna la charge du premier qu'il retira, & l'emmena auec luy fort à propos pour conseruer ladite ville, comme il apparut depuis par les euenemens : cela fait il donna iusques à Pontoise pour executer vne autre entreprise sur Mante, qu'il faillit aussi, & reprit le chemin de Beauuais, Amiens, & Peronne, pour gaigner Ham; d'autant que sa Majesté auoit assiegé Noyon, laquelle elle prit en peu de temps à la veue dudit Duc, & des forces estrangeres que ledit Duc de Parmeluy audit laissée, lesquelles estoient commandées par le Prince d'Ascoli, assisté dudit Diego d'Ibarra, faisant peu de compte des commandemens dudit Duc, lequel ie suinis en tout ce voyage, attendant le retour d'Espagne du President Ianin en cette belle assemblée.

sans laquelle ledit Duc protestoit tousiours ne pouvoir prendre party. Or ledit President Ianin arriua en la ville de Ham, où l'on sceut en mesme temps la nouvelle de la sortie & éuasion du Chasteau de Tours de Monsieur le Duc de Guise, aduenuë au iour de Nostre-Dame du mois d'Aoust, s'estant fait descendre & deualler auec vne corde par deux de ses gens, de la fenestre du grenier en bas, comme chacun disnoit en la ville & au Chasteau, & fut recueilly par le Trompette de Monsieur de la Chastre, qui l'attendoit hors le faux-bourg, d'où il fut conduit à Bourges. Cette nouvelle réjouit grandement les étrangers, lesquels en verité monstroient estre tres-mal satisfaits dudit Duc du Maine, partant luy desiroient moins d'authorité.

Le President Ianin auoir esté enuoyé en Espagne pour découurir au vray l'intention du Roy Catholique sur les affaires de France, que Iean Baptiste de Tassis & Rossieux auoient celé audit Duc, comme ie vous ay cydeuant dit. Ledit Duc persuadant tousours que quand le Roy auroit esté bien informé de la verité des affaires, que non seulement il ne s'embarasseroit en la conqueste du Royaume, pour luy ny pour sa sille, comme aucuns disoient qu'il vouloit faire; mais aussi qu'ayant égard au pouvoir qu'il auroit au party, & à ses trauaux & merites, il se resoudroit à le fauoriser plustost que nul autre: & encore que ledit President ne se promist pas d'en rapporter contentement, comme celuy qui connoissoit bien la disposition des

choses: neantmoins pressé, voire forcé ou'il füt d'entreprendre ce voyage, il s'y resolut volontiers, esperant qu'il dissuaderoit le Roy Catholique du dessein susdit, ou bien. qu'à son retour l'on traiteroit : & croy à la verité que l'intention dudit President essoit tres-bonne, & partant que le voyage essoit tres-necessaire; toutefois il ne seruit ny à I'vn ny à l'autre effet, tant il estoit difficile d'effacer des cœurs des Princes, les conceptions qu'ils affectionnoient. Car encore que Sedit President se sust estudié de representer au Roy de tres-grandes oppositions & difficultez qu'il rencontreroit à son dessein, tant de la part de sa Majesté que du party mesme duquel il vouloit s'aider, voire de toute la Chrestienté; & surce sit la chose comme imrossible, en luy representant & faisant apres considerer les autres moyens qu'il auoit d'asseurer la Religion en ce Royaume, & le recompenser de ses peines & frais auec beaucoup moins de peril & dépens, & trop plus de gloire & d'aduantage pour luy, & pour le party: neantmoins au lieu de profiter il s'apperceut qu'on se défioit de luy, comme s'il cust proposé telles difficultez, exprés pour fauoriser ledit Duc, & non pour estre veritables & bien fondées. Quoy voyant, ie luy ay ouy dire qu'il fut contraint pour ne rompre & perdre du tout ledit Duc auec le Roy, ou revenir sans resolution, de se laisser entendre à ses Ministres, & nonobstant ses raisons, ils vouloient traiter de leurs desseins: il estoit donc necessaire pour ne perdre la Religion, que tout ce qu'ils y cmployoient qu'ils l'entreprissent auant tant de forces & moyens; que tant par crainte & necessité, que par force d'argent & bien-faits, ils en peussent venir à bout. Sur quoy ils resolurent, & l'asseurerent qu'ils feroient incontinent entrer en ce Royaume deux puissantes armées, payées & accompagnées d'artillerie, viures, & autres munitions necessaires & suffisantes pour reprendre & forcer les places de sa Majesté, & en mesme temps l'accumuler en quelque lieu auec son armée, dont l'vne seroit commandée par ledit Duc du Maine, & l'autre par celuy de Parme, ou tel autre Chef que sa Majesté Catholique choisiroit, à la charge que l'on assembleroit les Estats du party en mesme temps, pour leur faire approuuer le dessein dudit Roy, lequel leur seroit exposé par ses Ambassadeurs. Voila la substance de la réponse que rapportoit ledit President, lequel voulut voir ledit Duc de Parme deuant que d'entrer en ce Royaume, pour sçauoir au vray quel ordre & acheminement l'on auoit donné à ce que dessus, dont il luy donna plus d'asseurance que depuis il n'en vit d'effet. Or si ledit President auoit esté deçeu de son esperance enuers ledit Roy d'Espagne, il ne le fut moins à son retour, du fruict qu'il s'estoit promis de recueillir auprés dudit Duc. Car non seulement ne il l'ébranla de l'opinion en Iaquelle il l'auoit laissé, mais ie sçay que ledit Duc se plaignoit qu'il ne l'auoit pas bien seruy en ce voyage; soit qu'il le creust ainsi en se star-

2;0 tant luy-mesme, ou se laissant flatter ou abuser, ou bien qu'il fust marry que l'on sceust & connust que le Roy d'Espagne eust fait si peu de conte de luy, dont ie vis ledit President en peine, combien qu'il eust tousiours esté, & fust encore le plus affectionné, franc & digne seruiteur qu'eust ledit Duc, enuers lequel ie cuide bien quela nouuelle de la deliurance du Duc de Guise son nepveu rendoit encore ce déplaisir plus sensible. Or ie ferois tort audit President si i'obmettois à vous dire que passant par la ville de Marseille allant en Espagne, il fit vn tel devoir & office enuers lesdits habitans de Marseille contre les menées du Duc de Sauoye qu'il y trouua, qu'il les renuersa entierement : car il esperoit s'en rendre maistre, & n'y auoit faute de partisans; mais comme le peuple entendit que le Duc de Mayenne desiroit bien que le païs s'aidast du Duc de Sauoye contre les ennemis communs, mais non que ladite ville ny les autres se separassent du Royaume pour qui que ce fust, vn chacun s'en rejouit & prit bien-tost le party; de sorte que ledit Duc de Sauoyes'embarqua auec ledit President pour aller en Espagne, où il reconnut comme sit ledit President, que l'on auoit aussi peu d'enuie qu'il deuinst maistre de la ville de Marseille que de la France; soit que ledit Roy d'Espagne fist estat que ladite ville ne luy pouvoit échapper, avec le reste du Royaume, ou que l'accroissement de son gendre luy fust aussi suspect qu'aux autres : i'adiousteray encore icy que ledit Duc de Mayenne n'a iamais desiré que l'autre prist pied au pais de Prouence, luy ayant des le commencement refusé vn pouvoir pour y commander, qu'il a long-temps poursuiuy, & l'eust volontiers

acheté & payé bien cherement.

APRES la prise de la ville de Noyon ledit Duc du Maine alla à Rheims, & de là en Lorraine, tant pour conferer auec ledit Duc des affaires publiques, & de ce que luy auoit rapporté d'Espagne ledit President Ianin, que pour receuoir des forces de cheual & de pied que le Pape Gregoire quatorziéme enuoyoit à son secours sous la charge de son nepueu, que l'on nommoit le Duc de Montemartiano: lesdites forces estoient composées d'enuiron mil hommes de cheual, & quinze cens de pied Italiens, & quatre mil Suisses. La cauallerie estoit mieux en ordre que le reste. Mais apres auoir fait monstre & parade en l'armée dudit Duc, elle se défit incontinent, & ne seruit quasi de rien. C'estoit, toutefois les forces auec lesquelles ils discouroient à Rome, que sa Majesté & ses seruiteurs donneroient bien-tost du nez en terre, & que les bulles & fulminations de sa Sainteté, apportées & publiées par ledit Landriano deuoient estre executées.

Le Roy teceut au mesme temps l'armée d'Allemans que Monsieur le Vicomte de Turenue auoit leuée, & pour laquelle il l'auoit depesché l'année precedente, sors que sa Majesté resusa la cestation d'armes que ie poursuiudis. Elle estoit forte, principalement de cauallerie, auec laquelle sa Majesté vint couMEMOIRES

rir iusques auprés de Verdun, où ledit Duc de Lorraine & du Maine estoient venus auec lesdites forces de sa Saincteté, & quelques autres du Païs-bas & de Luxembourg : cette course fut sans esset de remarque.

Monsieve le Duc de Lorraine faisoit demonstration d'estre fort las de la guerre, & encore plus mal-content des Espagnols: son pais estoit aussi merueilleusement ruiné, il parloit souuent des moyens de pacifier le Royaume auez ledit Duc du Maine & nous, mais sans resolution; seulement ils promirent de ne traiter du general l'vn sans l'autre. Et d'autant que le Roy d'Espagne auoit re-mis au Duc de Parme l'accord & resolution de toutes choses, & que l'on estimoit qu'il entreroit bien-tost en France, Monsieur de Lorraine enuoya auec Monsieur de Mayenne Monsieur le Comte de Vaudemont son fils, accompagné du sieur de Bassompierre, pour assister à la negociation que l'on pretendoit faire aucc luy, comme il disoit, en intention d'accorder ce que le Roy d'Espagne desiroit, mais seulement d'entendre la proposition & les conditions d'icelle : car ledit Duc de Lorraine faisoit demonstration d'estre fortcontraire à ce dessein, & ne le pouvoit goûter aucunement; neantmoins il soustenoit tousiours n'y auoir moyen de traiter auec sa Majesté tant qu'elle seroit de contraire Religion, & estoit bien empelché d'en trouuer vn bon entre ces deux extremitez.

SI-TOST que sa Majesté se fut retirée du costé de Sedan, où elle sit le mariage de Monsieur de Turenne auec l'heritiere de la maison, ledit Duc du Maine rentra en France, & se vint rendre à Montcornet, passant par Retel, où arriua ledit Duc de Guise, accompagné de Monsieur de la Chastre, & de peu de Noblesse au regard de ce que l'on en

esperoit.

L A deliurance de ce Prince auoit émeu les cœurs, & releué l'esperance des zelez, lesquels jettoient incontinent le principal fondement sur luy, comme gens qui se lassoient dudit Duc'de Mayenne, se promettant tout ce qu'ils desiroient, tout ainsi que s'ils eussent pû & deu disposer des volontez des plus grands Princes, & les ranger à leurs opinions, tant leur ignorance estoit profonde, & leur presomption extréme, comme sceut fort bien remarquer ledit sieur de la Chastre : de forte qu'ils ne parloient plus dudit Duc qu'en dédain, chose qui n'estoit desagreable à ceux qui desiroient la paix : car ils esperoient que leur insolence, iointe au peu de conte que lesdits Espagnols faisoient de luy, & au mécontentement qu'ils auoient du fuccez du voyage dudit sieur Ianin: Enfin ils luy ouuriroient les yeux, & le feroient resoudre de fortir des mains des vns & des autres. Sur cela Boucher Docteur en Theologie, le sieur de Masparault & Senault arriverent audit lieu de Retel, enuoyez par ceux de Paris auec des cahiers & demandes, qui presupposoient déja quelque changement ou mal-heur en ladite ville : car ils parloient insolemment, se plaignans de ce qu'on leur auoit

osté le conseil de l'Union & le seau, dont fousmain ils accusoient ledit Duc, & publiquement blâmerent ceux qui l'assistoient, au nombre desquels ie n'estois' pas épargné, ny ledit sieur President Ianin qui eut de grandes, paroles auec eux. A la fin ie fus appellé à la resolution de leurs demandes, où l'on eut assez de peine à les contenter : ils estoient couuertement supportez des Espagnols, & sur tout dudit Dom Diego d'Ibarra; neantmoins, ils ne rapporterent que des réponses genera-, les, aussi ne leur en pouuoit-on donner d'autres sans faire tort au public, & sur tout à l'authorité dudit Duc, dont toutefois ils firent contenances d'estre aucunement satisfaits: mais l'on apperçeut bien-tost apres, qu'ils dissimuloient, voire qu'ils couvoient, quelque méchef: car Messieurs Brisson President, l'Archer Conseiller au Parlement, & Tardif Conseiller du Chastelet, furent pendus par ceux de leur caballe. Comme le sdits. Boucher & Senault estoient prés de ladite ville, ledit sieur de Masparault estant demeuré prés dudit Duc, l'on dit que leur desse in estoit de changer & cribler le Parlement, & le dresser à leur mode, pour apres disposer du nom & de l'authorité diceluy contre ledit Duc du Maine, & mesme faire reuoquer son pouvoir à l'arrivée en France du Duc du Parme, & apres chercher vn Roy à leur poste, dont ledit Duc de Mayenne eut le vent; ce qui le sit resoudre d'accourir en la ville pour chastier les mutins, & renuerser leurs defseins. Il estoir à Laon quand il sceut cette

nounelle, dont il fut fort troublé, il aunit laissé l'armée audit Montcornet, & encore que ce coup l'eust picqué iusques au vif pour ses susdites causes, son esprit fut agité de diuerses considerations, & le vit-on en bransle, de ne passer outre; mais enfin il fut emporté de l'enormité du fait, de l'apprehension de son particulier, & des aduis que Madame de Montpensier, & Monsieur de Belin luy donnerent, par lesquels ils luy manderent qu'allant à Paris, non seulement il puniroit les coupables, mais aussi asseureroit du tout à sa deuotion ladite ville, comme il aduint. Caril sit prendre & chastiet ceux qu'il voulut, s'empara de la Bastille, où le Procureur le Clerc, dit Buffy, qui a tant mal-heureusement fait parler de luy, commandoit; & punit tellement la grandeur & enormité de ce forfait, que chacun aduoiioit qu'il estoit loiié, honoré, craint, & aimé des Principaux, Citoyens & Bourgeois: mais aussi ce ne fut sans estre detesté & maudit par ledit Dom Diego d'Ibarra, lequel estoit audit Montcornet, quand ledit Duc partit de Laon pour venir à Paris, qui le suiuit neantmoins en telle diligence, sçachant sa resolution, & le joignit entre Meaux & ladite Ville, en laquelle il entra auec luy; il estoit vne grande partie des habitans sortis au deuant de luy, lesquels à leur contenance monstroient estre tres-aises de sa venuë, esperans qu'il feroit punir les autheurs de ce fait, qui auoit remply la ville de crainte & de deuil. Mais ccs tactieux furent si effrontez qu'ils vindrent en

corps à pied au deuant de luy iusques à saint Anthoine des Champs, ayans les visages rians & asseurez comme meurtriers, lesquels deuant sa venue auoient esté si impudens que de se presenter à Mesdames de Nemours & de Montpensier, & à ceux du Conseil dudit Duc qui estoient en la ville pour leur faire aduoiier ce bel exploit, que ledit Dom Diego excusoit tant qu'il pouvoir, pressant & importunant ledit Duc, & ceux qui l'affistoient d'en faire de mesme : mais il n'y gaigna rien, car ledit Duc en fit prendre quatre, lesquels furent pendus & étranglez dans la salle basse du Louure. Cette execution fut faite sans forme ny ordre de Iustice, contre mon aduis : car ic desirois que la Cour les jugcast, & que la punition en fust publique, pour seruir d'exemples aux autres : mais d'autres jugerent plus à propos d'en vser autrement, à cause que le Parlement estoit la partie offensée, qui estoit encore si effarouchée que difficilement elle les condamneroit; que l'enormité du fait requeroit vne prompte & extraordinaire punition, & que les prisonniers estoient reconnus autheurs & conuaincus d'icelle; jonit que l'on ne vouloit à la verité en tout tant authoriser le Parlement, parce que ledit Duc ne se fioit pas trop d'iceluy, ny approfondir le fait iusques au bout, pour n'estre pas contraint. d'en chastier plus grand nombre, ny manifester dauantage la cause de son courroux, ledit Bussy encore qu'il sust plus coupable que les autres, en sut quitte pour la Bastille, qu'il

remit entre les mains dudit Duc, lequel pardonna aussi aux autres, lesquels l'ont depuis reconnu, comme sont coustumiers de faire ceux que l'on tire du gibet contre raison, car ils n'ont cessé de le persecuter secrettement & publiquement: sauuer aussi la vie à vn malfaicteur, c'est l'oster à plusieurs gens de bien, & ossenser Dieu & le public,

A PRES cette execution ie me retiray à Pontoise, voyant que ledit Duc retournoit en l'armée y attendre ledit Duc de Parme, pour aller secourir la ville de Rouen que sa

Majesté tenoit assiegée.

PRENANT congé de luy il me pria afseurer ceux que ie verrois, qu'il estoit le plus affectionné & disposé à la paix, & certes ie le croyois: car il me sembloit qu'il en auoit plus grande occasion que iamais, voyant que l'on l'auoit voulu des-authoriser à Paris, & que tous les factieux auoient les yeux tournez sur Monsieur son nepueu; toutefois comme il auoit lors l'esprit du tout bandé à secourir ladite ville de Rouen pour la consequence d'icelle, il me dit qu'il ne vouloit rien faire qui peust seruir d'excuse audir Duc de Parme de le retarder, connoissant n'y pouuoir paruenir sans luy, & que l'autre n'y procedoit desia que trop lentement, ioint qu'étant ledit Duc de Guise demeuré en l'armée, il craignoit offenser dauantage lesdits Espagnols, & qu'ils ne l'authorisassent à ses dépens; partant il ne donna charge aucune de rechercher ladite paix, ains seulement asseurer yn chacun en termes generaux de sa bon238

ne volonté, comme i'ay dit.

OR Monsieur, vous deuez sçauoir que l'Abbé de Chesy ayant esté pris prisonnier par la garnison de Meaux, retournant d'Alincour en son Abbaye, qui est prés de Chasteau-Thierry; encores qu'il eust vn passe-port dudit Duc, que ie luy auois fait donner, il estoit pretendu par ceux qui le tenoient, de bonne prise, & craignant qu'ils le traittassent mal, le fis enuoyer à Montcornet, où discourant auec luy des affaires publiques, ie luy dis le regret que i'auois du peu de conte que l'on faisoit de la paix de part & d'autre; que les Grands qui estoient auprés du Roy se deuoient eschauffer plus qu'ils ne faisoient, & mesmes les Princes du Sang, lesquels perdoient plus que nuls autres à cette guerre apres le Roy: Car encores qu'ils fussent Catholiques ils deuoient croire qu'aduenant le succés de sa Majesté, ils seroient aussi peu reconnus de la Ligue qu'elle, d'autant que les Chefs de la Ligue auoient plus d'enuie de faire leurs affaires que celles d'autruy, & que quand tels morceaux tomberoient entre les Princes armez, ils suiuroient plutost leur appetit que la raison : que si ie voyois Monsieur le Cardinal de Bourbon ie luy en dirois franchement mon aduis, & qu'yn tel œuure qui essoit plus dissicile & important à la Religion, & mesmes à leur maison qu'oncques se fust presenté deuoit estre entrepris par personne de grande authorité si l'on vouloit qu'il reussist: & les autres s'y morfondoient, comme il choit aduenu à ceux qui s'en estoient mélez comme moy iusques alors; toutefois que ie m'y r'embarquerois encores tres-volontiers, comme l'estimerois que feroit de nostre costé Monsieur le President Ianin, & ledit sieur de Videuille, si ledit sieur Cardinal l'entreprenoit, parce que nous croyons qu'il destroit le bien, & qu'il ne s'y embarqueroit qu'à bonnes enseignes, & que sa Majesté respecteroit son entremise plus que nul autre, dont ie priois d'aduertir sedit sieur Cardinal au plûtost, d'autant que ie craignois que l'on prist quelque resolution à la venue dudit Duc de Parme qui nous rendist irreconciliables pour iamais: ce que ledit sieur de Chesy sit, quand il sut retourné en son Abbaye par vn de ses gens: car il n'y pouvoit aller à cause du danger des chemins par lequel ledit sieur Cardinal le renuoya, & m'écriuis sur cette occasion de l'aller trouuer à Humieres où il essoit lors, & receus la lettre quelques iours apres estre arriué à Pontoise: me mandant que sa Majesté, à laquelle il auoit fait sçauoir l'aduis que luy auoit donné ledit sieur de Chely, trouunit bon qu'il me vist; toutesois ie m'en excusay, d'autant que ledit Duc du Maine, lequel estoit dessa party de Paris pour retourner au camp, ne m'auoit promis de ce faire, ny donné pouuoir de conferer ny traiter de l'adire paix à personne, comme ie vous ay dit cy-deuant; de sorte que ie craignois, y allant de moy-mesme, le faire inutilement, & luy preiudicier, à cause de la ialousie desdits Espagnols, & du siege de Rouen. Mais ledit seigneur Cardinal m'enuoya Monsieur 240

de Bellosane à ma priere, auquel ie dis les propos que i'auois tenus audit Abbé de Chefy, les raisons qui m'auoient meu, l'asseu-rance que ledit Duc m'auoit donnéde sa bonne volonté, les raisons d'icelle, fondées principalement sur le mécontentement desdits Espagnols, & sur la jalousie de son nepucu; mais qu'il estoit necessaire de sçauoir au vray fi sa Majesté vouloit estre Catholique deuant qu'entrer en matiere, parce que ie sçauois que ledit Duc ne traiteroit iamais auec elle tant qu'elle perseuereroit en la Religion. Que i'anois desiré voir Monsieur le Cardinal pour estre éclaircy de ce poinct, croyant qu'il sceust mieux l'intention de sa Majesté que personne, & sur ce l'implorer d'employer son credit enuers elle pour aduancer vn si bon œuure; & si cette difficulté ne pouvoit estre surmontée, aduiser par quels moyens l'on pourroit faire cesser la guerre, d'autant qu'elle continuant, le Royaume courroit fortune de changer de main, & la Religion de se perdre, luy disant sur cela le dessein des Espagnols, les menées qu'ils faisoient en ce Royaume, & l'estat qu'ils faisoient d'y estre assistez de sa Saincteré; dont ledit de Bellosane me dit qu'il aduertiroit ledit sieur Cardinal de mon affection & droite intention à la conseruation de la Religion & du Royaume : il me donna asseurance en partant, qu'il ne falloit point douter qu'il ne destrast employer tout son credit enuers sa Majesté pour aduancer sa conservation, de laquelle elle luy avoit donné souvent bonne esperance, joint qu'il connoissoit

connoissoit certainement n'y auoir autre moyen de conseruer la Religion & le Royaume en leur entier que celuy-là. l'écriuis ces propos audit sieur Ianin, comme à celuv que ie sçauois desirer pour rechercher les moyens de renuerser les desseins desdits Espagnols; toutefois ie reconnus par sa réponse, qu'il auoit si mauuaise opinion de la conuersion du Roy, qu'il estimoir estre plus à propos de traiter aucc ledit Cardinal qu'auec la Majesté, si l'on ne le pouvoit separer d'elle avec les-Catholiques qui l'assistoient, remonstrant que par ce moyen l'on n'auroit que faire desdits estrangers pour deffendre la Religion, & partant qu'ils ne ruineroient l'Estat comme ils auoient deliberé, croyant que ce chemin étoit plus court & plus seur que celuy de la conuersion de sa Majesté.

Toy TEFOIS comme il nous conduisoir à la paix, de mesme ie ne pouuois esperer que ledit sieur Cardinal ny lesdits Catholiques quittassent sa Majesté, qu'ils ne fussent au moins éconduits & desesperez de sa conuersion, & que ledit President me prioit seulement de sonder sur ce l'intention dudit sieur Cardinal, sans m'asseurer que ledit Duc fust bien resolu de traiter auec luy. Ie m'aduisay de proposer vne tréve, durant laquelle l'on pourroit conferer auec lesdits Catholiques du party de sa Majesté, des moyens d'asseurer la Religion & l'Estat, & enuoyer deuers sa Saintete pour sçauoir son intention sur la conuersion de sa Majesté, esperant qu'en gaignant le temps l'on arresteroit le cours des menées

desdits Espagnols, & qu'il n'esperoit autre remede à nos maux. Mais ledit sieur President Ianin me manda par sa réponse, que cette voye estoit trop longue & incertaine, parce que de part & d'autre l'on ne vouloit parler de tréve; que le saint Siege estoit vacquant, & qu'il ne falloit esperer que le Pape qui seroit, fust moins contraire à sa Majesté que les precedens, ny que les Espagnols cessassent seurs pratiques, quoy que s'on fist, mesmes quand sa Majesté changeroit de Religion; joint que ledit Duc ne pouvoit consen-, tir qu'on traitast en son nom auec sa Majesté tant elle seroit de contraire Religion, & qu'il n'en eust conferé aucc ceux du party, comme il auoit tousiours declaré: au moyen dequoy il persistoit à dire qu'on traitast auec ledit sieur Cardinal de Bourbon, pour renuerser les desseins desdits Espagnols, qui aspirans maintenant ouuertement à la Couronne, pressoient merueilleusement ledit Duc de traiter auec eux, ne voulans secourir Roijen qu'il ne leur promist faire élire leur Infante, comme ceux qui vouloient profiter de la necessité publique, & partant traitoient ledit Duc indignement: Toutefois qu'il s'en estoit dessendu iusques alors, mais il estoit à crairdre qu'à la longue il ne se laissast emporter: de sorte qu'il estoit necessaire de mettre promptement en jeu ledit sieur Cardinal ou quelqu'autre Prince de la maison Catholique, encore que l'Euesque de Plaisance Landriano, Nonce du feu Pape, & les Deputez des Estats estans arriuez, ayant le vent de ce Conseil, fu

rent si insensez que de le blasmer; toutefois ils estimoient qu'estant conclud & esfectué, chacun l'approuueroit par amour ou par force, tant il seroit trouné & iugé vtile, pourueu que ce Prince Catholique fust aussi suiuy des Catholiques & des Villes principales, & que reconnoissant sa Majesté, me prioit d'entreprendre & poursuiure viuement ce traité, sans m'arrester à sa Majesté, si promptement elle ne quittoit sa Religion à la requeste de ceux qui la seruoient, & ne s'attendre plus d'estre conuié dudit Duc, car il en estoit plus éloigné que iamais; mais si sa Majesté vouloit prendre cette resolution, ledit Duc donneroit sa foy à tel Prince Catholique qui seroit choisi auprés de sa Majesté, tel que pourroit estre Monsieur le Duc de Neuers, de la reconnoistre auec tous ceux du party qui le voudroient suiure incontinent apres sa conversion, & pouruoyant aussi aux seuretez de la Religion & de sa maison à conditions raisonnables. Cette réponse m'empescha grandement, voyant d'vn costé en quels termes estoient les Espagnols auec ledit Duc, & de l'autre que l'on demandoit vne parole d'asseurance du Roy de sa conuersion, comme ie faisois grande dissiculté qu'il voulust donner, & que l'on me prioit & pressoit sur cela de rechercher Monsieur le Cardinal de Bourbon & traiter auec luy; estant incertain comme i'estois de son pouuoir, non moins que de son vouloir; joint que ie sça-uois que ledit Duc s'estoit tousiours monstré sort peu assectionné à ce party, de sorte que

MEMOIRES

ie faisois conscience de m'y embarquer,&d'y plonger ledit sieur Cardinal, attribuant ce conseil & mandement audit President Ianin plustost qu'à la volonté dudit Duc; au moyen dequoy ie me contentay de faire sçauoir audit sieur Cardinal ce que l'on desiroit de sa Majesté sur sa conversion. & à son refus l'enuie qu'on auoit de traiter auec luy; mais ce ne fut sans luy en mander mon opinion, afin qu'il prist garde à luy, & n'eust occasion de se plaindre de moy à l'aduenir, comme pourra tousiours témoigner ledit Abbé de Bellosane, lequel combien qu'il cherchast tous moyens d'auancer la grandeur de son Maistre faisoit pareil jugement que moy de cette ouuerture.

MADAME de Longueuille fut lors mise en liberté auec Madame sa belle fille, & Mesdamoiselles ses filles, par le moyen dudit Duc du Maine, lequel fut en cela trauersé de plusieurs; de sorte que ladite Dame qui s'attendoit d'en estre quitte pour vingt-cinq ou trente mil cscus, à quoy du commencement elle auoit esté taxée, sous pretexte -d'aider à payer la rançon de Monsieur d'Elbœuf detenu prisonnier à Loches par Monsieur d'Espernon, fut contrainte de s'obliger encore pour pareille somme, moyennant certaine promesse que luy sit ledit Duc, sans lequel elle n'eust encore esté quitte à si bon marché. Elle auoit esté arrestée en la ville d'Amiens apres la mort de Monsieur de Guise, auec sa fille, & Monsieur le Comte de faint Pol son secondfils, lequel depuis s'é-

toit sauué, comme elle mesme auoiteu enuie de faire par deux fois, & auoit esté traitée tres-indignement durant sa prison, de laquelle elle n'eust esté encore déliurée sans l'euasion de Monsieur de Guise; car on disoit qu'elle estoit retenuë pour luy. Cette Princesse n'auoit iamais fait mal ne déplaisir à personne, estant innocente de tout ce qui estoit aduenu à Blois, & n'estant venuë en Picardie que pour accompagner Monsieur de Longueuille son fils qui en estoit Gouverneur, sans penser à autre chose qu'à faire plaisir à ceux du pais; neantmoins elle n'auoit pû éuiter le mal - heur commun, qui luy avoit esté d'autant plus grief qu'elle sça-uoit ne l'avoir merité, & que Monsieur son fils faisoit la guerre au païs pour sa Majesté: mais i'ay souuent admiré la constance auec laquelle madite Dame la Duchesse, sa belle fille, & Mesdamoiselles ses filles auoient supporté leur captiuité; certessi ie ne l'eusse veu, ie ne l'eusse pû croire, & puis dire que rien ne les auoit tant trauaillées durant icel-Ies, que l'ennuy de Madame leur mere; & que tout autre sorte de peril & d'afflictions n'auoient seulement pû ébranler leur courage, ny leur faire changer de contenance & de langage.

Com me cccy se manioit, mon pere m'enuoya vne lettre du sieur de Bussy, par laquelle il luy mandoit que l'on ne trouuoit pas bon que ie traitasse de la paix auec ledit de Bellosane, & que si l'auois charge de negocier ie m'adressasse droit à sa Majesté, la-

L iij

quelle m'oiroit volontiers. le répondis que ledit Abbé m'auoit dit estre venu parler à moy par la permission de sa Majesté, & que mondit sieur le Cardinal ne faudroit de luy rendre compte de nostre conference; que ie n'auois aucune charge de negocier auec sa Majesté, mais que ie neme pouvois garder de rechercher la paix pour l'affection que ie portois au Royaume, que la guerre à la longue diviscroit en plusieurs pieces, comme l'auois dit audit sieur de Bellosane, auec mon aduis, du chemin qu'il falloit tenir pour y remedier, duquel i estois prest encore à communiquer auec tel autre que sa Majesté ordonneroit, & que i'estois bien marry n'auoir moyen de mieux faire; mais que puis que sa M. ne l'auoit à gré, ie ne passerois plus outre. Ledit sieur de Bussy repliqua qu'il n'étoit ja besoin que personne parlast à moy de la part de sa Majesté, puis que ie n'auois charge de traiter.

Tovtefors quelques iours apres le sieur du Plessis frere dudit sieur de Busly, estant venu au camp à Mante, manda le sieur de Fleury mon beau-frere, qui estoit arriué fraischement à Alincour, auquel il dit la bonne volonté de sa Majesté à la paix, & que si ie pounois auoir charge de Monsieur du Maine d'en traiter auec luy; il estimoit qu'estans ensemble nous ferions quelque chose de bon, dont ie le priay de m'aduertir, comme il sit, & moy ledit Duc dés le lendemain par va

trompette exprés.

DESTA l'armée Espagnole commandée

par le Duc de Parme, estoit entrée en ce Royaume pour secourir la ville de Roisen, & auoit esté contraint sa Majesté, laquelle s'étoit acheminée au deuant auec sa Caualerie seulement, de quitter le logis d'Aumalle, où elle auoit esté blessée, & auoit aussi pris Neuf-Chastel; & tellement encouragé les assiegez, qu'ils auroient renuersé les tranchées de l'armée de sa Majesté, & gaigné quelques pieces d'artillerie, y commandant seu Monsseur le Mareschal de Biron: surquoy ledit Duc de Parme s'estoit retiré iusques à Abbeuille, faisant contenance de vouloir assieger Dieppe, comme si ladite ville de Rouen ne deuoit plus auoir besoin de luy; mais exprés pour attendre quelque renfort & enuoyer vers l'armée de sa Majesté, en laquelle il estimoit que les François ne demeureroient quand ils verroient que l'occasion de combattre seroit passée. Ce n'est vne des moindres parties d'vn Capitaine de sçauoir prendre aduantage, & ménager ceux qui luy arriuent, & executer ce qu'il entreprend. Ledit Duc de Parme estoit en cela tres-diligent & soigneux, comme sont ordinairement les vieux & experimentez Capitaines; de sorte qu'ils s'étudient plus à éuiter & refroidir l'ardeur & furie de nos François, qu'à les surmonter; comme il fit paroiffre deuant la ville deCambray, quand Monseigneur Frere du Roy la secourut, mais non si heureusement qu'aux deux voyages de France: car au premier il en perdit ledit Cambray tout à fait, auec le temps qu'il y auoit employé deuant, & aux deux autres il L iiij

sauua les villes de Paris & de Rouen à pointe nommé.

I E croy bien que ce bon succez de Rouen fut cause en partie de la recherche que sit. lors ledit sieur du Plessis, m'estant apparu souvent tels conseils estre nez de pareille occasion, dont sa Majesté n'estoit pas mieux seruie : car ce qui se fait hors du temps, comme en aduersité, est attribuée à vne impuissance: & necessité, plûtost qu'à prudence & bonne volonté, & partant n'est iamais si honorable ny vtile; toutefois ledit Duc du Maine estoit lors si mal mené des Espagnols, lesquels le pressoient plus que iamais de promettre la Couronne à leur Infante, & si incommodé de sa personne à cause de son indisposition, qu'il me manda de bouche par mon fils, & depuis par lettre écrite par ledit President Ianin, que luy & les Princes & Seigneurs qui estoient auec luy, estoient disposez de reconnoistre le Roy, & traiter auec Juy s'il vouloit estre Catholique, asseurer la Religion & le party, & y proceder de bonne foy sans déguisement; mais qu'il ne le pouuoit prier ny requerir par écrit public de ce faire, de peur que les Espagnols sous ce pretexte, ne se saisssent à l'instant de plusieurs bonnes villes, esquelles ils auoient de grandes intelligences & pratiques, à quoy l'on pouvoit mieux remedier si rien n'en estoit sceu iusques à l'entiere resolution, outre plusieurs autres considerations qui se remettoient deuant les yeux assez connues d'vn chacun; adjoustans estre l'office des Princes qui estoient auprés de sa Majesté de faire cette

poursuite, & de l'éclaicir de son intention, offrant de donner toute l'asseurance qu'ils pourroient desirer, & reconnoistre sadite Majesté se faisant Catholique, me priant de conferer auec Monsieur de Neuers ou autre ayant pouvoir, & qu'ils en donneroient leur foy, pourueu que dans peu de iours ils en eussent la resolution, ou bien de traiter auec vn Prince de la maison de Bourbon, si ledit Roy persistoit en son erreur: par la même lettre ledit President m'aduertissoit de la promotion au Pontificat de la personne du Cardinal Aldobrandin Florentin, de la prudence duquel il disoit que l'on pouvoit attendre vn grand secours pour la pacification de nos troubles: toutefois il protestoit que nostre mal ne pouvoit plus attendre son remede, parce que les Espagnols pressoient merueilleusement ledit Duc & les autres Princes & Seigneurs qui estoient auec luy de leur dire la resolution auant que de se separer, & qu'il estoit à craindre estant separez que chacun traitast à part auec eux aux conditions qui regardoient le profit particulier & la ruine publique, proposant sur ce une surseance d'armes pour cinq ou six mois, asin d'obuier à tous inconueniens.

Cette lettre sut écrite par ledit President Ianin au commencement du mois de Mars, & deuant qu'il eust receu celle par laquelle ie luy auois donné aduis des propos que ledit sieur du Plessis auoit tenus à mon beau-frere: il m'enuoya aussi certains articles d'vn traité que ledit Duc de Mayenne auoit déja fait

250. proposer ausdits Espagnols, dont ie fus en grand'peine, encore que ledit President me mandast qu'ils n'auoient esté mis en auant que pour les auancer. Car par iceux on s'obligeoit d'élire leur Infante à certaines conditions du tout indignes de nostre nation, & de trop foible & debile étoffe pour soustenir vn tel bastiment, dont ie fusse party à l'heure mesme pour aller dire mon aduis audit Duc, comme il m'en pressoit, sans l'esperance que i'auois de voir ledit sieur du Plessis. Partant ie me contentay de récrire audit President, lequel estoit tousiours tres-contraire au dessein desdits Espagnols, & croy qu'il ne fai-

soit rien en cela qu'à bonne fin.

Monsievr, iamais negociation ne fut plus difficile à enfourner que celle-cy de lapaix, car chacun disoit la vouloir, mais personne ne vouloit faire ce qui estoit necessaire pour y paruenir : le Roy faisoit difficuité d'asseurer sa conversion, & ledit Duc de traiter auec luy sans cette asseurance, c'étoit mettre sa Majesté en peine, voire l'offenser que de s'adresser aux Catholiques qui le suiuoient, & pour ce poinct, parce que sa Majesté ne vouloit estre par eux pressée ny contrainte en sa conscience, de crainte que son resus les débauchast & refroidist de son seruice, & ceux de sa Religion desfendoient ou excusoient plustost cette disficulté, qu'ils ne vouloient aider à la surmonter; & n'y auoit pas moins de peine à persuader ledit Duc de se départir de cette demande, & se contenter de semondre sa Majesté de ladite

conuersion, ou de remettre le tout au Pape, & cependant entrer en traitté auec sa Majesté pour déliurer le Royaume des estrangers & de la guerre; cela estoit cause qu'aucuns iettoient les yeux sur les autres Princes de ladite maison de Bourbon, comme vn moyen tres propre entre ces deux disficultez, pour sauuer la Religion & l'Estat, & que d'autres excusoient aucunement ceux qui en vouloient prendre vn de la maison de Lorraine ou vn estranger. Mais tout bien consideré l'on trouuoit autant ou plus de peril en ces deux derniers chemins qu'au premier, où souuent les desesperez tendent; l'on abandonoit au temps & à la fortune, ou pour mieux dire au bon vouloir de Dieu, le succés des affaires.

M E trouuant en cette perplexité il aduint deuant le retour du Trompette, par lequel i'auois enuoyé audit President la depesche qui faisoit mention du sieur du Plessis, que le sieur de Lomenie auoit esté pris & amené à Pontoise où i'estois; & comme ie sçauois qu'il approchoit de sa Maiesté, ie luy voulois bien dire la peine en laquelle i'estois de la poursuite des Espagnols, & qu'il n'y auoit plus personne qui y peust remedier que s'a Ma-jesté, parce qu'on m'auoit écrit que s'il luy plaisoit asseurer sa conversion, il y auroit moyen d'asseurer sa reconnoissance, comme ie m'offrois de faire plus particulierement entendre à Monsieur le Duc de Neuers en la presence de Monsieur le Cardinal de Gondy, si sa Majesté l'auoit agreable, lesquels i'estimois desirer le repos du Royaume, & y pouuoient grandement, mesmes à cause du credit que leurs parens auoient auec Monsieur le Duc de Florence, lequel l'on disoit deuoir auoir grande part auprés du nouveau Pape, sans l'aide duquel ie connoissois estre quasi impossible de composer les affaires, tant elles estoient embarassées & trauersées desdits Espagnols, & de leurs adherans: dequoy ie le priay d'aduertir sa Maiesté, parce que ie ne sçauois s'il me seroit permis de voir ledit sieur du Plessis, à cause de sa Religion, & craignois que le mal deuinst cependant incurable.

S v R ce propos sa Majesté depescha incontinent le sieur de la Verriere audit sieur Cardinal & à moy, pour nous faire aboucher, sans parler de Monsieur de Nemours, nous donnant esperance d'embrasser les conseils qui luy seroient donnez, par lesquels elle luy pourroit auec honneur satisfaire au desir des Catholiques, & s'aider de l'authorité & puissance de sa Saincteté en cette occasion. Quant & quant fa Maiesté manda audit sieur du Plessis de ne se mettre en peine de conferer auec moy, pource qu'elle auoit aduisé d'en donner la charge audit sieur Cardinal, suiuant ce que ie luy auois mandé par ledit sieur de Lorraine, dont il ne fut pas contant, craignant que ie refusasse de traitter auec luy, ou que d'autres eussent dégousté sa Majesté de l'employer en cette negociation : car à la verité plusieurs Catholiques en murmuroient, mais la difficulté ne procedoit de luy ny de moy, qui sçauoit combien il importoit de negocier pluliost auec personnes considentes

qu'auec d'autres, comme ie luy fis sçauoir par celuy qui m'auoit aduerty de son mécontentement, & ie n'attendois que la réponse du-

dit Duc pour m'en resoudre.

M A 1 s ie fus cependant à Noisi, où estoit ledit Cardinal de Gondy, duquel l'appris la charge que sa Majesté auoit donnée audit sieur de la Verriere, & le fondement d'icelle; surquoy ledit sieur Cardinal & moy aduisasmes de faire proposer à sa Majesté qu'elle deuoit asseurer son intention à la Religion Catholique dedans vn temps prefix, afin de leuer l'opinion que plusieurs auoient qu'elle ne la mettoit en auant que pour amuser le monde: qu'elle declarast aussi son intention estre de se reiinir à l'Eglise Catholique par le moyen deladite instruction, & eust agreable que les Catholiques qui l'assistoient enuoyassent deuers le Pape pour estre secouru de son bon conseil & authorité en ladite instruction; & cependant qu'il fust aduisé secrettement aux moyens d'asseurer la Religion Catholique, & les Communautez du party de la Ligue pour en vser, soit apres ladite conucrsion ou deuant, si l'on iugeoit qu'il sust be-soin, pour descharger tant plustost le Royau-me du fardeau de la guerre, par vne surseance d'armes ou autrement. Ledit de la Verriere porta à sa Majesté cette ouverture, & i'en donnay aduis audit Duc du Maine par yn homme exprés.

A mon retour à Pontoise ie trouuay mon Trompette auec la réponse dudit Duc, sur l'aduis que ie luy auois donné dudit sieur du 254

Plessis, par laquelle non seulement il me promettoit de voir & conferer auec luy; mais aussi l'asseurer qu'il estoit prest de reconnoistre sa Majesté, & faire faire le semblable par ceux sur lesquels il auoit le pouuoir, si elle vouloit donner asseurance de se faire Catholique apres son instruction, offrant en ce cas de me donner pouvoir dés à present de traitter des conditions, & d'en tomber d'accord pour les obseruer, & accomplir de bonne foy apres sa conuersion, & mesmes s'employer sous main enuers sa Saincteté pour la faciliter, suiuant ce qu'il m'auoit mandé & prié de dire; en quoy il persistoit auec ses amis, encore que le sieur de Giury eust depuis fait sçauoir à Monsieur de la Chastre sur ce qu'il l'auoit prié de l'éclaircir, si sa Majesté changeoit de Religion, luy offrant en ce cas de la reconnoistre; qu'il ne s'y falloit pas attendre, & que sa Majesté vouloit estre reconnue, & apres se faire instruire. Ce que ledit President me manda auoir fort refroidy nosPrinces; toutefois il esperoit que sa Majesté se reduiroit, ou croyoit qu'il n'auoit dit son secret audit sieur de Giury; sur tout ledit President me recommandoit de la part dud. Duc, le secret de cette entreueuë & negociation pour les raisons susdites, & pource que i'auois demandé vne lettre écrite de la main dudit Duc pour ma descharge, il me promettoit par la sienne de me l'enuoyer, comme il fit, & la receus depuis par les mains dudit lieur de la Chastre.

Monsieur le Duc de Neuers qui auoit de-

firé & failly de me voir allant à Compiegne, me faisoit écripe tous les iours qu'il n'y faudroit s'en retournant, me pria de m'y disposer, m'asscurant que nostre entreueuë ne seroit inutile au public, & me mandoit que vous y assisteriez, ensemble Messieurs le Cardinal de Gondy, l'Euesque du Mans, & de Rambouillet, & croy qu'il faisoit estat que ce seroit en vostre maison, dont ie me réjouissois, ne pouuant esperer que tout bien d'vne telle assemblée; toutefois ceux qui voyoient ledit sieur du Plessis, manderent que sa Majesté ne vouloit point que ie visse ledit Duc, dequoy i'estois en grande peine: car d'vn costé ie ne voulois déplaire à sa Majesté, d'autre ie ne desirois manquer audit Duc, ny à vne telle compagnie; dauantage ie ne voulois découurir audit Duc la ialousie que ie connoissois que l'on auoit de luy, de peur de brouiller le monde: encore il aduint que le retour d'iceluy, & le iour qu'il me manda l'aller trouuer, se rencontrerent au iour que ie receus ladite depesche de Monsieur du Maine, & que ie deuois aller trouuer ledit sieur du Plessis: surquoy ie pris party de voir ledit sieur du Plessis le premier, pour apres me conduire enuers ledit Duc, selon que ie ferois auec luy.

LEDIT sieur du Plessis se rendoit à Buy, où ie sus trouuer sous pretexte de visite : ie luy dis les propos que i'auois tenus au sieur de Lomenie, ce que le Roy m'auoit mandé par le sieur de la Verriere, l'aduis que Monsieur le Cardinal de Gondy & moy auions donné à

MEMOIRES

256

sa Majesté & audit Duc du Maine, & ce que ledit President Ianin m'auoit écrit de la bonne volonté & inclination d'iceluy Duc, & des autres Princes de sa maison à la paix, de laquelle ils estoient d'aduis que ie traitasse aucc luy, parce qu'ils s'asseuroient qu'estant seruiteur tres-affectionné de sa Majesté, & tresaduisé, il y feroit son possible: toutefois ie Juy dis que ledit Duc m'auoit fait écrire qu'il ne pouvoit traitter auec sa Majesté qu'elle ne me donnast dés à present asseurance de changer de religion apres son instruction, mais qu'il estoit prest de traitter auec elle de bonne foy; satisfaisant à ce poinct, qu'il étoit donc au pouuoir de sa Majesté de faire cesser la guerre en ce Royaume, & de se faire reconnoistre d'vn chacun, que ce faisant elle renuerseroit les menées des estrangers, qui estoient fort grandes & aduancées, elle contenteroit les Catholiques, qui de part & d'autre murmuroient quasi également de la perseuerance de son opinion, & sauueroit la Couronne. Il me répondit que sa Majesté estoit toute disposée & persuadée à la paix, qu'il n'en falloit point douter, que s'il n'étoit question que de l'achepter & payer de son propre sang, elle en seroit tres-liberale, non pour crainte de ses ennemis, mais pour la compassion qu'il auoit de ses subjets; toutefois qu'il estoit Prince craignant Dieu, & tres-jaloux de sa reputation; partant disficile à forcer en sa conscience, & à luy faire faire chose indigne de luy, comme il luy sem-bloit que seroit cette parole d'asseurance que l'on vouloit qu'il donnast presentement du changement de sa Religion : car ce seroit faire trop bon marché de l'vne & de l'aucre, que de faire vne telle promesse deuant que d'estre instruit & bien informé & éclaircy, s'il erroit, ou non, en la Religion de laquelle il faisoit profession; que cela sentiroit plutost son Atheiste que son Catholique, & qu'il ne faisoit aucune difference entre aller à la Messe du soir au lendemain sans instruction, & de le promettre dés à present deuant, ne sçachant encore quel effet elle feroit en sa conscience; que si ledit Duc s'aheurtoit à cela non seulement il ne vouloit. la paix, mais pensôit en ce faisant troubler sa Majesté auec ses seruiteurs; & que toutefois il luy seroit facile de remedier, mais qu'il approuvoit & louoit grandement cette ouuerture que ledit sieur Cardinal de Gondy & moy auions faite, laquelle m'asseuroit que le Roy l'accepteroit, partant qu'il n'estoit plus question que de sçauoir si ledit Duc en feroit autant, dont il luy sembloit qu'il en falloit entendre la réponse deuant que de passer plus outre en cette negociation, pour laquelle il feroit ce qu'vn Gentil-homme deuoit faire, quand ce ne seroit que pour confondre ceux qui l'accusoient de ne desirer la paix. Son aduis me sembla tres-bon, partant nous prismes resolution de nous reuoir apres la reception de ladite réponse: mais apres auoir entendu les raifons pour lesquelles ie desirois voir Monsieur de Neuers, non seulement il les approuna, mais jugea qu'il

MEMOIRES

estoit necessaire pour le service de sa Majesté

que ie fisse ce voyage, & m'en pria.

A v moyen dequoy ie m'y acheminay des le lendemain, & fus coucher en vostre maison, de laquelle ie trouuay ledit Duc party, de sorte que ie fus contraint de passer iulques à Montfort. Monsieur, il vous pleût me dire les sages propos que vous avoit te-nus ce Prince, les discours qui s'étoient passez entre luy & ledit sieur Cardinal de Gondy & vous, dont ie fus grandement consolé, comme en verité ie fus de la voir : de sa graceil me receut humainement; il auoit fait provision de raisons pour me persuader à la paix, fondées principalement sur le besoin que la Religion & la France en'auoit, & l'aduantage que Monsieur le Duc de Mayenne & ceur qui l'assistoient en tireroient, mais il trouua que i'estois tout persuadé, & que ie n'anois besoin sinon qu'on m'adressast vn chemin propre pour y arriver : fur cela nous discourusmes des difficultez, & luy proposay l'expedient que ledit sieur Cardinal & moy auions ouvert, lequel ie luy dis que lesieur du Plessis m'auoit asseuré que sa Majesté approuueroit: & mesmes me pria, sçachant que ie le voulois voir, d'en conferer auec Juy, dont ie fus tres-content, comme ils luy vouloient écrire par vne lettre dont il chargea le sieur de Fleury. En verité il se tint tres-entier au seruice de sa Majesté, blamant les conseils de ceux qui proposoient en tiers moyen pour sortir d'affaires, dont il soussenoit que l'on ne pouvoit venir à bout que

par le moyen de la conuersion de sa Majesté, faite toutefois dignement; par ainsi ie le laissay peut-estre plus satisfait de la Cour, qu'il n'auoit peut-estre en partant d'icelle, contre l'opinion de ceux qui jugeant de la volonté d'autruy par la leur n'auoient desiré que ie le visse, comme ie vous dis, repassant exprés de vostre maison, où i'eus le bien de vous voir, comme ie sis le mesme iour ledit sieur Cardinal de Gondy, lequel dés-lors ie suppliay d'entreprendre le voyage de Rome, puis que sa Majesté l'approuuoit, asin de re-presenter à sa Saincteté l'estat veritable de la France, & le besoin extréme que la Religion auoit, qu'elle interposast son authorité & prudence pour faire cesser la guerre, que l'ambition & malice Espagnole y nourris-soit auec trop d'imprudence & de soiblesse pour prosperer, & esperant que ledit Duc de Mayenne n'auroit moins agreable que saMajesté prist cette charge; veu que ledit President Ianin m'auoit déja écrit qu'il estoit deliberé de fauoriser sous-main enuers sa Saincteté, l'instruction & conuersion de sa Majesté, si elle s'y vouloit disposer: & comme ledit sieur Cardinal a tousiours affectionné le bien public, il me donna esperance d'entreprendre volontiers le voyage, si sa Majesté & ledit Duc luy faisoient paroistre de le defirer.

Partant estant retourné à Pontoise, ie depeschay vers ledit Duc le sieur de Castelnau, qui commandoit en ladite ville en l'absence demon fils, pour la fiance que i'auois en luy,

exprés pour l'aduertir de l'ouverture que ledit sieur Cardinal & moy auions aduisé de faire, pour donner acheminement aux affaires, de l'asseurance que ledit sieur du Plessis m'auoit donnée de la volonté de sa Majesté, des propos que Monsieur de Neuers m'auoit tenus, de la deliberation d'aller à Rome dudit sieur Cardinal, s'il l'auoit agreable, & de mon aduis sur le retour : & comme il me sembloit qu'il ne devoit insister dauantage sur l'asseurance qu'il auoit deman-· dée que sa Majesté luy donnast dés à present de sa conversion, puis qu'elle s'en excusoit fur sa conscience, laquelle il n'estoit honneste ny seur pour la Religion de violenter, mais qu'il devoit se contenter qu'elle se sonmist d'estre instruite de l'authorité du saint Pere à la poursuite des Catholiques qui l'assistoient, d'autant qu'il falloit espèrer que Dieu ne lairroit l'ouurage imparfait, estant vne fois acheminé, & quand par la faute de sa Majesté il en arriueroit autrement, que ce seroit par sa faute & son dommage; au contraire l'honneur & la justification des armées dudit Duc, lequel en tout cas ne pouuoit errer, aduenant qu'on se remist à sa Saincteté & au saint Siege du poinct de la Religion, dont il estoit le premier juge & principal tribunal, qu'il falloit seulement aduiser aux moyens de faire, & cependant cesser la guerre, afin de pouuoir conduire toutes choses comme il conuenoit, & en soulageant le peuple, tirer le Royaume du peril auquel les estrangers s'efforçoient de le precipiter: qu'apres sa réponse sur ladite proposition, i'en ferois ouverture & instance audit sieur du Plessis s'il l'auoit agreable, & mettrois peine d'ébaucher les affaires, en attendant que l'on y employast d'auters qui eussent les épaules plus fortes que ie n'auois pour ce fardeau, lequel ie reconnoissois trop lourd pour ma portée, le suppliant donc me renuoyer en diligence ledit sieur de Castelnau auec son intention. Toutefois il me le renuoya deux ou trois iours apres sans réponse à tout ce que dessus, sous pretexte de besoin qu'il disoit auoir defaire aduancer mon fils auec sa garnison pour l'accompagner au dernier secours que le Duc de Parme & luy vouloient donner à Roiien: Mais Monsieur le President Ianin m'écriuit par luy qu'il m'enuoyeroit la réponse dans trois ou quatre iours. En verité ledit Duc ne pensoit alors qu'à secourir ladite ville, & à ne perdre l'occasion de la foiblesse de l'armée de saMajesté, dont il estoit bien aduerty: il estoit aussi si mal de sa personne, qu'il ne pouuoit bonnement entendre aux affaires: Comme ie sçauois de Monsieur de la Chastre qui vint passer en ce temps par Pontoise s'en retournant en son Gouvernement, lequel i'auois prié m'asseurer derechef de son intention à la paix, & qu'il estoit prest de faire traiter secrettement les conditions d'icelle auec sa Majesté, moyennant la susdite promesse & asseurance de sa conversion, mais non autrement pour les raisons predites, & m'apporta la lettre dudit Duc écrite de sa main, portant pouvoir de conferer auec ledit sieur du Plessis, de laquelle i'ay fait mention cy-deuant: toutesois parce que ledit Duc n'auoit encore receu la depesche que ie luy auois faite par ledit sieur de Castelnau, quand ledit sieur de la Chastre s'estoit separé de luy, ie ne pris ce qu'il me manda par luy pour sa derniere resolution.

manda par luy pour sa derniere resolution. Le sieur de Vitry estant party du camp enuiron cetemps, vit sa Majesté à Gisors, ou és enuirons, à laquelle le bruit courut qu'il auoit demandé vn passe-port pour luy & ledit sieur de la Chastre & moy, comme si Monsieur du Maine luy eust donné charge de me prendre à Pontoise, & me mener auec luy deuers saMajesté, m'enuoya ledit passe-port;& zoutefois ledit sieur de la Chastre m'asseura n'auoir eu cette commission, aussi passa-il à Paris dés le lendemain. Ce bruit qui courut par tout, incontinent appresta à parler à plusieurs du mécontentement de sa Majesté, & du déplaisir à ceux qui desiroient la paix, mesme offensa, & mit en peine ledit Duc de Mayenne à cause desdits Espagnols.

Monsieve, plusieurs se sont faits de feste en cét affaire, qui n'auoient aucun pouuoir de ce faire, dont l'on a fait plus souuent de conte que des autres, parce qu'ils s'estudioient plus à complaire à ceux ausquels ils s'adressoient, qu'à dire la verité & découurir la playe, chose qui a aussi souuent nuy au public, & à ceux qui de bonne soy s'essorçoient de seruir; car on méprisoit leur aduis, & attribuoit-on à art & malice leurs poursuites, conseils & actions, dequoy se sont grandement seruis les ennemis du Royaume, qui n'étoient en petit nombre de part & d'autre, &
a esté besoin à ceux qui s'entremettoient de
la paix, faire prouision de constance & de patience pour conseruer iusques à la fin: ce que
ie ne dis tant pour led. sieur de Vitry, que pour
d'autres qui s'y sont bien embarquez plus
auant que luy, & qui toutesois n'y apportoient l'affection qu'il a tousiours fait: car
comme Gentil-homme vrayement François,
il a tousiours desiré & affectionné le bien &
le repos du Royaume, encore qu'il ne sust
des plus mal dressez ny appointez à la guerre,
comme celuy qui gaignoit bien ses dépens.

I E sus en grande peine de la réponse dudit Duc, à la depesche que luy auoit portée ledit sieur de Castelnau, parce qu'elle tarda à venir, dont ie sçauois que ledit sieur du Plessis se plaignoit, & que l'on commençoit à me blamer, comme si i'en eusse esté cause, & ne sçauois à qui m'en prendre, estimant que ledit Duc n'auoit approuué nostre ouuerture, & qu'il retardoit ladite réponse exprés pour me déguiser son intention; mais à la fin nous sceusmes que ce retardement estoit venu de la faute d'vn laquais de Monsieur de Grandmont, auquel ledit President Ianin auoit bail. lé à porter ladite réponse pour m'estre plus seurement renduë, parce qu'il auoit vn passeport de sa Majesté; & toutefois ledit laquais nous dit que passant par Pontoise, ayant rencontré des coureurs, & reconnu la lettre du President Ianin, écrite en chiffres, il l'auoit rompue & iettée, craignant d'estre surpris auec icelle, dont i'aduertis soudain ledit Prefident, lequel m'enuoya incontinent vn autre double d'icelle. L'original auoit esté écrit dés le 14. Avril, & toutefois ie n'en receus la coppie que le 25. laquelle estoit accompagnée d'vne autre lettre dudit President du 22. dudit mois. Desia Roijen auoit esté secouru, sa Majesté ayant esté contrainte faire place au Duc de Parme, pour auoir esté surpris, & son armée estant trop foible pour combattre; & combien que sa Majesté ne tardast gueres à se rapprocher dudit Duc, le pressant grandement d'en venir aux mains,& que plusieurs estimassent qu'il ne s'en pouuoit dédire, d'aurant que sa Majesté l'auroit acculé contre la riuiere de Seine à Caudebec, où elle est tres-large & difficile à passer à cause du flux de la mer qui y vient; toutefois il s'en démessa honnestement par le moyen d'vn pont composé de plusieurs grands batteaux licz ensemble, qu'il dressa auprés dudit Caudebec, sur lequel l'on passoit prés de trois cens hommes à cheual à chacune fois, conduits auec des cordages & à voiles assez industrieusement, & délogea yn matin auec des forces qu'il auoit retenuës prés de luy, & eurent bien-tost gaigné Rouen, sans aucunement sejourner, encore qu'il fust blessé d'vne arquebusabe receuë deuant ladite ville de Caudebec, qu'il auoit assegée & prise. Apres qu'il cut lecouru Rouen, il se rendit à Paris à si grande traite que sa M. ne le peut ioindre: Monsieur, il ne passa loin de vostre maison où vous estiez, partant vous sçauez quelle diligence il fit.

Or la réponse dudit Duc fut écrite au nom du President Ianin, & portoit qu'il avoit veu & fait voir & considerer à Monsseur du Maine mes lettres, les raisons y contenues, & les moyens qui y estoient representez pour traiter; qu'il ne pouuoit plus reietter le remede qui venoit d'Espagne, qu'il craignoit plus que tout autre mal qui pûst arriuer; que ledit Duc qui luy auoit donné charge de m'écrire qu'il estoit tousiours disposé de traiter aucc le Roy qu'il nommoit de Nauarre, en auoit conferé auec Monsieur de la Chastre, pour me dire & chercher auec moy les moyens plus propres pour y paruenir : vray est que lors pour fondement dudit traité, il vouloit estre du tout asseuré de la conversion de sa Majesté, & neantmoins ie leur auois mandé qu'il n'en pouuoit rien promettre auec certitude auar t son instruction; qu'ils jugeoient bien qu'en ce faisant, sa conversion pourroit estre suspecte, & qu'il y auoit plus d'asseurance pour la Religion demeurant Huguenot, que s'il se dissimuloit: mais aussi qu'ils auoient crainte que s'ils estoient contrains de traiter ou faire surseance d'armes auec sa Majesté, ne changeant point de Religion, que plusieurs pris-Cent le party d'Espagne, qu'il falloit maintenant regarder si les moyens que i'auois proposez les pouuoient garantir de cét inconuenient: le principal sur lequel ledit sieur du Maine s'arrestoit, estoit que secrettement I'on fust d'accord des asseurances, tant pour la Religion & pour le party, que pour lûy & ceux de sa maison : cela estant arresté par væ Tome I.

266

traité fort secret, l'on pouvoit assez conduire le reste fort aisément; Qu'il falloit lors commencer non par vne declaration ouverte de la paix, de crainte que le Pape qui n'en auoit eu communication n'en fust offensé, ensemble plusieurs de leurs amis qui estoient éloignez, & le Roy d'Espagne mesme n'eust trop d'occasion de se plaindre & faire du pis qu'il pourroit parmy eux; mais pour vne surseance d'armes pour le reste de l'année, ou pour six mois seulement, aux conditions que chacun demeurast sous son party: cependant que les Catholiques qui estoient auec sa Majesté enuoyeroient si bon leur sembloit, (comme il estoit du tout necessaire, ainsi qu'il estoit porté par l'aduis que ie luy auois donné) deuers le Pape, pour l'exciter à trouuer bonne l'instruction que desire sa Majesté, & y apporter son authorité; que de leur part ils y pourroient enuoyer aussi, sous pretexte de luy faire entendre les raifons qui les auoient meus à faire ladite trève, & la dessus luy representer le miserable estat du Royaume, les desse ins qui se preparoient pour le ruiner, & disposer sa Saincteré par raisons de receuoir sa Majesté si elle vouloit se reconcilier à l'Eglise, comme le moyen le plus propre pour conseruer la Religion; faire aussi que sa Sain-Etcté interposast son authorité enuers le Roy d'Espagne pour luy faire approuuer ce conseil, & enuoyer à cet effet deuers luy en ce Royaume quelques Cardinaux, sages, & bien instruits de son intention, pour moyenner le bien de toute la Chrestienté; Qu'il se-

soit en mesme temps tous efforts enuers les Espagnols & les Estats, (il entendoit ceux du party que l'on vouloit assembler) pour y disposer vn chacun, ce qu'ils esperoient obtenir: car ils feroient trouuer à l'assemblée, non seulement les Deputez, dont il y en auoit plusieurs de mal choisis; mais le plus grand nombre d'hommes de qualité qu'ils pourroient trouuer, comme Monsieur de Lion qui estoit mandé instamment, Monsieur de Rieux, Monsieur de Senecey qui estoit desia là, & Monsieur le Cardinal auquel on auoit écrit, & qui auoit promis d'y venir, lesquels sans doute s'accommoderoient à tout, quand ils auroient entendu mes raisons. Ce qui étoir donc expedient de faire en diligence, estoit que ie conferasse pour aduiser aux moyens des seurctez pour la Religion & pour le party, & qu'y ayant de l'incertitude sur la conuersion de sa Majesté, elle deuoit estre donnée plus grande, mesmes pour le party, que sa Majesté ny ses seruiteurs ne deuoient estre de leur part retenus en cela, que l'on ne persuaderoit iamais à ces Princes de traiter, s'ils ne voyoient deuoir estre mis en estat de ne pouvoir estre aisément ruinez, de crainte qu'ayant posé les armes ils peussent jamais faire entreprise : il n'y auoit point d'apparence, parce que personne apres tant de mi-seres n'y seroit plus disposé, que lesdites asseurances pouvoient estre des places des Gouuernemens qu'ils tenoient, & de ne mettre point des garnisons aux Villes qui auoient suiuy le party, & autres que ie pouuois bien Mij

MEMOIRES

considerer, entre lesquelles ils mettoient l'interuention du Pape, dudit Roy d'Espagne, & autres Princes leurs amis: pour le particulier dudit Duc qu'il en auoit souvent discouru, & qu'il voyoit qu'il pouuoit interrompre ce bon œuure, & apporter peut-estre ce changement en la volonté des vns & des autres; c'estoit que l'on vouloit aller promptement vers Rouen & faire leuer le siege, ou combattre, & par ce moyen auec quelque raisonnable sujet & vtilité se mettre en plus grand espoir de repos. L'on auoit répondu que quinze iours de temps se couleroient pour le moins auant que d'en pouvoir estre d'accord, & que peut-estre au bout du temps il ne se feroit point; & cependant auec ce loisir sa Majesté se pourroit fortisser de toutes les garnisons, où lors ils auroient de l'aduantage: que ledit Duc de Parme disoit ne vouloir perdre ayant pris vne entiere resolution de combattre, laquelle il croyoit veritablement plus qu'il n'auoitiamais fait, que l'on s'étoit aussi souvenu de la trève que sa Majesté avoit fait proposer apres le siege de Paris leué; lors qu'elle pensoit que ledit Duc de Parme deût faire seiour en France, & qu'elle auoit changé d'aduis tout aussi-tost qu'elle auoit esté aduertie qu'il vouloit sortir; qu'elle en pouuoit bien faire autant maintenant, fortifiée par le temps, & se seruir d'vn tel aduantage pour prendre Roiien, qu'il n'y avoit que répondre à telles raisons; que peut-estre le siege de Roiien se leueroit sans combattre, & quand l'on seroit prés les vns des autres.

chacun pour se racheter du peril se disposeroit à la surseance, que s'ils en voyoient l'oc-

casion ils ne la perdroient.

M a 1 s quoy qu'il arrivast, il suffisoit pour maintenant qu'ils auoient retardé le traité desdits Espagnols, que i'eusse à m'éclaircir des moyens pour asseurer la Religion & le party, & donner contentement audit Duc de Mayenne, & à ceux de la maison. Qu'ils assembleroient le plus grand nombre de gens qu'ils pourroient, & croyoient que malgré tous ceux qui auoient mauuaise intention ils prendroient quelque bon conseil. Que si M. le Cardinal de Gondy qui estoit sage & de grand jugement, auançoit cependant son voyage à Rome, ce seroit tousiours pour le mieux: qu'ils y depescheroient des postes en attendant qu'ils y enuoyassent vn homme d'authorité, qu'ils instruiroient bien pour seruir en ce que ledit Duc luy auoit donné charge de m'écrire pour ce regard. Quant à ce que l'on luy auoit mandé du mariage de Monsieur le Comte de Soissons, & du peu d'intelligence qu'on disoit estre entre sa Majesté & luy, si sa Majesté ne se vouloit faire Catholique, ils estimoient que c'estoit vn remede subsidiaire, duquel sa Majesté se deuoit seruir secrettement pour les affoiblir, & rompre les desseins qui se proposoient, mesme celuy de Monsieur de Guise, dont le temps les éclairciroit: qu'il ne se vouloit opiniastrer contre ceux qui auoient plus de jugement que luy. Mais qu'il continuoit à dire auec plusieurs autres qui estoient de cét aduis, que M 111

Monsieve, ce sont les propres termes de la lettre dudit President, écrite à Noyon le 14. iour d'Avril que i'ay voulu vous repre-fenter, pour auoir esté le fondement sur lequel fut bastie la negociation que ie sis de-puis; à quoy i'adiousteray son autre lettre du 22. écrite à Roiien, qui accompagnoit le

duplicara.

I'u me mandoit par icelle qu'il m'auoit en-moyé l'original de ladite réponse par le la-quais du sieur de Grandmont, comme estimant le moyen plus seur qu'aucun autre; parce qu'il anoit vn passe-port, & que les lettres qui s'adressoient à moy devoient à son aduis passer sans soupçon: qu'il auoit grand déplaifir de cette faute, laquelle il eust plûtost reparée s'il en eust esté aduerty, iugeant assez que pour le public & pour mon particulier vn retardement estoit dommageable, & sujet à mauuaise interpretation, me priant de ne l'imputer à luy, ny à Monsseur du Maine qui auoit crû qu'il y auoit plus de seureté en ce laquais, qu'en toute autre personne qu'il m'eût pû m'enuoyer: Que Rouen auoit esté secouru depuis sans combat selon son desir, qu'ils auoient bien seeu aussi que les forces du party contraire estoient inégales aux

leurs; quoy qu'on leur eust mandé de diuers endroits, que le Roy estoit trop sage & bien conseillé pour tenter le hazard soible : que s'ils eussent temporisé,il y eust eu plus de difficulté: que les affaires estoient maintenant en estat pour en deliberer auec loisir pour y prendre bonne resolution; que Monsieur de Mayenne auoit des irrefolutions, mais croyoit que fortissé de bons conseils il suiuroit tousiours celuy que nous iugerions le meilleur : le principal estoit qu'il y cust des gens de bien en cette assemblée que l'on vouloit faire, laquelle estoit fort pressée des Espagnols, & desirée du Duc sans remise, pourueu que l'on y peust auoir des gens de qualité. Que Monsieur de la Chastre luy auoit donné aduis de nostre Conference, & comment à Paris l'on tenoit que Monsieur le Comte de Soissons se deuoit separer du Roy: que plufieurs Catholiques se ioindroient auec luy, & mesmes que le Roy d'Espagne luy auoit desia donné vne somme d'argent pour faire la guerre aux huguenots, que le mesme aduis Juy auoit encore esté donné d'autres endroits; que ledit sieur de la Chastre luy écriuoit que cela pourroit beaucoup faire de déseruir à Monsieur de Mayenne, & pour son regard il estimoit qu'il pourroit bien dimi-nuer son authorité; mais aussi qu'ils asseuroient le party des Catholiques, & seroit cause indubitablement si nous estions bien sages, de la ruine des huguenors: toutefois que ledit sieur du Maine auoit grande occasion de se plaindre du Roy d'Espagne, s'il

272

estoit vray qu'il eust dressé cette parrie, ses Ministres ayant toûjours reietté les ouuertures qui leur auoient esté faites pour ceux de cette maison là, pour maintenant les rechercher à leur deçeu; qu'il reconnoissoit que plufieurs Catholiques se lassoient de sa Majesté; & encore du dessein auquel on craignoit qu'ils fussent contraints de se precipiter : qu'il prenoyoit quoy que l'on dist de la foiblesse de cette Maison de Bourbon; qu'ils seroient à la fin les mieux suiuis de tous ; qu'il ne laissoit toutefois de preferer mon jugement au sien, partant me prioit donc de le tenter & conferer secrettement, & preparer la matiere en attendant ladite assemblée, qui seroit sans delay dans la fin du mois de May, pour resoudre, moyennant la grace de Dieu, toutce que les gens bien trouveroient le meilleur, & que de leur costé il feroit ce qu'il m'auoit mandé par la precedente lettre, de laquelle il m'enuoyoit le double par le porteur d'icelle. Que l'on auoit fort publié en l'armée de sa Majesté le traité qui se faisoit auec moy, & que Monsieur d'Antragues en auoit écrit vne lettre à vn sien amy, qui estoit tombée és mains de Madame de Guise qui l'auoit enuoyée audit Duc de Parme, pour le mettre en soupçon de Monsieur du Maine, que c'étoient artifices qui ne valoient rien, qui nui-soient à tous, & ne servoient à personne. Que sa Majesté auoit dit à plusieurs, & mesmes au Commandeur de la Romagne qu'on luy parloit tous les iours de la paix, & que c'estoit pour le tromper, qu'il m'asseuroit

que Monsieur du Maine estoit éloigné de tous ces artifices, & qu'il n'en vouloit point vser à mes dépens, ny tous y participer pour chose du monde, mesme, & à mon preiudice: Qu'il prioit Dieu seulement que nous puissions aussi bien faire qu'il estoit asseuré que Iuy & moy en auions bonne volonté; que leur armée denoit attaquer Caudebec pour faire entrer des viures dans Roüen auec plus de facilité; que le Cardinal de Plaisance estoit en ladite ville, lequel il n'auoit point veu, mais auoit sçeu son aduis estre de choisir l'Infante pour Reine, & la marier auec Monsieur de Guise; que les Espagnols vouloient le premier, & non le dernier, & non pas auec les autres Princes François, s'ils en estoient crûs, chose toutefois qu'ils ne se deuoient promettre; qu'il conferoit auec ledit sieur Cardinal, mais qu'il croyoit qu'il n'y feroit rien; qu'il l'auoit desia fait auec Monsieur Bernard deputé de Bourgongne, lequel auoit beaucoup de creance auec les autres deputez, ce qu'il estimoit auoir fait auec plus de fruit.

CETTE derniere lettre me sembloit plus froide que la precedente; elle estoit faite aussi depuis auoir secouru Rouen, les bons & mauuais succez ayant souuent changé, non seulement nos conceptions, mais aussi nos paroles, témoignage tres-certain & manifeste du sonds de nos intentions: toutesois ie ne voulois laisser de voir ledit sieur du Piessis apres la reception desdites lettres, ce sur le lendemain audit Buhy, auec lequel ie ne voulois yser d'autre ceremonie, que de luy faire

MV

MEMOIRES

lire les mesmes lettres que i'auois receuës, excepté seulement l'aduis oui faisoir mention dudit sieur d'Antragues, afin qu'il vist aussi clair que moy, que luy-mesme iugeast quel estat nous en deuions faire, pour faciliter ce que nous desirions tant : il sit demonstration de se contenter desdites lettres, voyant qu'on me donnoit charge par icelle d'entrer dés à present en conference des moyens d'asseurer la Religion, le party & les particuliers, sans plus remettre les choses apres la conversion de la Majesté, comme on auoit tousiours fait, qui estoit ce à quoy il auoit tousiours aspiré, & n'auoit encore pû paruenir, partant il m'asseura que le voyage de Rome se seroit, que sa Majesté feroit son deuoir pour contenter Ie Pape, & qu'elle aduanceroit son instru-Eion, de façon que l'on en verroit bien-tost les effects; mais insistoit d'auancer aussi le fait desdites seuretez, dont il estoit d'auis que l'on fust resolu, mesme deuant cette assemblée que l'on deuoit faire, disant qu'autrement il n'en pouuoit bien esperer, approuuant neantmoins que le tout sust tenu secret, comme le disoit ledit Duc, & sur ce me pressa & conjura de mouuoir les conditions generales & particulieres, afin de gaigner le tem; s; mais ie m'en excusay, luy disant que i'en estois mal informé, qu'il en sçauoit autait que moy, puis qu'il auoit sceu ce que l'on m'en auoit écrit, & aussi que ie ne voulois seul entreprendre ce fait qui estoit trop épineux & embarassé, partant qu'il eust patience que ie sus-se assisté de quelqu'vn mieux instruit des pretensions dudit Duc: d'ailleurs l'on me recommandoit tant de secrets en cette negociation, que quand ie me voudrois emanciper d'y entendre plus auant, ie desirerois qu'il me donnast la sey & parole du Roy pour ce regard, seachant comme on en vsoit ordinairement à la Cour, & que si ie ne pouvois bien faire au public, ie ne voulois au moins nuire au particulier dudit Duc, ny luy donner occasion de se plaindre de moy-mesme, voyant qu'il se plaignoit desia par la derniere lettre dudit President, que l'on en avoit donné aduis à Madame de Guise, sans toutesois nommer l'autheur, & que sa Majesté mesme l'auroit dit au Commandeur de la Romaigne.

LEDIT sieur du Plessis me dit qu'il ne me donnoit cette parole sans vn exprés commandement de sa Majesté, mais qu'il luy en écriroit, & qu'apres sa réponse il me manderoit ce qu'il pourroit faire, & moy me resoudrois aussi de ce que i'aurois à faire pour le mieux.

Monsieve, i auois telle enuie d'acheminer cette negociation, & y engager ces Princes, que ie me resolus si ledit sieur du Plessis me donnoit la soy de sa Majesté, de tenir ce fait secret, d'entrer en matiere, mais de le faire comme de moy-mesme, & sans y obliger ledit Duc, esperant que ledit sieur du Plessis ne faudroit, comme tres-aduisé, de me donner moyen par ces réponses de continuer auec ledit Duc; joint que ie craignois perdant cette occasion de ne m'estre à l'aduenir permis d'en vser.

PARTANT, si-tost que ledit sieur du Plessie

M vj

276

m'eût afseuré de la parole de sa Majesté, ie mis en auant comme de moy-mesme, & sans écrire, les articles qui s'ensuiuent. Ie demanday que l'instruction du Roy fust asseurée, & qu'il fist telle declaration de son intention & desir sur sa conversion à l'Eglise Catholique, Apostolique & Romaine, que chacun eust occasion d'en esperer contentement. Que l'exercice de la Religion Catholique fust restably où il auoit esté discontinué, & ladite Religion conseruée, maintenuë & entretenuë par tout en son entier, & les Ecclesiastiques maintenus en tous leurs droits, franchises, libertez, priuileges, biens & possessions: estre fait vn reglement sur la presentation & nomination aux Benefices estans à la nomination du Roy, conforme aux faincts Canons, Decrets &Ordonnances cy-deuant faites à la requesse des Estats generaux du Royaume; que s'il 'essoit à propos de tolerer à ceux de contraire Religion l'exercice d'icelle, que l'on s'obligeast au moins de ne faire dauantage pour eux sous quelque pretexte que ce fust, que ce qu'ils auoient lors de la guerre commencée l'an mil cinq cens quatre-vingt cinq; que toutes choses faites & passées depuis la mort de feu Monsieur de Guise fussent oubliées, sans estre loisible de faire recherche pour quoy que ce fust; excepté toutesois les cas enormes reseruez par les precedens Edicts entre personnes du mesme party, pourueu que la mort du feu Roy ne seruiss de pretexte pour trauailler ceux qui en estoient innocens: & restablir l'honneur & la memoire de

feu Messieurs le Cardinal & Duc de Guise, fans toutefois offenser celles dudit seu Roy: casser les Arrests & Iugemens donnez de part & d'autre depuis la guerre, ausquels les parties n'auroient contesté: remettre vn chacun en la iouissance de ses offices, charges & benesices, pour en vser comme l'on faisoit deuant la mort dudit Duc de Guise : faire vn reglement pour la prouision aux Offices de ce Royaume, afin d'éuiter qu'ils ne fussent à l'aduenir donnez à ceux de contraire Religion, sans en cela oublier les Gouvernemens, Capitainesses, & toutes autres charges de Villes, mesme les Ambassades: conserver les habitans des Villes en leurs droict s, priuileges & franchises : faire sortir les gens de guerre qui y estoient, & n'en tenir qu'aux Villes de la frontiere, n'en mettre point du tout aux Villes qui seront nommées & accordées pour la seureté du party, ou expressement reseruées & specifiées par le traitté; déliurer les prisonniers sans rançon, rendre les meubles aux proprietaires les trouuant en nature, conuenir particulierement à qui demeureroient les Offices, Benefices, Gouvernemens & charges aufquelles il auroit esté pourueu de pait & d'autre depuis la guerre, pour obuier à toutes disputes; pouruoir au soulagement du peuple, regler la Gendar-merie & Infanterie, auec les Officiers d'icelle; & en ce faisant entretenir & soldoyer certain nombre de Compagnies à ceux qui auoient suiuy le party, & promettre de tenis les Estats generaux pour asseurer les choses MEMOIRES

sus fus à l'aduenir, les assembler de six en six ans, tant pour cét effet que pour donner ordre par leur aduis aux assaires publiques, & mesmes aux abus qui se commettoient en l'administration des Finances; faire interuenir en ce traitté pour la seureté d'iceluy nossire S. Pere, & tels autres Princes estrangers

qu'il seroit aduisé.

278

I E luy fis aussi quelque ouuerture des moyens de contenter en particulier ledit Duc de Mayenne, & les autres Princes de sa maison, comme de ioindre au Gouuernement de Bourgongne celuy de Lionnois, & en donner vn autre à Monsieur de Nemours, ayant reconnu que ledit Duc auoit cela fort à cœur, luy laisser la disposition des Benefices & Offices d'iceluy, l'honorer de quelque charge d'importance en ce Royaume, conseruer son Gouvernement à ses enfans, & luy donner moyen de payer ses debtes, traitter honorablement sa maison, conseruer à Monsieur de Guise l'Estat de grand Maistre, le Gouuernement de Champagne, & à Messieurs ses freres les Benefices que tenoit seu Monsieur de Guise, leur donnant aussi moyen de s'entretenir & payer leurs debtes, & en faire autant pour Monsieur de Mercœur en Bretagne, pour Monsieur d'Aumale en Picardie, & principalement aux places du party, pour Monsieur d'Elbœuf en Bourbonnois, & pour Monsieur de Ioyeuse en Languedoc, pour Monsieur de la Chastre en Berry & Orleans, pour Monsieur de Villars en Normandie, pour Monsieur de S. Pol en Champagne,

pour Monsieur de Rosne en l'Isle de France, & ainsi des autres du party, sans oublier ceux qui le meritoient: ie luy parlay aussi de comprendre en ce traitté les estrangers qui a-uoient secouru le party, remettant toutesois à parler desdits interests particuliers en ce qui concernoit lesdits estrangers, quand i'en serois mieux instruit, & adjouster encores aussi propositions generales ce qui me seroit mandé.

Novs discourusmes sur lesdits articles ledit sieur du Plessis & moy, comme vous sçauez que le suiet le requeroit; mais d'autant que nous n'auions pouvoir de faire mieux, nous nous promismes l'vn à l'autre d'en aduertir les Chefs, & d'en faciliter l'accord de tout nostre pouvoir, & cependant que les voyages de Rome seroient avancez comme chose necessaire pour parvenir à nostre but: ledit sieur du Plessis se departant me promist dereches au nom de sa Majesté, de tenir secret tous nos discours, & les ouvertures que nous aujons faites.

l'E c R IVIS dés le lendemain audit sieur President ce que l'auois fait, asin d'en aduertir ledit Duc, pour auoir lettres expresses de son intention, le priant de ne m'abandonner en cette entreprise, en laquelle ie m'estois embarqué à son adueu, poussé de tres-bonne volonté de bien faire au public, & aux particuliers, laquelle se reconnoissois estre plus épineuse & difficile qu'autre qui se sust encore presentée, & partant auroit besoin d'épaules plus sortes que les miennes.

ET d'autant que le messager que ie luy auois enuoyé ne reuint dans le temps qu'il m'auoit promis, ie luy fis vne recharge par vn trompette exprés, le pressant de me repondre, & ne me laisser en incertitude : toutefois d'autant que les deux armées estoient logées à la veuë l'vne de l'autre, chacun é-toit si empesché que l'on ne pensoit qu'au peril present; & neantmoins ledit President ne laissoit de m'écrire par toutes ses lettres, qu'il se désioit plus que iamais de la conuer-sion du Roy, qu'il ne croyoit pas aussi que le Pape l'approuuast iamais, & partant craignoit, que nous amusans à ce chemin nous perdissions la Religion & l'Estat, remettant encores en jeu celuy des autres Princes du sang, dont ie fus en tres-grande peine, tirant argument d'vn changement ou refroidissement de la volonté dudit Duc, & que l'on vouloit reietter sur moy & ma poursuitte le blasme du mal qui en reussiroit, & sur ce fonder quelqu'autre resolution; ce qui fut cause que l'écriuis franchement audit President que i'auois pris & suiuois le chemin d'vn homme de bien; que ie m'y estois embarqué au mandement dudit Duc, receu par les lettres qu'il m'auoit de sa part écrites, croyant fermement que c'estoit nostre honneur, deuoir, & aduantage, de traitter auec le Roy deuant tous autres, pourueu qu'il voulust estre Catholique, & que peussions' conseruer la Religion, d'autant que la Couronne luy appartenoit, & qu'en traittant auec d'autres nous ne ferions cesser la guerre, &

partant n'asseurerions ny sauuerions le Royaume: qu'en tout cas mon aduis auoit toûjours esté de tenter ce chemin, deuant que d'en chercher d'autre, pour plusieurs raisons que i'auois representées souvent, ausquelles ie perseuerois plus que iamais; joint que ie n'auois occasion de croire que ledit Duc ny Messieurs ses parens, & tous ceux dont ils estoient assistez fussent plus affectionnez au dernier moyen qu'à l'autre, n'ayant perdu la memoire de ce que ie leur en auois ouy dire, le suppliant me vouloir enuoyer la derniere volonté dudit Duc, & s'il approuuoit que ie ne poursuiuisse plus auant la negociation commencée par son commandement, me le mander librement sans me bailler le change me chargeant d'vne autre, car ie protesiois que ie la refuserois tout à plat, comme celuy qui ne vouloit seruir d'instrument de tromperie, ny de girouette pour tourner à tous

M a premiere lettre fut écrite du dernier d'Avril, & cette recharge le 6. May, & le 10. ie receus la réponse dudit President, dattée du 8. laquelle contenoit ce qui s'ensuit. Il me mandoit n'auoir encore pû parler à Monsieur du Maine si particulierement qu'il estoit besoin de ce que ie luy aueis écrit, d'autant qu'il estoit tousiours au champ de bataille prés l'ennemy, & auoit l'esprit du tout bandé & occupé à la guerre sans intermission, & aussi que ledit President estoit tombé en vn soupçon extrême des Espagnols, & de ceux qui ne vouloient point la paix, qu'il en estoit

regardé de plus prés que iamais, mais qu'il en choisiroit l'opportunité, & au plûtost : adjoustant qu'il voyoit aussi si peu d'aduantage pour ledit Duc, & d'asseurance pour le party par les articles dont i'auois conferé, qu'il estimoit estre plus à propos de les luy celer maintenant, & differer iusques à ce qu'il en eust conferé auec moy, ou qu'il m'en pûst mander quelques particularitez:qu'il falloit que ie creusse, encore que le bien de la paix fust autant desirable audit Duc qu'à nul autre, que son esprit estoit assez souvent trauersé de ceux qui luy imprimoient plusieurs grandeurs imaginaires pour l'en détourner, & que l'vne des principales raisons qui le portoient à ce traité, essoit que l'on luy persuadoit tousiours que le Roy disoit à vn chacun pour luy rapporter, qu'il vouloit luy faire vn si bon, honorable & vtile traitement, pour sa grandeur, son bien & sa maison, qu'il ne le pourroit esperer de qui que ce fust; que sa Majesté auoit encore tenu les mesmes propos il n'y auoit que deux iours, au milieu de la campagne, dans les armées, au Baronde Luz, auec lequel il auoit parlé vne bonne heure, elle en auoit autant dit aussi à Monsieur de Vitry, & à Monsieur le Mareschal d'Aumont, lequel s'estoit plaint de ce que cét affaire se traitoit auec ledit sieur du Plessis huguenot, & grandement suspect aux Catholiques, tant pource que les huguenots ne vou-loient la paix, craignant que les Catholiques qui assistoient sa Majesté, ne la sissent desad-unatageuse pour eux, parce qu'il auoit vn Gouvernement que la guerre rendoit meil-leur que ne feroit la paix:qu'il ne voyoit rien ausdits articles qui apportast autre commodité ou asseurance audit Duc: qu'il auoit tant de desir de la paix qu'il ne mettoit en consideration la misere & le mépris de la Ligue, apres qu'elle seroit conclue aucc sa Majesté. mais embrasseroit le public seulement, me priant de le croire & de bien prendre les difficultez qu'il me faisoit : que c'estoit pour rendre l'affaire plus facile, qu'il estoit bien raisonnable, que le Roy & les siens, lesquels deuoient retirer pour iamais l'authorité, l'honneur & le profit de la paix, donnassent quel que contentement audit Duc & aux Princes qui les feroient iouir de cét heur, qu'ils seroient contraints par la confirmation de la guerre acheter cherement, & peut-estre ne l'auoir iamais: qu'ils traitoient non comme vaincus, mais comme puissans, & en estat de faire aussi-tost ruiner leurs ennemis qu'eux lesdits Princes; qu'ils le faisoient comme gens de bien qui vouloient garantit le Royaume du peril qu'il couroit par la continua-tion de la guerre, aux perils, & à la ruine d'eux-mesmes; partant leur desir à l'embrasser rendoit vn témoignage de leur preud'hommie, non de celle de leurs ennemis, que l'vtilité seule y pouuoit apporter, sinon qu'ils monstrassent, la recherchans, vouloir laisser aller quelque chose pour vne fois à ceux qui ne pourroient iamais rien esperer du regne du Roy, auquel ils se soûmettoient par ladite paix. Que ie disois que le sondement

MEMOIRES

sur lequel il falloit bastir la paix, c'estoit la conversion de sa Majesté, & qu'à cette fin il estoit bon d'enuoyer en diligence à Rome, qu'il le tronuoit necessaire; mais que i'adioûtois qu'il falloit faire des articles doubles, sçauoir les vns en cas que le Roy se conuertist, & les autres en cas contraire, & toutefois ce deuoient estre articles secrets qui ne deuoient estre publiez, ce luy sembloit, qu'apres ladite conversion, sans laquelle aussi Monsieur du Maine n'entendoit que ledit traité eust lieu; ainsi les autres à faute de la conversion estoient inutiles : qu'il n'avoit pû induire Monsieur du Maine à traiter sans icelle, & que quand il le feroit, il ne seroit suiuy de personne; que les Catholiques aussi qui estoient prés de sa Majesté, ne demandoient point qu'on traitast, ny qu'elle fust reconnuë, sinon au cas qu'elle fust Catholique: que Monsieur de Longueuille & Monsieur le Mareschal d'Aumont leur avoient fait dire au nom de tous les Princes & Seigneurs Cathollques seruans sa Majesté, que si Monsieur de Mayenne & ceux de la Ligue offroient de la reconnoistre à condition qu'elle se fist Catholique dedans vn temps., qu'ils consentiroient, promettoient & s'obligeoient de leur part, au cas qu'elle ny satisfist dedans ledit temps, de la quitter & se ioindre auec eux, pour ensemble aduiser à la conservation de la Religion & de l'Estat. Que cette obligation auoit bien plus de seureté pour eux, & seroit aussi honorable que la forme du traité duquel l'auois écrit, me priant de le considerer.

Qu'ils auoient fait vne ouuerture sur cette occasion, qui estoit, induire lesdits Princes & Seigneurs Catholiques d'enuoyer de leur part à Monsieur de Mayenne & le Duc de Parme, pour leur faire entendre qu'ils estoient Catholiques, desirans comme eux, conseruer la Religion, auec offres de deputer aucuns Seigneurs pour en conferer & traiter auec eux au contentement mesmes du Roy d'Espagne : que Monsieur le Mareschal d'Aumont auquel le Baron de Luz en auoit communiqué en la campagne auec assez de loisir, approuuoit ce moyen; s'estoit presenté suy mesme pour estre vn des deputez, disant que sa Majesté n'empescheroit cette voye; que là dessus il en auoit de son costé communiqué au Duc de Parme & aux Espagnols; & quoy qu'il leur eust pû dire, mesme que ce seroit yn moyen pour separer les Catholiques d'auec sa Majesté, afin de donner plustost lieu à cette conference auec leur gré, il ne leur auoit peu persuader, non pas à celuy qui estoit le plus sage d'entr'eux, qui estoit Ican Baptiste de Tassis: que cette ouverture & conference nous eust mis au chemin d'vne surseance d'armes, & enfin d'vn traité bien certain, mais que Dieu ne l'avoit voulu permettre. Que là dessus on me deuoit mander pour estre autheur d'vn si bon œuure, auquel il m'eust tres-volontiers assisté, qu'il auoit veu par mes lettres que ledit sieur du Plessis ne vouloit point de surseance d'armes maintenant, que c'estoit contre ce qu'ils auoient desiré qu'ils le faisoient, ou pour ce qu'ils pensoient auoir maintenant quelque aduanrage en cela, & qu'ils témoignoient qu'ils ne remettroient iamais rien de leurs vtilitez; que pour ce regard ils esperoient si bien se garantir de mal & inconvenient, qu'ils esperoient faire voir dedans peu de iours que l'aduantage leur demeureroit : qu'ils ne cedoient pas maintenant au Roy en bonté & nombre de forces : mais peut - estre qu'ils fuyoient le combat pour des considerations, & que sa Majesté en auoit de contraires qui Iuy faisoient le desirer: que l'autre raison qui pourroit faire crainte audit sieur du Plessis de ladite surseance d'armes estoit, que ce loisir deuoit estre employé à l'instruction & conuersion de sa Majesté, apres lequel s'il ne la faisoit il ne la falloit plus esperer, ce qui separeroit d'auec sa Majesté les Catholiques: qu'il auoit connu par le discours de mes settres, que pour les Villes de seureté l'on n'en vouloit point donner, & que sa Majesté aux Villes Catholiques qu'elle tient, de la fidelité desquelles elle se vouloit asseurer par la force, & non par la bien-veillance, y vouloit tenir des garnisons; que ie considerasse de là son but & intention.

Qve si on ne voyoit cela aussi clair que suy, il en dissimuleroit pour n'en remuër aucunes disticultez qui peussent retarder la paix, tant il la desiroit: que pour le particulier de Monsieur de Mayenne l'on offroit son gouuernement, & quelques moyens de payer les debtes par ses mains; mais qu'il pourroit recommander au Roy pour les benesices qui

vacqueroient en son gouuernement, & le seu Roy luy auoit promis auant la mort de seu M. de Guise luy donner vn breuet secret, par lequel il luy accordoit de pouruoir aux bene-fices, offices, capitaineries & charge dudit gouvernement à sa nomination : que ie ne parlois point de tout cela, ny de l'engage-ment du domaine pour l'argent qu'il auoit employé, ny pour rendre ledit gouvernement hereditaire pour luy & ses enfans, & des places qui y estoient tenues par les ennemis, des charges & grades qui le mettoient hors du commun; ains au rang des Princes de sa qualité, dont il auoit quelque fois conferé auec moy; qu'il estoit besoin luy tenir autre lan-gage pour l'induire à traiter; que ie iugeasse & que ie creusse que quand il n'y auroit au-tres difficultez que celle qu'il feroit, il n'y en auroit point: que i'adioustois qu'il falloit faire vn Edict d'abolition ou oubliance des choses passées: pour ce qui estoit de la prise & continuation des armes, qu'ils ne vouloient pas estre traitez à la huguenotte, leurs armes estant trop justes; que toute abolition presupposoit vn crime, & laissoit tousiours quelque notte sur ceux ausquels on la donnoir:qu'ils desiroient que chacun creust auoir eu 'de l'honneur & de la raison à la prise des armes, & qu'ils au sient beaucoup de peine à les quitter, au moins ne vouloient-ils pas se condamner eux-mesmes en receuant vne abolition: qu'il y auoit des moyens pour ce regard plus honogables pour eux, & qui n'of-fenseroient personne; qu'il faudroit aussi ré-

tablir la memoire de seu Monsieur de Guise & deson frere, parler sur la mort du Roy, comme il conuenoit, sans toucher audit Duc, ny contre ceux qui viuoient, ou s'en taire du tout, & se contenter de quelques mots qui fussent coulez en la narration dudit traité, non pas au dispositif, où ils feroient paroistre qu'ils n'y auoient point participé; que cette paix ne deuoit pas estre vn simple Edict des subjets à leur Roy, mais vn traité par Jequel ils le reconnoistroient pour Roy à certaines conditions, ayant eu sujet & raison de ne le pas faire du viuant de Monsieur le Cardinal de Bourbon, ny depuis pendant qu'il estoit huguenot; que pour le regard des Gou-uernemens, il n'estoit pas raisonnable que les Princes de Lorraine les eussent tous, qu'il y en auoit ausquels l'on ne pouuoit les dénier, parce qu'ils les auoient dessa; des autres qu'il falloit voir si l'on pourroit y adjouster dauantage que ceux qui en auoient, comme Monsieur de Mercœur, de Nemours, de Guise, de Ioyeuse & autres, ie creusse que dans vn temps comme de cinq ou six ans, ils demanderoient qu'il fust pourneu aux places qu'ils tenoient à leur nomination, aduenant le deceds pendant ledit temps de ceux qui les tenoient que cette seureté essoit l'yne des principales; que l'on leur pourroit donner, & qu'ils ne consentiroient iamais qu'aux villes & places qu'ils auoient occupées par force, ou qui auoient suiuy leur party, on ostast les Capitaines & Gouuerneurs qui y estoient de present, pour y remettre les anciens qui estoient

estoient leurs ennemis:qu'il faudroit vne conference bien particuliere pour s'en éclaircir; que c'estoit chose estrange que l'on fist difficulté de rendre à Monsieur de Guise sa charge de grand Maistre, & à ses freres les Benefices de Monsieur le Cardinal de Guise leur oncle, qu'il sembloit en traittant ainsi qu'ils fussent desia les maistres, mais que personne ne croyoit où il en estoit, & qu'il me pouuoit asseurer que si l'on parloit de cette sorte aufdits Princes, ils s'en éloigneroient du tout, & se rendroient pour iamais irreconciliables: car ce premier refus encores qu'on vinst à l'accorder apres, les offenseroit par trop; que ce n'estoit sans raison qu'ils auoient demandé de comprendre en leurs societez les Princes estrangers: car de ceux du dedans qui estoient du party, ils sçauoient quelle estoit leur affection enuers eux, & qu'elle seroit l'authorité de sa Majesté sur eux apres qu'elle seroit reconnue pour Roy. Toutesois voulant qu'ils s'en abstinssent il estoit raisonnable qu'ils fussent au moins compris en la paix, & qu'on sist l'vn maintenant, & que l'autre demeurast en longueur: car apres que le traitté seroit sait ils ne pourroient plus parler qu'auec supplication à celuy qui seroit le maistre absolu, pour ne faire que ce qui luy plairoit, où au-jourd'huy ils auoient part en l'accord comme parties presentes, & peut-estre que le Roy d'Espagne n'en voudroit point luy-mesme, & qu'il trouueroit plus de gens pour l'assister en ce Royaume & le brouïller qu'il n'en seroit besoin; toutesois qu'ils vouloient tour Tome I.

(\_

290

faire auec honneur, & si en cas que ledit Roy d'Espagne voulust consentir d'y estre compris il y auroit plus d'asseurance, mais il ne l'esperoit pas, d'autant qu'il y auroit trop de gens de leur party qui monstroient ne se vouloir separer d'auec luy, entre lesquels M. de Nemours estoit l'vn qu'il auoit mandé exprés, afin que ie creusse que si le Roy se faisoit Catholique plusieurs feroient de mesmes; & que s'il vouloit auoir bon marché d'eux & rompre toutes mauuaises entreprises, il se deuoit faire instruire dans quelques iours, puis se rendre Carholique; que ie verrois grand changement aux affaires, & la paix plaire à tant de gens, que les contradicteurs auroient honte de continuer la guerre, où il seroit aisé de les ruiner; que pour luy il desiroit qu'elle se fist, mais qu'il preuoyoit vn million de difficultez, lesquelles il ne sçawoit si l'on pourroit iamais surmonter : il destroit que l'on prist ce chemin qu'il auoit obmis, à me faire réponse touchant le Gouuernement du Lionnois, qu'il seroit difficile, ou plustost impossible de faire quitter à M. de Nemours pour auoir desia basty en iceluy sa souueraineté, à laquelle ie creusse qu'il n'oublioit rien pour paruenir, qu'ils continuoient pour faire mander pour les Estats tous ceux qu'ils pensoient y pouuoir seruir; mesmes M. de Lion, M. de la Chastre, M. de Lisieux, M. de Noyon, & autres de pareille qualité me priant de les aller voir, qu'il sçauoit que i'estois trop constant pour me laisser surmonter aux disticultez qui se presenteroient en THE .

cette affaire, que rien aussi ne l'empescheroit d'y apporter tout ce que deuoit vn homme de bien, iusques à sa vie propre, & qu'il desiroit tousiours se conduire à mon iugement plus que tout autre. Cette lettre estoit écrite de Caudebec le 8. de May, laquelle étoir accompagnée encore d'vn passe-port, par où il me prioit prendre en bonne part sa réponse, & croire des personnes qui faisoient des disticultez pour mieux disposer toutes choses à auoir bien-tost la paix, qu'il en auoit depuis parlé à Monsieur de Mayenne, mais non auce tant de loisir qu'il eust desiré pour l'occupation qu'il auoit, & qu'il estoit fort mal disposé, & contraint vouloir ou non, se retirer en quelque Ville pour vn mois pour sa santé; qu'il ne perdoit le temps; qu'il estoit. trauaillé tous les jours en cet affaire auec ardeur; que i'essayasse seulement à faire éponfer la Religion Catholique à sa M. qu'il approuuoit ce conseil comme moy, & le iugeoit le plus certain remede; mais où sa Majesté ne s'y accorderoit, à tout le moins qu'vn de la maison se disposast à se ioindre à eux, & que Monsieur le Cardinal de Gondy deuoie cependant auancer son voyage.

Monsteve, pour appointer une querelle, il faut que les parties conte leur fait, dient leurs plaintes & raisons, & proposent librement leurs demandes, car il faut découurir la playe qui la veut guarir; ie sus bien aise d'étre éclaircy par écrit, comme ie sus par ladite lettre de l'intention dudit Duc du Maine, tant sur le general que sur le particulier, pour

donner quelque acheminement à ce traitté; car c'estoir chose que ie n'auois encores pû gaigner sur luy trois ans durant que ie l'auois continuellement poursuiuy, d'autant que ledit Duc auoit tousiours fait difficulté de souurir, s'excusant sur ce qu'il en vouloit conferer auec les deputez des Prouinces & Villes du party, ainsi que vous auez entendu par ce discours; toutesois il faut que ie confesse que ie ne pûs acheuer de lire ladite lettre sans soûpirer, voyant à quels termes la continuation de la guerre auoit conduit l'authorité Royale, & desolé ce Royaume: & m'auoit aussi en particulier reduit à malheur, me. contraignant pour bien faire au public de proposer des choses contraires, contre lesquelles ie pensois cy-deuant me bander plus que nul autre, & vous asseure que sur cela icfus en doute si i'en aduertirois ledit sieur du-Plessis ou non, craignant qu'il prist en tresmauuaise part, non seulement les demandes portées par lesdites depesches, mais aussi que i'en fusse le parrain: neantmoins à la sin ie me resolus de commettre toutes choses à sa discretion & prudence, plustost que de faillir à lier cette negociation, considerant qu'vn bon marché ne se conclud du premier coup, que les hommes ne demeurent ordinairement à vii mot : que pour en acheuer vn il; le faut commencer; joint qu'il me sembloit qu'encores que tout n'allast selon mon desir, i'auois toutefois beaucoup gaigné d'auoir d'vn costé fait parler ledit Duc, & de l'autre engager sa Majesté à rechercher les moyens de

293

contenter le Pape, & partant deuoir plûtost découurir que celer les difficultez, afin de les surmonter si ie pouvois, sans preparer comme à l'aduanture ie serois si i'estois ainsi retenu, vne excuse de rupture aux vns ou aux autres, voire auec deux parties ensemblement, & à moy vn regret extréme d'auoir laissé eschapper cette occasion d'éleuer vn si bon œuure, ou du moins découurir & faire connoistre à vn chacun celuy qui'y contrediroit, & à qui le blasme en deuroit estre donné. Au moyen dequoy i'écriuis vn memoire contenant les principaux poinces de ladite lettre, que ie conceus en termes les plus doux dont ie me pûs aduiser, pour seulement donner sentiment audit sieur du Plessis de la réponse que l'on m'auoit faite, & des propositions que l'on faisoit, le priant d'en bien vser, & considerer qu'estant le Royaume si malade qu'il estoit, non seulement il ne pouuoit estre guary du premier coup, mais estre aussi necessaire que ceux qui vouloient y seruir auallassent doucement & sagement plusieurs mauuaises humeurs & amertumes, deuant que de surmonter cét humeur malin qui le troubloit; & partant qu'il n'eust pas tant d'égard à la consequence du remede qu'on proposoit, qu'au besoin extreme que le Royaume & le Roy auoient de la paix. l'adressay ledit memoire audit sieur de Fleury pour la siance que i'auois en luy, offrant d'aller encores trouuer ledit sieur du Plessis pour en conferer auec luy plus particulièrement s'il iugeoit qu'il fust à propos, le suppliant aussi de tenir tout N iij

MEMOIRES

secret comme il m'auoit promis, s'il ne vonloit tenuerser entierement cette negociation.

Mais ledit fieur du Plessis se laissa tellement surprendre à ce changement, soit qu'il en eust esperé ou promis à sa Majesté toute autre chole, ou pour autre consideration, comme les courtisans sont ordinairement subjets à diuers mouvemens; qu'estans sa Majesté arriuée comme ie croy à l'heure mesme que cela luy fut dit à Buhy où il estoit, au lieu de temperer & adoucir les affaires, l'on m'écriuit que d'abord il auoit demandé pardon au Roy, en la presence de plusieurs de son Conseil de la tres grande faute qu'il auoit faite, d'auoir crû & esperé que la paix se feroit apres auoir conferé auec moy; en quoy il confessoit s'estre grandement abusé, non par malice, mais par vn tres ardent desir qu'il auoit eu de la paix, & d'y seruir sa Majesté; que ie luy auois fait lire la réponse que l'on m'auoit faite sur ce que nous auions deuant conferé, laquelle contenoit des demandes & conditions si hoteuses pour sa Majesté, si dommageables pour le Royaume, & si iniques en tout & par tout, que non sculement elles témoigneroient que ledit Duc de Mayenne & les siens ne vouloient la paix, mais aussi essoit d'aduis que sa Majesté ne leur sist pas cét honneur de les ouir, ny faire plus traitter aucc cux, comme gens qui en estoient indignes, & qu il estimoit estre engagé ailleurs, & pardormir sa Majesté, troubler les bons seruiTREES.

295

teurs & subjets, & donner ialousie aux Espagnols pour en tirer plus d'argent, & amender leur marché auec eux. Sur cela l'on me manda qu'il s'estoit mis à discourir & representer en la mesme compagnie tout ce qui s'estoit passé entre luy & moy, les lettres que ie luy auois fait voir, les ouvertures que ie luy auois faites, & sinalement tout ce que m'auoit écrit Monsieur le President Ianin par sa derniere lettre, dont ie luy auois donné aduis; de façon que l'on me dit que sa Majesté mesmes ceux qui y estoient, demeurerent quasi autant ossensez de ces propos, que desdites demandes; ensin suivant les envies ordinaires de la Cour, ie sus plustost blasmé que loiié.

I E m'estois retiré à Pontoise, où l'on m'écriuit ces choses, & que sa Majesté desiroit parler à moy, & que i'eusse à me trouuer sur le chemin de Senlis quand elle iroit à Compiegne: l'on me donna aduis combien le bruit qu'auoit fait ledit sieur du Plessis auoit fait changer les affaires, dont ie fus tres-marry, car ie n'attendois cela de luy; ce n'estoit pas aussi garder la foy du Roy, qu'il m'auoit donnée, ny le moyen de guarir la playe: partant ie me resolus d'aller droit à Alincour, & chercher vn autre moyen de parler au Roy, qu'en la compagnie d'vn chacun, sçachant que ledit Duc de Mayenne ne le desiroit, & qu'il seroit assez offensé de ce que ce fait auoit esté diuulgué par ledit sieur du Plessis, dont ie sçauois qu'il seroit bien-tost aduerty : & d'au-tant que sur la siance que i'auois dudit sieur

## MEMOIRES

296

du Plessis, ie l'auois quasi asseuré que cela n'arriueroit point, ie m'attendois bien qu'il s'en prendroit à moy, & blasmeroit ma credulité ou ma franchise; car il m'auoit plus recommandé le secret en cette negociation que tout autre chose, ce que ie iugeois deuoir estre encore plus desiré de luy que iamais, parce qu'il estoit demeuré à Roüen tres-malade; que ledit Duc de Parme & luy s'estoient separez tres-mal contens l'vn de l'autre, que l'on parloit d'auancer Monsieur de Guise à son preiudice, & d'oresnauant manier les affaires sans luy.

EsTANT arriué audit Alincour, ie sceus que sa Majesté estoit partie dudit Buhy vn iour plustost que l'on ne m'auoit mandé, partant ie ne le vis, mais i'enuoyay vers ledit tieur du Plessis qui estoit demeuré à Buhy pour sçauoir ce que l'auois à faire, luy mandant que ie desirerois aller à Rouen voir Monsieur de Mayenne, & luy rendre compte de ce que i'auois negocié, & m'éclaircir de sa dernière volonté, comme il me sembloit qu'il estoit necessaire, & en estois aussi solicité dudit sieur Ianin. Le Roy ayant laissé à Gisors Messieurs les Mareschaux de Biron & de Boiillon, & Monsieur d'O, lesquels auoient assisté aux contes que ledit sieur du Plessis auoit fait à sa M. de nostre negociation, au moins les deux premiers auec quelques autres. Ils m'écriuirent & prierent de les aller voir, afin de conferer auec eux de ce qui concernoit se bien du public, dont ils me mandoient que sa Majesté auoit trouvé bon qu'ils commu-

D'ESTAT. niquassent auec moy. Ie leur fis réponse que ce me seroit honneur de les voir pour receuoir le commandement, tant sur le bien public que pour leur seruice particulier,& particulierement leur dire mon aduis sur les affaires qui se presentoient s'ils le desiroient; mais que n'ayant aucun pouuoir de Monsieur de Mayenne ny d'autre d'en traiter, ny d'y seruir, ie les suppliois de m'excuser de ce voyage', que ie ne pouuois entreprendre, que comme personne priuée: neantmoins m'en ayant fait vne recharge expresse, i'y fus, esperant qu'ils m'aideroient peut-estre à reparer ce que ledit sieur du Plessis auoit gasté: toutefois ie ne le voulus faire sans son aduis, afin de ne le mal contenter dauantage, puis que sa Majesté m'auoit mis entre ses mains. Il vint à Alincour, & allasmes ensemble iusques à Gilors, sans me dire toutefois ce qui s'estoit passé audit Buhy, ny le desespoir qu'il auoit du succez des affaires; mais seulement qu'il cust esté bien aise que i eusse veu sa Majesté, comme il estoit necessaire que ie visse lesdits Seigneurs Mareschaux, auec lesquels ie ne fis pas grand profit pour ce regard: car ils auoient leurs gousts tant differens les vns des autres, que combien qu'ils protestassent vouloir la paix, chacun la desiroit à sa mode. Ie le vis à part, afin d'apporter moins d'ombrage: & comme ie sçauois qu'on leur auoit communiqué tout ce que i'auois negocié, ie leur en fis vne briefue repetition, les exhortant & suppliant de fauoriser ce bon œuure, & ne permettre qu'il fust estoussé à sa naissan-

## MEMOIRES

ce: & comme ils estoient tous deux maistres passez en matiere d'affaires & negociations, ne s'estonner, ny se rebuter des premieres difficultez, mais aider à les surmonter, m'étant aduis que le Roy ne pouvoir faire vn mauuais marché, s'il pouuoit recouurer l'obeissance qui luy estoit deue, mettre son Royaume en paix, & en bannir les armes estrangeres: qu'il auoit tousiours desiré & demandé, que Monsieur de Mayenne parlast & demandast pour le public & pour son particulier, ce qui luy seroit besoin, disant par tout le vouloir contenter, qu'il s'estoit enfin ouucit, non sans peine, que sa Majesté & eux en fissent donc leur profit, & ne laissassent tomber le fruict que l'on auoit eu tant de peine à cultiuer, croyant que s'ils le méprisoient qu'ils languiroient apres,& peut-estre inutilement. Tous blâmerent ce voyage de Rome, trouuant le circuit trop long: & comme ie leur disois que le moyen de l'accourcir, estoit que sa Maiesté aduançast donc son instruction & conuersion; ils me répondirent que c'estoit vn œuure de Dieu, qu'il falloit que le saint Esprit & le temps y missent la main: l'on vouloit que l'on traitast sans attendre la volonté du Pape, ny ladite conversion; & l'autre, que sa Majesté allast à la Messe apres s'estre fait instruire, sans s'arrester à sa Saincteté, & tous estoient ce me semble ialoux de ce que ledit sieur du Plessis auoit seul negocié ce fait. Ie leur dis que c'estoit s'abuser d'esperer que Monsieur de Mayenne concludiaucun traité auec le Roy qu'il ne fust Catholique, ou que

le Pape n'y eust mis la main, & ie voyois qu'ils ne me donnoient aucune asseurance de la conversion de sa Majesté, ny autres paroles que generales pour presenter à Monsieur de Mayenne, lequel i'auois deliberé le voir bien-tost; que ie craignois que cela le refroidiroit de la paix, & le iettast en des irresolutions fascheuses, prenant leursilence pour vn mépris, & leurs remises pour manquement de bonne volonté; ce que ie ne pourrois empescher puis qu'on ne m'en donnoit le moyen, dont se me déchargeois entre leurs mains, les supplians de le direau Roy, & se souuenir du regret que i'en auois. Enfin ils m'asseurerent puis qu'il en falloit passer par là, qu'ils auanceroient le voyage de Rome, & feroient tout ce qu'ils pourroient enuers sa Majesté pour faire contenter Monsieur de Mayenne comme ils connoistroient estre tres-raisonnable. Rencontrant Monsieur d'O & Monsieur de Beaulieu par la ruë, ils me demanderent s'il estoit vray que ie fusse d'accord auec Monsieur du Plessis du poinct de la Religion, parce qu'il auoit dit que cela estoit resolu, & qu'il ne restoit plus qu'à pouruoir aux interests particuliers: ie leur répondis que si pour avoir le iugement & la decision de ce poinct du Pape, l'on vouloit dire que nous en fussions d'accord, qu'il estoit veritable. Car nous nous estions soumis comme à celuy que nous reconnoissions pour nostre Chef en l'Eglise, & croyons ne pouvoir errer estant assisté de Dieu comme il estoit, mais qu'il n'y auoit point d'autre accord pour ce regard, &

que c'eftoit abuser du Roy, & se mocquer du public de luy donner esperance de la paix, que sa Majesté ne fust Catholique, & que cette difficulté ne fust vuidée au gré & contentement de sa Saincteté, croyant que ce poinct resolu, l'on viendroit apres à bout facilement des autres, & principalement des interests particuliers. Car il faudroit que chacun se contentast de raison, quiconque lors ne le feroit seroit en danger d'estre mal suiuy; ce que ie luy priay faire entendre ainsi clairement par tout où il seroit à propos, d'autant qu'ils affectionnoient le service du Roy, le bien & salut du Royaume. Estant de retour à Alincour, ie receus vne lettre dudit President Ianin, en laquelle il me mandoit que Monsieur de Biron seur auoit fait dire par le sieur de Courbouson, que chacun se scandalisoit de ce que Monsieur du Maine faisoit traiter auec ledit sieur du Plessis, & qu'il voyoit bien: que la ialousie que lesdits sieurs auoient l'vn de l'autre seroit cause de diuulguer, & partant trauerser & détruire en tout les affaires: car chacun commenceroit d'en découurir, & des plus particuliers projets que i'auois traitez auec ledit sieur du Plessis, lequel mesme ils sçauoient l'auoir dit & écrit à plusieurs, & qu'en passant à Vernon il auoit asseuré Monsieur le Cardinal de Bourbon auoir conclud le marché auec moy. Et que le premier article estoit que le Roy seroit reconnu à la charge de se faire instruire dedans six mois, sans donner autre asseurance de sa conversion, dequoy mesmes les Catholiques seruiteurs

de sa Majesté murmuroient que ie pensasse à ce qu'en diroient ceux du party, & mesmes nos zelez, qui les premiers auoient fait prier Monsieur de Mayenne ne passer si legerement par dessus les articles, apres auoir tant trauaillé & fait pour asseurer la Religion, la conseruation de laquelle ils connoissoient dependre de ladite conversion de sa Majesté, mandant ledit sieur President que Monsieur de Mayenne estoit fort mal content & courroucé de ces bruits, dont il mé prioit l'éclaircir au plustoft, & mesmes de l'aller trouuer pour cet effet. Au mesme temps l'on m'écriuit de Paris, qu'vn personnage de qualité, que ie ne nommeray point, parce qu'il est vi-uant, auoit enuoyé dire par homme exprés à Mesdames de Nemours & de Guise, que ledit Duc de Mayenne traitoit sans parler de Messieurs leurs enfans, & mesmes au preiudice de Monsieur de Nemours, & que i'en estois le ministre pour l'interest que i'y pretendois jour mon fils, afin qu'elles aduisassent & pourueussent à leurs affaires, dont elles firent beau bruit, belles plaintes & reproches dudit Duc, qui aggrauoient sa maladie, & me faisoient du tout desesperer du progrez de cette negociation, laquelle estoit si necessaire à tous, & toutefois si trauersée de toutes parts, que i'ay souvent crû que Dieu nous auoit jugez indignes de jourr de la paix en nos iours. De là ie fus à Roisen, où ie trouuay ledit Duc commençant à se mieux porter. IL me fit d'abord tres-grande plaintes des aduis que l'on auoit donnez de ma negociation MEMOIRES

contre la foy qui m'auoit esté donnée, à laquelle il s'essoit consié apres moy, dont il s'étoit tres-mal trouué & s'en repentoit, mais qu'il en feroit son profit, & seroit cy-apres plus retenu qu'il n'auoit esté. Ie luy dis par le menu comment i'auois negocié & m'estois conduit en toutes choses depuis le premier pas iusques au dernier, tant auec ledit sieur du Plessis qu'auec les autres que i'auois veus: Et comme il eut reconnu que ie n'y pouuois apporter autre soin & deuoir que i'auois fait, & aussi que ie n'estois moins picqué desdits aduis & bruits que luy, d'autant que le mal qui en arriuoit, passoit premierement par dessus moy, qui auois les reins vn peu foibles pour vn tel fardeau: ie le suppliay de faire à ce Royaume le bien qu'il auoit proposé, que nous ne sçauions pas seulement de quelle boutique lesdits bruits & aduis estoient sortis, mais que connoissant les autheurs d'iceux, craignoient plus la paix qu'ils ne vouloient que l'on les creust, & qu'il en sçauoit les raisons mieux que nul autre; qu'il estoit certain qu'ils en auoient vsé ainsi par art, exprés pour le dépiter, & luy nuire, non tant pour les considerations particulieres, comme pour la cause publique. Que ie n'auois veu le Roy pour parler & répondre particulierement de Son intention; mais estant Prince bien aduisé, & qui vouloit sortir d'affaires, ie l'osois asseurer que non seulement il seroit marry & offensé desdits bruits pour les raisons publiques, mais aussi pour le peu de soin qu'on auoit eu de sa parole, & parrant qu'il nous en seroit raison; qu'enfin il ne pouvoit estré blâmé & repris d'auoir desiré la paix aucc l'honneur de Dieu, qui deuoit estre le but de fes armes : & quand il feroit fceu qu'il auroit remis au jugement de sa Saincteté le poinct de la Religion comme il auoit fait, chacun l'en loueroit plûtost que de l'en reprendre. Car quelle autre meilleure réponse pouvoitil faire, quel moyen & plus court chemin pouuoit-il prendre pour ne faillir point; eustil du tout reietté la paix, & reputé ceux qui luy en parloient; ç'eust esté vn trop-mauuais conseil, qui eust esté plus accusé d'ambition qu'attribué à zele de Religion, & duquel fes amis & compartisans euflest peu estre plus assigez, que plusieurs n'estimoient qu'il ne pouuoit trop justifier ses actions & intentions, quoy qu'il pretendoit faire; que c'étoit le moyen de releuer ses amis de peine, & les lier à sa fortune, & affoiblir ses ennemis, qu'il sçauoit qu'elle estoit l'assection que les Espagnols luy portoient : car Monsieur le President Ianin l'en auoit éclaircy au retour d'Espagne, le dessein qui auoit causé la mort du President Brisson l'en auoit consirmé, & depuis les comportemens dudit Duc de Parme en son endroit, l'ayant delaissé à Rouen quasi comme vn homme perdu, dequoy ils eussent esté bien aises d'estre depeschez, que desia le Cardinal de Plaisance & les Partisans desdits Epagnols parloient ouuertement de preferer Monsieur son nepueu à luy, voire d'en faire vn Roy auec l'Infante à ses dépens, se reuestissant & couronnant de ses trauaux,

204

sans auoir égard à ses merites, dont ils faisoient peu de conte, parce que c'estoit leur honneur, c'est à dire, qu'il ne vouloit laisser vsurper l'Estat; qu'estant tel leur but, & Iuy si mal auec eux, sans espoir d'y estre mieux, qu'à la ruine de la France; pourquoy se pouuoit-il arrester dauantage à eux, poquant auec honneur & vtilité tres-grande pour luy & pour les siens, conseruer la Religion & le Royaume en leur entier? que le Roy auoit promis, & estoit resolu d'enuoyer à Rome pour contenter le Pape au fait de la Religion; que ce deuoir engendreroit sa conuersion ou sa ruine, d'autant que manquant à celle-là, il estoit tres-ceruain que les Catholiques qui le seruoient ne faudroient de l'abandonner, dont s'ensuiuroit sa ruine à la gloire dudit Duc, lequel aussi auoit meilleure part que tous autres en sa conversion si elle aduenoit, de sorte qu'il ne pouvoit faillir d'attendre quel seroit le succez de cette recherche afin d'en faire son profit; mais qu'il feroit encore mieux de son costé, s'il le fauorisoit à Rome, comme quelquefois il m'auoit fait écrire par ledit sieur President auoir volonté de faire: que ie l'estois venu trouuer exprés pour apres auoir rendu conte de ma negociation, sçauoir la deliberation, & ce qu'il vouloit que ie fisse, tant pour le public que pour son particulier, estimant que sa Majesté n'épargneroit chose aucune qui fust en sa puissance & jugeast raisonnable pour le contenter.

Monsie versh l'on m'eust donné dequoy ce faire, i'en eusse paré ma remonstrance, la

quelle euft eu bien meilleure grace, & n'euft peut-estre esté inutile comme elle sut ; mais ie ne pouuois sans mentir en la déguisant sortir des termes genereux, puis que Monsieur le President Ianin m'auoir écrit ne luy auoir ofé parler des premieres oquertures que i'auois fait audit sieur du Plessis, & qu'il ne m'auoit fait donner aucune charge ny réponse sur les dernieres. Or comme il est Prince tres-aduisé, il prit party incontinent, & me dit, qu'il reconnoissoit bien que le Roy ou ses serviteurs ne vouloient point la paix, & qu'ils n'en auoient parlé que pour la ruiner, s'estant seruy de sa franchise pour le diuiser d'auec les siens, & luy faire perdre l'honneur & le credit: Car il ne se passoit iour qu'il ne receust quelques aduis de l'alarme qu'on leur auoit donné de ma negociation, & du mécontentement d'vn chacun: mesme il m'en fit voir plusieurs lettres de ses parens, qui se. plaignoient qu'il faisoit ses affeires non seulement sans eux, mais à leur dommage, que Monsieur le Legat l'en blâmoit, partant comme faisoient les Ministres du Roy d'Espagne, & plus que nous autres les deputez venus des Provinces à son mandement, lesquels disoient tout haut que c'estoit vrayement trahir la cause que de preuenir le jugement & la resolution de l'assemblée, estant à la veille de la faire, comme ils l'accusoient de faire, & que chacun alloit bastissant sur cela des desseins à part, tous à ses dépens, où ie n'étois pas aussi oublié: que je sçauois toutesois gu'il n'auoit point cu l'intention mauuaile,

306

comme il vouloit aussi répondre de la mien-ne; qu'il auoit desiré & demandé d'estre as-seuré de la conuersion du Roy, qu'il nommoit de Nauarre, & des moyens de confer-uer la Religion & le party; qu'au lieu de la-dite asseurance l'on auoit proposé de remettre le tout au Pape, ce qu'il auoit approuué, croyant comme ie luy auois remonstré qu'il ne deuoit estre blâmé, & qu'il ne pouuoit faillir en ce faisant: qu'en parlant de son particulier, il n'auoit oublié celuy de Messieurs ses parens, ny le contentement & interest du Roy d'Espagne, & des autres Princes qui l'auoient secouru, non plus que de ses autres amis, desquels aussi il ne se vouloit separer, quoy qu'il peust arriuer, aimant mieux manquer à soy-mesme & à ses enfans, qu'à l'obligation qu'il leur auoit, ny à vn feul poinct de deuoir enuers la Religion & le public, que les ouuertures qui auoient esté faites estoient aussi venuës de moy & non de luy, non pour faire tort à personne, mais pour sonder quel moyen il y auoit de composer les affaires; qu'il me remercioit de la peine que i'en auois prise, & m'asseuroit n'auoir pour tous ces bruits changé d'intention, tant il desiroit seruir au repos du Royaume, en conseruant & asseurant la Religion & le party Catholique; mais qu'il ne pouvoit plus traiter ny conferer auec personne des moyens d'y paruenir qu'il ne sceust l'intention du Pape sur l'instruction & conversion de sa Majesté, & qu'il n'en eust communiqué auec ceux du par-ty, lesquels il esperoit assembler bien-tost

pour prendre auec eux vne resolution sur le general, pour apres ne s'en departir iamais: qu'il me prioit de voir sa Majesté, toutesois le plus à propos & secrettement que ie pourrois, pour suy dire sa deliberation, & que c'estoit le tromper que de luy promettre la paix, ny que ceux de la Ligue le reconnussent iamais, qu'il ne fust Catholique, reconcilié à l'Eglise; estant certain que quand il se dis-penseroit d'en vser autrement, il seroit suiu de si peu de gens, que les miseres publiques augmenteroient plûtost qu'elles ne finiroient; partant sa Majesté deuoit penser à elle sans le flatter, ny plus s'attendre qu'autre peust remedier au mal qu'elle: qu'il approuuoit pour cette cause que l'on enuoyast à Rome; que Monsieur le Cardinal de Gondy prist cette peine, & que le Marquis de Pisany y fust employé; que de son costé il y depescheroit & feroit ce qu'il devoit, mais que la diligence estoit tres-requise, afin d'estre éclaircy de l'intention de sa Saincteté à l'ouverture de l'assemblée, qu'il estoit resolu dedans vn mois ou deux au plus tard : qu'il me prioit luy faire sçauoir aussi le plustost que le pourrois la derniere volonté & réponse de sa Majesté touchant sa conversion, pource que n'en estant asseuré il falloit qu'il aduisast à prendre quelqu'autre party, les choses ne pouuant plus temporiser ny subsister en l'estat qu'elles étoient, à cause du mécontentement que les Espagnols auoient de ce qu'il ne les assistoir en leur dessein selon leur desir, des forces & moyens desquels il ne pouvoit se passer, partant qu'il les vouloit ménager & conseruer auec ses autres amis; qu'il en sçauoit & auoit le moyen graces à Dicu, sans plus donner barre sur luy à ses ennemis, comme il auoit sait se siant en leur parole, & pensant, bien faire.

L'a mesemble n'y auoir que repliquer à cette réponse, veu le tort qu'on luy auoit fait, & le peu de moyen qu'on m'auoit donné de le contenter en sa protestation, de vouloir continuer à seruir à la paix de tout son pouuoir, joint que ledit President Ianin auec lequel i'auois conferé plus particulierement, m'auoit dit qu'il estoit attaché à ce but, & qu'il n'y auoit plus de moyen de l'en faire departir, dont il accusoit les autheurs desdits bruits, & les enuies & ialousies de la Cour, en laquelle i'appris que l'on auoit plus blâmé & trauersé ma poursuite qu'en nul autre endroit.

Lors aucuns mirent en jeu vne nouuelle pratique aucc Monsieur le Cardinal de Bourbon, mais ledit Duc ne s'y vouloit engager non plus que l'autre, soit qu'il n'en eust point d'enuie, comme certainement il n'auoit iamais eu, ou qu'ils craignist d'offenser les Espagnols & ses parens, en ce faisant, autant que s'il prestoit l'oreille à sa Majesté: car ils estoient aussi contraires à l'vn qu'à l'autre: ou qu'il vouloit remettre toutes choses à ladite assemblée, comme pourroit bien témoigner Monsieur le Comte de Brissac & d'autres qui y estoient employez,

De làie reuins à Alincour en delibera-

D'ESTAT. tion de voir sa Majesté, & m'acquitter de la charge que ledit Duc m'auoit donnée, dont l'aduertis ledit sieur du Plessis, lequel me sir parler à Gisors, ce sut de nuit, afin d'estre moins veu; toutefois chacun ne laissa de le sçauoir le lendemain, apres luy auoir rendu compte sommairement de tout ce que i'auois negocié auec ledit sieur du Plessis, & des moyens que l'auois tenus pour renforcer cette negociation. Ice luy dis les plaintes dudit Duc, fondées sur les faux bruits & le manquement de sa parole, sa resolution de ne plus traiter ny faire conferer auec luy & ses seruiteurs qu'il ne sceust la volonté du Pape sur fon instruction & conversion, & qu'il n'en eût communiqué auec ceux du party, qu'il m'auoit asseuré n'auoir toutefois changé d'intention de bien faire, & que ie croyois en verité qu'il n'estoit encore engagé auec les Espagnols, mais que i'estimois qu'il seroit contraint de ce faire bien-tost, si sa Majesté ne contentoit le Pape pour sa Religion en se reconciliant à l'Eglise : car ie reconnoissois qu'il estoit resolu de ne faire iamais accord auec elle qu'elle n'eust changé de Religion, me l'ayant dit ouuertement afin de l'en aduertir; & dauantage, qu'il ne pouuoit plus prolonger ny remettre sa resolution à vn autre temps, tant il estoit pressé d'vn chacun, & connoissois aussi que le party en auoit besoin: partant ie suppliois sa Majesté d'y donner ordre sans plus promettre autre chose, quoy que d'autres suy fissent entendre que sedit

Duc m'auoit donné charge de luy mander si-

delement saderniere volonté, & la réponse qu'il me feroit pour sur icelle aduiser à ses affaires, afin de ne demeurer entre deux selles; au moyen dequoy ie la suppliois de me la faire telle que ledit Duc n'eust occasion de boucler auec d'autres, comme ie sçauois qu'il en estoit sollicité, luy representant sur cela combien il luy importoit d'éteindre ce feu à quelque prix que ce fust, & là où elle ne le pourroit faire, que l'on reconnust au moins n'estre sa faute, comme plusieurs l'en accusoient à cause de sa Religion, que si elle auoit à changer, elle ne deuoit attendre à ce faire que le party tout ensemble eust engagé sa foy ailleurs, comme il estoit à la veille de ce faire, & seroient contraints d'accomplir sous pretexte de la Religion & par necessité que la Majesté aduançast donc les voyages de Rome, comme elle auoit arresté; que si elle n'y mettoit la main elle mesme, le preuoyois qu'ils seroient rompus ou retardez, parce que ie verrois plusieurs Catholiques & Huguenots qui ne les approuueroient; & neantmoins ores qu'ils deussent estre inutiles, ie les jugeois estre du tout necessaires pour acheminer les affaires, & apporter quelque esperance & consolation aux gens de bien qui desiroient la paix, & non la subuersion de l'Estat qui estoit abboyé d'infinis, de part & d'autre: que ledit Duc m'auoit promis d'y depescher de son costé, & faire vn bon office, mais i'estimois qu'il'attendoit de mes nouuelles deuant que de faire partir les gens, pour selon cela leur commander ce qu'ils auroient à faire.

S A Majesté me dit le déplaisir qu'elle auoir desdits bruits; qu'il ne sçauoit à qui s'en prendre, mais qu'elle reconnoissoit assez n'7 auoir faute de gens auprés d'elle comme ailleurs: qui craignoient autant la paix & la prosperité de ses affaires, qu'elle la desiroit, & que cette faute n'estoit venue d'elle & de son consentement, ny à son aduis de ceux qu'il y auoit employez, voulant entendre ledit sieur du Plessis, que puis que Monsieur de Mayenne ne vouloit continuer à traiter que le Pape n'eust parlé & qu'il n'en eust eu communiqué auec ses partisans; qu'elle feroit partir au plûtost Monsseur le Cardinal de Gondy, le Marquis de Pinay, & qu'il ne seroit rien obmis de sa part pour contenter le Pape & les Catholiques qui affectionnoient son instruction, ie creusse qu'elle y marchoir de tres-bon pied & non pour crainte de ses ennemis, ou pour mieux faire ses affaires, mais pour le desir qu'elle auoit de contenter ses subjets, les déliurer de la guerre, & mettre son ame en repos, comme elle feroit paroistre par esfet. Mais que ledit Duc deuoit prendre garde que l'assemblée qu'il pretendoit faire fust composée principalement de per-sonnes de qualité & d'honneur, autrement elle preuoyoit qu'il s'y prendroit des resolutions tres-perilleuses pour le Royaume & pour luy-mesme, qu'il se vouloit contenter de m'en donner aduis, estimant que Monsieur de Mayenne en feroit aduerty,& qu'il y pournoyeroit comme chose qui luy importoit autant ou plus qu'à nul autre : que chacun luy

312 disoit que ledit Duc estoit si engagé auec les Espagnols qu'il ne s'en pouvoit plus separer, que le Comte de Brissac l'auoit dit à S. Luc, que le Legat le disoit tout haut, & qu'il se mocquoit de tout ce que ie disois & faisois; toutefois qu'il ne se vouloit arrester à tout cela, considerant les raisons qui le deuoient garder de se ietter à tel precipice: la candeur & franchise en laquelle elle reconnoissoit maintenant que i'y procedois, dont elle auoit plus de contentement qu'elle n'auoit eu cydeuant, aussi que le temps découuriroit asseztost la tromperie ou dommage de celuy qui en seroit l'autheur, sans qu'il fust besoin d'aller au deuant; que si ledit sieur de Mayenne se vouloit accorder auec elle, il s'en trouueroit rres-bien: caril le contenteroit d'honneurs & de biens, plus qu'il n'en tireroit iamais d'autre,& melmes deldits Espagnols, lesquels le haissoient & déchiroient autant qu'ils pouvoient, encore qu'il fust meilleur Capitaine qu'eux tous ensemble, & qu'il eust trop fait pour eux; qu'elle me prioit luy faire sçauoir sa réponse & volonté, de crainte qu'il ne s'engageast ailleurs, & que ie continuasse à y faire tous bons offices comme i'auois commencé, me promettant de le reconnoistre. En verité sa Majesté me tint ce langage d'vne telle franchise & de si bonne façon, que ie creus certainement qu'elle parloit selon son cœur, me faisant paroistre qu'elle auoit non seulement goûté mes raisons, mais aussi qu'elle auoit volonté de contenter les Catholiques, dont ie partis tres-satisfait, me con-

tontant

tentant de la laisser en cette deliberation, & la supplier sur tout d'aduancer les dits voyages de Rome, comme chose necessaire pour

donner allegement aux affaires.

APRES cela ie suppliay sa Majesté me donner vn passe-port pour me retirer en ma maison en attendant ladite assemblée, & le retour de Monsieur de Mayenne à Paris, parce que ie ne voulois y aller, tant à cause desdits Espagnols qui y estoient, lesquels Monsieur de Mayenne m'auoit dit y auoir esté receus contre sa volonté, & qu'il en sçauoit tresmauuais gré au Preuost des Marchands, Escheuins, & mesmes à Monsieur de Belin, lesquels il disoit s'estre laissez surprendre en ccla par ceux qui fauorisoient lesdits Espagnols, contre ce qui leur auoit mandé par le heur de Bourg, lequel il auoit enuoyé vers eux exprés pour cet effet; & parce que ie ne voulois estre sujet de rendre compte de ce que i'auois negocié à autre qu'audit Duc de Mayenne., dequoy allant là il seroit impossible de m'exempter à cause des bruits qui y couroient de ma negociation, qui augmenteroient bien dauantage quand I'on Içauroit que i aurois parlé à sa Majesté, dont iene doutois point que toute la ville ne fust bien-tost abreuée, comme il aduint. Sadite Majesté m'accorda ledit passe-port, mais elle me sit promettre que si ie connoissois que ledit Duc n'eust volonté de traiter auec elle en pouruoyant au poinct de la Religion, comme aucuns disoient, que ie l'en aduertirois, asinqu'elle ne s'y attendist plus, & qu'elle adui-Tome I,

314

sast à contenter ses subjets, & pouruoir par

autre voye à ses affaires.

Le bruit de ma negociation auoit tellement émeu tout le monde, que Monsieur de Mayenne me manda auoir esté contraint d'en donner aduis par tout, asseurant vn chacun qu'il ne traiteroit rien sans l'authorité du Pape, l'aduis des Princes souuerains qui assissionent le party, & de l'assemblée qu'il esperoit tenir bien-tost, comme celuy qui auoit eu pour visée de ses actions sa conscience, son honneur, & l'vtilité publique, sans laquelle, & le salut commun de tous; il n'en vouloit point esperer pour luy, n'en auoit iamais recherché à part, & n'en rechercheroit iamais ailleurs qu'auec tout le party, & m'enuoya vn double de la lettre pour en répondre.

MESDAMES de Montpensier & de Guise m'enuoyerent aussi Bremont Secretaire, exprés pour me dire, qu'en traitant les affaires
de Monsieur de Mayenne, i eusse se les de monsieur de Guise, & mesme de proposer son mariage auec Madame sœur du
Roy, moyennant quoy elles esperoient qu'il
reconnoistroit le Roy, & le seruiroit tres-sidelement. Ie sis réponse audit Bremont, que
Monsieur de Mayenne n'alloit pas si viste en
besongne que les dites Dames pensoient; que
i'auois bien discouru auec aucuns seruiteurs
de sa Majesté des moyens de pacifier le Royaume, en quoy ie n'auois oublié les affaires
de Monsieur de Guise non plus que celles des
autres, ayant tousiours reconnu que ledit
Duc de Mayenne en estoit aussi soigneux que

des siennes propres, mais que i'auois fait cét office de moy-mesme, desireux de la paix publique, & du bien & contentement desdits Princes, dont ayant rendu compte audit Duc, il m'auoit remercié, & prié toutefois de ne passer outre: qu'il desireroit enuoyer à Rome pour sçauoir la volonté du Pape sur le tout,& pareillement en conferer auec les Princes & l'assemblée du party, deuant que de s'engager en ce traité. Quoy estant, comme ledit Duc m'auoit lié les mains, ie nd pouuois ausse traiter pour ledit Duc de Guise, ny autre, & n'estois d'aduis que lesdites Dames en vsassent aucunement. Voila comme ma poursuite & les bons aduis que l'on en avoit donné à Paris, auoient réueillé & mis la puce à l'oreille à tout le monde, & comme chacun pensoit bien autant à ses affaires particulières qu'aux publiques, dont i'eus en somme grand mal au cœur. l'aduertis ledit Duc de Mayenne des bons propos que sa Majesté m'auoit tenus, & encore que par iceux il ne me donnast asseurance de sa conuersion; neantmoins ie luy voulus mander que i'estimois qu'elle estoit resoluë de donner contentement aux Catholiques, puis qu'elle vouloit que Monsieur le Cardinal de Gondy & Monsieur le Marquis de Pilany allassent à Rome, esperant que l'vn en engendreroit l'autre, afin qu'il bastist sa resolution sur ce fondement, sans s'arrester ailleurs : le luy écriuis aussi que sa Majesté enfin prist en bonne part le delay de negocier, qu'il auoit demandé pour auoir loisir d'enuoyer à Rome & conferer auec ses

partisans en ladite assemblée, sans oublier le commandement que sa Majesté m'auoit fait; qu'il prist garde de la composer, de saçon qu'il n'eust occasion de s'en, repentir pour son particulier, & pour le public de l'auoir conuoquée pour les raisons qu'il luy auoit plû me dire.

ALLANT en ma maison, ie vis ledit Cardinal de Gondy à Noisy pour s'informer de tout ce que i'auois fait, & appris depuis nostre veue, tant auec sa Majesté qu'auec Monsieur de Mayenne, & le supplier de haster son voyage, luy remonstrant combien il estoir presse à cause de ladite assemblée, que ledit Duc pretendoit commencer dans vn mois ou deux au plus tard, & de l'enuoy qu'il faisoit à Rome de Monsieur l'Euesque de Lisieux & Desportes, lesquels ie desirois n'arriver là plustost que luy, encore que l'on m'eût asseuré qu'ils n'y estoient enuoyez que pour sousmain secourir & fauoriser le bien. Le sieur Zamet se trouua lors à Noisy, qui sit pareil office enuers ledit Cardinal que moy. Ledit Cardinal nous fit voir des lettres qui venoient d'Italie : par là on luy donnoît occasion d'esperer vn bon succez de son voyage, dont ie fus tres-aise: car c'estoit ce que ie desirois le plus, & reconnoissois aussi pouuoir plus aduancer nostre repos, d'autant que s'il plaisoit à sa Saincteté d'entreprendre & fauoriser ladite assemblée, c'estoit sans doute que personne ne pourroit l'empescher, tant chacun estoit desireux & disposé de l'embrasfer,

Le Cardinal de Plaisance & ses Espagnols ne pouvoient gouster aucunement lesdits voyages de Rome, lesquels ils blâmoient & trauersoient ouuertement. Ie m'apperceus bien-tost aussi qu'ils vouloient r'amadouer ledit Duc de Mayenne, voyant qu'il com-mençoit à se bien porter, peut-estre contre leur esperance, craignant qu'il s'engageast à traiter auec sa Majesté deuant ladite assemblée, de laquelle ils se promettoient merueilles, de sorte qu'ils refuserent à Monsseur de Guise le commandement des forces que le Duc de Parme auoit laissée en Champagne, encore que ce fust en son gouuernement, que ledit Duc en fist grande instance durant l'absence & indisposition de Monsieur son Oncle, & qu'ils eussent grande enuie de l'aduancer, & vouloient que le sieur de Rosne y commandast en qualité de Mareschal de Camp de l'armée. Ils commencerent aussi à mettre en auant sous-main plusieurs sortes d'honneuts & aduantages qu'ils disoient vouloir faire audit Duc de Mayenne, afin de le retirer:Voila le fruict que produisoient les bruits que l'on auoit semez de ma negociation, qui ont plus nuy au public, que n'y seruiroit iamais les autheurs d'iceux.

LEDIT Duc estant marry & ayant failly l'entreprise de Quillebœuf, prit le chemin de Picardie par la ville de Beauuais, & enuoya à Paris ledit President Ianin, où ie me rendis incontinent à sa priere, & sur l'aduis qu'il me donna que ledit Duc y deuoit arriuer bien-tost apres.

It me dit que Monsieur de Mayenne vouloit voir Monsieur le Duc de Lorraine, & afsembler tous ses parens auprés de luy, pour aduiser & resoudre ensemble ce qu'ils seroient en ladite assemblée, deuant que la commencer, comme il vouloit faire au plûtost, tant pour l'esperance qu'il auoit qu'elle seroir tres-vtile au public, & pour contenter ledit Cardinal de Plaisance & les Ministres du Roy d'Espagne, qui l'en pressoient extremement, afin d'estre resolu & éclaircy de ce que

l'on vouloir faire pour le Roy.

On parloit lors de tenir ladite assemblée à Soissons à Reims pour la commodité du Duc de Parme, lequel s'y deuoit trouuer: mais Monsieur de Mayenne fut conseillé de la faire tenir à Paris, sans auoir égard aux dangers des chemins, ny à la chereté & in-commodité des viures, tant pour contenter les habitans de la ville qui en faisoient tresgrande instance,'& par ce moyen les consoler & tenir en deuoir, dont ils auoient besoin, pour rendre ladite assemblée plus libre, & ne hazarder ladite ville de Soissons ou de Reims. Car l'on consideroit que ledit Duc de Parme y venant accompagné selon sa coûtume, pouuoit s'en faire maistre, & mesme tiendroit l'assemblée en subjection, ce qui luy seroit difficile de faire en ladite ville de Paris, tant pour sa grandeur que pour estre plus éloignée de la Frontiere, & enuironnée de villes & places du party de sa Majesté, rem-plies de forces & garnisons, desquelles en vn besoin l'on pouuoit estre assisté pour empescher vne violence; ioint que la dite ville de Paris estoit plus disposée au bien qu'elle n'auoit encore esté, combien que les zelez y continuassent leurs jeux accoustumez sous la
protection & faueur des garnisons Espagnols,
car le reste de la ville estoit las d'eux & de la
guerre; ce sut ledit President Ianin qui sut
autheur de ce Conseil pour les raisons susdites, & pour auoir reconnu que la presence
dudit Duc en la dite ville y estoit necessaire
pour la seureté d'icelle, a cause des diuers
mécontentemens dont elle estoit agitée, les
vns sondez sur la trop longue continuation
de la guerre, & les autres sur ce que l'on n'é-

lisoit assez-tost vn Roy à leur poste.

CE Conseil fut incontinent embrassé dudit Duc de Mayenne, au grand déplaisir des Espagnols qui vouloient nommément ladite afsemblée estre tenuë en lieu où ils peussent estre fauorisez de l'armée qu'ils faisoient venir; & croy que si ledit Duc de Parme, leques mourut en ce temps eust vécu, qu'il n'eust permis le changement que les autres Mini-stres dudit Roy n'eurent apres sa mort pouuoir d'empescher, ioint qu'ils furent persuadez par leurs partisans de ladite ville de Paris, lesquels comme ils n'ont iamais eu faute de presomption, cuidoient aussi estre assez forts pour tourner ladite assemblée à leur volonté, & troubler ladite Ville; mais ils s'y font trompez comme en plusieurs autres choses, & tiens tres-asseuré que ce coup fut donné tres à propos pour le salut du Royaume. Car si ladite assemblée eust esté tenue ailleurs, l'on eust gourmandé les gens de bien; & tiens pour certain que l'on eust fait cette Royauté, qui nous eust rendus irreconciliables pour iamais, & du moins lesdits estrangers se sussent rendus maistres de la ville où elle eust esté tenuë.

I E demeuray à Paris vn mois ou six sepmaines attendant la resolution, car ie la reconnoissois d'importance, comme i'ay dit, & repris apres le chemin de ma maison, où i'entendis que nostre Saint Pere auoit mandé à Monsieur le Cardinal de Gondy, & audit Marquis de Pisany, 'den'aller à Rome, que Desportes avoit entierement trauerfé leurs voyages contre l'esperance, voire l'asseurance que l'on m'auoit premierement donnée, puis moyaudit Cardinal. Que le Cardinal de Pelleué. venoit en ladite assemblée pour y presider comme Archeuesque de Reims & Cardinal, plein de fiel & de haine contre la maison de France, & que de toutes parts l'on y faisoit venir des gens qui preschoient la guerre, & qu'il falloit promptement créer vn Roy au gré du Roy d'Espagne, que ledit Roy y en-uoyoit aussi ledit Duc de Feria, accompagné d'vn Docteur, exprés pour debattre nostre loy Salique, & nous demander la Couronne pour leur Insante. Qu'il faisoit entrer en même temps en ce Royaume vne armée nouuelle pour fauoriser ses partisans & ses desseins, lesquels estoient pour cet esset assectionnez du Cardinal de Plaisance au nom de sa Saincteté, & que de toutes parts l'on faisoit des menées aux Villes, & enuers les Princes de la

32 I

maison de Lorraine pour faire vn effort à l'ouverture de ladite assemblée, au contentement dudit Roy d'Espagne : dequoy ie fus tres-marry, connoissant que le secours de Rome nous manquoit en cette occasion, & que tant de ressorts estoient bandez contre le Roy, que les gens de bien-auoient prou d'affaires à souffrir, & ne sçauoient en cette perplexité quel conseil prendre pour y remedier, joint qu'il ne nous apparoissoit encore aucuns signes de la conuersion de fa Majesté. Ie connoissois bien que le general du Royaume estoit las de la guerre, que le nombre de ceux qui desiroient la paix croissoit tous les iours, qu'il seroit tres-difficile faire gouster & receuoir aux François vne domination estrangere : qu'il ne seroit pas plus facile d'accorder lesdits Princes au choix d'vn de leur maison pour souverain, ny de les faire departir de leurs esperances en faueur d'vhi Prince de la maison de France Catholique: Toutefois comme sa Majesté de son costé ne s'aydoit point, mais estoit sous-main blasse mée & trauersée d'aucuns qui la suiuoient; enfin ie m'auisay pour ne nous laisser du tout aller aux torrens de cette consusion, de proposer & moyenner que les Catholiques seru teurs de sa Majesté recherchassent ceux de ladite assemblée à l'ouverture d'icelle, d'yne confiance, pour ensemble aduiser aux moyens plus propres pour conseruer la Religion Catholique & le Royaume, esperant que non seulement elle seroit approuuée de part & d'autre, comme chose qui ne pouvoit estre

justement blaméeny refusée, mais aussi qu'elle pourroit engendrer des effets qui nous deliureroient de ce peril, dont ie donnay aduis au sieur de Fleury mon beau-frere, afin qu'il fist sçauoir à Monsieur le Duc de Neuers, ou à tel autre qu'il aduiseroit estre à propos auprés sa Majesté, que nous defaillant le secours du Pape, il ne nous restoit autre moyen de nous garantir que cettui-cy, lequel fut incontinent & certes soigneusement & soudainement embrassé, & mesmes sondé fort à propos sur la declaration que sit publier lors Monsieur le Duc de Mayenne, par laquelle il sembloit qu'il conviast luy-mesme lesdits Catholiques à vne generale reunion pour mesmes effets. Sur cela i'aduançay mon acheminement à Paris, exprés pour en conferer auec Monsieur de Lion qui y estoit arriué, & ledir sieur President Ianin, lesquels à l'abord approuuerent les aduis, & mesmes me prierent de faire exhorter lesdits Catholiques d'en vser, comme l'écriuis soudain audit sieur de Fleury.

I e me trouuay à l'ouuerture de ladite affemblée, exprés pour fauoriser les conseils des gens de bien, & m'opposer aux autres, & fus appellé au Conseil quand la lettre & proposition desdits Catholiques sur faire pour obtenir ladite Conserence, qui sur receue, ouuerte & leue desdits Cardinaux de Plaisance & de Peleue; & auce eux Dom Diego d'Ibarra Ministre du Roy d'Espagne, deux Prelats estrangers de la suite dudit Cardinal de Plaisance, Messieurs de Lion, de Rosne, de Belin,

de Tauanes, Ianin, & quelques autres du conseil dudit Duc, qui estoit au lict malade: soudain apres la lecture faite par ledit President Ianin, ledit Cardinal de Plaisance se leua, & fans aucune consultation & deliberation, dit en colere que cette proposition estoit pleine d'heresie, sortant de mains heretiques, & que ce seroit heresie d'y auoir égard & s'y arrester, partant qu'il falloit la regler, & plûtost faire punir celuy qui l'auoit apportée que d'y faire réponse; ce qui fut approuué dudit Cardinal de Pelleué, & grandement loué dudit Dom Diego: toutefois sur ce qu'il sut remonstré que ladite lettre ne s'adressoit pas seulement à Monsieur de Mayenne, mais aussi à tous ceux de ladite assemblée, partant il falloit aduiser si l'on la leur communiqueroit ou non, deuant que de la reietter, d'autant que le Trompette d'icelle auoit dit à la porte de ladite Ville qu'il estoit chargé devn écrit de la part des Catholiques qui estoient auprés du Roy, s'adressant à ladite assemblée, de sorte que chacun en estoit dessa abrei ué: Il estoit à craindre que les deputez se mécontentassent, si à l'ouverture de ladite assemblée qui deuoit estre libre, l'on leur celoit vne telle chose, & qu'elle fust supprimée sans leur communiquer : il fut aussi arresté que chacun y penseroit,& qu'il en seroit deliberé le lendemain, ou encore que le Cardinal de Plaisance eust renforcé la partie de quelques-vns qui auoient concerté leurs opinions auec luy deuant que de venir là, & fait prouision d'argumens pour fortisser la sienne;

toutefois il fut resolu que ledit écrit seroit apporté en ladite assemblée : ce que Monsieur de Mayenne fauorisa, '& croy que sans luy il fust passé autrement, tant cette ouverture déplaisoit aux estrangers & à leurs adherans. Ie ne puis vous representer les contestations & disputes que cette proposition engendra en ladite assemblée, parce que ie n'y fus point, à cause des brigues & partialitez dont elle étoit ja remplie, lesquelles estoient ordinairement accompagnées de reproches, aigreurs & violences insupportables à vn esprit neurry au conseil de nos Rois, comme i'ay eu l'honneur d'estre; ledit Cardinal de Plaisance qui y vouloit plustost regenter que presider, m'ayant quelques-iours deuant commencé à attaquer, parce que ie m'opposois à vn certain serment qu'il vouloit que ladite assemblée fist à l'entrée d'icelle, par lequel on s'obligcoit de ne faire iamais paix ny traité auec le Roy de Nauarre, ses fauteurs & adherans, lequel n'eust point de lieu, pource que ledit Duc sur la plainte & remonstrance qui luy. fut faite de la consequence d'iceluy l'empescha; joint que l'on auoit commencé à en distraire & bannir ceux qui n'estoient du corps des trois Ordres, contre l'ordre auec lequel l'on auoit premierement arresté de former & tenir ladite assemblée, & sur lequel les gens de bien s'y estoient embarquez. Car il auoit esté resolu que Messieurs du Parlement & des Comptes, & ceux du Conseil dudit Duc, ensemble les Princes, ceux qu'ils appelloient officiers de la Couronne, & les Gouverneurs

des Provinces y assisteroient, & que chacuir Corps feroit sa voix à part, outre celle des deputez qui prenoient le nom des Estats, composez desdits trois Ordres; ce qui auoir esté composé ainsi exprés pour contrepeser les voix de ceux-cy, lesquels estoient pour la pluspart factieux, necessiteux, & ennemis du repos public, affamez du bien d'autruy, sans experience ou jugement aux affaires publiques, éleus & venus exprés pour fauoriser les desseins desdits Espagnols : toutefois ils auoient tant de pouuoir, qu'apres auoir fait renuerser la deputation des Ecclesiastiques de Paris contre les formes ordinaires, ils avoient aussi commencé d'exclure de ladite assemblée lesdites compagnies, du moins rendu leur affistance inutile, parce que leurs voix n'estoient plus comptées. Dauantage l'on ne donnoit loisir aux particuliers d'opiner, ie dis à ceux desdites compagnies que l'on vouloit assujettir à suiure les opinions des grands, de forte qu'yn homme de bien ne se pouuoit contenter ny seruir au public; aussi tout dependoit plus du bon plaisir & vouloir dudit Duc de Mayenne, encore qu'il fust souvent trauersé de quelques-vns plus que de tout le demeurant: partant ie me contentay de faire en son endroit pour faire approuuer la proposition desdits Catholiques, l'office que ie deuois à ma patrie & au public.

MAIS comme l'on estoit sur cette deliberation, Monsieur de Mayenne partit de la ville de Paris pour aller receuoir l'armée que conduisoit le Comte Charles de Mansfeld, &

pareillement le Duc de Feria auec son Docteur nommé Dom Inigo de Mendoze', & le susdit Ican Baptiste de Tassis, tous deputez pour le Roy d'Espagne pour venir en ladite assemblée, laquelle ledit Duc de Mayenne pria deuant que de partir ne deliberer des principaux affaires iusques à son retour, lequel il promettoit estre brief, remonstrant qu'il falloit attendre les Ambassadeurs de sa Majesté Catholique; Monsieur de Guise son nepueu, & plusieurs autres personnages de qualité & deputez des Prouinces qui estoient encores en chemin, deuant que de mettre en auant le point, pour lequel principalement ladite assemblée auoit esté conuoquée, qui estoit de l'élection & choix d'vn Roy, comme chose qui importoit à tous, & qui requeroit yn consentement vniuersel de tous ceux du party, & nommément dudit Roy d'Espagne, sans l'aide duquel comme le party ne s'estoit iusques alors maintenu, il estoit encores impossible de se dessendre à l'aduenir, ny faire ladite élection sans luy : à quoy il adjousta qu'il estoit necessaire aussi d'aller receuoir leur armée & l'employer à son arriuée, qu'elle estoit forte & gaillarde pour faire quelque bel exploit, qui fauorisast les vœux de ladite assemblée, laquelle ensin il aima mieux laisser là, que de laisser prendre à vn autre le commandement de ladité armée, auec laquelle venant à faire quelque chose de re-marque, il esperoit aussi s'en rendre plus recommandable; ioint qu'il n'estoit sans ialou-sie, que Monsieur son nepueu prist cette place sous pretexte de son absence.

LEDIT Duc m'asseura auant que partir que ladite Conference auroit lieu, donna charge à ses amis de la fauoriser & faire approuuer en ladite assemblée, non à mon aduis qu'il pensast qu'il en deust succeder ce qu'il aduint; mais parce qu'il n'estoit content du Cardinal de Plaisance ny des Espagnols, lesquels monstroient plus de faueur à son nepueu qu'à luy, & auoient des desseins contraires aux siens; il vouloit auoir plusieurs cordes en son arc pour se faire respecter & s'en seruir au besoin, estimant qu'il suy seroit facile de rendre ladite Conference inutile, toutes les fois qu'il voudroit. Neantmoins ie croy qu'apres son partement elle eust esté renuersée, si Messieurs de Lion & Ianin ne s'y fussent viuement employez, auec les gens de bien qui estoient encores en ladite assemblée : car ledit Cardinal de Pelleué ne la pouvoit gouster, & lesdits Espagitols auec leurs partisans y contredisoient ouvertement, & les Cours souueraines n'y estoient appellees qu'à la discre-tion d'aucuns, & quand elles y alloient, leurs voix estoient debattuës. Mais à la fin-ledit Cardinal de Plaisance se laissa persuader sur ce que l'on luy remonstra, que l'adite Conserence ne pouvoit estre rejettée sans faire murmurer la Noblesse & le Tiers Estar qu'ils defiroient & affectionnoient, comme ceux qui estoient las de la guerre, ne goustoient volontiers le dessein desdits Espagnols, & se persuadosent de pouuoir par cette Conseren-ce gaigner un grand aduantage pour la Re-

ligion & leur soulagement, d'autant qu'elle. estoit demandée par les Catholiques du party. contraire, afin d'aduiser auec eux au moyen de conseruer la Religion & le Royaume, dont ils esperoient qu'il aduiendroit, ou que le Roy de Nauarre seroit contraint d'obeir à l'Eglise, ou que lesdits Catholiques l'abandonneroient. De sorte que si maintenant l'onvenoit à les priuer de cette esperance en rejettans d'authorité leurs aduis & moyens, il seroit à craindre qu'ils fissent pis, attribuant ce refus à ambition plustost qu'à zele de Religion, comme plusieurs publicient desia sur les difficultez que l'on y faisoit, dont on le taxoit plus que nul autre. Mais que si l'on vouloit leur laisser éprouuer ce remede, il leur reussiroit tout autrement qu'ils n'esperoient, car ils seroient par iceluy rendus plus capables d'en embrasser apres vne autre, pourueu que l'on n'employast en ladite conference quelques personnes, de la fidelité desquelles Pon fust bien asseuré au party, comme il estoit facile de faire : car il n'y auoit aucune apparence que le Roy fust pour quitter sa Religion, estant bien aduerty qu'il n'auoit consenty l'ouverture de ladite conference que pour contenter & amuser lesdits Catholiques, au nom desquels elle auoit esté propo-sée; & allentir aussi la resolution de nostre assemblée, faisant desia dire sous main audit Duc de Mayenne qu'il la falloit reietter & empescher, comme chose qui enfin leur estoit à tous deux plus desaduantageuse qu'autre-ment : qu'il y auoit peu d'apparence d'esperez

que lesdits Catholiques quittassent le Roy par le moyen de ladite conference, refusant sa conversion: car premierement ils n'y employeroit que gens qui seroient du tout à sa denotion, lesquels ne rapporteroient de ladi-te conference autre chose que ce qu'il leur commanderoit. Secondement, comme les deputez de nostredite assemblée n'auoient charge de promouuoir ladite conversion, mais seroient plustost aduertis sous-main de se monstrer éloignez d'en faire compte, ils estimeroient que les autres se garderoient bien de la proposer, & quand ils feroient autrement, il y auoit tousiours moyen de la faire éuanouïr,& s'en deméler, en renuoyant le tout au Pape & saint Siege, de la volonté & des commandemens duquel il protestoit mourir plûtost que de se departir. Tiercement, cependant l'armée estrangere approcheroit & fe-roit quelque esset qui releueroit les courages & l'esperance des peuples, intimideroit les · Politiques, & fortifieroit les zelez : que le Duc de Feria viendroit aussi auec sa suitte, lequel auec les propositions qu'il devoit faire au nom de ce grand Roy, & les moyens que l'on disoit qu'il auoit, rendroit toutes chosesplus aisées & faciles qu'elles n'estoient; enfinque l'on pouvoit se conduire en ladite conference, de façon que le party en seroit plûtost fortissé qu'affoibly. Ce sont les raisons ausquelles le Legat se laissa vaincre: Ioint qu'il craignoit d'en estre blasmé à Rome, &: tenu en France pour estre du tout Espagnol, comme il sçauoit que plusieurs dessa le dépeis

gnoient, dont il estoit marry, parce que cela rendoit sa conduite si suspecte, que l'authorité de nostre S. Pere auec laquelle il agissoit,

en estoit moins respectée.

Le Loy fit en ce temps-là vn voyage à Tours, qui luy fut tres-preiudiciable, car il donna loisir à ses ennemis de prendre la ville de Noyon, qui fut lors attaquée par ledit Duc du Maine & le Comte Charles, & fut contraint de leuer le siege de deuant Selles en Berry auec peu de reputation, & certes tresmal à propos, sur l'enfournement de cette assemblée de Paris: Or il deuoit se monstrer plus puissant que iamais, pour renuerser les menées desdits estrangers: cela ioint aux defaueurs que le Cardinal de Gondy & le Marquis de Pisany retenoient de sa Saincteté, haussoient grandement les cœurs ausdits étrangers & à leurs adherans, lesquels estoient encores fortifiez non seulement de la division & mauuaise intelligence, que l'on sçauoit estre entre les Princes de la maison de Lorraine, lesquels en leur assemblée & conference de Reims, s'estoient plustost diuisez & trompez, que resolus & accordez; mais aussi de certaines recherches & petites menées qu'aucuns du party de sa Majesté faisoient parmy nous. Dauantage la mort du Duc de Parme, ores qu'elle cust assoibly le party d'vn grand Chef de guerre, auoit toutefois tellement remis Monsieur de Mayenne en goust desdits Espagnols, que chacun s'apperceuoit qu'il vouloit se ras patrier aucc eux, esperant que le Roy d'Espagne apres la perte d'yn tel

Capiraine & seruiteur se relascheroit de ses premiers desseins, lesquels ne pouvoient estre conduits par ses autres Ministres auec telle authorité que par l'autre; ou bien qu'il n'y auroit plus de difficulté qu'il n'eust cy-apres la principale & entiere charge des forces & deniers que ledit Roy envoyroit en France, auec quoy il pourroit faire tellement ses affaires, que s'il n'obtenoit le premier lieu, il s'establiroit si bien au second, que celuy qui seroit éleu Roy ne le seroit en effet plus que luy. Toutefois comme ledit Duc ne peût ou voulût se resoudre de quitter du tout les esperances de l'yn, dont il s'estoit tousiours repû pour s'attacher à l'autre, rencontrant à Soissons ledit Duc de Feria, accompagné dudit Docteur & de Iean Baptiste de Tassis, ils traitterent auec luy comme à celuy duquel ils ne se pouuoient bonnement fier, & luy aucc eux comme personne qui estoit irresolué de ce qu'elle deuoit faire; de façon qu'il eut beaucoup de peine d'en tirer de l'argent, & fut contraint de leur promettre des choses qu'il. ne leur obserua, ainsi qu'ils ont publié depuis.

I e m'estois retiré à Pontoise apres le partement de Paris de M. de Mayenne, attendant la resolution de ladite Conference & le retour dudit Duc, me reconnoissant inutile en ladite

ville de Paris en son absence.

LE Roy reuint trop tard pour secourir Noyon, mais aussi ladite armée estrangere se dessit en ce siege, de façon qu'ellene peût rien entreprendre depuis, dont les Parisiens se plaignoient grandement, parce qu'ils n'en receurent aucun soulagement, comme on leur auoit promis, & à son arriuée elle eust esté employée plus prés d'eux; dequoy ils accusoient ledit Duc, dont Dom Diego d'Ibarra & les zelez faisoient grandbruit, comme s'il l'eust sempesché exprés pour tenir tousiours ladite Ville en necessité, luy faire de plus en plus detester la guerre & la desesperer du secours d'Espagne: toutesois il est certain que ce su le sieur de Rosne qui sut cause plus que nul autre que ladite armée sut employée contre ladite ville de Noyon, laquelle il auoit

fans s'engager plus auant dans le Royaume.

Ladite conference arrestée de part & d'autre, Monsieur, vous sustes mandé en vostre maison par le Roy, pour y seruir, certes au grand contentement des gens de bien des deux partis pour vne probité & experience aux affaires, non moins reconnue & desirée d'yn chacun, que necessaire en cette tourmen-

failly à surprendre quelques iours deuant, & la vouloit auoir pour sa retraite: i'estime aufsi que ledit Comte Charles ne se sentant trop fort, sut bien aise d'estre arresté sur la frotiere

te & confusion publique.

Dés-lors aussi nous commençasmes non seulement à mieux esperer des affaires, mais aussi à voir vn meilleur acheminement que deuant; car comme vous eustes joint la prudence & la force, qui n'auoit encore esté pratiqué, la raison surmonta bien-tost la passion & sur le voile leué qui couuroit les artisices & déguisemens, aucc lesquels le public & les

particuliers auoient esté abusez de part & d'autres iusques alors; à quoy si on eust pourueu plûtost, nos maux n'eussent pas tant duré. La conference fut commencée sur la sin du mois d'Avril, & cette premiere petite tréve aux enuirons de Paris, accordée deuant le retour dudit Duc de Mayenne qui n'en sut pas content, soit que l'on se sus plus aduancé, ou que l'on eust plus entrepris qu'il ne desitoit, ou que la joye qu'il trouua qu'en demenoient les Parisiens, luy apportast quelque

crainte & apprehension de l'aduenir.

I E ne sus comme vous sçauez à l'ouuerture de ladite conference, parce que ie ne fus compris au premier nombre des deputez, pour lesquels on auoit demandé passe-port, encore que l'on m'eust mandé que ledit Duc de Mayenne m'auoit nommé & écrit de m'y trouuer de sa part: mais M. de Belin y fut employé en la place que l'on m'auoit ordonnée, par l'aduis d'aucuns, que pour mon absence il fut jugé à propos d'en vser ainsi, & pour complaire aussi aucunemet ausd. Espagnols & Zelez, lesquels ne m'y desiroient pas; car i'étois trop découuert d'eux; toutefois i'y fus adjoustédu depuis, mais ayant reconnu qu'on se vouloit seruir de ladite conference, plus pour abuser le monde que pour bien faire au public, ie voulois attendre le retour à Paris de Monsieur de Mayenne deuant que d'y retourner pour me joindre aux Conseils des gens de bien auprés de luy, sans aller en ladite conference, connoissant, comme i'ay dit, que l'on n'y marchoit de bon pied.

Monsieve, vous sçauez mieux que personne quelle en a esté la conduite, & ce qui s'est passé, partant il ne m'appartient d'en parler deuant vous, ie diray seulement que la patience dont sa Majesté vsa en icelle par vostre aduis & des gens de bien qu'elle y employa durant & depuis le siege de Dreux, sur cause d'vn grand bien, car chacun commença à louier sa bonté & à reconnoistre & detester la foiblesse, la presomption & l'imprudence desdits Espagnols, mesmes quand ils s'opposerent à la trève proposée au nom de sa Majesté, par le moyen de laquelle l'on eust sauué ladite ville de Dreux, qu'ils ne peurent secourir faute de forces : mais ils aimerent mieux boire cette honte, que d'approuuer ou tolerer ladite trève, tant ils craignoient qu'elle engendrast la paix, voyant le peu de conte que l'on auoit fait de leurs propositions, & que ledit Duc de Mayenne ne les assistoit en leurs pretensions comme ils desi-roient; joint qu'ils esperoient suivant seurs premiers conseils nous persuader & auoir plûtost par necessité que par raison, tant ils se defioient de nous & d'eux-mesmes, & connoissoient mal nostre naturel François.

NEANTMOINS ils furent si mal aduisez & temeraires qu'ils ne laisserent de faire proposer & déduire en pleine assemblée les droits & pretensions de leur Infante sur ce Royaume, & demander la Couronne pour elle & l'Archiduc Ernest, les marians ensemble; dont aussi ils furent mocquez & blâmez d'yn chacun, & mesmes repris d'aucuns qui

leur auoient esté affectionnez, voyant contre leur esperance qu'ils nous vouloient faire violer nos loix, & rendre nos maux eternels pour contenter leur ambition, & se garantir à nos dépens sous pretexte de pieté, encore estant foibles, haïs & méprisez comme ils estoient, & non pressez & desesperez comme nous estions, tout ainsi que s'ils eussent cu à faire à gens perdus, & sans sentiment & memoire des belles & precieuses protestations qu'ils nous auoient faites du commencement de la guerre, que leur Roy ne pretendoit rien en ce Royaume, & qu'il ne nous assistoit que par zele de Religion, & pour empescher le regne d'vn heretique sur vn peuple si Chrestien qu'estoit celuy de la France. Ce qui leur fur depuis reproché assez à propos en vue assemblée particuliere par vn Prelat qui les auoit tousiours crûs à leur parole, leur disant qu'ils auoient par cét acte découuert leur turpitude, dequoy ils furent plus scandalisez que dissuadez.

Tovtefois voyant que nos oreilles Françoises ne pouvoient entendre cette domination du tout estrangere, ils offrirent peu apres, qu'élisant leur Infante Reine, ils la marieroient à vn Prince François en y comprenant ceux de la maison de Lorraine, au choix de leur Roy, lequel ils rendirent apres en secret à Monsieur le Cardinal de Lorraine ou à Monsieur le Duc de Guise, pensant par ce moyen nous faire franchir le sault qu'ils desiroient. Cecy sur receu diversement, & vous asseure que s'ils eussent esté aussi rusez

qu'ils pensoient estre, la beste estoit prise, car l'on leur offroit sur cette ouverture d'élire dés à present en ladite assemblée ladite Infante Reine, coniointement & solidairement auec Ie Prince susdit, que sa Majesté Catholique choisiroit pour l'épouser; à condition toutefois que la declaration & publication seroit sursise insques à ce que ledit mariage fust accomply: & pour ce qu'ils remonstrerent, qu'ils ne vouloient que ladite Infante pour sa dignité, partist d'Espagne deuant ladite declaration, l'on adjousta que ladite assemblée dés à present depescheroit ou donneroit pouvoir à Monsieur de Mayenne de deputer certains Ambassadeurs ou Procureurs qui passeroient en Espagne auec le Prince, que ledit Roy d'Espagne choisiroit pour gendre pour y faire manisester ladite declaration & reconnoissance, au nom de tous, en contractant & affectuant ledit mariage, mais ils reiettoient ledit offre comme indigne de la Majestéde leur Roy, & l'obligation que le party luy auoit.

I e m'estois rencontré par hazard en vne compagnie particuliere où cecy auoit esté proposé, que i'auois contredit tant que i'auois pû, non que i'eusse opinion que ledit Roy d'Espagne sust pour iamais marier sa sille à vn desdits Princes, mais pource qu'on vouloit que ladite assemblée sist dés à present ladite élection, & donnast sa procuration pour ce faire, considerant que quand ladite resolution auroit esté passée, encore qu'elle sust conditionnée, toutesois qu'il seroit apres sa

cile d'en oster ou changer la condition, & de la faire obseruer sous pretexte du bien public; partant que ladite Infante iourroit seule de ladite élection sans faire ledit mariage: car quand ladite assemblée seroit separée apres auoir determiné cette élection, personne ne pourroit dessendre l'execution conforme au decret d'icelle, & si elle nous auroit rendus irreconciliables à iamais auec le Roy & les Princes du sang : neantmoins ma remonstrance fut inutile, car non seulement il fur arresté que l'on feroit ladite proposition aux Ambassadeurs dudit Roy, mais aussi que l'on n'en diroit rien en ladite assemblée generale qu'apres leur réponse : dont ie fus si scandalisé, qu'à l'heure mesme ie pris congé dudit Duc de Mayenne, luy disant ne vouloir demeurer en lieu où l'on faisoit si bon marché de l'honneur & des loix de nostre nation, & de tout le Royaume ensemble à la ruine de nostre Religion.

La ville estoit en grande crainte & rumeur de tous ces traitez, voyant qu'ils étoient écoutez & fauorisez des Grands, ce
qu'il n'estoit permis à personne d'y contredire; le Parlement plus que tous autres s'en alteroit & émouuoit dauantage; quelques-vnssollicitoient Monsieur de Mayenne de prester
l'oreille à vne pratique qui se faisoit sous se
nom de Monseigneur de Bourbon, combient
que i'estime qu'il en fust ignorant, auec leques
ils le conseilloient de traiter pour se désiurer desdits Espagnols, lesquels vouloient
preserer tout le monde à luy, & n'estre con-

traint aussi de composer auec sa Majesté, étant de contraire Religion, d'autant qu'il ne pouuoit plus maintenir le party sans Roy: I'on luy disoit que ledit Cardinal seroit suiuy des Catholiques qui sernoient le Roy; que plusieurs villes du party de sa Majesté en feroient de mesme, & qu'il asseureroit mieux & plus honorablement sa fortune auec luy qu'auec tous les autres. Cecy passa si auant que l'on écriuit & fit-on signer des articles audit Duc, qui furent baillez à vn personnage d'honneur pout en estre porteur audit sieur Cardinal, ie ne fus employé en cette negociation: toutefois elle me fut communiquée, & me sembloit que ledit Duc y entroit mal volontiers; mais aucuns esperoient qu'à la fin il s'y resoudroit, & que chacun en feroit de mesme, iusques aux Espagnols; ie n'estois de leur aduis, ains preuoyois que ledit Cardinal seroit trompé: dont me plaignant à vn de ceux à qui ce traité auroit esté découuert, il me dit que quoy que l'on abusast ou non ledit Cardinal, il falloit mettre peine de le retirer, parce quel'on affoibliroit d'autant le Roy de Nauarre, & troubleroit on ses affaires, dequoy ie ne me peus garder de me plaindre, & mesmeen dire mon aduis à vn Gentil-homme, seruireur dudit Cardinal, qui oyant parler de ce traité s'estoit adressé à moy, & m'auoir conuié de ce faire en homme de bien. Ie year croire que ledit sieur Cardinal, comme l'ay cru, ignoron cette pratique; mais il est certain que ceux qui se disoient ses seruiteurs qui la poursuiuoient, ne voyoient goute aux

affaires ny aux volontez de Monsieur de Mavenne & des autres Princes du party : celuy auquel lesdits articles furent confiez, ne fut pas si-tost parti de Paris que ledit Duc se repentit de la charge qu'il luy auoit donnée,& l'enuoya prier d'en differer l'execution; de sorte que bien luy prit de ne s'y estre ingeré legerement, ce qu'il fit par prudence & conseil, car il eust esté responsable du mal qui en fust arriué s'il s'y fust embarqué, dont il eust eu grand regret, car il y alloit à la bonne foy: mais les mécontentemens publics que leldits Espagnols reconnoissent qu'on avoit d'eux, auec l'aduis qu'ils eurent du traité susdit qui se brassoit auec ledit Cardinal, furent cause qu'ils declarerent, apres auoir refusé l'offre cy-deuant dit, qu'il leur avoit esté fait, que le Roy d'Espagne marieroit plustost & sacrifieroit sa fille auec Monsieur de Guise pour le bien de la Réligion, que de manquer à vn seul poinct de son deuoir pour ce regard, pourueu que dés à present elle fust éleue Reine, & luy aucc elle Roy de France, esperant par cette proposition qui estoit tres-aduantageuse & honorable à la maison de Lorraine, non seulement assoupir lesdits mécontentemens & traitez contraires à leur dessein, mais aussi obtenir facilement ladite élection de ladite assemblée : Et veritablement plusieurs d'abord s'en resiouïrent, pensant auoir ville gaignée, & que c'estoit chose que deuoit estre embrassée d'vn chacun. A quoy tels se laisserent aller, qui auparauant n'a-uoient fait cas de toutes les ouvertures &

promesses desdits Espagnols, transportez d'affection enuers ledit Duc de Guise. Cecy estonna Monsieur de Mayenne, soit qu'il crûst que lesdits Espagnols vouloient tromper Monsieur son nepueu & le party, ou qu'il n'eust pas enuie qu'il fust preferé à luy : sur cela il fut conscillé de demander ausdits Espagnols quel pouvoir ils avoient de leur Roy de faire ladite proposition, & de la dire, & la monstrer, s'ils l'auoient, qu'il y consentiroit, & s'assemblerent pour cela en la maison du Cardinal de Plaisance, où celuy de Pelleué se trouua auec les Ministres dudit Roy d'Espagne & quelques autres, & luy firent voir vn endroit de leurs instructions qui faisoit mention de ladite ouuerture par forme d'alternatiue, soit que ladite alternatiue y eust esté adjoustée par eux exprés, ou non, mais il aduint que ce qu'ils esperoient leur donner gain de cause les en éloigna plus que deuant, & accrût leur honte : Car ledit Duc de Mayenne par ialouse ou autrement, s'opposa lors ouuertement à ladite élection, melmes aucc alteration:le Parlement s'aduança aussi de donner vn Arrest contre icelle, qui fut tres-magnanime & de grande efficace enuers yn chacun, l'assemblée mesmes en fut plus diuisée & troublée que deuant : car plusieurs creurent que ce party auoit esté mis en auant par lesdits Espagnols pour éblour la compagnie, & la conduire comme insensiblement à l'élection de ladite Infante, & par consequent à la ruine de l'Estat, sous l'allechement dudit mariage, lequel ils ne pounoient croire que le

Roy d'Espagne eust aucune enuie de ce faire, pour les raisons qui contredisoient. Ledit Duc plus que nul autre soustenoit cette opinion, demandoit d'estre mieux asseuré dudit mariage deuant qu'il fust procedé à ladite élection; voir aussi les forces & deniers necessaires pour la soustenir, & pareillement qu'il fust procedé à la recompense de ses peines & trauaux, qu'il faisoit valoir; & comme ledit Duc auoit plus de credit en ladite assemblée que tous autres, & que son opinion estoit plausible, il appaisa facilement ceste resolution, assisté des Politiques, au grand regret des Ze-Iez & des seruiteurs dudit Duc de Guise, lequel neantmoins se monstra en cette occasion plus sage & temperé que son âge & le sujet ne le permettoit, dont il fut grandement loué & estimé : lesdits Espagnols crûrent que ledit Duc de Mayenne auoit poussé le Parlement à donner vn Arrest : mais cela n'estoit point, car ladite Cour auoit pris ce conseil d'elle mesme, meue de son honneur & deuoir, comme gens qui aimoient mieux perdre la vie, que manquer à l'vn & à l'autre en cette occasion, en conniuant au renuersement des loix du Royaume, dont par leur institution ils sont protecteurs, & à ce faire obligez par les sermens de leurs receptions, apres aussi par l'accueil que receut Monsieur le President le Maistre, & ceux qui l'assistoient dudit Duc de Mayenne, & ceux qui l'accompagnoient quand il luy porta ledit Arrest, & sit la remonstrance de la Cour qu'il n'y auoit consenty, & s'entendoit tres-mal auec icelle, dont

cette action fut d'autant plus louée que le peril en estoit plus grand, & certainement elle seruit grandement, & faut que ie die que le Royaume en demeure obligé à ladite Cour.

Cette varieté & diuersité de demandes & propositions desdits Estrangers, faites si à coup, offensa plusieurs personnes, découurit leur ambition auec leur foiblesse & impudence, ce qui les renditencore plus méprisez que deuant, chacun croyant qu'ils n'auoient mis en auant Monsieur de Guise, que pour faire élire plus facilement leur Infante, diuifer nos Chefs, perpetuer nos miseres sous pretexte de pieté; l'on trouuoit sur tout estrange qu'ils eussent entrepris ce fait mal garnis de forces, d'argent & de reputation, comme ils estoient: car lors leur armée s'estoit retirée & mutinée par faute d'argent, le Roy venoit de prendre Dreux à leur barbe, & n'auoient dequoy donner à viure à personne, ils viuoient eux-mesmes tres-mecaniquement; de sorte que tels qui estoient venus disposez de les fauoriser & seruir en payant, les maudissoient, voyant qu'il n'y auoit rien à gaigner auec eux; toutefois ils estoient si impudens, ou nous tenoient pour si sors & stupides, qu'ils s'offensoient & disoient s'émerueiller dequoy nous refusions & faisions doute seulement de sacrifier à leurs sumées, nos consciences, nos libertez & nos biens.

tez, Dieu ayant compassion de la France & de nous, voulut toucher le cœur du Roy de la connoissance de nostre Religion, qui étoit

le seul remede à nos maux qui nous restoir. Cette nouuelle fut receuë de ceux qui sans passion desiroient la conservation de la Religion & du Royaume, auec autant d'allegresse que si l'on leur eust donné la vie,& comme naturellement nous doutons de ce que nous desirons iusques à ce que nous voyons l'effet reuflir, chacun discouroit de ce changement entre l'esperance & la crainte, non sans émotion & alteration, mais diuersement les Estrangers & leurs adherans faisoient prouision de moyens pour décrier & trauerser vne si sainte & louable resolution, blamant couuertement ceux qui s'en réjouissoient, & s'efforçant de faire degouster mesmes sa Majesté, laquelle n'ayant legerement & à deiny pris ce party, se rendit à saint Denis, où elle fut admise & receue en l'Eglise par les Prelats & Docteurs assemblez pour cet effet, auec les ceremonies & solemnitez qui l'y furent gardées, où vous estiez pour en parler mieux que nul autre. Et comme apres tant de declarations & protestations que Mile Duc de Mayenne & plusieurs du party auoient faites & publiées de reconnoistre sa Majesté apres sa conversion, rien ne nous pouvoit plus excuser de ce faire, si nous ne voulions estre tenus pour méchans & ennemis de nostre patrie, & de nostre Religion. Ceux qui craignoient cette reconnoissance, mirent en auant qu'il estoit necessaire de consulter aucc le Pape de ce fait, & que sa Majesté receust l'absolution des mains mesmes de sasaincteté pour rendre sa conversion valable, ne l'osans ou-P iiii

uertement reietter du tout. Et combien que plusieurs soupçonnerent, voire crûrent que cette dissiculté de remise au Pape, auoit esté proposée autant pour empescher l'esset de ce bonœuure, que pour le rendre entier & parfait: toutesois comme chacun crût aussi que sa Majesté n'auoit point franchy ce saut, pour apres resuser ce deuoir & respect enuers sa Saincteté & le saint Siege, l'on embrassa ce Conseil, qui sut aussi-tost approuné & bien receu de sa Majesté & de ses seruiteurs auec grande prudence & franchise, au grand con-

tentement des gens de bien.

Partant il fut aduisé de faire vne cessation d'armes pour trois mois, durant laquelle on enuoyeroit à sa Saincteté de part & d'autre pour sçauoir son intention: Ie fus mandé & employé en ce traité auec vous, Monsieur, & les autres Seigneurs qui y furent deputez, où sa Majesté sit bien paroistre qu'elle desiroit à bon escient arrester le cours des miseres publiques, car elle traita quasi du pair en toutes choses auec ledit Duc de Mayenne, sans auoir égard à sa dignité ny à son authorité, come l'on a veu par les articles qui furent accordez & publiez; ce qui fut blâmé d'aucuns, qui ont depuis esté connus par les euenemens aduenus, & que sa Majesté avoit esté tres-bien conseillée. C'est grande prudence aussi de ceder quelquefois au temps & aux occasions. qui se presentent, car par ce moyen l'on éuite souuent de grands perils, lesquels passez l'on recouure apres facilement, voire au double, ce que l'on y a mis, Si sa Majesté eust voulus'opiniastrer, & ne traiter auec ledit Duc du Maine, que comme auec son sujet, iamais il n'eust accordé la trève, quoy aduenant l'assemblée de Paris ne se fust separée sans traiter auec lesdits Espagnols & faire vne Royauté: Car le party ne pouuoit plus soustenir la guerre sans faire l'vn ou l'autre, ce qui cust perpetué nos miseres, & cust à l'aduanture osté le moyen & la commodité à ceux qui ont depuis reconnu sa Majesté de ce faire, car personne n'auoit encore bien concerté cette deliberation & execution, & si peut-estre que plusieurs custent crû n'estre juste ny honorable de ce faire, si la guerre eust tousiours duré, mesmement estant reconnuë sadite Majesté estre seule cause du refus de ladite tréve pour sa particuliere consideration: car tout le peuple luy eust imputé le mal-heur public, & eust excusé sur la necessité tout ce que ledit Duc eust fait pour deffendre au contraire de ce qui est aduenu. Car pour auoir sa Majesté si franchement & librement accordé ladite trève & la prolongation d'icelle, & ledit Duc refusé de traiter la paix durant icelle auec sa Majesté, elle a tellement justifiéses intentions & ledit Duc condamné les siennes, qu'elle a acquis & luy perdu plus de seruiteurs & de villes en trois mois qu'ils n'eufsent peut-estre fait en dix ans, tant la justice & le droit ont de puissance sur les hommes, specialement apres que les maux les ont fait sages.

Depuis ladite cessation d'armes ie me suis trouné aucc vous aux deux assemblées & con-

ferences qui ont esté faites à Andresy & à Milly, pour aduiser aux moyens de pacifier le Royaume, comme de part & d'autre nous dissons auoir volonté de faire, où vous sçauez qu'il auoit este proposé, debattu, & comme accordé plusieurs poinces & articles concernans le general & le particulier, qui nous donnoient esperance d'vn meilleur succez que celuy qui s'en est ensuiuy, & croy certainement que s'il nous eust esté permis de conclure & parfaire le marché que nous l'eusfions fait lors tres-aduantageux pour la Religion, voire pour ceux de la Ligue, tant vous nous faissez paroistre sadite Majesté estre disposée d'accorder pour ce regard tout ce qu'honnestement l'on pouvoit desirer d'elle, dont ie ne diray les particularités, car vous les sçauez comme moy, & me semble aussi qu'il suffit d'en parler en termes generaux. Mais comme il fut dit & arresté qu'il falloit attendre la volonté du Pape deuant que pasfer outre, il fut aussi resolu & promis que chacun feroit son devoir envers sa Saincteté en faueur de la paix publique: pour moy ie l'entendois & croyois ainsi, parce que ie connoissois que c'estoit nostre deuoir, & le bien & aduantage de tous.

Qv E ledit Duc de Mayenne m'auoit affeuré que c'estoit son but, qu'il me sembloit qu'il auoit trop mal traitté les Espagnols pour s'attendre plus à eux, & que Monsieur le President Ianin estoit employé en cette negociation, qui estoit celuy de tous ses seruiteurs & amis auquel il se sioit le plus, & qui

connoissoit mieux aussi l'interieur de son cœur, comme ie dis audit Duc, quand il me pria d'aller à Andresy, & partant que ie ne voulois prendre autre asseurance de son intention, allant en cette commission, que la compagnie dudit President, auec lequel il ne falloit craindre que ie fusse desaduoué, comme i'auois esté auparauant; ioint qu'il me sembloit qu'il estoit trop aduisé & bien conseillé pour laisser perdre à cette fois l'occasion & les moyens qu'il auoit de s'accommo-der auec sa Majesté, comme je luy auois souuent dit de sa part, & par son exprés commandement, qu'il feroit si-tost qu'elle seroit Catholique; luy remonstrant qu'en ce faisant il asseureroit grandement nostre Religion, qu'il ne fortifieroit pas moins le party Catholique, iustifieroit ses armes & les nostres, nous déliureroit de la tirannie des estrangers, qui auoient iuré sa ruine & la nostre, acquereroit vne gloire immortelle, obligeroit à luy non seulement la France, mais aussi toute la Chrestienté qui gemissoir auec nous de nos miseres.

Qu'il demeureroit en ce faisant chef, non seulement de ceux de son party, mais auec le temps des autres Catholiques qui auoient suiuy sa Majesté, pour à l'aduenir accourir à luy, & se r'allier au premier effort que l'on entreprendroit contre la Religion, comme ceux qui attribuoient à sa conduitte & à ses armes l'honneur & le gré de la conseruation d'icelle, & mesmes de la conversion de sadite Majesté, qu'il ne deuoit craindre d'auoir faute

348 MEMOIRES

d'authorité & de seureté tandis qu'il y auoit des Huguenots en ce Royaume, à cause de l'enuie & inimitié que leur portoient les Catholiques, lesquels seroient plus vnis en paix qu'en guerre, d'autant que le besoin qu'ils auoient en icelle les vns des autres les faisoient viure & compatir ensemble, ce qu'ils feroient difficilement sans cela, de sorte que lesdits Catholiques auroient soin de luy & de sa grandeur comme de leur protecteur: brefqu'il retiendroit les Villes du party à sa deuotion, & ses amis interessez à sa conservation s'il leur procuroit ladite paix, sans laquelle ie n'estimois pas qu'il les peust longuement conseruer apres la conversion de sa Majesté, tant chacun estoit las de la guerre, & mal edifié des Espagnols; qu'il ne deuoit point douter aussi que le Pape & le Roy d'Espagne n'eussent soin de luy apres ladite paix autant & plus que deuant. Car commeil auroit moins de besoin d'eux, il en seroit plus estimé & recherché, comme il se pratique ordinairement entre les Rois & Princes, lesquels n'affectionnent que ce qui leur est necessaire, & méprisent ordinairement ceux qui ne se peuuent passer d'eux, qu'ils trauerseroient & empescheroient ladite paix de tout leur pouvoir deuant qu'elle fust conclue? Mais quand elle seroit vne fois accordée & publiée, s'ils ne l'approuuoient soudain, ie m'asseurois qu'ils ne s'y opposeroient ouuertement, & qu'auec le temps ils s'y accommoderoient: car ce que la passion empesche pour vn temps est ensin emporté par la raison & l'vtilité, soit que sa

Saincteté s'opposast à l'vnion de toute la France, & que le Roy d'Espagne se voulust. charger d'vne telle querelle sur la fin de ses iours, épuisé d'hommes & d'argent comme il estoit. le ne pouvois, & me sembloit aussi; qu'il ne devoit croire l'vn ny l'autre, le premier estant obligé comme pere commun d'a-: uoir trop de soin de ce Royaume tres-Chrestien pour n'en desirer le repos auec la conseruation de la Religion : & l'autre trop mal voulu en iceluy auec ses Ministres pour espe-rer à l'aduenir d'y faire ses affaires mesmement apres ladite paix; mais quand ils en vseroient autrement, que l'experience apprendroit bien-tost à l'vn, & la necessité à l'autre, qu'ils auroient pris vn tres-mauuais & perilleux conseil pour la Religion Catholique & leurs propres Estats, comme pour toute la Republique Chrestienne. Que tous Messieurs les parens s'attacheroient aussi à la fortune de bonne volonté ou par necessité : car comme ils le verroient accompagné & suiuy en cette resolution, ainsi qu'il seroit indubitablement des principales Villes du party & Gouverneurs d'icelles, ils se garderoient bien de demeurer derriere, ny de perdre cette occasion de pouruoir auec luy à leur seureté & à leurs affaires; que ie ne sçauois pas quel aduantage on luy feroit, car c'estoit chose de laquelle il n'auoit encore esté parlé, mais que ie ne doutois point qu'on ne luy accordast en honneurs, en charges & dignitez, & en argent pour luy & pour les siens, tout ce qu'honneste ment il pouuoit desirer & demander, & que

le tout ne se fist au gré d'vn chacun de part & d'autre, tant seroit grand & estimé son merite enuers le public moyennant ladite paix. Que ie luy conseillois bien de le contenter plustost de mediocrité, que de se surcharger d'enuie, parce que l'yne estoit plus seure que l'autre; qu'il auoit des enfans qu'il aimoit, à la fortune desquels il deuoit penser, comme de la sienne : Ioint que i'auois toute ma vie remarqué que ceux qui auoient voulu precipiter la leur, l'auoient plustost reculée qu'auancée, chaque fruit voulant estre cueilly en sa saison pour estre de bonne garde. Qu'il ne m'appartenoit de luy representer l'estat du Royaume ny celuy de la Cour, parce qu'il en estoit à mon aduis mieux informé de l'vn & de l'autre que ien'estois; mais qu'il me sembloit luy pouvoir & devoir dire en consciénce, que s'il l'éplachoit & consideroit bien, il trouueroit plustost matiere d'esperer que de craindre à l'aduenir. Partant i'estois seulement d'aduis qu'il eust soin de conseruer sa reputation, maintenir les Catholiques, mesnager ses vieux amis, en acquerir d'autres, bien allier ses enfans, faire prouision d'argent, & se tenir loin de la Cour apres auoir fait ladite paix, asseuré ce faisant, d'estre à l'aduenir plus recherché, vtile & necessaire que iamais, sans dauantage s'opiniastre: à poursuiure par les armes vn dessein pour s'agrandir, qui estoit plus imaginaire que bien fondé, au peril de la Religion, du Royau-me, de sa reputation, de ses amis, de sa vie & de ses enfans, blâmé, enuié & trauersé d'va

chacun dedans & dehors la France iusques à ses propres parens, plein d'iniustice & d'impossibilitez de luy éprouuées, & encore mieux reconnu de tous, croyant si cette fois il ne s'en departoit que chacun l'abandonneroit pour traiter sans luy auec le Roy, ou auec celuy d'Espagne, dont plusieurs estoient déja recherchez, & à mon aduis refolus, connoisfans n'y auoir plus de falut enuers luy, estant mal comme il estoit auec les Espagnols, & sans resolution de ce qu'il auoit à faire enuers sa Majesté: que c'estoit bien fait de rendre au Pape le respect qu'il auoit proposé, deuant que de conclure tout à fait à ladite paix & la publier; mais qu'il ne deuoit pas laisser cependant de la faire ébaucher, de façon qu'il n'y cust plus rien à redire, tant pour le general que pour le particulier, quand il receuroit l'intention de sa Saincteté, laquelle embrasseroit bien plustost le party de nostre repos, quand elle scauroit auoir esté pourueu à la seurcré de nostre Religion pour aduis commun des Catholiques, que quand on se re-mettroit à sa Sainsteté, d'autant qu'elle seroit difficulté, & peut-estre conscience de se charger de ce soin & d'vne telle enuie, mesmes estant tenue de court par les Espagnols comme elle estoit : Ioint que sa Saincteté ne pouvoit juger ny connoistre si bien que nous ce qui estoit necessaire de faire pour ce regard, pour estre loin de nous, & luy auoir tousiours esté la verité des choses déguisées: que la reuerence que l'on portoit en ce Roy-aume à sa Saincteté & au saint Siege, estois

grande, mais qu'il estoit certain que tel bien ne seroit desormais assez fort pour maintenir le party en vnion contre les efforts de la necessité, & le dégoûtement que l'on auoit desdits Espagnols, mesmement si sa Saincteté méprisoit l'obeissance & submission de sa M. comme aucuns osoient desia dire qu'elle feroit; estant certain que ceux qui s'attacheroient à ce pretexte pour faire durer la guer-re sans auoir égard à la conuersion de sa Majesté, en seroient mauuais marchands, d'autant que la longueur & rigueur de nos maux nous auoient ouuert les yeux & rendus plus sensibles que nous n'estions au commencement de la guerre, que transportez de zele ou de passion nous croyons en paroles, & pouvoir mieux conseruer la Religion & asseurer nos fortunes par la guerre que par la paix. Partant le le suppliois & conseillois de l'embrasser viuement, & s'y conduire de façon, que si Dieu nous vouloit tant punir qu'elle ne se fift, que chacun sceust & connust au moins n'auoir tenu à luy, afin de n'attirer sur luy le blasme, la haine & malediction publique, que ne pouvoient éviter ceux qui l'empefchoient.

I L sit demonstration de prendre en bonne part ma remonstrance, m'asseura qu'il desroit la paix de cœur & d'assection, qu'il ne tiendroit à luy qu'e'le ne sust faite, connoissant que c'estoit encore le meilleur moyen de tous ceux qui se presentoient pour conseruer la Religion & asseurer sa fortune, à cause de la soiblesse & mauuaise conduite desdits Espagnols, auec lesquels il me disoit ne pouuoir plus compatir, & principalement auec Dom Diego d'Ibarra qui estoit insupportable; mais qu'il falloit conduite & manier les choses dignement, afin de contenter le Pape, & que le Roy d'Espagne & ses amis dedans & dehors le Royaume n'eussent occasion de se plaindre de nous, apres auoir employé pour le party ce qu'ils y auoient mis; & aussi qu'il estimoir ce poinct estre des moins importans pour asseurer la Religion & sa fortune, & que le salut public dependoit principalement de l'ynion & bonne intelligence du party auec sa Saincteté & ledit Roy d'Espagne, laquelle il ne pouuoit conseruer s'il concluoit ce traité sans eux; partant qu'il enuoyeroit vers eux gens exprés pour cet esfet, & qu'il ne cesseroit de poursuiure ce bon œuure qu'il ne fust resolu. Que ce seroit aussi le bien du Royaume comme celuy de la Religion & de toute la Chrestienté, que la paix fust faire generale pour donner relasche à la France, & moyen aux Princes Chrestiens de s'opposer aux armées du Ture, dont la Chrestienté estoit menacée; joint qu'il ne pouvoit croire que le Pape approuuast la paix en France pour rejetter la guerre sur le Roy d'Espagne, qu'il respectoit & craignoit par trop, tant pour le pouvoir qu'il avoit en Italie, que pource qu'il le tenoit pour le plus seur appuy & protecteur de nostre Religion & du S. Siege, contre ledit Turc & les heretiques; au moyen dequoy il ne pouuoit se separer du Roy d'Espagne sans offenser sa Saincteté, ny la mal

contenter sans manquer à son deuoir, & peutestre diuiser le party, & rendre inutile & honteux l'accord qu'il feroit, chose qu'il vouloit éuiter au peril de sa vie : Mais qu'il esperoit que chacun s'accommoderoit à l'vtilité publique, à quoy le Roy de Nauarre pouvoit plus aider que personne, en contentant sa Saincteté, & luy donnant occasion d'approuuer sa conuersion, qui estoit le poinct auquel il falloit principalement trauailler & pouruoir, comme il me prioit de faire entendre aux deputez de sa Majesté en cette conference, protestant qu'il y procederoit de bonne foy, & en homme de bien, & qu'il ne me donneroit la peine d'y aller, ny à Monsieur de Bassompierre, ny à Monsieur le President Ia-

nin, s'il n'auoit enuie de bien faire.

LADITE Conference d'Andresy engendra celle de Milly, comme i'ay dir, nous discourusmes assez franchement & rondement des moyens de faire la paix & contenter ceux qui y pouuoient seruir; toutefois sans rien accorder ny resoudre, parce que nous n'auions charge ny pouuoir de ce faire, voulans par ce discours nous attendre à la volonté du Pape, enuers lequel chacun promettoit faire son deuoir. Monsieur de Belin se trouua en cette derniere assemblée au lieu de Monsieur de Bassompierre qui s'en estoit allé en Lorraine: l'on pourueut du micux que l'on peût aux plaintes & contrauentions de la tréve qui auoit esté bien receue & embrassée du gencral du Royaume, mais estoit mal obseruée des Gouverneurs des Villes & Provinces, &

des gens de guerre, trop accoustumez à leur prosit & au pillage, de sorte que le pauure peuple en sut plus oppressé que soulagé: il sut parlé en cette derniere assemblée de prolonger encore pour quelque temps ladite tréve, pour donner plus de loisir d'enuoyer à Rome, car ceux qui y deuoient aller n'étoient encore partis, & toutesois le temps accordé

par icelle estoit déja fort aduancé.

S A Majesté parla aussi au President Ianin à Fleury, & sembloit que toutes choses fussent disposées au bien, chacun faisant demonstration e l'affectionner, & d'estre marry de ce qui se faisoit au contraire : les peuples quoy qu'ils fussent mal traitez s'en éjouissoient, esperans d'estre bien-tost déliurez de leurs maux, comme faisoient les habitans des Villes, & quasi toute la Noblesse, & les Ecclesiastiques du Royaume, les factieux & ceux qui viuoient de la guerre ou profitoient du mal d'autruy seul s'en attristoient, & la trauersoient par diuers moyens, comme par predications, factions, menées, écrits, rapports, & plusieurs autres attentats, à quoy il estoit disticile de remedier, tant la guerre auoit accrû la licence,& dépraué nos mœurs; joint que les Grands au lieu de se formaliser comme ils devoient, y conniuoient plustost qu'autrement, sous pretexte de conduire les affaires doucement, mais à mon aduis fort imprudemment, & quelquesfois à mauuaise fin.

A v retour dudit voyage de Milly, Monfieur de Mayenne me pria de receuoir sa Ma-

serment fait à Paris, le 23. du mois de Iuillet, entre les mains dudit Cardinal sur les sainctes Euangiles, en la presence du Duc de Feria & des autres Ministres du Roy d'Espa-

D'ESTAT. gne, par ledit Duc de Mayenne, du Cardinal de Pelleué, des Ducs de Guise, d'Aumale & d'Elbœuf, les sieurs de la Chastre, de Rosne, & de saint Paul, en qualité de Mareschaux de France, & de Tournabon Florentin, agent du Duc de Mercœur; par lequel estoit porté que reconnoissant pour plusieurs grandes considerations n'estre à propos de faire alors vne Royauté Catholique, mais plustost la differer à vn autre temps plus opportun; cependant estoit necessaire que le party Catholique déja composé, dressé & étably, depuis quelques années de l'vnion generale des Catholiques, dont depuis auoit esté chef ledit Duc de Mayenne demeurast entier & ferme en sa premiere resolution, d'empescher pour tousiours la ruine de la Religion Catholique, Apostolique & Romaine en ce Royaume de France, & pour la maintenir, conseruer, & restaurer, s'opposer à tous les ennemis d'icelle & leurs fauteurs, & extirper l'heresie autant que faire se pourroit. Ledit Duc de Mayenne comme Lieutenant de l'Estat & Couronne de France, & les autres dessusdits iuroient sur les sainctes Euangiles és mains dudit Cardinal de Plaisance comme Legat de sa Saincteté, & promettoient sur leurs paroles de Princes & de Gentils-hommes, & sur leur foy & honneur de maintenir inuiolablement la ligue Catholique, & ce qui est compris sous icelle, & de se tenir liez & vnis pour l'effet susdit, comme ils auoient fait iusques à present, & ne s'en departir iamais pour quelque cause que ce fust, ny de s'accoster en general ny en par358. ticulier du Roy de Nauarre, ny faire paix auec luy, quelque acte de Catholique qu'il fist; promettant encore sa Majesté Carholique vne armée de douze mil hommes de pied, & dix mil cheuaux, & semblablement des commoditez pour maintenir quelque temps la Cauallerie & Infanterie Françoile que l'on pourroit mettre ensemble, & estre aussi d'accord des conditions de proceder sans aucun retardement à l'élection de la susd. Royauté Cathol. laquelle n'auoit pû estre pour lors:& si aucuns d'eux refusoient encore de ce faire, les autres seroient tenus & obligez les abandonner, de ne les tenir plus en aucune maniere du nombre des vnis dessusdits, pour la conservation de la Religion, ains leur estre ennemis, & sans auoir égard à eux, passer outre sans difficulté à ladite élection de Royauté Catholique; sedit Duc de Mayenne promettant en particulier & en general, que pour effectuer ladite élection les Estats generaux se tiendroient ensemble, ainsi nommoientils l'affemblée de Paris, & quaucune personne d'iceux ne s'en separcroit, ou qu'ils seroient tenus à Paris ou ailleurs, selon qu'il seroit trouué plus conuenable, pourueu qu'il fust pourueu de la part de sa Majesté Catholique de huit mil escus par mois, pour distribuer ausdits Estats, par les mains de leur President, comprenant ledit Duc de Mayenne, comme Lieutenant general de l'Estat & Couronne de France, le susdit party en general, & plusieurs Prouinces, Villes & Communautez, ence compris le Duc de Nemours, le Comte de

Brisfac, le sieur de Villiers, & tous les autres, lesquels il asseuroit qu'ils se tiendroient obligez comme s'ils se fussent trouvez presens,& cussent soubsigné la mesme écriture auec ledit Duc de Mayenne, s'obligeans particulierement & les autres susdits soubsignez pour les Prouinces, Villes & Places qu'ils auoient en charge, & faisant le semblable : lors ledit sieur Legat de la part de sa Saincteté, & le Duc de Feria pour sa Majesté Catholique, dirent qu'ils continueroient la protection dudit party pour le bien & conseruation de la Religion, comme ils auoient fait iusques alors, en foy dequoy ils auoient tous signé ladite promesse de leurs mains,& à icelle fait apposer le sceau de leurs armes en ladite ville de Paris, le 13. Iuillet 1593.

Vovs sçauez, Monsieur, si ie demeuray estonné apres la lecture dudit serment, lequel estoit si contraire aux paroles dudit Duc de Mayenne, & aux asseurances qu'il m'auoir données de son intention à la paix, & mesmes à ce qu'il nous en auoit fait dire & traitter en nos Conferences, que du commencement i'eus opinion qu'il avoit esté fait à plaisir, ou seulement projetté sans auoir esté effectué, iusques à ce que i'ouy lire les lettres dudit Legat surprises, auec ledit serment du 24.dudit mois de Iuillet, par lesquelles il rendoit si bon & particulier compte des assemblées, allées & venuës faites, tant pour cela que pour ce qui s'estoit passé à Paris, des raisons motiues dudit serment, & de ceux qui auoient esté occupez, & de plusieurs autres particu360

laritez qui décriuoient la verité du fait, qu'il ne fut plus question que de soupirer & de me plaindre de la fortune publique, & de la mienne, me voyant embarassé auec des gens qui faisoient si peu de compte de l'vne & de l'autre; dequoy ie fus si scandalisé, qu'à l'heure mesme ie me resolus de n'accomplir la charge que ledit Duc m'auoit donnée, d'aller prendre congé de luy, & ne me méler plus de ses affaires. Toutefois vous ne fustes de cét aduis, ny ces Messieurs qui estoient presens, pour l'opinion que vous auiez de moy, que ie pouvois encore seruir de quelque chose à remettre & composer les affaires, reconnoissant que sa Majesté, ny vous autres Messieurs, comme bien conseillez, n'estiez d'aduis de rompre encore la poursuitte ny priuer le Royau-me de l'esperance de la paix, nonobstant les sermens, considerant que ledit Duc pourroit peut-estre auoir changé d'opinion, veu les propos qu'il auoit fait tenir par le President Janin, & le mauuais predicament auquel il apparoissoit, par lesdites Lettres du Legat, qu'estoient auec luy les Espagnols, & aussi que la tromperie sur le mariage de Monsieur - de Guise auec leur Infante, & leur foiblesse & imprudence estoient aucunement découuertes par les mesmes lettres, estimant qu'étant communiquées à l'oncle & au nepueu fans leur faire paroistre de l'aigreur, les pourroient eschauffer à la paix plus que deuant: au moyen dequoy ie fus conseillé & persuadé de la consideration publique, de ne rompre encore auec eux, mais asseurer de retirer profit de

fit de cette occasion pour porter les affaires au but des gens de bien, à quoy notamment seruit bien à me faire resoudre de n'auoir trouvé esdites lettres les noms de Messieurs de Bassompierre & lanin, me promettant de les auoir pour compagnons en ma plainte & en mon mécontentement, comme en esset ils estoient à l'iniure qui m'auoit esté faite, puis que nous auions esté depuis employez ensemble aux traittez de la trève de la paix, & asseurer & ioindre de la bonne volonté dudit Duc, sans toutesois auoir eu connoissance ny communication aucune dudit serment, comme en verité ie n'auois eu en sorte quelconque.

Le sieur Zamet & moy leusmes à part audit Duc lesdites lettres & ce serment l'vn apres l'autre, deuant que de luy faire paroistre aucune alteration: & comme il reconnut, tant par la suitte & substance d'icelles, que par les originaux que vous nous auiez confiez, qu'elles estoient veritables, & qu'il n'y auoit moyen de les déguiser, changer ny adjouster, il sit contenance de n'estre moins offencé dudit Legat, pour la façon de laquelle il parloit de luy par icelles, qu'estonné & marry de la découuerte dudit serment, aduenue contre son attente & tres-mal à propos pour ses desseins. Lors i'adjoustay ma plainte particuliere en termes les plus exprés & preignans dont ie me pûs aduiler, comme celuy qui estoit picqué insques au sang du tort qu'il m'auoit fait, non de m'auoir celé ledit serment, mais de s'estre depuis seruy de ma credulité &

Tome I.

362

franchise, non moins que de mon honneur & de ma foy, pour amuser le monde en beaux traittez, ausquels il m'auoit employé apres auoir couru sa fortune cinq ans durant auec toutes les incommoditez & ruines de mes biens, & mesme de ma reputation, qu'il étoit impossible de plus : laquelle plainte i'accompagnay encores d'vne remonstrance que ie luy sis de son aucuglement, pour ce qui le concernoit luy-mesme, de ce qu'encores qu'il reconnust par infinies preuues & effets, la haine que le Legat & lesdits Espagnols luy portoient auec leurs adherans, leur malice & pernicieuse intention enuers le Royaume, auec leur foiblesse & impudence au soustien & à la conduitte des affaires, il ne vouloit toutefois se dépestrer de leurs mains, ains continuoit à se laisser beffler par eux, pour destruire la Religion & le Royaume, & se rendre le plus miserable homme du monde; qu'il voyoit maintenant par lesdites lettres quelle foy & credit il deuoit adiouster aux belles paroles dudit Legat, puis qu'il faisoit si peu d'estat de sa parole & de ses promesses, encores qu'elles fussent si solemnelles, le tenant pour le plus grand trompeur du monde, & pour tel le depeignoit au Pape & à Rome; quoy qu'il s'at-tendist apres cela que sa Saincteté fauorisast ses desseins, & que son Legat sist ses affaires, quelle apparence y auoit-il de l'esperer, aussi s'estoit-il bandé ouvertement pour Monsieur son nepueu; en quoy l'on découuroit par sa depesche qu'il perseueroit plus candidement & fidellement que plusieurs n'esperoient, car

il estoit soupçonné de s'entendre du tout auec les Ministres du Roy d'Espagne, pour abuser ce ieune Prince de l'esperance du mariage de leur Infante; ne pouuant croire qu'estant personnage clair-voyant & bien informé des affaires du monde, il eust opinion que ledit mariage se deust iamais effectuer; & toutefois il apparoissoit le contraire par lesdites lettres, car il accusoit lesdits Ministres de ne proceder en ce fait rondement, & soit qu'il le fist pour plaire au Pape à sa descharge, ou iouant au plus fin à l'vsage du païs, ou qu'en verité il fust marry de la tromperie desdits Ministres à l'endroit de ce Prince, quelle esperance deuoit-il plus auoir d'auancer sa fortune par son moyen. Car si sa Saincteté affectionnoit celle de Monsieur de Guise, la mauuaise odeur que ledit Legat donnoit encore de luy à sa Saincteté ne luy faisoit changer d'auis : d'ailleurs il ne deuoit esperer, ny ne vouloit faire son profit de la tromperie & honte de Monsieur son nepueu, estant en si mauuais predicament enuers le Legat & les Ministres du Roy d'Espagne; ioint qu'il donneroit iuste occasion à sondit nepueu de luy reprocher son malheur, outre qu'il pensoit en auoir, dont il pourroit aduenir plus de mal au party, à sa personne & aux siens, que de bien; & d'autant que i auois appris à Fontainebleau la prise de Lion & de Monsieur de Nemours: ie luy dis encore que chacun la luy imputoit, publiant qu'il s'estoit aidé de Monsient de Lion, & du mécontentement que la ville & le pais auoient des deportemens du-

MEMOIRE 364 dit Duc, pour le chasser de son Gouvernement, afin de l'adjouster au sien par la guerre ou par la paix: Qu'il pouvoit penser sur cela comment sa conuoitise estoit blasonnée, puis qu'elle n'épargnoit son propre sag, le fils bien aimé de la mere, laquelle il deuoit faire estat de voir d'oresnauant fondre en larmes & seicher d'ennuis & de dépit à ses pieds, sans auoir toutefois le pouvoir de la déliurer, ny la contenter, d'autant que l'on ne disposoit du peuple comme l'on vouloit, & estoit encore plus difficile de bien reparer vne iniure faite à yn Prince, mesmement quand elle estoit fondée sur ses propres fautes & delits, executée par inferieurs, & attribuée à ses plus proches, que cecy auoit renouuellé la memoire des propos tenus par le sieur Alfonse Corse sur la mort de Messieurs ses freres, dont l'on disoit qu'il auoit monstré peu de sentiment, l'ayant en puissance, & y adjoustoit-on encore l'assassinat du Marquis de Maygnelay, de la charge & dépouille duquel il auoit reuestu l'autheur d'iceluy. Que joignant maintenant à ce que dessus l'opposition qu'il auoit publiquement & fraischement faite à sondit nepueu encore qu'elle fust grandement excusée des clairvoyans & gens de bien, le tout ensemble fai-

foit quasi tenir de luy vn mesme langage, tant à ses amis qu'à ses ennemis, veritablement à son grand desadvantage, dont il ne deuoit point douter que luy & les siens tost ou tard ne receussent & sentissent à bon escient le dommage, & ne verroient point qu'il y cust autre moyen de se garantir qu'en faisant

la paix, par laquelle il déliureroit la Religion de peril, se tireroit des mains du Legat & des Espagnols, purgeroit ses actions passées, mettroit l'esprit de sa mere en repos, & la personne de son frere en liberté auec honneur, avanceroit la fortune dudit Duc son nepueu, feroit & asseureroit la sienne comme il voudroit, & obligeroit le Royaume & le party Catholique à l'honorer, & le Roy à l'aimer & respecter eternellement:qu'il étoit encore en sa puissance de ce faire, d'autant qu'encore que sa Majesté fust à bon droit tresindignée & mal edifiée dudit serment, & de la façon de laquelle il auoit esté depuis procedé auec elle; toutefois fadite Majestés'estoit promis que quand il auroit veu & bien consideré la depesche dudit Legat, le peu d'estime qu'il feroit de luy, auec ce qu'il pouvoit esperer desdits Espagnols, il traiteroit apres aucc elle plus sincerement qu'il n'auoit fait, comme elle m'auoit donné charge de luy dire; & qu'en ce faisant elle ne laisseroit de le gratifier, & faire pour luy comme celuy qu'elle vouloit honorer & contenter plus que iamais il ne pouvoit esperer de l'estre desdits Espagnols: adjoustant pour fin que pourueu qu'il prist ce party, & sit paroistre par effet, & y marcher de bon pied, i'auois opinion que sadite Majesté accorderoit la continuation de la trève encore pour vn mois ou deux, afin de donner loisir à Monsieur de Neuers d'acheminer son voyage & salegation à Rome. Ledit Duc commença sa réponse en soûpirant, me demandant s'il estoit vray que sa Majesté

eust nouvelles certaines de l'emprisonnement de Monsieur de Nemours, parce qu'il en auoit bien quelque aduis, mais il ne le pouvoit croire, & en estoit en grande peine, tant pour le respect de Madame sa mere, que pour plufieurs autres raisons qui importoient grandement au public & à son particulier, encore que ledit Duc se fust mal comporté en son endroit, iusques à suborner ses serviteurs, & les prendre bien auant en son Gouvernements toutesois il ne pouvoit qu'il ne sust marry de ce qu'il luy estoit aduenu, ne doutant point que cela fist parler beaucoup de gens à son desaduantage, mais qu'il y apporteroit tel remede que les essets justifieroient son intention, protestant ne luy estre arriué accident de long-temps, dont il eust receu plus d'affliction que de cerrui-cy. Et veritablement ie m'apperçeus bien qu'il en estoit grandement trauaillé, & tant qu'il en oublioit le demeurant : Mais apres auoir repris ses esprits ; il me dit qu'il auoit esté contraint de faire ledit serment pour arrester le cours de cette Royauté que poursuivoient ledit Legat, les Espagnols & leurs partisans auec tant d'ardeur & de violence, que s'il n'eust vsé de ce moyen, ils l'eussent peut-estre decerné sans luy, tant qu'ils estoient dépitez de la conuersion de sa Majesté, & reconnu que ce coup renuerseroit leurs dessein: que si laditeRoyauté cust esté faite, le Pape eust esté obligé de la soûtenir, & partant resuser à sa Majesté son absolution, ce qui eust perperué nos cala-mitez; car il n'eust esté apres en sa puissance

d'y remedier ; mais qu'estant toutes choses entieres comme elles estoient demeurées par cette inuention, ils ne pouuoient garder sa Saincteté de receuoir sa Majesté, qui estoit le poinct auquel il estoit necessaire de pouruoir fur tous autres, d'autant que l'obtenant, tous moyens & pretextes de troubler le Royaume & sa Majesté cesseroient; qu'il avoit deliberé d'y aider & seruir de tout son pouvoir comme il auoit souuent promis, mais que Monsieur le Cardinal de loyeuse qu'il vouloit faire chef de cette negociation, ne pouvoit faire ce voyage deuant l'extirpation de la tréve, partant falloit aduiser à la continuer, comme il m'auoit prié de remonstrer à sa Majesté: qu'il enuoyeroit auec ledit Cardinal, Mesfieurs de Senecé & Ianin, qui luy estoient tresconfidens, & desiroient le bien du Royaume, de sorte qu'il ne falloit seulement qu'auoir patience, sans s'arrester audit serment, lequel eftoir fait à la requeste du Legat, & entre ses mains, & deuoit estre du tout remis & differé au Pape, fous le bon plaisir duquel il auoit entendu & protesté le faire & non autrement, mesme estimoit qu'on le trouveroit ainsi écrit en l'original, si ledit Legat pour fauoriser les Espagnols ne l'auoit fait obmettre exprés, comme il y auoit en la coppie que ie luy. auois apportée ce mot de Catholique, où il estoit fait mention de ne reconnoistre le Roy de Nauarre, quelque acte qu'il fist pour faire trouuer le serment à Rome moins rigoureux: Qu'enfin il n'estimoit estre obligé par ledit serment de desobeir à sa Sainctere quand elle Q iiij

auroit receu & absous sa Majesté, ny de reietter la paix, pourueu qu'il reconnust le pounoir faire à l'honneur de Dieu, & en saine. conscience. Que s'il eust eu autre intention il ne m'eust employé en cestraitez, ny Monsieur le President Ianin, que ledit Legat mesme ne faisoit estat dudit serment, comme l'on voyoit par ses lettres, par lesquelles il n'espargnoit lesdits Espagnols, ayant ouy parler qu'il vouloit cotinuer la tréve, desesperoient desia de cette Royauté & de l'accomplissement dudit serment, encore qu'ils asseurassent que l'armée & les moyens qu'ils auoient. promis par iceluy seroient prests à la fin d'icelle. Qu'il alloit aussi faire débander les Deputez des Estats, signe cuident de son intention: car quand ils seroient vne fois separez il n'y auroit plus moyen d'élire vn Roy. Partant le principal estoit de séchir le Pape, le joindre à nostre desir, & estre asseuré de luy auant l'expiration de ladite tréve: car s'il falloit recommencer la guerre, il seroit contraint de s'aider encore desdits Espagnols, lesquels luy encheriroient leurs danrées plus, que iamais, & mesmes voudroient estre payez auant la main, & luy pour auoir moyen de se dessendre, seroit force de les contenter, au moyen dequoy il prioit ses amis de plaindre plûtost sa condition & luy aider à conduire. les affaires à bon port, que de s'offenser de ses actions, estant toutes forcées comme elles estoient, qu'il ne m'auoit rien dit dudit, serment, & n'en auoit aussi communiqué audir President, parce qu'il sçauoit bien que

nous n'eussions iamais approuué l'vsage de ce remede, & qu'il auoit iuré aussi de n'en parler qu'à ceux qui l'auoient fait auec luy, & sur tout de ne le nous communiquer ny à Monsieur de Bassompierre, pour la ialousie extréme que ledit Legat & les Espagnols auoient de nous ; qu'enfin son intention estoit bonne, qu'il m'en asseuroit derechef & le feroit paroistre par effet, specialement enuers sa Saincteté; mais qu'il estoit necessaire d'obtenir ladite prolongation, non pour vn ou deux mois, mais plustost pour quatre, afin de ne precipiter les affaires, si l'on ne vouloit aduancer celles desdits Espagnols, dont il me pria d'aduertir saMajesté par vostre moyen,& d'en auoir réponse bien-tost, parce qu'il n'en estoit asseuré, il falloit qu'il se preparast plutost à la guerre qu'à depescher à Rome.

Et d'autant que vous m'auiez prié, comme i'ay desia dit, auec ces Messieurs qui vous assissionent en ces assaires, de ne desesperer ledit Duc, ny rompre auec luy, l'acceptay encore cette commission, & vins vous trouver à Estampes, où sa Majesté vous auoit laissé exprés pour entendre la réponse dudit Duc, & la charge qu'il m'auoit donnée, laquelle ie vous representay telle que ie l'auois receue, dont vous me-promisses d'auertir sa Majesté,

& me faire sçauoir sa volonté.

Depuis vous & Monsieur de Reuol vintes à Poissy, où ie me trouuay, & accordasmes que ladite trève seroit continuée encore pour deux mois, sçauoir est, Nouembre & Decembre; toutesois que la publication ne s'en feroit que pour vn mois, que dans le dixiesme Nouembre elle seroit publiée pour l'autre, ce que sa Majesté voulut estre ainsi passé pour certaines considerations qui importoient pour son service; pareillement it fut accordé que l'on s'assembleroit dedans huit iours audit Poissy pour donner ordre aux contrauentions de ladite trève, dont chacunde part & d'autre se plaignoit; & sur ce vn bon reglement pour la faire mieux obseruer à l'aduenir. Cecy fut traité & accordé le 13. d'Octobre, dequoy i'aduertis ledit Duc qui m'en enuoya la ratification, laquelle ie vous fis tenir, comme vous fistes apres celle de sa Majesté; mais ie ne me voulus engager en la conference desdites contrauentions, tant le serment & l'acte de Lion m'auoient donné mauuaise opinion du succez des affaires, comme plusieurs autres lesquels n'eussent iamais. crû que ledit Duc eust voulu vser de tels moyens pour aduancer les siennes.

Monsieur de Belin sut depesché de luy à sa Majesté ence remps-là, sur l'aduis qu'il eur que sadite Majesté estoit allée à Dieppe exprés pour faire la guerre à Monsieur de Villars, en faucur du seur de Boisroyer qui commandoit au Fort se Fescamp, l'equel sa Majesté disoit s'estre donnée à elle deuant la tréve, & partant ne pouvoit l'abandonner audit sieur de Villars qui luy faisoit tous les sours la guerre, pour la supplier de n'yser de voye de fait en cette dessence pour n'alterer les affaires, mais faire que le tout sus traité annablement, & par les Deputez consormément aux articles de la tréve, laquelle ne pouvoit estre rompuë en vn lieu qu'ellene le fust par tout. Ie n'estois auprés dudit Duc quand ledit sieur de Belin fut depesché, car i'estois demeuré à Pontoise, exprés pour me mieux excuser de la conference susdite, que l'on deuoit faire audit Poissy, mais ie sceus que ledit Duc auoit donné charge audit seur de Belin de sonder sad. Majeste, sur vne plus longue prolongation de ladite tréveque celle qui auoit esté accordée iusques à la sin de l'année, disant ne pouuoir dans ledit temps auoir nouuelles de Rome & d'Espagne, d'où il falloit qu'il eust aduis deuant que de traiter la paix. Ét combien que i'eusse aduerty ledit Duc que vous vous trouueriez audit lieu de Poissy au temps que nous auions ordonné pour donner ordre ausdites contrauentions, afin qu'il fist aussi trouuer ses Deputez: neantmoins ie ne vous en manday rien par ledit sieur de Belin qui passa à Mante prés de vostre maison, où vous estiez demeuré exprés, pour vous acheminer audit Poissy, sans yous donner aduis de son passage, ny de l'occasion de son voyage; dequoy estant retourné à Paris, ie fis plainte audit Duc sur celle que chacun faisoit, de ce que l'on differoit tant à pouruoir ausdites contrauentions: toutefois il voulut attendre le retour dudit sieur de Belin deuant que d'enuoyer audit Poissy, soit qu'il fust en peine de ce feu, que l'on disoit qu'il s'alloit allumer du costé de Normandie, à cause du differend d'entre le sieur de Villars & Boisroyer, ou qu'il s'attendist d'obtenir la susdite pro-

372 longation plus longue de ladite trévé par le moyen dudit sieur de Belin, lequel luy en auoit donné quelque esperance : & combien que ie luy remonstrasse qu'il ne s'y deuoit attendre, veu les difficultez que sa Majesté & ceux de son Conseil auoient faites d'accorder les deux moyens que i'auois obtenus, neantmoins comme c'estoit le but auquel il aspiroit par dessus autres, il croyoit que ce que le luy en disois, & le sieur Zamet qui en parloit comme moy, procedoit plustost de mauuaise volonté que de jugement, en quoy le confirma plus que deuant le rapport que luy sit ledit sieur de Belin au retour de sonvoyage : car il luy dit que s'il luy eust donné pouvoir de traiter ladite prolongation, il la luy eust rapporté pour tel temps qu'il eust voulu, mais que ne luy ayant commandé que de sçauoir sur cela l'intention de sa Majesté, il n'auoit voulu s'y engager dauantage; & quant au differend dudit sieur de Villars, il n'eut agreable son entremise, comme celuy qui ne vouloit que l'on sceust gré à autres: qu'à luy de ce qui en succederoit : mais voyant qu'il ne pouvoit estre assisté dudit Duc, des Espagnols, ny de Monsieur de Guise en cette querelle, d'autre chose que de belles paroles. & promesses, il en sit depuis luy-mesme l'accord auec sa Majesté, auquel i'ay ouy dire que vous fustes employé, de sorte que ledit sieur de Belin ne rapporta de son voyage qu'vne lettre de sa Majesté, adressante à vous, par laquelle elle vous mandoit de donner insques à Paris si ledit Duc vous en prioit, &:

connussiez qu'il fust à propos, dequoy ayant eu la communication, ie fus d'aduis que ledir Duc parlast à vous, pour luy-mesmes vous dire ses raisons sur ladite plus longue prolongation, de laquelle il continuoit à faire plus grande instance que iamais, & apprendre aussi de vous la disposition de sadite Majesté sur icelle; ce qui fut cause que vous vinstes en ladite ville bien-tost apres, où vous parlastes par deux fois audit Duc, & ne tint à vous: qu'il ne prist autre conseil sur le traité de la paix, que celuy qu'il auoit suiuy iusques alors, . sans plus s'amuser aux contraventions de ladite trève comme il faisoit : car vous luy dites qu'on auoit eu peine à faire approuuer celle qui auoir esté accordée par sa Majesté. contre l'aduis quasi de tous ses seruiteurs, lesquels estoient blâmez dedans & dehors le Royaume, & sa Majesté aussi, comme de chor se que l'on estimoit auoir fait tort à sa reputation & à ses affaires : joint que sa Majesté, esperoit estre aduertie par Monsieur de Neuers de l'intention de nostre saint Pere deuant. que ladite trève fust expirée, pource qu'il sçauoit qu'il estoit arriué à Rome, & que selon. qu'il manderoit à sa Majesté elle se resoudroit de ce qu'elle auroit à faire, mais que si en cing mois que ladite tréve deuoit durer, ledit Duc ne pouuoit enuoyerà Rome, & sçauoir la volonté du Pape, c'estoit sa faute & non scelle. de sa Majesté, laquelle pour ce regard s'estoir acquittée de son devoir comme elle avoit promis, encore que ledit Duc de Neuers, auquel elle auoit donné la charge, fust, tant

pour sa qualité que pour son indisposition, moins portatif que les autres : que sa Majesté ne pouvoit endurer que son peuple payast là. taille à deux partis plus long-temps de son consentement, comme elle auoit souffert iusques alors, esperant que la tréve engendreroit la paix, par le moyen de laquelle elle pouruoiroit à son soulagement plus commodement, mais qu'elle ne voyoit pas à son grand regret les choses estre pour ce regard plus aduancées qu'elles estoient le premier iour, ains au contraire auoir assez d'occasion de croire que l'on n'auoit recherché ladite trève que pounmieux se preparer à faire durer la guerre : que si ledit Duc eust eu volonté de bien faire il en seroit autrement, car chacun sçauoit qu'il en auoit le pouuoir, & que tout dependoit de luy, joint que sa Majesté estoit resolue de passer tout ce qu'honneste-ment elle pouvoit accorder pour le contenter, tant au general qu'au particulier, comme elle luy auoit fait souvent dire: Mais aussi qu'il estoit delibéré de ne se repaistre plus de

parole, & qu'il falloit des effets.

Q v'elle auoit rendu au Pape & au saint Siege l'honneur & le respect qui leur estoient deus, & tels l'on leur auoit desiré; & si la faction d'Espagne estoit si forte à Rome que sa Majesté n'y peust estre receuë, il estoit question de sçauoir en ce cas ce que ledit Duc pretédoit faire, & s'il traitteroit ou non, d'autant que selon cela sa Majesté seroit conscillée de segouuerner en son endroit, le priant de bien peser ce fait auant que d'y faire réponse, assu

de ne perdre cette occasion, & d'obliger à luy sadite Majesté & toute la France, voire la Chrestienté, auec beaucoup de gloire & d'vtilité pour luy & pour les siens, laquelle estoit encores entre ses mains : adjoustant que s'il continuoit à remettre au Pape ce que l'on sçauoit dependre de luy entierement, sans parler de luy plus clairement qu'il n'auoit fait iusques alors, sa Majesté seroit mauuais iugement de son intention, de sorte que vous n'auriez moyen, à vostre grand regret, de seruir au repos du Royaume selon vostre desir.

Monsieve, vous amplifiastes ce discours de plusieurs autres raisons tres-considerables, fondées sur le besoin que le Royaume auoit de la paix, & toute la Chrestienté de l'vnion des Princes Chrestiens pour s'opposer aux armées du Turc: Toutefois vous ne peustes ébranler ledit Duc, la premiere & la seconde fois que vous parlastes à luy, de sotte que vous en partistes tres-mal édifié comme il vous pleût me dire, & moy audit Duc, lequel pour cela ne s'en émeut pas dauantage, & me semble qu'il attribuoit les difficultez que vous luy auiez faites sur la continuation de ladite tréve qu'il affectionnoit plus à vn commun aduis que nous auions pris enfemble, vous, le sieur Zamet & moy, qu'à la verité du fait, d'autant que nous luy en auions autant dit que vous, & que fedit fieur de Bede laquelle neantmoins vous ne voulustes le rejetter entierement, le voyant si attaché à ce poinct, asin comme ie croy, d'en remettre MEMOIRES

376 MEMOIRES la resolution à sa Majesté, & luy faire sçauoir & à moy son intention dedans huit ou dix iours au plus tard; ce que vous ne peuftes faire à cause de l'éloignement de sadite Majesté, qui estoit encore à Dieppe, & de vostre indisposition, mais ledit Duc m'enuoya à Pontoile apres vostre partement afin d'estre plus prés de vous, où ie receus vos lettres du 25. Nouembre, par lesquelles vous me mandiez que ie vous reuerrois bien-tost aupres dudit Pontoise, nous donnant tousiours peu d'esperance de la prolongation de ladite tréve, mais esperant de bien traitter à bon escient la paix, si l'on y vouloit entendre, comme l'on pouvoit faire devant que la tréve fust expirée, dedans lequel temps vous esperiez estre asseuré de la volonté du Pape, concluant que sa Majesté desiroit & auoit tant de besoin de la paix, que vous estimiez qu'elle ne precipiteroit rien.

I E presentay vostre réponse audit Duc, laquelle luy donna plustost esperance d'obtenir ladite prolongation qu'elle ne l'en desesperoit, en verité contre mon aduis, tant il est difficile d'arracher de l'esprit d'vn Prince l'opinion d'vne chose qu'il affectionne, partant il me pria de retourner à Pontoise pour vous voir, se persuadant que ie vous persuaderois de faire à la fin ce que vous n'auiez enuie, ny peut-estre pouvoir de ce faire, quoy que ie luy peusse dire au contraire: & comme il connut que i'auois besoin d'estre en cela persuadé autant que vous mesmes, parce que ie n'estois assez eschauffé à son gré, il vsa d'un artifice

377

nouveau pour me remettre en train, c'est qu'il me voulut faire croire qu'il auoit tant fait auce Monsieur son neueu qu'il l'auoit du tout. gaigné & tourné à la paix, de sorte qu'estant? maintenant bien vnis en ce dessein, si sa Majesté luy donnoir le loisir de conduire les affaires, il ne falloit point douter qu'elles ne succedassent heureusement, & sur ce il me dressa vne partie pour me faire parler à Monsieur son neueu, lequel s'en acquitta, de facon qu'il ne me donna pas grande occasion. de croire qu'il eust cette volonté : toutefois ie ne laissay pas de retourner à Pontoise, afind'auoir ce bien que de vous voir; ioint que i'eusse en verité desiré que l'on eust prolongé ladite tréve encore vn mois, pour leuer touteexcuse audit Duc, & en ce faisant le mettrede plus en plus en son tort, estimant que cela, ne pouvoit estre que tres-vrile au public.

Mars quand ie vous vis, vous me fistes bien connoistre qu'il ne se falloit plus attendre à ladite prolongation, me disant que sa Majesté auoit de nouueau découuert par plusieurs autres lettres qui auoient esté prises, que ledit Duc ne la demandoit que pour donner loisir aux Espagnols de s'armer, & au sieur de Montpesat faire le voyage d'Espagne où ledit Duc l'auoit enuoyé, ce qui vous estoit consirmé par la demeure en France du President Ianin; lequel au lieu d'estre allé à Rome auec le Cardinal de Ioyeuse & le sieur de Senecé comme il auoit promis de faire, s'il connoissoit comme il disoit, que l'on voulust bien faire, n'auoit pas passé Lion, & auoit

78

laissé aller les deux autres, ausquels l'on auoit

autant de défiance qu'en luy.

Le reuins à Paris exprés pour dire audit Duc, que sa Majesté estoit resoluë de ne continuer ladite trève le mois de Decembre passé, afin qu'il ne s'y attendist plus, & luy confeillay d'entendre à la paix sans plus remettre le traitté à vn autre temps, luy disant que se la guerre recommençoit sans estre assisté de forces suffisantes pour s'opposer à celles du Roy, & sur tout déliurer la ville de Paris de captiuité, que plusieurs, tant de bonne volonté que par necessité se separeroient du party, & composeroient auec sa Majesté, à present qu'elle faifoit profession de la Religion Catholique, & que coux qui demeuroient constans dans le party, traitteroient encore sans luy auec les Espagnols, lesquels recherchoient vn chacun de ce faire : dont ie luy disois, qu'entr'autres ils s'estoient adressez à mon fils, lequel ils auoient fort pressé de traitter auec eux à son deçeu, combien qu'il fust reconnu d'eux & d'vn chacun luy estre tres-affectionné, par ou il pouvoit connoistre quel estoit leur but, ce qu'il devoit esperer d'eux, & quelle seroit sa condition s'il aduenoit que chacun traittast sans luy auec sa Majesté, ou auec lesdits Espagnols, comme ie sçauois que l'on feroit.

To v T cela ne le peût dessourner de son premier chemin, qui estoit d'attendre les nouvelles de Rome & d'Espagne devant que prendre party: de sorte qu'il se resolut de s'aider encore de Monsieur de Belin pour tenter derechef s'il pourroit auoir ladite trève, pensant que ie l'en desesperois exprés pour le contraindre à faire la paix; joint que ledit sieur de Belin continuoit à luy en donner esperance; mais à son retour il en desespera du tout ledit Duc, lequel neantmoins ne changea d'aduis, ains pria ledit fieur Zamet de tenter encor ce remede, nous disant que Monsieur le Legat & luy auoient depesché à Rome le sieur Montorio pour deuancer ses deputez, & faire que le Pape luy permist de traiter auec sa Majesté. Toutefois ie sceus qu'il luy auoit donné autre charge, & que de nouueau il s'estoit laissé persuader que le Pape & le Roy d'Espagne avant veu n'auoir pû faire élire Monsieur de Guise, demanderoient ou'on éleust le fils aisné dudit Duc, moyennant le mesme mariage de l'Infante; ce qui auoit esté apposté pour renuerser la paix auec sa Majesté, laquelle il luy faisoit remonstrer ne se pouvoir cuiter que par ce moyen : en quoy il se laissoit entretenir du sieur Iean Baptiste de Tassis, lequel comme le plus fin luy donnoit esperance que son maistre y condescendroit, pourueu que la chose fust bien conduite. Cettui-cy ayant eu cette asluce, embouché des partifans d'Espagne qui enuironnoient ledit Duc que de luy faire croire qu'ils affectionnoient son contentement & la grandeur de sa maison, plus que toute autre chose, au lieu que Dom Diego d'Ibarra faisoit le contraire auec ledit Duc de Feria, lesquels se monstroient plus affectionnez à Monsieur de Guise, tout cela ne se faisoit que pour les

330

abuser tous deux, & par ce moyen nous faire franchir le sault de cette Royauté afin de

perpetuer nos miseres.

Qvov voyant, & que la tréve alloit ex-pirer, de sorte qu'il falloit se resoudre de recommencer la guerre à sa Majesté, ou s'accommoder auec elle, comme celuy qui estoit entré en la Ligue par necessité, & qui y estoit depuis demeuré pour seruir au repos de son païs pour auoir éprouué cette guerre, ie pris congé dudit Duc le vingt - troisiesme de Decembre, & me retiray à Pontoise auec les miens, pour les disposer à reconnoistre sa Majesté auec moy, puisque Dieu luy auoit fait la grace de se ranger au giron de l'Eglise; que ledit Duc ne vouloit faire la paix, & que le dessein des Espagnols estoit d'vsurper & diuiser le Royaume & le destruire. Et partant ie suppliay derechef ledit Duc de mieux aduiser à ses affaires, & considerer que l'esperance de la paix auoit contenu pluficurs Villes & personnes au party & en bonne opinion de luy, qui s'en separeroient & murmureroient contre luy quand la trève expireroit; tant pour estre lassez de la guerre que pour ne vouloir porter les armes contre sa Majesté puis qu'elle estoit Catholique, suiuant en cela leurs protestations & declarations souuent reiterées & publiées de sa propre bouche & par escrit, dequoy il seroit difficile qu'elles fussent retenues pour le respect du Pape, sur lequel ledit Duc s'excusoit, puis que sa Majesté s'estoit mise en deuoir de le contenter, joint que l'on estimoit que sa Sainsteté ne luy pouvoit justement refuser son absolution, la demandant d'vn cœur penitent; si humblement qu'elle faisoit : de sorte que si sa Saincteté en faisoit difficulté, comme déja l'on commençoit à dire sous-main qu'elle estoit resolue de faire, l'on l'imputeroit au pouuoir qu'auoient à Rome les Espagnols, ayant veu que le Legat fauorisoit ouuertement leurs pratiques & desseins que ie ne voulois pour mon regard que la guerre me surprist à Paris, tant pour ce que ie voulois estre en lieu où ie fusse libre pour disposer de moy comme Dieu me conseilleroit, que pour ce que ie ne pouvois compatir aux humeurs duditLegat, & desdits Espagnols, lesquels ie tenois autheurs & cause de la ruine du party Catholique & de la France, que de demeurer auprés de luy sans y adherer, ce seroit me perdre & me faire mocquer de moy; & dauantage, luy faire tort, parce qu'en recommençant la guerre il seroit contraint d'espouser entierement leurs passions, deuenir leur esclaue, ou d'estre abandonné de toutes parts. Que si ie voyois qu'apres cela il nous restast encore quel que sorte d'esperance de faire la paix, ie ne laisserois de m'y employer comme i'auois fait depuis la mort du feu Roy, que ie l'auois suiuy & accompagné exprés: Mais qu'il ne s'y faudroit plus attendre après ladite trève, la fin de laquelle apporteroit vn merueilleux changement aux affaires, que ie ne voulois plus luy representer les mal-heurs qui luy en arriueroient, parce qu'il y deuoit voir plus clair que moy, & que ie les luy auois remon-

stré si souvent, que i'estimois l'en auoir importuné. Mais seulement que ie luy voulois dire que s'il n'estoit retenu comme il disoit, que du respect qu'il portoit à sa Saincteté en ce traité, l'on pourroit peut-estre obtenir de sa Majeste, que tout seroit fait sous le bon plaisir d'icelle, afin de la contenter : adjoûtant que i'estimois qu'il feroit plaisir à sa Saincteté d'en yser ainsi, afin de la soulager au jugement qu'on luy auoit remis, auquel chacun reconnoissoit qu'elle estoit agitée & combattue de diuerses considerations, concluant que si apres la tréve il nettrouuoit moyen de contenter. & retenir les Villes au party, elles luy eschapperoient, plus viste qu'elles n'y estoient venues apres la mort de Messieurs ses freres, tant l'ambition & la foiblesse des Espagnols, auec les maux qu'elles auoient endurées par nostre conduite en toutes choses leur auoient fait desirer, & leur faisoit maintenant approuuer la conuersion de sa Majesté comme estant l'vnique, plus prompt & asseuré remede à leurs calamitez, le suppliant si mes raisons & remonstrances ne pouuoient l'esmouuoir, au moins se ressouuenir quelquesfois du deuoir auquel ie m'étois mis de l'assister, conseiller & seruir en cette occasion, l'asseurant que ie regretterois eternellement de n'auoir pu acquerir en cinq ans que ie l'auois accompagné, plus de creance en son endroit pour son propre bien & seruice, non moins que pour conserver la Religion & le Royaume.

de Belin deuers sa Majesté, pensant obtenir à la fin ladite prolongation, & vouloit que i'attendisse son retour auant que partir : mais ie le suppliay de m'en excuser, sçachant que ledit sieur de Belin n'en rapportoit qu'vn refus, craignant qu'il n'aduinst quelque chose qui rendist mon partement plus difficile & moins honneste: partant ie me retiray à Pontoile, où on eut ce bien de vous voir bientost apres auec Monsieur de Sancy,où se trouua ledit sieur Zamet qui reuenoit de Mante. Là ie vous asseuray de ma deliberation apres l'auoir esté de vous, qu'il ne falloit plus es-perer de tréve generale, mais ie vous priay de m'en faire accorder vne particuliere pour Pontoise, tant pour me donner moyen de gaigner mon fils & ceux de la garnison, que pour auoir loisir de voir quelle resolution Monfieur de Mayenne prendroit à Paris, apres auoir entendu la volonté du Pape, & ce que M. de Neuers en rapporteroit sans poser les armes contre sa Majesté, laquelle la nous accorda pour trois mois, dont i'aduertis Monsieur de Mayenne qui la ratifia, mais à regret, à cause de ce qui estoit aduenu à Meaux, où les habitans auoient reconnu sa Majesté auec Monsseur de Vitry leur Gouverneur, dont ledit Duc estoit tres-offensé, & non sans cause, car la declaration de ceux de Ladite Ville resueilla les courages des armées, Ieur fit gouster les raisons qui les auoient meuz, auec le bon traitement que sa Majesté leur auoit fait; de façon que plusieurs com-mencerent à detester la guerre & les autheurs

de Brissac, & ledit sieur Zamet vers sa Majesté chargez de nouuelles offres, ainsi que
i'ay entendu, dont sa Majesté sit aussi peu de
conte que des premiers, disant tousiours qu'il
vouloit faire la paix tout à fait, ou la guerre, sans plus s'amuser aus dites tréves, tant
elle auoit mauuaise opinion de la volonté
dudit Duc.

S v R cela sa Majesté alla à Chartres, où elle se fit sacrer au grand plaisir & contentement d'vn chacun : & le Cardinal de Plaisance publia vne lettre adressante aux bons Catholiques, par laquelle il leur faisoit sçauoir que nostre saint Pere n'auoit admis & receu Monsieur de Neuers, que comme Prince d'Italie, & non en qualité d'Ambassadeur de sadire Majesté, à laquelle il nous aduertissoit qu'il ne donneroit iamais absolution quoy qu'elle fist, dequoy chacun fut extrémement scandalisé & offensé: car par sa lettre il ne rendoit aucunes raisons de ce refus, qui étoit jugédetous trop rigoureux, pour celuy qui tenoit lieu de Pere commun des Chrestiens, mesmes à l'endroit d'vn tel Prince que sa Majesté, laquelle l'anoit recherché auec tant de submission & d'humilité : de sorte que la rencontre de ces deux actions, sçauoir dusacre de sa Majesté, & de ladite declaration, fit resoudre plusieurs personnes de reconnoistre sa Majesté, encore plustost qu'elles n'eussent fait, voyant d'vn costé que sadite M. faisoit ce qu'elle deuoit, & pouuoit, pour asseurer ses subjets de sa veritable & entiere conuersion; & de l'autre que ledit sieur Cardinal Tome I.

nous desespéroit entierement de l'assistance de sa saincteté en sa faucur contre toute raison, par où nous nous voyons plongez pour iamais en vne abisme de calamitez au peril de la Religion, sans nous faire apparoir d'aucun moyen ny remede propre pour nostre consolation.

Dequoy chacun vit aussi bien-tost sortir des essets par la resolution que prirent les principales Villes du Royaume, de recourir à sa Majesté, & luy iurer sidelité & oberssance, comme sirent plusieurs Seigneurs & Gentils-hommes, lesquels jugerent ne de-uoir plus disserer à ce faire sous pretexte d'attendre la volonté de sa Saincteté, puis qu'elle auoit condamné sa Majesté sans l'ourr, comme nous apprenions par la lettre dudit Legat imprimée; joint que sa Majesté auoit communié aux saints Sacremens de l'Eglise, & sait les sermens accoustumez aux Sacres de nos Rois.

Monsieve, vous sçauez que Dieu m'a fait cette grace que i'ay esté des premiers qui se sont rangez au deuoir, auquel comme il a plu à sa Majesté me receuoir tres-fauorablement par vostre moyen & de mes autres amis qui s'y sont employez, ie vous ay voulu aussi adresser ce compte de mes actions durant ma miserable fortune, tant pour vous tesmoigner l'obligation que ie reconnois vous en auoir, que vous donner occasion de me continuer vostre amitié, de laquelle ie sçay que vous n'honorez pas volontiers ceux qui ent l'amtetrauerse : ie iure aussi que ie ne la

m'en estre rendu indigne, voire ne demeurerois en ce Royaume, ny ne pourrois viure ailleurs en aucun repos, tant i'abhorre vn malesice, & suis ialoux de mon honneur: ce que nous faisons par force & necessité ne nous doit entierement estre imputé, mesmes quand en nostre cheute nous nous esforçons de l'amender en seruant au public, comme vous voyez par ce discours que ie me suis mis en

peine de faire.

I E sçay bien que l'on ma long-temps blâmé de la poursuite de ladite paix, voyant qu'elle estoit infructucule, comme si i'euste en part à l'artifice dont elle a esté accusée; les vns croyans que i'auois tel pouuoir auprés dudit Duc qu'il faisoit une partie de ce que ie luy conseillois, & les autres que ie le deuois abandonner dés le commencement, & que ie deuois auoir reconnu qu'il ne marchoit de bon pied: i'excuse les vns & les autres, car en verité ayant esté nourry aux affaires; voire si i'ose dire dedans le sein des Rois, la raison vouloit que ledit Duc fist plus de compte de mes conseils qu'il n'a pas fait ; & de l'autre, mon deuoir m'obligeoit de le quitter les voyant mesprisez: car i'aduoiie n'auoir pes ché par ignorance, maisle succez des affaires, & ma derniere resolution me iustifient asse? estant certain que ie n'eusse esté si vtile au blic que ie pense auoir esté, si i'en eusse vsé autrement, comme ie m'asseure que tesmoigneront tous ceux qui ont suiuy ce changement qui est aduenu, ie n'en recuse vn seul:

dauantage, ie ne me fusse satisfait moy-mesme, ny peut-estre contenté sa Majesté & mes

amis, comme i'estime auoir fair.

Car il me fust demeuré vn regret; & à l'aduenture yn perpetuel reproche d'estre aucunement cause de la longueur de mos calamitez publiques si i'en eusse abandonné la Cour, cependant que par raison & iugement le Roy mesme & ceux qui le servoient, comme plusieurs gens de bien qui servoient le party de Monsieur de Mayenne, croyoient que ie pouuoisy seruir; l'on cust dit que l'eusse preferé mon particuliere au public par timidité, ou pour ma commodité: dauantage, ie ne sçay h deuant la conversion de sa Majesté i'eusse pû persuader aux miens de faire ce qu'ils ont fait pour le seruice de sa Majesté, tant ils estimoient leur honneur estre engagé à suiure l'opinion commune de la guerre, laquelle estoit colorée du pretexte de la Religion.

l'aduoue bien audir reconnu dés le commencement que ledit Duc n'auoit pas grande enuie de faire la paix, mesmes lors qu'il refusa de faire semondre sa Majesté de se faire Catholique, car c'estoit le chemin qu'il y falloit tenir pour y paruenir; mais aussi ic descouurois en mesme remps quelle estoit la cause qui l'en degoustoit, & si ie me suis rompé en quelque chose, ç'a esté d'auoir espené que le temps & l'experience luy seroient changer d'aduis; aussi s'il n'est aduenu, ç'a esté plus par vn vray iugement de Dieu que par raison: car ie puis dire que le Ciel & la terre ont comme à l'enuie l'yn de l'autre combattu son dessein depuis le commencement iusques à la sin, & neantmoins chose quelconque n'a pû l'en diuertir, & souuent a esté pour cela, mais à tort, accusé d'irresolution au fort de la constance, lors que la nature, les vœus d'un chacun, & mesmes les propres paroles & actions le couuroient & desguisoient entierement, & specialement aux yeux de ceux qui discouroient & iugeoient des choses par ce qui luy estoit plus honorable & vtile, comme ie consesse auoir fait souuent.

Mars le desir de regner & tenir le pre-mier lieu a toussours transporté ce Prince, s'estant promis de pounoir par les armes & sa vertu atteindre ce degré pour luy & pour les siens, fauorisédu pretexte de la Religion, lequel luy auoit acquis la bien-veillance publique, assisté des forces & moyens du Roy d'Espagne, & peut-estre que s'il cust eu plus d'heur, proude gens n'eussent fait conscience d'excuser, voire fauoriser son dessein, à cause des aduantages que Dieu luy auoit mis en main, lesquels donnoit occasion de croire qu'il vouloit faire vn changement en cét Estat, comme d'auenture il fiist aduenu, s'il n'eust rencontré sa Majesté, laquelle a eu le courage de deffendre la justice de sa cause, assisté de Dieu & de sa Noblesse: mais ledit Duc se deuoit au moins departir apres la bataille d'Iury, en laquelle il esprouua sa fortune; ou bien au retour d'Espagne du President Janin, par lequel il fut esclairey que le Roy d'Espagne pretendoit à la Couronne pour luy &

pour sa fille, & sur tout apres la conuerhon de sa Majesté, que le pretexte de la Religion auec la bien-veillance publique luy manquoient auec les moyens & la faueur du Pape & dudit Roy d'Espagne, les Ministres desquels vouloient qu'on preserast à luy Monheur son nepueu. S'il eust pris ce party comme il en essoit conseillé par tous ceux qui l'aimoient, quelle gloire n'eust-il acquise? II cust justifié la memoire des siens, ses actions passées, & celles de ses amis & du party: l'on luy eust attribué vne grande partie de l'honneur de la conversion de sa Majesté, la France eust estimé luy deuoir, son salut & son repost quelle fortune aussi n'eust-il faite? car il eust vny à luy d'yn lien indissoluble les bonnes Villes du Royaume, ausquelles il auoit commandé, & la foiblesse qui l'auoit suiuy. Pluheurs estiment aussi qu'aucuns. Catholiques qui ont suiuy sa Majesté, se fussent après ce deuoir tres-volontiers attachez à sa fortune pour asseurer les leurs, subjets à ce changement, comme sont ordinairement celles qui se forment durant vne telle guerre & confusion qu'a esté la nostre depuis cinq ans, & si le Roy traitant auec luy eust accordé quelque aduantage aux Catholiques, comme i'estime qu'il cust fait, l'on luy cust donné l'honneur & le gré, de sorte qu'il euft efté difficile d'empescher qu'il n'eust esté reconnu à l'aduenir chef du party Catolique en ce Royaume, & que par ce moyen il n'eust conserué ses intelligences estrangeres, lesquelles se fussent d'autant plus volontiers entretenues auec

luy, qu'estant son credit & pouvoir plus grand & asseuré, son amitié eust esté aussi plus vtile: dauantage, le Roy cust esté contraint pour auoir la paix, de luy accorder, & à ceux de fa maison & autres ses amis & partisans, plusieurs aduantages particuliers, qui l'eussent rendu plus puissant que iamais, dont il eust esté disticile, voire impossible, que sa Majesté l'eust priué quand elle l'eust voulu mire, principalement tant que la diuersité de la Religion cust duré en ce Royaume: car ce pretexte cust tousiours seruy d'arboutant & d'appuy à sa conservation: brefil pouvoit par la paix s'establir auec tant d'honneur & telle authorité & puissance que sadite Majesté n'eust guere moins eu besoin de luy & de son sernice, qu'il eust eu de sa bonne grace & bienveillance, le Royaume estant en l'estat qu'il

MAIS Dieu n'a voulu qu'il soit ainsi succedé pour manischer sa justice, neantmoins se diray que si vn autre que ledit Duc eust conduit ces affaires, que le Royaume eust plus pâty qu'il n'a fait: car certainement il a tousiours contredit aux violences publiques & prinées, l& à la dissipation de l'Estat, dequoy se plaignoient ceux qui vouloient rendre nostre guerre perpetuelle; & à dire le vray, il a fair paroistre auoir trop bon naturel pour durer & compâtir auec telles sortes de gens, lesquels vouloient à quelque prix que ce sust ruiner le Royaume, pensant s'agrandir aux despens d'vn chacun.

Mais le bon-heur de la France's y est op-

R iiij

posé, fauorisé de la grace de Dieu, qui s'est seruy de la magnanimité & vertu de sa Majesté, à laquelle apres sa divine bonté, la gloire en est deue principalement. Toutefois, Monsieur, la playe est encore ouuerte de sorte que sa Majesté a besoin d'estre mieux seruie que iamais pour la garde du tour; car vn petit accident la peut rendre aussi dangereuse que deuant. Sur tout nous deuons supplier sa -Majesté de mieux mesnager sa personne qu'elle n'a fait, car en la conservation confiste le salut du Royaume, elle a voulu iusques icy, & peut-estre qu'il a osté necessaire se hazarder pour asseurer les autres; mais il faut d'oresnauant que les autres se hazardent pour l'asseurer : car s'il en mef-aduenoit, nos maux deviendroient à l'instant plus perilleux que iamais : c'est peut-estre ce qui nourrit & entretient encore le reste des factions qui nous troublent, voire qui en preparent de toutes nouvelles, non moins dangereuses que les autres ; vous y voyez plus clair que moy, & sçauez encor mieux par quel moyen l'on y peut remedier; partant ie m'en tairay, & mettray fin à mondiscours. Ie vous supplieray le prendre en bonne part, & croire qu'il'est veritable, & ie demeureray eternel-·lement.

Vostre seruiteur, DE NEVFVILLE.

Les presens Memoires acheuez d'imprimer, l'Imprimeur en a recouuert vne coppie plus ample que celle dont il s'estoit feruy, de laquelle il a tiré les lieux cydessous, qui seruent à rendre cét ouurage plus parfait, & sont voir que M.de Villeroy y auoit mis la main plus d'vne sois.

Page 174. ligne 18. apres ce mot, a'oppres-

A v reste qu'elle louoit la resolution que ie prenois de me retirer en ma maison quand la paix seroit desesperée: que c'estoit le vœu d'vn homme de bien, obligé à la France comme i'estois, & qu'elle me donneroit pour ce faire toutes les asseurances & sauuegardes qui me seroient necessaires; mais qu'elle vouloit que ie la visse encore vne sois auant que me retirer, quand ce ne seroit que pour luy rendre compte de la réponse & volonté dudit Duc.

Page 176. ligne 22. apres ce mot, la vaix, adjoustez. Tout cela me seroit fort peu; car ledit sieur Mareschal péchoit en cette opinion aussi bien que les autres, & sa Majesté mesme essoit de cét aduis, encore qu'elle me sist vne ample declaration de sa bonne volonté au repos public, & au contentement particulier dudit Duc, comme de sa grace elle en sit en mon endroit,

LE retournay encores à Soissons vers ledit seur Duc de Mayenne, à qui ie rendis compte de tout ce que dessus, sans toutesois luy dire ce que restimois le pouvoir aigrir & éloigner du desir de la paix; le connus bien qu'il n'étoit pas trop content de mon retour, & que

RY

ie luy custe fait plus de plaisir de gaigner ma maison, & que durant mon absence aucuns luy auoient fait trouuer mon voyage tresmauuais & preiudiciable à sa reputation & au party, à cause que les zelez qui possedoient lors la ville de Paris & les estrangers en monstrerent estre mal contens, nonobstant les lettres de desadueu qu'il leur auoit écrit, à quoy il estimoit que moy n'estant auprés de luy il les consirméroit de plus en plus.

Page 206. ligne 4. après ce mot, parlé, 2d-

jouftez.

Nous nous separasmes là dessus, certes à mon grand regret, parce que l'auois bien fait estat d'engager si auant ledit affaire par l'atcord de ladite cessation, que l'on eust esté contraint de part & d'autre de passer outre; mon pere n'en sut moins marry que moy, car il s'en estoit sait sont su m'auoit fait venir exprés pour cela. Toutesois le receus, &c.

Page 206. ligne 27. apres ces mots, tendoit le plus, adjoustez: Cecy sut consulté auec le-dit Duc de Parme & l'Euesque de Plaisance, lesquels ie reconnus craindre extremement que l'on attachast quelque negociation auec sa Maiesté pour quoy que ce sust, tant ils se désioient dessa dudit Duc de Mayenne, auquel aussi ils déguisoient encores le but du Roy d'Espagne: car lean Baptiste de Tassis ayant remis à l'en éclaireir, quand il arriua, apres que la ville de Paris seroit secourue, comme il sur blesse d'vne grande arquebuzade demant Corbeil, de laquelle l'on pensoit qu'il deust mourir, il ne luy en dit rien du tout,

non plus que ledit Rossieux qui l'auoit accompagné en Espagne, lequel disoit que sa Majeste Catholique auoit chargé du tout ledit Tassis: Et toute sois Monsieur le President Ianin m'a dit auoir apris en son voyage d'Espagne qu'il n'en auoit esté rien celé audit Rossieux, mais qu'ils l'auoient si bien gaigné qu'il estoit plus à eux qu'à son Maistre, comme il témoigna tres-bien en cette occasion, que ledit Duc de Parme & les autres Ministres du Roy d'Espagne resolurent couurir audit Duc de Mayenne la volonté de leur Maistre, parce qu'ils reconnoissoient qu'il auoit quelqu'autre dessein que ledit Duc de Parme s'en vouloit retourner auec son armée, & que leur partie n'estoit pas encores si bien dressée qu'ils desiroient pour la manifester à d'autres qu'à ceux desquels ils estoient bien asseurez : Et si ledit Rossieux eust esté fidele à son Maistre, il l'eust lors éclaircy de toutes choses, surquoy il eust pû prendre quelqu'autre party que celuy qu'il prist : Et veritablement plusieurs iugeoient que ledit Duc de Parme n'auoit secouru Paris pour le déliurer; mais pour en acquerant à son Maistre & à luy la gloire & obligation de ce succez, rendre ses forces plus necessaires, car il eust pris la ville de Corbeil plustost & à meilleur compte s'il eust voulu: & s'il se fust adressé à Melun deuant l'autre, peut-estre qu'il en eust eu bon marché.

DAVANTAGE, il pouuoit encore retenir l'armée, & apres la prise de Corbeil entreprendre encore quelqu'autre chose, & mes-

me s'attaquer à saint Denis qui n'essoit encores fortifié; car sa Majesté estoit foible, & -ledit Duc de Parme n'auoit faute de moyens d'entretenir, voire de rafraischir son armée: Mais il sut possible bien aise qu'elle se deffist & consumast deuant ledit Corbeil, tant il donna mauuais ordre à la nourriture d'icelle. exprés pour auoir excuse de s'en retourner, & en ce faisant laisser ladite ville de Paris & le party en necessité, car ledit siege de Corbeil dura plus de six sepmaines: Et si d'abord il eust voulu l'assailsir par où il le battit & prit à la fin ; comme il luy fut remonstré, il l'eust forcé en huit jours, sans rejetter comme il fit, cette longueur sur la faute des poudres & balles à canon, & partant sur ledit Ducde Mayenne, lequel faisoit plus qu'il ne pouuoit pour le secourir; & routefois l'autre le décrioit tant qu'il pouvoit. S'il le faisoit pour micux faire les affaires du Roy Catholique ou non, comme aucuns ont voulu dire, ie m'en rapporte à ce qui en est; mais il est certain qu'il y fit plus de mal que de bien, s'y. gouvernant comme il fit : car les hommes, & principalement les François, se gaignent & acquierent bien plustost par les beaux faits que par la necessité, comme les Espagnols ont depuis éprouué.

Page 211. ligne 10. apres ces mots; servient ennoyez, adjoustez: Doncques suivant l'aduis desdits sieurs ie m'acheminay à Soissons, & vis sa Majesté en passant à Senlis, à laquelle ie dis, & pareillement à Monsieur d O & de la Nouë, le desplaisir que l'auois receu des-

dites lettres, les plaintes que l'en auois faites; & auois deliberé de renouveller, ce que le President Ianin m'en auoit escrit, & comme l'allois trouuer ledit Duc exprés pour les faire reformer, & remedier au mal qu'elles auoient fait; mais qu'il estoit question desçauoir si sa Majesté seroit renouueller & prolonger lesdits passe-ports, sieledit Duc vouloit changer sa depesche, puis que les deux mois accordez par les premiers estoient quali expirez; remonstrant à sa Majesté que c'estoit chose qu'elle denoit accorder, afin. que cette faute que l'on disoit ne proceder de mauuaise volonté, comme ledit Ianin m'anoit escrit, ne fust cause de rompre ladite assemblée, sans laquelle la paix ne se pouuoit faire. Sa Majesté me promit faire rafraischir lesdits passe-ports, pourueu qu'elle vist & fust d'accord de la forme & substance des lettres. que l'on escriroit aux Prouinces.

Et d'autant que ledit sieur Ianin m'auoit escrit que ledit Duc l'enuoyoit en Espagne, & qu'il destroit sçauoir deuant son partement si sa Majesté en traitant la paix se laisseroit aller, de vuider par accord aussi les disserent qu'elle auoit auec le Roy d'Espagne, asin d'en répondre où il alloit, ie puis la hardiesse d'en demander à sa Majesté sa volonté, & luy dis que c'estoit pour la faire sçauoir audit President; adioustant qu'il me sembloit que sa Majesté ne deuoit saire difficulté d'en donner parole, d'autant que cela pourroit seruir grandenunt à faire ladire paix, estant certain que le vent qui venoit de ce costé-là nourris-

MEMOIRES soit plus qu'autre chose la tourmente qui troubloit ce Royaume: ioint que ie sçauois que ledit Duc de Mayenne ne traiteroit iamais sans ledit Roy, & que ce seroit l'honneur & l'aduantage de sa Majesté de mettre la Chrestienté en paix quec son Royaume.Ce qu'il prist de sa grace en tres-bonne part, me disant qu'elle avoit si grande envie de déliurer son peuple d'oppression, qu'elle estoit resolue d'y ceder du sien pour y paruenir, & fuiure en cela le conseil des plus sages, pourueu qu'on le fist dignement & honorablement, & non autrement, car elle vouloit plustost perdi la vie que de rien faire & palser indigne de sa Majesté, & de la memoire de ses predecesseurs; dequoy elle me pamit de donner aduis audit President Ianin, comme à vn chacun, de son affection au repos du Royaume. Cecy fur par l'aduis de Monsieur de la Nouë que i'ay tousiours trouvé tres-sidelle à son Maistre, & prudent en toutes choses, mais principalement en ses derniers iours à desirer & conseiller ladite paix, comme il faisoit ordinairement, combattant l'opiniastreté ou malice de certains satteurs ou ignorans, lesquels soustenoient que sa Majesté pouvoit mieux venir à bout de ses ennemis par la guerre que par vn accord; & partant la dissuadoient d'entendre à toute recon-

ris de se relascher d'vn seul poinct de leurs profits & commoditez ordinaires pour pouruoir aux necessitez de sa Majesté & du Roy-

E STANT en la ville de Senlis le fieur Alphonse d'Ornano Colonnel des Corses qui auoit passé à Guise, où il auoit veu ledit Duc de Mayenne, me dit en la presence de sa Majesté par son commandement, qu'il avoit appris de bonne part, que ledit Duc estoit si bien lié & engagé aucc les Espagnols qu'il ne pouuoit plus traiter auec sa Majesté sans eux, comme celuy qui dependoit du tout de leur volonté, dont ie luy répondis que ie n'en auois encores rien sceu, mais que l'on luy auoit peut-estre voulu dire que ledit Due auoit promis aux Espagnols de ne traiter sans eux, comme ie ne doctois point qu'il n'eust fait, que ie l'estimois honneste & raisonnable, veu le secours qu'il en auoit receu. Toutefois qu'il ne s'ensuivoit pas que pour cette promesse il despendist d'eux entierement, ny fust obligé de preferer leur contentement au bien de la Religion, du Royaume & de sa maison.

Page 212. ligne 25. apres ces mots, ladite

assemblée, adioustez.

LEDIT Duc ayant veu la dite reformation l'approuua, mais voulut que ie sisse dire à sa Majesté qu'il n'entendoit pour cela prescrire aux deputez qu'il enuoyeroit querir, la charge qui leur seroit donnée aux Prouinces, aucc les quelles il vouloit sçauoir s'ils ne pourroient pas venir seurement, quand bien elle leur seroit donnée contraire au seruice & aux intentions de sa Majesté, & au contenu desdites lettres resormées; asin que personne de part & d'autre ne sust trompé, & eust ocea-

fion de se plaindre de ce qui en successorit, disant aimer mieux n'auoir lesdits passe ports que de répondre desdites commissions, assuitettir lesdits deputez & ceux qui les enuoyoient à la volonté d'autruy, & mettre se amis en peine & hazard à faute d'éclair-cissement & intelligence.

Page 213. ligne 32. apres ce mot, Chartres,

adioustez.

No v s demeurasmes plus de six sepmaines sans auoir réponse dudit sieur de Fleury à la depesche qui luy auoit esté enuoyée par ledit Trompette, dont il s'excusoit sur ledit siege qui occupoit da tout sa Majesté, & certaines lettres interceptes, lesquelles il disoit auoir mis sa Majesté en plus grande deffiance que iamais de ladite assemblée; & mesmes vne dudit Duc de Mayenne addressante à l'Euesque d'Amiens du second de Février, par laquelle il luy mandoit ne vouloir entendreà la paix auec sadite Majesté, & que tout ce qu'il faisoit auec elle n'estoit que pour faciliter ladite assemblée, & auec icelle pouruoir à leurs affaires : Mais ledit sieur de Fleury vint sur la fin de Mars auprés de Soissons auec la coppie desdites lettres & plusieurs memoires qui auoient esté surpris, lesquels il auoit charge de faire voir audit Duc, & sur ce entendre & s'asseurer encore de sa volonté, & de l'effet auquel il vouloit employer ladite assemblée deuant que de liurer lesdits passeports. Entr'autres interceptes, ily en auoit vne de l'Euesque de Plaisance au Gardinal Cajeran, par laquelle il luy mandoit que

Fon ne se deuoit sier audit Duc de Mayenne ny à moy : que cette assemblée dont l'on parloit ne luy pouvoit estre que suspecte, combien que ledit Duc l'eust asseuré la faire pour mieux affermir & establir le party: il apporta austi vne certaine remonstrance de Panigarolle au Duc de Sauoye, par laquelle il luy persuadoit d'entreprendre la conqueste de ce: Royaume, comme celuy qui y deuoit auoir plus de part, & y mieux faire ses affaires que tous autres : adioustant que le Roy seroit bien-tost maistre de la ville de Chartres, & qu'apres il avoit deliberé de faire vne assemblée seulement des Princes, Officiers de la Couronne & de plusieurs Prelats, & mesmes y appeller ceux du Parlement, pour donner ordre à ses affaires par leur aduis, & sur tout au fait de Religion: où si l'on pouuoit faire que Monsieur de Mayenne fist trouuer quelques-vns de sa part, plusieurs estimoient qu'il en reissiroit vn grand bien : qu'il auoit charge de le dire audit Duc, & que par mesme moyen l'on y pourroit traiter & accorder le commerce general, me priant d'entreprendre le voyage de la part dudit Ducauec Monsieur de Videuille. Et d'autant que ie luy dis qu'il ne falloit pas esperer que ledit Duc le nous promit si ce n'estoit pour traiter dudit commerce, il écriuir que l'on nous enuoyast des passe - ports fondez sur ce suiet en attendant qu'il vist ledit Duc, lequel estoit part? de Soissons, & allé à Meaux, pour voir si delà il pourroit secourir ladite ville de Charrres, qui commençoit à estre pressée. Il dons

402 na iusques au bois de Vincennes, où il fut conseillé de reformer le Parlement de Paris. & en oster quelques Officiers, à la poursuite des Zelez de ladite ville, lesquels estoient lors si supportez des Grands, & redoutez des autres, qu'ils osoient & faisoiet tout ce qu'ils vouloient, & souuent dessaisoient ou blasmoient au soir ce qu'ils auoient fait ou approuué le matin, comme il aduient ordinairement à ceux qui fuiuent plustost leurs passions que la raison, lesquels accusent d'iniuflice tout ce qui leur déplaist : ceux-cy en sirent de mesme en cette occasion, car quelques iours apres ils blasmerent ladite purgation, faite toutefois à leur postulation, comme disoient ceux qui auoient suiuy ledit Duc: car il m'auoit laissé en ladite ville de Soissons, mais l'ayant aducrty de l'arriuée dudit fieur de Fleury, de ce qu'il auoit apporté, & de l'instance qu'il faisoit de parler à luy, il me manda le mener à Chasteau-Thierry, oil il estoit rebroussé, ne se sentant assez fort pour secourir ladite ville de Chartres : ioint qu'il ne disposoit des sorces étrangeres comme il vouloit, de forte que ladite ville se rendit bien - tost apres.

Page 116. ligne 7. apres ces mots, soft apres,

adioustez.

Mais ledit sieur de Fleury s'estant rencontré auec le sieur de Rosne deuant que de partir, recueillit de luy certaines ouuertures pour faciliter ladite paix, & croyant qu'il ne les mettroit en auant sans dessein, il les rapporta à sa Majesté, laquelle en fit cas, parce

D'ESTAT. qu'il disoit qu'il ne falloit s'arrester à ladite assemblée generale pour traiter mais seulement en faire vne particuliere en quelque lieu, sous pretexte de parler de la déliurance de Monsieur le Duc de Guise, & la enfoncer vne bonne negociation en laquelle on employast des personnes qui affectionnassent le bien & aduantage particulier de Paris, sans tant s'arrester au general comme on auoit tousiours fait, & s'offroit d'y seruir volontiers si l'on trouuoit bon qu'il y fust employé, comme celuy qui desiroit & affectionnoit plus le bien dudit Duc que toute autre chose, adioustant que ce ne seroit iamais fait que de remettre ses affaires à ladite assemblée : cela fut cause que sa Majesté enuoya ledit sieur de Fleury auec d'autres passe-ports lesquels faisoient mention de la déliurance dudit Duc de Guise, entre lesquels il y en quoit vn pour ledit sieur de Rosne:mais d'autant qu'apres que ledit sieur de Videuille & moy eusmes reucu les premiers que l'on nous auoit enuoyez pour traiter dudit commerce, ledit Duc nous auoit pressez de partir, i'arriuay à Fleury aussi-tost que le maistre de la maison auec ces derniers passe-ports, où il me dit lors le langage que luy auoit tenu ledit sieur de Rosne, l'estime que sa Majesté en auoit faite, & ce qui s'en estoit ensuiuy; dequoy ie fus'assez estonné, car il ne m'en auoit rien dit, & n'auois point ouy parler de ce moyen ny de chose qui en approchast, & vous asseure que i'en sis plus d'estat, connoissant

l'humeur de l'autheur : neantmoins voyant

que sa Majesté l'auoit pris autrement auec ceux de son conseil, lesquels sur cela attendoient peut-estre que Monsieur de Videuille & moy leur ferions d'autres ouuertures que celle dont ledit Duc de Mayenne nous auoit donné charge, ie ne voulus passer outre sans leur faire sçauoir que ledit sieur de Videuille & moy n'auions autre pounoir que de parler du commerce pour la ville de Paris, & écouter ce que l'on nous voudroit proposer pour le public, pour à nostre retour informer & aduertir ledit Duc du changement afin qu'il depeschast ledit sieur de Rosne, ou nous éclaircir de sa volonté sur les ouvertures qu'il auoit faites, & mesme sur la déliurance de Monsieur son nepueu, laquelle ie luy conseillois d'embrasser & affectionner puis que l'occasion s'en presentoit. Ce fait ledit sieur de Fleury qui y alla, &c.

Page 217. ligne 11. apres ces mots, l'incom-

modeit grandement, adioustez.

Q v A ND ledit Duc me vit il fit dire à M. Pinard que ie desirois parler à luy, sans que ie le sceusse: ledit sieur Pinard sit réponse qu'il seroit bien aise de me voir. Ie sus mandé sur cela & prié par ledit Duc de me presenter, ce que ie sis à la mesme heure: ledit Pinard m'apperceuant par vne canoniere d'une porte de la ville laquelle estoit terrassée me pria de passer du costé du pont, par où il me pourroit receuoir & parler plus commodement; ce qu'il sit accompagné des Gentils-hommes & principaux Capitaines & habitans qui l'assissoient, & m'ayant retiré en une box-

tique entre la porte du pont & celle de la ville, ie luy dis en la presence de cinq ou six qu'il auoit retenus, n'estre venu là pour luy donner conseil de se rendre ou faire chose indigne d'vn homme d'honneur, ny luy ny fon fils, d'autant qu'aimant mes amis comme moy-mesme, iene voulois aussi leur conseiller chose que ie ne voulusse faire estant en leurs places; ioint que i'auois si bonne opinion d'eux, & de ceux qui les assistoient, que quand i'en vserois autrement ils en feroient peu de compte: partant ie desirois seulement qu'ils sceussent que i'estois en l'armée prest à les assister & seruir auec mes amis quand ils cu auroient besoin, n'estant arrivé que depuis vn iour auec le sieur de Fleury; venu pour parler de la paix. Ledit sieur Pinard me remercia de mon conseil & de l'offre que luy, faisois; & me dit qu'ils estoient tous resolus de mourir plûtost que de commettre vne lascheté; qu'ils estoient plus de mil hommes de guerre sans les habitans qui regorgeoient de courage & de bonne volonté de ce faire, l'ayant ainsi promis & iuré tous ensemble sur les saintes Euangiles depuis le siege, & esperoit que Dieu les fortifieroit iusques à la fin: qu'ils s'estonnoient comme ledit Duc s'estoit attaqué à eux auec vne armée si foible & mal pourueuë de munitions qu'estoit la sienne, pour forcer vne telle place, garnie de tout ce qui estoit necessaire pour bien se dessendre; qu'apres que la ville seroit priseil auroit encore affaire au Chasteau qui estoit imprenable, & qu'il sçauoit aussi qu'il auoit desta

406 consumé ses poudres & ses balles sans rica aduancer, & que son canon estoit allé à la picorée: que ledit Duc feroit bien mieux au lieu de s'opiniastrer à ce siege de se seruir de luy & de cette occasion pour faire la paix à l'honneur de Dieu; qu'il sçauoit que sa Majesté y estoit tres-disposée & ne l'en éconduiroit, & que de sa part il sacrifieroit volontiers sa vie: Qu'il estoit bien aduerty que sa Majesté auoit pris Chartres, & qu'on la verroit bien-tost aux tranchées de l'armée dudit Duc; toutefois il l'auoit supplié de ne se haster, tant il estoit asseuré de son baston. En verité, Monsieur, ie ne fus marry de le voir en ces propos, croyant certainement, veu sa contenance, laquelle estoit encore plus asseurée que ses paroles, qu'il auoit le jeu encore meilleur qu'il ne disoit, de sorte que ie luy dis seulement qu'il ne s'attendist à cette negociation de la paix, ny que ledit Duc se departist dudit siege que par torce; que ie sçauois qu'il auoit enuoyé querir des balles & des poudres, & qu'elles deuoient arriver le lendemain, partant qu'il songeast seulement à se bien deffendre, & ne se fier pas tant à la bonté de sa place & de ses forces, que de mépriser ny retarder vn bon secours s'il le pou-Moit auoir. Estant en ces termes l'allarme se donna dedans la ville à cause de quelque Loutique enfoncée dedans la riviere, qu'ils apperceunient que nos soldats vouloient retirer à la faueur de la trève accordée durant ce Parlement, de sorte que ie fus contraint me retirer sans voir le Vicomte de Comblizy, ny entretenir dauantage son pere, qui ne parla iamais à moy que tout haut & en la presence de ceux qu'ils auoient appellez.

M A I s la ville fut prise bien-tost apres par faute de garde à la bresche; l'on dit que ceux qui y auoient esté commis n'estimoient pas qu'on deust aller alors à l'assaut, pource qu'il y avoit plus de quatre heures que le canon auoit cessé, de sorte qu'ils auoient rem-paré la dite bresche; que la montée d'icelle s'estoit renduë plus difficile à cause qu'il auoit pleu, & que le jour commençoit à faillir, telles longueurs procedant des difficultez que faisoient les Capitaines estrangers d'aller à l'assaut, encore qu'ils eussent obtenu la pointe, au grand déplaisir des François; mais ils vouloient qu'on ostast encore quelques places qui les voyoient tout à découuert, auant qu'aucun y allast, & ledit Duc n'auois. pour ce faire, tant il estoit mal pourueu de balles & de poudres, ayant consumé celles qui luy estoient arriuées: Mais comme l'on estoit en cette contestation, les soldats s'ennuyans de telle longueur, l'vn deux se coula d'vne tour rompue, où il s'estoit logé auec quelques autres insques sur la bréche auec vne pique à la main, où ne voyant que trois ou quatre soldats en garde commença à les combattre & à appeller ses compagnons, qui furent suiuis du reste de l'armée, de sorte que ladite ville fut ainsi forcée alors que l'on y pensoit le moins.

## ADVIS

DE M. DE VILLEROY à Monsieur le Duc de Mayenne, publié à Paris apres la mort du Roy, sur la fin de l'an 1589.

MONSIEVR, Chacun dit n'y auoir que trois moyens par lesquels l'on puisse remedier aux desordres du Royaume.

L'vn'de composer auecele Roy de Na-

warre.

L'AVTRE de reiinir tous les Catholiques pour s'opposer ensemble à l'establissement du Roy de Nauarre, sous la reconnoissance & obeissance d'vn Prince du sang, nommé & éleu Regent du Royaume, durant la prison de Monsieur le Cardinal de Bourbon, & declarer son successeur apres son deceds, du gré & consentement de nostre S. Pere le Pape & du Roy d'Espagne.

LE troisième est, de se ietter entre les bras du Roy d'Espagne, & luy donner telle part & authorité en ce Royaume, qu'il aye occasion dene rien épargner pour nous proreger & ga-

rentir.

Surquoy ie, vous diray, qu'il me semble que vous deuez aduiser sur toutes choses à zendre la resolution que vous prendrez la plus iuste iuste & vtile au public que vous pourrez, asin

qu'elle prospere.

Av moyen dequoy il faut que vous ayez deuant les yeux & pour fondement principal, de ne rien desirer, entreprendre ny poursuiure qui soit contraire à l'honneur de Dieu, ny au bien public du Royaume.

Cevx de vostre maison ont acquis le credit & pouuoir en iceluy, & la reputation en la Chrestienté dont vous iouissez à present, ayant constamment dessendu la querelle de Dieu contre les heretiques, & fait paroistreleur assection au soulagement du peuple.

Vovs ne deuez en façon quelconque vous departir du chemin qu'ils vous ont tracé, car c'est la plus belle roze de vostre chappeau, de laquelle s'il aduenoit que vous sussiez priué par vostre faute, vostre nom deuiendroit aussi contemptible qu'il'a esté honoré iusques à present : les vostres en ont esté aussi si ialoux & soigneux, que toutes les fois que nos Rois ont traitté auec les dits heretiques & surchargé leurs subjets, ils ont plûtost souffert qu'approuné les straittez & surcharges, & ont esté les premiers à monter à cheual, & les derniers à en descendre, quand il a esté question de faire la guerre aussites heretiques.

C'est pour cela que nous auons veu apres la mort de Messieurs vos freres (que Dieu absolue) tant de Villes, de Noblesse, & d'autres personnes, conspirer ensemble contre seur souverain naturel Prince & Seigneur, ayant crû qu'il auoit auancé leurs iours exprés, parce qu'ils soussent les Catholiques, &

Tome I,

- poursuiuoient le soulagement du peuple.

Er sien la prise & leuée des armes & depu is. nous eustions, témoigné par effets auoir plus de soin de l'vn & de l'autre que nous n'auons eu, vostre party seroit à present plus fort qu'il n'est; mais il semble que Dieu ait permis vne telle & signalée soûleuation, autant pour nous chastier nous mesmes, que pour faire sentir la riqueur de la iustice aux autheurs de nos miseres: qu'ainsi ne soit depuis la mort du Roy, les choses nous ont moins succedé heureusement que nous esperions, car nous nous promettions, & non sans raison, que la Noblesse Catholique qui l'auoit assisté se r'allieroit quec nous pour nous aider à dessendre nostre Religion, & qu'elle ne s'assujettiroit iamais à vn Prince heretique: que nous retirerions incontinent Monsieur le Cardinal de Bourbon qui estoit entre les mains d'vn Catholique, & que les heretiques seroient contraints se retirer de la riuiere de Loire où nous porterions la guerre.

MAIS au contraire de cela nous voyons non seulement ladire Noblesse plus affectionnée au service du Roy de Nauarre quasi qu'elle n'estoit au seu Roy, & celle qui nous afsiste tres-froide & degoustée de continuer à ce faire. Ledit sieur Cardinal auoit esté liuré entre les mains des heretiques, dont il nous reste bien petite esperance de le retirer par la force, & le Roy de Nauarre plus puissant en ses

Prouinces que deuant.

Dequoy nous deuons à bon droit d'autant plus nous accuser nous-mesmes que les Catholiques qui assistent le Roy de Nauarre: car par nos deportemens nous les auons plûtost essauchez & degoustez de nostre party que conuiez d'y entrer, ils ont esté constituez prisonniers, rançonnez, pillez en leurs maisons, & bassoiez par tout, nonobstant vos commandemens & declarations, de sorte qu'ils ont reconnu n'y auoir auec nous aucune seureté pour eux: dauantage, vos gens de guerre ont vécu si licenticuser ent & débordement, qu'ils vous ont sait han (s'il m'est permis

d'ainsi le dire ) de Dieu & des hommes.

Q v 1 croira que vous combattez pour la Foy Catholique & pour le soulagement du peuple, voyant à vostre suitte Dieu mal seruy comme il est, son saint Nom blasphemé, les Eglises pillées, mesmes celles que nos aduersaires auoient conseruées, les Benefices conferez à personnes indignes, les biens des Ecclesiastiques rauis, & toutes sortes d'impietez, sacrileges, volleries, rauissemens & autres melchancetez commiles sans iustice, police, ordre, ny regle aucune? Estimez-vous que Dieu & le peuple vous fauorisent tant que ces desordres regneront? Il suffit bien aux personnes priuées de viure honnestement & sans faire tort à autruy; mais cela n'est alsez aux Princes qui gouvernent les assaires publiques faut qu'ils donnent ordre que personne ne fasse mal ny outrage à autruy. car il n'importe gueres à ceux qui souffrene quelque iniure, qui que ce soit qui la seur fas-se, & s'en prennent tousiours aux superieurs.

Nostre vnion abonde en des-vnion de-

412

puis les pieds iusques à la teste, nos Villes sont remplies de desobeissances, de violences, de confusion & pauureté, la charité & la iustice, vertus tres-agreables à Dieu, & les anciennes marques des Catholiques en sont bannies entierement, l'auarice & l'enuie qui sont les nourrisses de la discorde y dominent totalement, les Magistrats & Officiers y sont gourmandez & sans authorité, & principalement ceux qui n'approuuent telles violences, ils ne iouissent de leurs gages ny de leurs rentes & biens, non plus que les bons Bourgeois & Marchands qui sont outre cela priuez du commerce, dequoy ils souloient nourrir leur famille; & les artisans ont si peu de pratique, qu'ils sont cotraints de quitter leurs mestiers, & quelquefois deuenir voleurs pour viure. Les gens d'Eglises ny sont pas plus à leurs aises, car leurs biens des champs estant pillez & rauagez autant ou plus que les autres, ils n'ont dequoy subuenir aux charges de leurs Eglises, ny à leur nourriture, & neantmoins sont tous les iours compris aux daces & coruées comme les autres habitans, ausquelles il faut qu'ils contribuent.

SI quelqu'vn s'en lamente, & blasme les autheurs de tels desordres, il est incontinent accusé d'heresse & de trahison, l'on l'appelle Catholique simulé, fauteur d'aretique ou politique. Il est iugé & condamné, & quelquesois executé sans estre ouy; neantmoins qui hait la police humaine, hait quant & quant la iustice diuine: car ce sont deux choses conjointes si estroittément, qu'elles ne

peuvent subsister aucunement entre les hommes l'vne sans l'autre : vn Magistrat ne peut estre bon politique, qu'il ne foit premierement tres-grand zelateur de la Religion, car la Religion est le fondement principal de toutes Republiques, & la fin d'vn bon politique est d'instituer les mœurs de ses concitoyens à vne iustice ciuile, & s'accorder les vns auec les autres; & entretenir & conseruer vne paix & tranquillité commune, faire que chacun soit gardé en ce qui est sien; que les hommes communiquent ensemble sans fraude, & que l'insolence des meschans soit punie, lesquelles choses ne peuuent auoir lieu ne durée, si elles ne sont basties sur ce premier base de Religion & de pieté.

Et toute sois nous reconnoissons & confessions tous estre du tout impossible, que les choses subsistent long-temps en l'estat ausquelles elles sont, car toutes personnes desesperent de leur salut, & sont si incommodées, qu'elles n'ont quasi plus dequoy viure: Les Gentils-hommes qui vous assistent sont priuez de la iouissance de seurs biens, & neantmoins subjets à des dépences tres-grandes à cause de vostre sejour aux Villes, de sorte qu'il saut qu'ils abandonnent, ou que vous les secouriez d'argent, à quoy il est impossible de sourier, qui est ce qui en rend tant de mas contens comme il s'en voit: car celuy qui sousser ce sonne volonté ce qui procede d'impuissance, tant la necessité est indiscrete. D'autre-part les Villes sont grandement tourmen-

ATA rées par les ennemis qui sont répandus aux enuirons d'icelles, où ils ne permettent entrez aucuns viures, de sorte qu'elles sont reduites en telle necessité, qu'il est fort à craindre que Ics habitans changent la bien-veillance qu'ils. vous ont portée iusques à present, qui est le seul gage auec lesquels vous les pouuez dire vosires, en un desespoir tres-dommageable, & croyez que l'exemple d'vne en attirera pluseurs autres à ce poinct, vous sçauez que les Leuples sont naturellement enclins à esperer plus qu'ils ne doiuent, & à endurer moins qu'il n'est necessaire.

Monsieve, les choses estans reduits aux termes susdits, le mieux que vous puissiez faire pour le seruice de Dieu, la conseruation du Royaume, & pour vostre particulier honneur & bien, est d'élire vn chemin par lequel vous puissiez bien-tost par la rigueur des armes ou par la douceur, déliurer ces peuples des vexations qu'ils endurent, afin qu'ils ayent moyen de viure, & en viuant glorifier Dieu, & vous continuer leur bienveillance,

Pova ce faire l'on vous a proposé les trois moyens predits, pour lesquels ie vous supplie prendre en bonne part que ie vous represente ce qu'il m'en semble, auec la liberté & la mesme affection qu'il vous plaist me porter, le seruice que ie vous ay voiié & ma conscience m'obligent de ce faire.

Le commenceray par le premier, sçauoir est de composer auec le Roy de Nauarre, mais ievous diray estre chose à laquelle il me semble

que vous ne deuez entendre aucunement tant qu'il demeurera separé de l'Eglise comme il est, d'autant que vous pécheriez mortellement, & pareillement voftre honneur & tous les Catholiques du Royaume & de la Chrestienté, de sorte que chacun attribueroit à pleine ambition vos actions passées, les prefentes & futures, & seriez abandonné de Dieu & des hommes.

E r aussi que vous tomberiez en tel mépris mesmes dudit Roy de Nauarre, qu'il ne feroit aucun conte de vous, parce qu'il ne recueilleroit de vostre amitié & reconciliation le fruit qu'il avoit attendu, car les Catholiques éliroient incontinent yn autre Chef que vous pour les dessendre contre le Roy de Nauarre, fous l'oberssance duquel vous n'auriez en ce

faisant le credit de les ranger.

Mais si le Roy de Nauarre vouloit de eœur & d'affection, comme il convient retourner au giron de l'Eglise, & nostre saint Pere luy receuoir & le rendre digne de porter le Sceptre François, en ce cas comme il n'y auroit plus à vuider que l'interest de M. le Cardinal de Bourbon, auquel l'on pourroit pouruoir par quelque expedient de son aduis & consentement mesme; i'estime qu'il scroit plus vtile au public & à vous mesme d'accorder auec luy, que de suiure toute autre voye.

CAR vous rempliriez ce Royaume d'vne paix vniuerfelle, & pourriez par mesme moyen estre cause de composer les disferens qui troublent la Chrestienté, parce que is ç S. iiij

pense que ledit Roy de Nauarre ne feroit difficulté de remettre & ceder quelque partie de ses droiets pour paruenir à la jouissance paisible de cette Couronne.

Q VE LLE plus grande gloire pourriez-vous acquerir que d'estre autheur d'vn tel heur en ce Royaume & en la Chrestienté; l'vn vous deuroit sa saluation, & l'autre vous l'obligeriez à vous honorer eternellement: car si vôtre guerre dure, ie tiens le premier pour détruit, & croy aussi que l'autre en pâtira grandement.

Pareillement ie ne doute point que n'obtinssiez facilement dudit Roy de Nauarre, le reconnoissant pour Roy, tout ce qu'en pourriez honnestement desirer pour vostre particuliere satisfaction : tel aduantage seroit à yous & aux vostres plus honorable, certain & pailible, que ne seroient à l'aduanture tous les autres, que les occasions qui se presentent vous pourroient promettre, car il ne seroit subjet à reproches, & toutes grandeurs qui ne sont fondées & basties sur fondement legitime, ne peuuent estre honorables ny durables; si vous desirez que vos enfans heritent du fruit de vos trauaux, & rendre vôtre memoire heureuse; cheminez en iustice, & preferez par effet l'honneur de Dieu & le bien de vostre patrie à toute autre consideration.

Pova negocier ce fait comme il appartient, il seroit necessaire au prealable d'en aduertir nostre S. Pere le Pape; afin de l'entreprendre aucc sa permission, d'autant qu'estant Chef de l'Eglise, les portes d'icelles ne peuuent estre ouvertes audit Roy de Nauarre

que par son authorité.

IL séroit raisonnable aussi d'en aduertir le Roy d'Espagne, pour l'obligation que la causse & vous luy auez de son assistance, & ne luy donner occasion de se plaindre de vous, ny trauerser ce dessein, par laquelle il seroit asseuré vostre intention estre de vuider la querelle du Royaume de Nauarre à son aduantage & contentement, & quant & quant l'obliger à ne donner secours ny assistance à ceux qui troublent ses affaires aux Païs-bas, par les moyens & termes qui seront iugez les plus propres & conuenables.

I L seroit pareillement à propos d'en faire sçauoir autant à Monsieur le Cardinal de Bourbon, puis que nous l'auons reconnu pour Roy, & que nous auons iuré & declaré le Royaume luy appartenir, afin de n'estre ar-

guez de legereté ny d'infidelité.

CES deuoirs accomplis, il faudroit enuoyer quelque personnage de qualité deuers ledit Roy de Nauarre, pour luy faire entendre vostre deliberation, & s'éclaireir de la sienne, & voudrois cette Legation estre publiée & sceue d'un chacun.

CAR il aduiendroit que ledit Roy de Nauarre se resoudroit & obligeroit de se reconcilier à l'Eglise', aux charges & conditions qui luy seroient proposées pour la seurcré des Catholiques, & pour la paix publique, ou qu'il resuseroit de ce faire.

S'IL en faisoit refus, yous destourneriez

par ce moyen plusieurs Catholiques qui le suiuent, ausquels il a promis de se faire Catholique, & a imprimé en l'esprit qu'il ne tient qu'à vous qu'il ne l'aye dessa fait, & melmes que ne desirez aucunement la paix & conservation du Royaume; mais que vous voulez l'occuper & démembrer, ou en innestir ledit Roy d'Espagne, dequoy ils seroient éclaircis par vostre proposition, de sortequ'ils ne pourroient plus douter auec raisonde son intention ny de la vostre. Ce qui rendroit les opiniastres au party dudit Roy de Nauarre, apres vostre-dite Declaration, sans excufe, conuaincus tout à fait de crime de leze-M. diuine & humaine, & iustifieroit grandement vostre dessein enuers Dieu & les hommes, qui est ce qui vous peut autant honorer que profiter.

Mars ledit Roy de Nauatre élisoit l'autre voye, comme par raison il semble qu'il denoir faire, tant pour le salut de son ame que pour asseurer sa grandeur, il ne seroit plus question que de chercher les moyens d'en aduancer l'execution le plus promptement & diligemment que faire ce pourroit, pour tant plustost déliurer ce pauure Royaume du danger où il est, & des maux qu'il

souffre.

Pove ce faire, le serois d'aduis qu'on commençast par vne cessation d'armes pour six mois, tant pour donner relasche au pauure peuple, que pour pouvoir plus commodément & seurement convoquer les Estats du Royaume par l'aduis & authorité desquels. il me semble que toutes choses deuroient estre conclue & executées pour plus grande seureté.

A cette fin il seroit expedient que lesdits Estats sussent assemblez en une ville, en laquelle ils sussent libres de dire & faire ce qu'ils ingeroient estre vtile au public, & qu'ils sussent seulement assistez des Officiers de la Couronne.

Q v E ledit Roy de Nauarre, Monseigneur le Cardinal de Bourbon & vous, promissiez de suiure, obseruer & accomplir de bonne foy, tout ce qui seroit resolu & arresté par ·ladite assemblée, qui ne seroit contraire ny preiudiciable à la Religion Catholique, ny aux loix du Royaume, ny seulement aux droits des Princes nos voifins & amis, à tous lesquels ie desirerois procurer pareil reposqu'à nous mémes. le desirerois sur toutes choses estre aduisé & resolu en icelles, des moyens pour pouvoir asseurer les Catholiques, de l'observation de la foy & des promesses dudit Roy de Nauarre, insques à ce qu'il cust donné occasion par lesdits comportemens d'enprendre entiere asseurance.

COM ME seroit de luy faire iurer, promettre & accorder de pouruoir auxOffices de la Couronne, aux Gouvernemens, charges de Lieutenans Generaux des Provinces, Presidens des Cours souveraines, Aduocats & Procureurs generaux d'icelles, Capitaineries de Places & Citadelles, & aurres pareilles charges de consequence, sinon personnes ayans fair profession de la Religion Catholique de-

S. vj

puis certain temps qui seroit prescript, de ne mettre aussi aucunc garnison dans les Villes de l'Vnion, & autres qui sont dans le Royaume, qui pourroient apporter ia louse aux Catholiques, de suiure le reglement qui seroit fait pour la nomination des Benefices, la conservation des personnes & biens Ecclesiastiques, de l'observation du Concile de Trente, la reiinion à l'Eglise Catholique de ceux qui en sont separez, la succession à la Couronne apres son deceds, & mesmes pour l'effet de son mariage, auec protestation & declaration solemnelle d'absolution, resolution & descharge entiere du serment de sidelité en son endroit, en cas de contrauention, reuccation & rupture de sa part des choses. susdites, & autres qui y seroient arrestées & accordées, en laquelle obligation seroient priez d'interuenir nostre S.Pere le Pape, & autres Princes que l'on iugeroit estre plus à propos en la forme & maniere qui seroit resolue.

I L faudroit aussi adusser à donner tel contentement à Monseigneur le Cardinal de Bourbon, que toutes choses s'effectuassent de son bon gré & consentement, ce que les Catholiques qui l'ont reconnu pour Roy, sont obligez de procurer & obtenir pour luy, pour satisfaire à leur honneur & deuoir, & ne doute point que M. le Cardinal pour l'affection singuliere qu'il porte à nostre Religion & à l'Estat, ne cedast beaucoup au desir public, quand les choses seroient traitées auec le respect & la dignité qu'il conuient: ce luy seroir aussi plus de gloire d'estre cause de la restau-

ration de la Religion & du salut du Royaume, que de consentir que la guerre sust continuée & poursuiuie plus auant sous son nom, auec tel hazard de l'yn & de l'autre, qu'est celuy qu'elles courent par la longueur d'icelle.

L'ON traiteroit aussi de la déliurance de Monsseur le Due de Guise, auec la dignité & l'aduantage que merite la memoire de seu Monsseur son pere, & pareillement de celle de Monsseur le Duc d'Elbouf, la liberté des-

quels est desirée d'vn chacun.

l' A y parlé de composer & vuider tout à fait le differend qui est entre le Roy d'Espagne & ledit Roy de Nauarre, à cause dudit Royaume de Nauarre, & quant & quant obliger le Roy de Nauarre sous les conditions susdites à ne donner aucun aide, force ny assistance à la Reine d'Angleterre ny aux Estats des Pais bas, qui font la guerre audit Roy d'Espagne, afin de retrancher entierement toutes les occasions qui pourroient à l'aduenir rompre & alterer la paix entre les Catholiques, à quoy il faudroit aussi pouruoir par l'entremise & à la requeste desdits Estats, pour procurer de tout nostre possible à nos amis & voisins parcille paix qu'à nous- 🤾 mesmes; & vous diray que si chacun vouloit embrasser cette reconciliation de cœur & d'affection, elle pourroit estre cause d'establir vne telle paix & concorde en la Chrestienté, que le nom de Dieu en seroit grandement glorissé: car ie croy que ledit Roy d'Espagne seroit tres - content de recourrer

ses pais de Holande & Zelande, & autres Villes qu'on luy detient, & laisser tous ses voisins en paix, & ses Estats paisibles au Prince son sils; à quoy peut-estre que la Reine d'Angleterre ne contrediroit aussi de son costé, pour déliurer ses subjets de l'incommodité de la guerre qu'elle sousient contre le Roy d'Espagne, & saudroit apres conspirer de faire la guerre au Turc pour occuper les ambitieux, & ceux qui ne peuvent demeurer en repos.

Voila (Monsieur) le bien & aduantage duquel i'ay consideré que vous pourriez estre autheur suivant ce premier chemin, mais il faudroit que vous vous y resolussiez au plûtost, si vous desiriez vous en seruir, d'autant que le retardement rendra tous les iours les choses plus dissiciles, à cause des desseins & preparatis que sont nos voisins des necessitez qui nous accablent, & des engagemens plus grands, ausquels le Roy de Nauarre embarque iournellement la Noblesse Catholi-

que qui l'assiste.

Doncques ie serois d'aduis que vous tentassez ce moyen par preserence à tous autres pour les raisons susdites, encore que ie ne sois sans doute que ledit Roy de Nauarre y veuille entendre, consideré ses deportemens passez & actions presentes enuers nostre saint Pere le Pape & Monsieur son Legat, & aussi pour sa grande consiance qu'il a ausdits heretiques, auec lesquels il s'est grandement obligé, & les moyens dont il vse enuers les Catholiques qui l'accompagnent, ausquels il distribue tous les iours les biens de l'Eglisé, & de ceux qui portent les armes contre luy, en la iouissance & possession desquels il promet les maintenir par la crainte & apprehenfion qu'il leur donne d'vne nomination étrangere, qu'il espere vaincre ses aduersaires, &s'establir auec sa Religion en dépit de tous ceux qui s'y opposent, desquels il dit reconnoistre la foiblesse procedante de la diuision des Chefs, de l'ambition des Princes. estrangers qui les assistent, des desordres qui regnent parmy eux qui desesperent tout le monde, de manquement de zele & assection à l'aduancement de nostre cause, de la legereté & inconstance des peuples qui se lassent d'endurer, & finalement du desespoir auquel chacun est de pouvoir sortir de cette guerre, la poursuivant par le mesme chemin que nous l'auons commencée & continuée iufques à present.

MAIS (Monsieur) luy ayant mis ce marché en la main, le refusant, comme il seroit seul coupable enuers Dieu & les hommes des maux de la guerre, que vous seriez contraint de continuer pour destendre l'honneur de Dieu à cause de son obstination: ie suis certain que cela iustisseroit grandement vostre party dedans & dehors le Royaume, & pourriez apres librement & en saine conscience auoir recours au deuxiesme moyen qui a esté proposé, comme ie serois d'aduis que sissiez; & rour ce faire, que missiez peine de gaigner les Catholiques qui suivent le Roy de Nauarre, & les obligerà s'opposer auce vous à

l'establissement d'iceluy: & pour y paruenir plus facilement, il faudroit veritablement donner contentement aux Princes du Sang Catholiques, & specialement à Monsieur le Cardinal de Vandosme & Comte de Soissons, en leur accordant le rang & lieu que leur Maison & condition le merite, apres toute-fois s'estre faits absoudre suffisamment par sa Saincteté de la faute qu'ils ont fait d'auoir reconnu & seruy ledit Roy de Nauarre comme ils ont fait.

CAR retirant & contentant lesdits Princes, vous iustifierez aussi grandement vos desseins & intentions, attirerez à vous les Catholiques qui en sont separez, consirmerez & asseurerez grandement ceux qui nous assistent, & peut-estre que Messieurs les Ducs de Neuers & Longueuille s'y rangeroient, & pareillement le grand Prieur de France, & les Ducs de Montmorency & de Retz, & les autres Officiers de la Couronne qui sont Catholiques, comme desseperez de la conuersion du Roy de Nauarre, tous lesquels Princes & Seigneurs reconnoistroient qu'auez esté autheur d'vn tel bien.

de disticulté à gaigner les Princes du Sang, d'autant qu'on dit qu'ils sont assez mal edifiez du Roy de Nauarre, lequel fait peu de conte d'eux, comme ceux desquels il n'est sans ialousie, faisant demonstration de vouloir preserer à eux le sils du Prince de Condé, né depuis sa mort, aduenue comme chacun sçait, auquel on dit qu'il a donné le Gou-

uernement de Guyenne en qualité de premier Prince du Sang, mais l'honneur & aduantage qu'ils tireroient de vostre amitié, & l'obligation qu'ils ont de dessendre l'honneur de Dieu & nostre Religion, les y attireroit encore plustost que toutes autres choses, & mesmes s'ils voyoient que le Pape & le Roy Catholique sussent joints auec vous en ce dessein.

A quoy il faudroit tendre pour le fortifier de l'authorité, du nom & des moyens de l'vn, & de la force & puissance de l'autre, pour rendre les effets d'iceux tels que les

gens de bien desirent.

C. A R encore que les les Princes du Sang, accompagnez des les Catholiques, sussent r'alliez auec vous, neantmoins vous ne seriez encore assez fort & puissant pour subiuguer le dit Roy de Nauarre, estant appuyé de l'Angleterre, & des Princes & Cantons protestans, comme il seroit, sans l'estre aussi de sa Saincteté, & dudit Roy Catholique, ausquels il seroit necessaire à cette sin donner contentement.

A quoy personne ne contrediroit quand l'on connoistroit par les essets, que vostre but est de conserver la Couronne à qui elle appartient, en conservant nostre Religion; car l'on n'entreroit en doute du changement de l'Estat, ny du démembrement d'icelle, qui sont deux choses que redoutent le plus les François, & lesquels sont eschapper plusieurs personnes auec ledit Roy de Nauarre, pensant n'y auoir moyen quelconque déuiter

I'vn & l'autre que par son establissement, d'autant qu'ils pensent que veuillez partager l'Estat auec vos amis, ou en inuestir ledit Roy Catholique, tant pour ce-que vous auez insques à present reietté toutes voix & ouuertures d'accord & reconciliation auec ledit Roy de Nauarre, jaçoit qu'il ait fait sentir assez qu'il se fera Catholique, comme pour auoir attendu à faire declarer & proclamer Roy M. le Cardinal de Bourbon, qu'il ait esté tout à fait entre les mains & au pouvoir. dudit Roy de Nauarre, & n'auez deuant ny apres aucunement recherché l'amitié des autres Princes du Sang, en quoy les confirment encore dauantage que toute autre chose les propos, articles & escrits publiez en cette ville en faueur dudit Roy d'Espagne, les pratiques que font ses Ministres, & leurs procedures en toutes choses.

MONSIEVR, vostre dessein estant iuste, se roit loué & approuué d'vn chacun dedans & dehors le Royaume; il n'y auroit Prince ny Potentat Catholique qui n'y entrast apres sa Saincteté & ledit Roy d'Espagne; de sorte que ledit Roy de Nauarre demeureroit seul

auec les heretiques, facile à dompter.

LESDITS Princes du Sang vous seroient si obligez de leur auancement & grandeur, qu'ils reconnoistroient enuers vous & les vôtres selon vostre desir, à quoy vous pourriez encore les astraindre dauantage par quelque alliance que l'on pourroit faire auec vostre maison: dauantage, ils auroient tousours tel besoin de vous & de vos amis, qu'ils dépen-

droient plustost de vous que vous ne dépendriez d'eux: car ayant le Roy de Nauarre & ses partisans pour ennemis coniurez, ils n'y pourroient resister sans vostre aide & celle de vos amis, lesquels ie m'asseure que vous sçau-

riez tres-bien menager & augmenter.

E T pour ce faire, ie dis que cette resolution vous seroit fauorable, car en preferant le bien & salut du Royaume à toutes considerations particulieres, vous seriez pour cela plus aimé & honoré d'vn chacun, que si vous faissez autrement, estant certain que l'opinion de la vertu & equité, est la vraye fontaine d'honneur & d'amitié.

DAVANTAGE, les Princes estrangers reconnoissant que vous pourriez suivant ce chemin vous mieux passer d'eux que si vous entrepreniez quelqu'autre vol, priseroient dauantage vostre amitié, car les hommes, & principalement les Grands, font ordinairement moins de compte de ceux qui ne se peu-

uent passer d'eux que des autres.

Av moyen dequoy (Monsieur) ic vous conseille de suiure cette seconde voix, si vous ne pouuez tenir la premiere; laquelle pour mon regardi'estime plus vtile au public, plus courte & asseurée que l'autre: car que sçauons nous si mesdits sieurs le Cardinal de Vandosme- & Comte de Soissons voudroient abandonner Rdit Roy de Nauarre, & se ioindre à vous, pour la ialousse & deffiance ordinaire & ancienne que leur maison a toussours euc de la vostre; qui nous asseurera quand ils s'y resoudroient, qu'ils soient suiuis des Catho-

liques qui assistent ledit Roy de Nauarre, sans lesquels peut-estre leur venue & assistance troubleroit & diuiseroit bien autant nostre party, & partant l'affoibliroit plus qu'elle ne le fortifieroit, parce qu'il seroit tres-difficile de faire gouster à Messieurs les Ducs de Sauoye & de Lorraine l'aduantage que lesdits Princes pretendoient, & qu'il seroit raisonnable leur donner, carchacun pense bien autant à soy & à ses affaires qu'au public; & neantmoins i'estime que l'amitié desdits Ducs nous est necessaire, lequel se voyant assailly de cette façon, desesperé de vostre amitié, ne faudroit à les rechercher & mettre toutes pierres en œuure pour nous mal faire; & croy qu'il aimeroit mieux promettre le partage de l'Estat que sa ruine, & nostre prosperité.

DAVANTAGE, il est tres-certain que pour vaincre le Roy de Nauarre tout à fait, & mesmes pour luy resister, nous auons quasi autant de besoin que deuant des deniers & des forces du Pape, & du Roy d'Espagne, specialement iusques à ce que nous enssions nettoyé quelques Prouinces du Royaume, des moyens & reuenus, desquels nous peussions estre secourus, car la guerrene se peut faire sans argent, dont yous estes tres-mal fourny; qui sçait encore à quelles conditions sa Saincteté & le Roy d'Espagne voudroient continuer leur assistance: serios-nous si mal-aduisez de croire que l'vn & l'autre, & principalemet le dernier voulussent employer leurs moyens, reculer & incommoder leurs affaires, qui ne

sont pas petites, seulement pour faire les nostres & conseruer ce Royaume en son entier? par raison d'Estat ledit Roy d'Espagne deuroit plustost nous aider à nourrir la guerre en ce Royaume qu'à l'acheuer & finir, & à démembrer la Couronne qu'à la conseruer en son entier, s'il perdoit l'esperance de se la mettre sur la teste; ses Ministres disent que le Duché de Bourgongne luy appartient, celuy de Bretagne aux Infantes ses filles, & pareillement les Comtez de Blois, de Coucy & d'Auuergne, pour le moins ledit Roy voudroit estre asseuré pour son argent, qu'il luy seroit fait droit desdites pretensions, & qu'il seroit receu paisible possesseur desdites Prouinces, qui sont les plus nobles & importanres du Royaume, & dont la distraction l'affoibliroit grandement : nous deuons croire aussi que sa M. Catholique fauorisera & assisiera tousiours plûtost M. le Duc de Sauoye en ses desseins, pour estre son gendre, que nos Princes, si d'auanture il n'en vouloit élire quelqu'vn, & luy donner sa fille aisnée en mariage, & pour dot les susdites pretensions, auec les moyens de le rendre Roy paisible de ce Royaume, auquel cas certainement l'on pourroit esperer tout bon & heureux succez de ce dessein, tant pour le service de Dieu, le bien de la Chrestienté, que le salut particulier dece Royaume; mais il seroit question de disposer sa Majesté Catholique à ce point, à quoy faire ie reconnois y auoir plusieurs difficultez & longueurs, durant la decision desquelles il seroit fort à craindee l'empire433

ment de nos affaires, à cause des preparatifs qui sont de toutes parts pour nous engloutir.

DAVANTAGE, il faut confiderer que ledit Roy d'Espagne preserera toussours la grandeur de sa maison à toutes autres; il n'a qu'vn seul fils assez delicat & de foible complexion, qui est ieune, si Dieu l'en priuoit, sa fille aisnée heriteroit de tous ses Estats, & par consequent celuy qui l'auroit espousées c'est la raison pour laquelle il ne l'a encore mariée,& semble qu'il l'ait dediée à vn Prince de son Nom & Sang; toutefois ie ne veux m'opposer à ceux qui desirent qu'on traite ce moyen auec ledit Roy d'Espagne pour obte-nir de luy, s'il est possible, ce mariage; car ie reconnois que ce seroit vn souuerain remede à nos affaires, ne pouvans traiter auec ledit Roy de Nauarre : mais ic desire grandement si c'est chose que l'on veuille faire, qu'on n'y perde vne scule heure de temps pour les raisons susdites, & que nous ne nous repaissions d'esperance qui nous bande les yeux, & nous conduise à nostre ruine & perdition entiere, au lieu de nostre saluation: car cependant & en attendant que nous en loyons éclaircis, nous serons contraints pour nous desfendre contre ledit Roy de Nauarre de faire entrer en nostre Royaume les forces étrangeres qu'on nous offre, lesquelles y estans nous assuiettiront facilement à la vosonté de ceux de qui elles dependront, qui est ce à quoy il semble que tendent ceux qui ne se donne pas grande peine du changement & diffipation de l'Estat.

I E ferois moins de doute de la volonté du Pape à nous assister en cette occasion, que de celle du Roy Catholique, car sa Saincteté s'est desia laissé entendre qu'il falloit choisir vn Prince du Sang Catholique pour heritier du Royaume apres le deceds de M. le Cardinal de Bourbon; laquelle elle disoit tenit comme pour mort en ce monde, afin de donner occasion à tous les Catholiques de se reunir à son obeissance contre lesdits heretiques, & conseruer le Royaume à la maison de Bourbon; à laquelle il appartient. Mais i'estime que sa Saincteté ne pourroit fournir seule aux dépens & frais necessaires pour faire la guerre telle qu'il convient audit Roy de Nauarre, sans quoy il nous seroit impossible d'en sortir, estans si dénuez d'argent que nous sommes, dequoy l'on se pourra éclaircir à l'arriuée de son Legat. Mais il est certain que l'assistance de sa Saincteté apporteroit beaucoup moins d'ombrage aux François & à tous les autres Princes de la Chrestienté, que ne feroit celle du Roy d'Espagne, laquelle sera tousiours si suspecte aux François, que la seule ialousse que ledit Roy de Nauarre leur en donnera sera d'oresnauant la chaisne auec laquelle ne se faisant Catholique, il retiendra à son seruice les Catholiques qui sont auecluy, & les menera gayement à la mort pour s'estabir auec sa Religion.

C'EST pourquoy ie ne pourrois approuuer en façon quelconque l'opinion de ceux qui voudroient que nous nous reiettassions tour à fait entre les bras dudit Roy d'Espagne, que

luy domassions des marques & tiltres d'vne souveraine puissance en ce Royaume, & que luy engageassions nos Villes & nostre foy, qui est le troisiéme moyen de remedier à nos maux qui vous a esté proposé, car ce seroit ouuertement enfraindre nos loix, & par trop offenser nostre honneur & deuoir.

C E seroit, nous precipiter entre les mains d'vn Prince caduc, qui n'a qu'vn fils tres-delicat & icune, fous la puissance d'vne nation tres-contraire à la nostre, en mœurs & façon de viure, de laquelle depuis vne certaine an-née auons esté nourris en telle ialousie que nous en auons quasi oublié l'ancienne haine

que nous soulions porter aux Anglois.

CE seroit aussi mettre nostre Saint Pere le Pape & le S. Siege auec le College des Cardinaux, & tous les autres Princes & Potentats de la Chrestienté, en telle ialousse pour la crainte qu'ils ent dessa de la grandeur & puis-sance Espagnole, que nous les aurions en ce dessein plûtost pour contraires que fauorables; ce qui nous preiudicieroit grandement.

DAVANTAGE, il ne faut pas croire que les thresors & moyens du Roy d'Espagne soient infinis, c'est veritablement un puis-- fant & tres - grand Prince, mais il est aussi chargé de tres-grandes & excessives dépenses pour la conservation de ses Estats, qui sont. separez les vns des autres : il a la guerre au Païs-bas qu'il a soustenuë à tres-grands frais depuis vingt ans, laquelle durera encore long-temps, ayant affaire à la Reine d'An-gleterre qui est en tres-grande prosperité, &

l'incommode grandement sur la mer.

Et s'il aduenoit que le Turc luy recommençast la guerre, comme il ne faut pas douter qu'il n'en sust recherché & sollicité par ledit Roy de Nauarre, qui n'oublierent rien pour se dessendre & mal faire à ses aduersaires : Sadite Majesté Catholique seroit contrainte d'y employer ses meilleures sorces & moyens, car il preserra tousiours le salut & la dessense de ses Estats à toute autre chose quoy aduenant il luy seroit tres dissicile de nous continuer l'aide & secours qu'il nous au-

roit promis.

DAVANTAGE nous aurions formellement contraire à cette resolution les Estats du Royaume, & mesmement toute la Noblesse & les Officiers qui font la plus grande partie d'iceluy, tant ils ont leur honneur & deuoir en recommandation, & apprehendroient vne domination estrangere: les Ecclesiastiques n'en feroient peut-estre pas moins, voyans & sentans les impietez, les maux & calamitez que la longueur de la guerre apporte; à quoy ils se resoudroient bien plus ouuertement si sa Saincteté n'approuuoit ce dessein, & croy qu'ils seroient suiuis en cela des principaux Bourgeois & habitans des Villes du Royaume, & peutestre du corps mesme entier d'icelles pour se déliurer des maux & necessitez de la guerre, & éuiter la domination estrangere; de maniere que vous seriez abandonné quasi de toute la France, & contraint de poursuiure cette guerre auec des estrangers, desquels vous 434

vous trouueriez peut-estre bien empesché.

DAYANTAGE, comment pourriez-yous engager vostre foy & personne au seruice. dudit Roy d'Espagne, luy promettre nos Villes, & luy donner authorité & puissance en ce Royaume sans la permission de M. le Cardinal de Bourbon, puis que vous l'auez reconnu pour Roy & souuerain Seigneur, ou du moins sans l'aduis & consentement des trois Estats du Royaume, & legitimement assemblez: car estant François comme vous estes, & officier de la Couronne, vostre honneur & deuoir vous obligent aussi de conseruer & garder les loix du Royaume. Vous pourriez encore moins auec raison disposer des droits des Villes & de la souveraineté d'icelles en qualité de Lieutenant general de l'Estat Royal & Couronne de France, d'autant que cette charge ne vous a esté commise que par prouision en attendant l'assemblée generale des Estats, pour conseruer & maintenir ce Royaume en son entier auec la Religion Catholique; dequoy si vous vous dispensiez, tenez tout asseuré qu'en seriez blasmé, ce qui vous seroit reproché eternelsement, & que peu de personnes vous y assisteroient & seruiroient, specialement si elles connoissoient pouvoir sans ce faire estre maintenus en leur Religion.

I E croy aussi que ceux qui procureroient vn tel aduantage audit Roy d'Espagne, setoient peu pour sa reputation, & pour le bien de ses affaires, & mesmes pour son mescontentement, car c'est yn Prince tres-curieux

435

& jaloux de son honneur, qui n'a iamais rien entrepris contre ses voisins sans raison & confideration, & qui a demonstré vouloir plûtost entretenir la paix de la Chrestienté que de la troubler; ce seroit aussi l'embarquer à. vne guerre tres-perilleuse, incertaine & difficile, pleine de peines, d'ennuis & de soucy, & dont les mauuais succez luy pourroient à l'aduanture engendrer en ses propres Estats, & mesme apres son deceds, des affaires tresfascheuses & dommageables : car ayant les François & le Royaume sur ses bras, il s'attireroit pour luy & les siens à iamais l'inimitié d'vne nation tres-belliqueuse, qui voudroit s'en ressentir lors que l'occasion s'en presenteroit, chose qui luy seroit d'autant plus facile à faire, si elle se trouuoit commandée & regie par vn Prince genereux & guerrier, particulierement offensé de luy, & qui auroit pour amis & adherans l'Angleterre & les Princes & Cantons protestans, auec ceux qui auroient desir de s'accroistre aux dépens dudit Roy d'Espagne & de ses Estats, ou diminuer son authorité & puissance en la Chrestienté, laquelle on sçait desia estre par tron enuiée & insupportable à plusieurs.

Monsieve, ie ne vous representeray les hazards & desaduantages que courreriez, & ausquels vous pourriez estre sujet en vosstre particulier, vous donnant tout à fait audit Roy d'Espagne, combattant auec ses sorces & deuenant son pensionnaire & subjet; car ie croy que vous les auez sagement considerées comme chose qui concerne particuliere.

T ij

ment vostre personne, & la fortune de Messieurs vos enfans, lesquels ne sont à mépriser, ny l'experience que vous en auez desia faite, que ie ne cotteray ny specifieray point pour n'offenser personne, seulement ie vous supplie de me permettre de vous dire, que s'il faut que vous continuyez à rendre obeiffance & subjection à quelqu'vn, vous acquererez tousiours plus de gloire, de grandeur & de biens pour vous & les vostres; en vous affujettissant aux Ioix du Royaume, & au commandement d'vn Prince François, qu'en faisant autrement, pourueu que vous connoissiez pouvoir en ce faisant conserver noftre Religion, laquelle ie seray toufiours d'aduis, comme i'ay déja dit, que vous preferiez à toute autre consideration.

Mars l'on dit que si vous ne contentez du tout ledit Rôy d'Espagne, il se seruira d'autres que de vous, & que vous demeurerez en ce saisant sans appuy entre deux sorces qui vous maistrisseront auec honte &

dommage.

Monsievr, ceux qui mettent en auant tels propos, ont ce me semble bien petite connoissance de l'estat auquel se trouue le Royaume; de la force & puissance d'iceluy, & quant & quant des moyens que vous & les vostres aurez toussours de bien & mal faire à vos amis.

Si les Ministres dudit Roy d'Espagne vouloient prendre ce chemin, il faudroit qu'ils se seruissent des François ou estrangers.

ILS publient qu'ils traiteront auec Mes

sieurs les Cardinaux de Vandosme & Comte de Soissons, qui seroient accompagnez de Messieurs les Ducs de Neuers, de Longueuille, & de Montmorancy, lesquels ils veulent que nous croyons qu'ils attircront facilement à leur dessein auec la Noblesse & plusieurs Villes du Royaume.

PEVT-ESTRE que ce seroit chose à laquelle il y auroit quelque apparence d'adjoûter foy & auoir égard, si vous alliez à l'étourdy reconnoistre ledit Roy de Nauarre pour Rov, & vous joindre à luy sans la permission du Pape, & sans le consentement du Cardinal de Bourbon, deuant qu'il se sust reconcilié à l'Eglise, & auoir pourueu à la seureté des Catholiques du Royaume; d'autant que lesdits sieurs Princes & Villes Catholiques indignées de ce, pourroient se resoudre de se r'allier auec ledit Roy d'Espagne pour deffendre nostre Religion, laquelle ils verroient que vous auriez abandonné; mais c'est vne faute que vous n'auez garde de faire, & en laquelle personne ne vous conscillera iamais de tomber; dauantage, ie fais grand doute que lesdits Princes, Noblesses & Villes fussent si disposées à contenter ledit Roy d'Espagne, comme ses Ministres se promettent, ny à s'attacher à luy, pour les mesmes raisons qui vous en auroient empesché, sçachant aussi que la coustume d'Espagne est de faire de leurs filles deux gendres, c'est à dire, de donner esperance du mariage d'icelle à plusieurs pour s'en aider, sans les Jeur déliur r:mais que quand lesdits Princes s'embarqueroient, cha-T iii

438

cun sçait qu'ils n'auroient pas grande suite en ce Royaume sans vous & les vostres, car l'on attribueroit ce qu'ils feroient auec lesdits Espagnols à pure ambition, attendu les deportemens passez des vns & des autres.

MAIS au deffaut desdits Princes du Sang & des autres susdits, on adjouste que le Roy. d'Espagne se seruiroit de Messieurs les Ducs de Sauoye & de Lorraine, auec lesquels & sa puissance il s'empareroit du Royaume, ou le demembreroit. Veritablement ie voy que lesdits Princes ne feroient pas grande conscience ny difficulté de se joindre au desir dudit Roy d'Espagne en ce dessein, pour l'asseurance qu'ils auroient de s'en preualoir & s'agrandir; & de fait il semble desia qu'ils n'y soient que trop disposez & preparez, & melmes que ce soit leur resolution, qui est la raison entre routes les autres qui émeut & incite plus les vrais François & vos bons seruiteurs à vous conseiller, Monsieur, d'entendre à composer nos divisions, & d'aduiser à vous mieux asseurer des moyens auec lesquels vous pourrez preseruer ce Royaume du peril qui le talonne, que vous n'auez encore fait: mais ie tiens pour certain que s'ils en-treprenoient de ce faire sans vous & vos amis, qu'ils maudiroient l'heure de l'auoir commencé, mesmement si vous vous acccordiez auec ledit Roy de Nauarre en la forme qui a esté dite, car le nombre desdits François qui les assisteroient seroit bien racourcy, & n'y auroit faute de moyens de leur tailler de la besongne en leur propre païs

auec ceux ausquels seur dessein plein d'ambition seroit desagreable & à contre-cœur: & si la France a resisté autresois à toutes les puissances & forces de toute la Chrestienté ensemble, comme elle a fait, sans qu'elle aye rien gaigné sur icelle, à present qu'elle regorge de gens de guerre, qu'elle seroit assistée de ses voisins, qu'il n'y a bon François qui ne voulust auoir achepté cherement vne guerre estrangere, pour se déliurer de l'intessities; ie vous laisse à penser si nous aurions le moyen de nous dessente.

joints audit Roy d'Espagne.

MONSIEVR, certainement ie ne croiray iamais que le Roy d'Espagne entreprenne vn si haut dessein auec les dits Ducs seulement, quoy que dient ceux qui mettent telles pro-positions en jeu, lesquels parlent & iugent des affaires du Royaume, comme personnes qui sont informées de l'Estat d'iceluy par gens qui les flattent, & qui veulent pescher en eau trouble, & s'enrichir par leur moyen, lesquels seroient peut-estre les premiers à les vendre & trahir en la poursuite de leur entreprise : ie yeux croire aussi que les desseins dudit Roy d'Espagne seront tousiours plus considerez & moderez que ne sont les paroles de telles gens, lesquels ie pense qu'ils iettent au vent autant & plus pour vous picquer & efmouuoir à faire ce qu'ils desirent, en vous donnant martel desdits Princes, que pour en-uie qu'ils ayent de vous quitter, & s'adresser à ceux desquels l'aduancement & grandeur leur seroit à bon droit plus suspecte que la T iiij. vostre.

Qvov qu'il y ait, quiconque entreprendra d'assubjettir les François à vn Prince estranger, y sussiez vous resolu, Monsieur, il faut qu'il sasse estranger est suiuy d'eux. & partant qu'il faudra qu'il sasse sus confeille d'éuiter tant qu'il vous sera possible, comme la plus vituperable & perilleuse de toutes celles que vous pourriez entreprendre.

Mars ie vous supplie tres humblement, & vous coniure par vostre propre bien & honneur, par le salut de vostre patrie, & le zele que vous portez au service de Dicu, de

vous resoudre bien-tost en ces affaires.

CAR le Royaume ne peut long - temps subsister sous le faix qu'il porte, ny en la confusion en laquelle il est, vous ne possedez les \* Villes qui se sont vnies aucc vous, que de leur gré & bonne volonté; les necessitez & pauuretez que les habitans d'icelles souffrent, les incommodent & pressent de telle sorte, que vous deuez craindre grandement qu'ils changent d'aduis, d'autant qu'ils s'étoient promis d'estre déchargez d'oppression par vostre moyen, dequoy ils se trouuent tres-éloignez : car vous sçauez qu'il n'y a Villes ny Prouinces qui ne vous demandent secours, & quin'en ayent tres-grand besoin: ne croyez pas qu'elles puissent longuement demeurer en cetté sorte, specialement si ledit Royde Nauarre leur peut perfuader qu'il fe fera Catholique, ou qu'il les maintiendra on leur Religion: pareillement la Noblesle

qui vous suit n'en peut plus, & vous n'auez dequoy la secourir & gratifier; les champs s'en vont estre deserts & sans culture à cause des volleries que font les gens de guerre; le traffic est empesché du tout par terre & par mer, sans lequelle Royaume ne peut s'entretenir, & seront nos greniers bien-tost dégarnis de sel par les violences & desoberssances qui sont ordinaires : & comme c'est vn aliment necessaire pour la vie de l'homme, ie preuoy que ce deffaut engendrera infinies putrefactions, qui troubleront grandement toutes sortes de personnes. En somme il n'y a celuy qui ne desire la fin de ses miseres, de sorre que si bien-tost vous ne faites voir que vous auez moyen de nous en déliurer, faites estat, Monsieur, que chacun cherchera à se faire de soy-mesme, & que la premiere Ville qui en monstrera le chemin sera suiuie de plusieurs autres.

Et comment nous ferez-vous connoistre que vous nous puissiez procurer vn tel bien pour la continuation de la guerre, puisque vous ne tirez ny pouuez plus esperer vn seul sol de tous les reuenus du Royaume, dont souloient iouïr nos Rois, lesquels sont rauis par nos aduersaires, consommez par vos soldat, ou rendus infertiles par la pauureté & destruction du peuple: c'est aussi se mettre au hazard de reuolter les Villes que de leur parler d'emprunts & contributions, & mesme de receuoir des gens de guerre en icelles pour les dessendre & conseruer; & toutesois comme sans argent vous ne pouuez conti-

nuer la guerre, il est impossible que vous déliuriez les dites Villes de vexations que leurs voisins leur font sans forces; de sorte que c'est comme reduire les choses à l'impossible, que de vous dénier l'vn & resuser l'autre, & neantmoins vouloir que vous continuiez la guerre.

A quoy c'est abus de penser & esperer que la puissance seule du Roy d'Espagne soit bastiante de remedier; ie vous predis que l'entrée en ce Royaume de armées, desquelles ses Ministres promettent de vous secourir, scandalisera & offensera plus grand nombre qu'elle n'en consolerany contentera, & verrez que les portes des Villes leur seront sermées, & qu'elles auront peine de viure en la campagne.

Et si d'vn costé nous sommes assistez des dites armées, lesquelles s'efforceront de faire les affaires de leur Roy plussost que les nostres; n'estimez - vous pas que ledit Roy de Nauarre n'en appelle aussi à son secours, qui destruiront aussi de leur costé ce que les autres auront épargné, & empescheront vos

deffeins?

Monsieve, tant s'en faut que nous deuions esperer de sortir de nos miseres par le moyen desdites forces, que nous en deuons plustost attendre nostre entiere & totale ruine; aduenant laquelle, & la guerre durant, ie dis que la Religion & l'Eglise Catholique en ce Royaume auront plus grand peril, qu'elles ne feroient par la pacification d'icelle auec ledit Roy de Nauarre, aux conditions susdites. CAR si Dieu permet qu'il prospere par la guerre, & qu'il-s'establisse aucc les armes, il changera comme il voudra la Religion en ce Royaume, & peut-estre qu'il passera plus auant au dommage de la Chrestienté, à quoy le seul accident du trépas du Roy d'Espagne luy donnera ville gaignée, ou la perte d'vne seule bataille, & mesme celle de vostre personne, que Dieu veüille bien garder.

C E qui peut-estre ne succederoit si aduantageusement pour nous, quand pareil accident leur arriveroit; d'autant que le party de ceux de la Religion est plus accoustumé à soussire, & à mieux garder les places qu'ils occupent, comme nous n'auons que trop ex-

perimenté.

Dauantage, pour nostre prosperité nous verrions naistre tant de partis & factions entre nous-mesmes, à cause des diussions qui nous accompagnent, qui procedent des diuerses sins ausquelles tendent nos Chefs, que nous ne serions nostre prosit de nostre prosperité, comme ils seroient de la leur, d'autant qu'ils sont tous d'accord à vn mesme but.

E r la seule continuation de la guerre rendroit les Ecclesiastiques si pauures, la Noblesse si volontaire & peu soigneuse de la Religion, les Villes troublées & les champs si deserts, qu'il seroit impossible que la Religion Catholique n'en diminuast, & patist grandement, & partant n'en courust plus grand hazard qu'elle ne seroit par le moyen de la sussible paix, auec la quelle vous pourriez r'allier & vuir tous les Catholiques ensemMEMOIRES

ble à conseruer & dessendre ladite Religion en sorce & authorité, nonobstant les desseins & ruses desdits heretiques, ausquels s'opposeroient lesdits Ecclesiastiques par leur vigilance, bonnes mœurs & prieres, la Noblesse par sa reinion & bonne intelligence obtenue par vostre moyen, assistée de vostre authorité & prouidence & de tous ceux de vostre maisson. Et les Villes par leur ialousie & dessiance ordinaire, sortissées du deuoir qu'y seroient les Officiers, & particulierement de l'authorité de sa Saincteté, & de la correspondance que les Catholiques entretiendroient pour ce seul esser les Princes Catholiques.

Av moyen dequoy ie conclus qu'il seroit plus expedient & vtile de traitter auec ledit Roy de Nauarre, aux conditions susdites, pourueu que le Pape & le S. Siege s'y accordent, que de suiure toute autre voye, puis que par vn tel moyen vous déliureriez du tout le Royaume de la guerre auec moins de hazard & peril pour la Religion Catholique, laquelle ie prie Dieu vous faire la grace de dessendre & conseruer à son honneur & gloire, &

au salut du Royaume.

## HARANGVE FAITE PAR Monsieur de Villeroy, pour estre pronencée en l'assemblée des presendus Estats de Paris, l'année mil cinq cens quatre-vingt treize.

I ESSIEVRS, Si iamais il a deu estre permis, & suc oncques necessaire de parler librement en vne deliberation, c'est en celle qui se presente, en laquelle il s'agit de la deffence de nostre Religion, & de la disposition du Royaume, & de nos personnes, croyant sermement qué si en la recherche & élection du remede à nos maux, nous nous oublions tant que de prendre le nom de Dieu en vain, & abuser de celuy de la Religion en nous flattant nous-mesmes, ou voulant plaire à autruy il confondra nos desseins, & nous fera perir honteusement: c'est pourquoy ie supplie la diuine Majesté, me faire la grace que ie ne die, ne propose rien en cette compagnie, s'il est possible, qui ne soit à la gloire & au salut du Royaume, comme ie proteste estre mon seul but. Mais ie vous supplie, Messieurs, de prendre en bonne part, que pour ce faire i'vse de la liberté & franchise d'vn homme de bien, laquelle i'ay accoustumé du gré de nos Rois, tant que ie les ay seruis comme celuy qui veut plustost manquer à soy-mesme qu'à son deuoir en cette occasion, esperant que Dieu qui connoist mon cœur, & vous, Messieurs, qui m'auez veu autresois en besongne, excuserez mes fautes. Ie proteste aussi de ne vouloir estre opiniastre, & que ie cederay tousiours au iugement & conseil des plus sages: vray est qu'il me semble que ce tiltre est deu print alement à ceux qui ont la crainte de Dieu, & la connoissance & experience des choses du monde pour sçauoir discerner l'ombre d'auec le corps, & ne se laisser emporter à des desirs & desseins imaginaires & impossibles, qui ne sont ordinairement suiuis que de honte & dommage.

MESSIEVRS, personne ne peut nier que la cause que nous dessendons ne soit juste, ayant pour fondement l'honneur de Dieu, & le soulagement du peuple; neantmoins pour auoir esté entreprise & commencée aucc plus d'ardeur que de prudence, & depuis poursuiuie auec plus d'esperance que d'ordre, non feulement nous y auons plus perdu que gai-gné, mais aussi nous auons donné matiere à nos aduersaires de la blasmer, dont ils n'ont tiré peu de profit à nostre dommage dedans & dehors le Royaume, tant a de force & de puissance sur les hommes ce qui est juste, mais aussi ce qu'ils estiment l'estre, : à quoy il me femble qu'il nous importe grandement de pouruoir pour l'aduenir, ce que nous ferons quand nous donnerons ordre pour nostre conduite, & que nos actions répondent vraye-ment & d'vn commun accord au desfaut susdit, chose que nous deuons esperer de la refolution qui se prendra en cette assemblée, laquelle pour cette cause a esté il y a vn long-temps recherchée & desirée des gens de bien; & toutesois ie veux croire, que si elle n'a eu lieu plustost, que Dieu l'a ainsi permis, asinque le temps & nos maux seruissent d'enseignement à ceux qui en auoient besoin.

PovR bien deliberer de nos affaires & duremede d'icelles, il me semble qu'il faut commencer par nous representer deux cho-ses: la premiere, ce que nous auons gaigné à la guerre pour le party Catholique, depuis que nous auons pris les armes; & la deuxiéme, en quel estat & disposition le Royaume se trouve maintenant, afin que nous ne nous abulions en nostre poursuite, & ne bastissions nostre resolution, s'il est possible, sur vn faux fondeinent: car il s'en faut beaucoup, ie ne diray que ne soyons si ardens & affectionnez à la guerre, mais si forts & puissans pour soûtenir, que nous estions au commencement d'icelle; nous auons fait comme ceux lesquels courent si viste au partir de la carriere qu'ils perdent l'haleine auant qu'ils soient arriuez au milieu d'icelle: de maniere qu'il faut reconnoiftre que c'est maintenant la necessité. & non la raison qui nous rend plus circonspects, & considerez que nous n'estions, done il aduient que nous fassions nostre profit, l'allegement que nous en receurons aidera à nous faire oublier & porter plus doucement. nos fautes & pertes passées. Mais n'attendons, ie vous supplie, que cette necessité qui ne nous presse dessa que trop, opere dauantage en nous & en nos affaires, ce que la prudence y doit apporter; car vous sçauez que ses effets sont ordinairement tres-violens & perilleux, specialement quand ils agissent és cœurs

d'vn peuple.

M A 1 s comme pouvous-nous, ie veux dire ceux qui se sont embarquez en ce party pour le respect seul de la Religion, déduire au vray & par le menu les changemens aduenus en ce Royaume, au desaduantage d'iceluy depuis la guerre, sans souspirer, voire desesperer de la conservation, s'il est ainsi que l'on doine inger des choses à venir par les passées; certainement si les gens de bien n'auoient plus d'esperance en la bonté & protection de Dieu qu'en la conduite des hommes & en leurs forces, leur desespoir pour ce regard seroit quasi arriué à son periode; mais ie ne puis croire que son courroux émeu par la gravité & multitude de nos réchez s'estendent si auant que de nous vouloir priuer du tout de la Religion auec laquelle nos peres & nous l'auons adoré & seruy iusques à present, sinon, auec telle integrité qu'il conuient, au moins auec la foy de l'Eglise vniuerselle, de laquelle nous deuons plustost mourir que nous departir : & toutefois il est certain que nos armes ont plus ser-uy iusques à present à l'affoiblir qu'autrement, combien que nous protestions les auoir prises & employées seulement pour la dessense d'icelle, tant sont les iugemens de Dieu incomprehensibles, & les prieres des hommes vains & abulifs.

Q v A N D nos mouuemens ont commencé, l'ordre Ecclesiastique en ce Royaume estoit tres-florissant & puissant, il estoit reueré, supporté & bien vny; nos Eglises estoient garnies de Prelats autant dignes de leurs charges qu'elles auoient esté cinquante ans auparauant, où Dieu estoit seruy honorablement, comme en plusieurs bonnes Abbayes & Monasteres d'hommes & de femmes, & specialement des Religieux, où la charité & hospitalité estoit exercée exemplairement. Les Curez administroient leurs Cures aux Villes & aux champs en toute seureté, & contenoient leurs Parroissiens en la Foy de l'Eglife: mais depuis la guerre, la misere & la pauureté ont tellement persecuté lesdits Pasteurs, que les vns ont esté contraints d'abandonner leurs troupeaux, les autres ne peuuent quasi plus viures, la mort en a austi banny plusieurs : de sorte que maintenant il y a autant ou plus d'Eglises en ce Royaume vaccantes & priuées d'iceux que d'autres, & ne sont les maisons de Religion en meilleur estat; car Ies Religieux & Religieuses les ont laissez & laissent tous les iours, errans par tout auec grand mépris & scandalcuses offenses, cherchans à viure, & viuant tres-licentieusement: les Curez aux champs sont encore pis, tant ils sont outragez & mal traitez des vns & des autres: Il y a aussi infinies Parroisses où le peuple est priné tout à fait de l'exercice de Religion, & de la consolation des saints Sacremens. Dauantage, combien d'Eglises ont esté saccagées & dépoüillées de leurs reliques

& ioyaux, & mesme abatues depuis la guerre, & à l'occasion d'icelle, qui n'a mis la main dedans leurs biens pour s'en acommoder?que deuons - nous attendre de la disposition que fot nos aduersaires des Archeueschez & Eueschez, Abbayes & autres Benefices qui vacquét ou sont tenus par ceux de nostre party, sans distinction d'Ordre ny de Religion, qu'vn renuersement entier de cette Hierarchie & Eglise Gallicane, que nos majeurs ont auec tant de pieté, honneur & louange fondée, augmentée & conseruée. Pouvons-nous mention aussi de la separation & diuision de ceux du desordre & de l'assistance qu'en recoiuent les ennemis de l'Eglise & du schisme qui est prest à éclatter, sans horreur & frayeur. Messieurs, si ceux de nostre party sont du tout innocens de ces desordres, vous le sçauez. mieux que moy; il me sustira de vous requerir qu'il y soit pourueu comme il est necessaire, si nous voulons que Dieu nous aide, & que la posterité ne nous reproche la ruine & subuersion de son Eglise, aussi bien qu'à nos aduersaires.

APRES, considerons nos Villes, lesquelles estoient deuant la guerre tres-riches & opulentes, nos aduersaires en ont pris plusieurs, dont les gens estoient tres-affectionnez au party, qui en est maintenant affoibly dautant; & celles qui nous sont demeurées, combien qu'elles soient les principales, sont toutesois remplies de tant de partialitez & affections, & si chargez d'impositions & coruées extra-ordinaires mises sus autant par nous mesmes

comme par ceux qui nous font la guerre, qu'elles sont tres-miserables & necessiteuses: les habitans y sont sans commerce, priuez du payement de leurs rentes, de la jouissance de leurs heritages,& sans justice de leurs debtes, ayant mangé & consommé leurs reserues & biens de leurs magafins:la justice qui souloit y presider n'y est pas quasi reconnoissable, tant elle y a esté mal-traitée, & encore outrée de regret'; les Ministres & Officiers d'icelle y font sans authorité & sans gages, y viuans en grande crainte & pauureté auec leurs sa-milles, apres auoir tout vendu & souffert pour y durer comme ils ont fait iusques à prel sent; bref, tout y regorge de consusion, de diuision, necessité, frayeur & mécontentement, principalement en cette noble ville de Paris, la constance de laquelle est certainement admirable, & doit seruir de consolation & d'exemple à toutes les autres; elle est, Messieurs, la capitale du Royaume, le vray thrône de nos Rois, le premier siege de leur siege, la residence de cette fameuse Eschole & Faculté de Theologie, la garde de nos Reliques plus saintes & precieuses, & des thresors de la Couronne; où i'ose dire que la charité a eu tant de vogue, & la pieté a esté de tout temps aussi ardemment embrassée, & continuellement exercée qu'en nul autre endroit du monde; celle qui a tousiours seruy de fanal & de regle à toutes les autres du Royaume: pouuons-nous considerer son changement sans douleur? & souffrirons-nous qu'il en mes-aduienne, elle qui importe tant à la 452

cause de Dieu, & au party pour lequel elle a ioué de son reste? Toutesois, Messieurs, il est impossible qu'elle persiste, si elle n'est déliurée des charges & incommoditez qui la pressent, élargie & remise en estat qu'elle puisse se substanter, & par elle-messine, conseruer d'elle-messime, & par elle-messine, comme elle souloit faire, & non par conuois & à sorce de garnisons & d'argent, ainsi qu'elle a esté gouuernée & nourrie depuis le siege; autrement il ne nous en demeurera que les corps bié debiles & extenuez, si encore nous les pouuos retenir.

S 1 nos Villes sont desolées, que dirensnous du plat païs, en tout & par tout en proye & à l'abandon? Il semble que de part & d'autre nous en ayons entre pris & coniuré par enuie l'entiere ruine & vastation; ces pauures peuples payent double & triple taille par tout, sans conter les autres subsides, contributions & coruées que l'on exige d'eux à difcretion, qui excede de trop toutes lesdites tailles; outre infinies autres sortes d'outrages, excez & violences que l'on luy fait louffrir, dont rien ne le peut garentir que la seule mort: car toute espece de resuge, aide, consolation & justice suy est déniée; c'est quasi honte que d'en auoir compassion, c'est peine perdue que d'interceder & parler pour luy, & crime que d'en demander & poursuiure le soulagement. Nos villages en sont deserts, & la face de la terre hideuse, & en friche en plusieurs endroits: & toutefois, Messieurs, c'estoient les vrais thresors de la France, nos Minieres & nos Indes que ces bonnes

gens lors qu'ils cultiuoient nos terres en toute liberté & seureté, auec le bestail dont ils sou-loient estre garnis, estant destruits, où trou-uerons nous dequoy viure? qui nourrira nos armées, & entretiendra nos garnisons la guerre durant? tout nous manquera en vn instant: Messieurs, il me semble que nous en deurions craindre & apprehender la ruine plus que nous ne faisons, autant & plus pour l'aduenir que pour le present; car soit que Dieu nous donne la paix ou la victoire, ce dessaut & manquement des peuples, de labeur & bestiaux, nous incommodera grandement, & sera sans remede, sinon auec vn long-temps.

Mais quelle mention ferons-nous de no--stre Noblesse Catholique, qui souloit estre deuant la guerre tres-vnie à la dessense de nostre Religion, la voyant maintenant separée comme elle est, combattre l'vne contre l'autre aussi furieusement qu'elle faisoit ensemble du temps de nos Rois contre les ennemis d'icelle? Pouuoit-il aduenir au party Catholique par la guerre vn affoiblissement plus grand que cettuy-cy, comme ainsi soit que l'vnion des Catholiques soit la vraye erreur des heretiques, lesquels aussi ne sont forts auiourd'huy, & ne nous resistent que de l'alliance qu'ils tirent d'eux? quel creuc-cœur en deuons-nous auoir? que ne deuons-nous tenter & employer pour les retirer & reiinir ensemble? Messieurs, il est certain que si nous auions gaigné ce point, nous aurions acquis à la cause vn tres-grand aduantage: le nom de Roy duquel nosdits aduersaires s'ap-

puyent, le fortifie grandement, mesmes autant (à mon aduis) que fait la diuision de la Noblesse Catholique, & le secours qu'ils en tirent. Dauantage, combien de Princes, & quels Princes, Chefs d'armées, Seigneurs & Gentils-hommes Catholiques auons-nous perdus depuis ces mouuemens? ie comprens & regrette en ce nombre ceux qui sont morts auec nosdits aduersaires comme les autres:car s'ils eussent vécu peut - estre que le temps & les occasions vous eussent l'alliez ensemble plus que deuant, comme encore ie ne puis desesperer que ne fassent quelque iour ceux qui resistent, lors que Dieu aura compassion de nos miseres. Bref, nosdits aduersaires étoient deuant la guerre combattus de l'authorité Royale, & de l'union desdits Catholiques, pauures, necessiteux & reduits, comme abandonnez, en trois Prouinces du Royaume, où encore ils estoient tres-foibles; à present ils nous opposent la mesme authorité, nous combattent de nos armes par nostre diuision, disposent mieux que de nous des deniers Royaux & moyens publics, aufquels ils nesouloient auoir aucune part, & sont cependant logez & establis par tout le Royaume, allans du moins de pair auec nous en tous lieux.

Voila, Messieurs, ce que nous auons prosité à la guerre pour le party Catholique, & l'estat present du Royaume que ie vous ay representé le plus sommairement & simplement qu'il m'a esté possible (pource que vous en sçauez plus que moy) & que la chose parle

assez d'elle-mesme. Ie vous supplie de n'estimer qu'en ce faisant i'aye voulu blasmer personne, car ce n'a esté mon intention, & moins m'adresser à nos Chefs & Superieurs qu'à tout autre; specialement à vous, Monseigneur, duquel ie sçay comme celuy qui a eu cét honneur que de vous suiure & accompagner longtemps, que la violence de la tourmente qui nous a agitez, a souuent forcé vos conscils & volontez, & qu'auez autant ou plus trauaillé & enduré que fit iamais Prince de vôtre qualité, pour soustenir les affaires : en quoy ie puis dire sans flatterie, que i'ay souuent admiré vostre patience & constance, l'yne à supporter vertueusement, comme vous auez fait les grandes incommoditez; necessitez & desfauts qui vous ont esté ordinaires, principalement depuis les batailles de Senlis & d'Iury, & l'autre à mépriser & reietter toutes sortes de recherches & ouuertures qui vous ont esté faites de diuers endroits, pour tirer de vous quelques consentemens ou promesses en ce qui concerne le general de la Religion & de l'Estat deuant cette assemblée; ayant tres-religieusement & fidellement gardé & conserué le saint depost de l'yne & de l'autre qui vous auoit esté consié, comme il vous pleût nous declarer & faire entendre dernierement à l'ouverture d'icelle, dont certainement nous vous sommes tous tres-obligez; & vous rends graces tres-humbles en mon particulier, comme bon Caholique & vray François.

Messieves, apres cette deduction, par

OR il est certain, Messieurs, que nous ne pouuons conseruer nostre Religion que par trois moyens, par la finguliere & speciale grace de Dieu, de nous mesme, & aucc l'aide &

ce n'est mon but, mais seulement de seruir la

cause à vostre gré & à ma descharge.

assistance de nos amis.

I E ne m'estendray sur le premier, car c'est matiere plus propre & mieux seante à la bouche de Messieurs du Clergé qu'en nulle autre, seulement ie me dispenseray de dire deux choses, l'vne, que si nous voulons que Dieu aye soin de nous, il faut que nous deuenions plus charitables & equitables, moins vicieux, & en effet meilleurs Chrestiens que nous ne sommes; & l'autre, qu'il se faut bien garder de tenter Dieu, & abuser de l'esperance que nous pouvons avoir en luy par temerité, picsomption ou autrement, comme à l'aduanture nous ferions si nous choisissions des remedes impossibles, nous fondans & confians du tout sur nos bonnes intentions, & sur la justice de nostre cause, sans dauantage éplucher

cher ny conferer les choses; car souvent Dieu permet qu'vne mauuaise cause prospere auec ceux qui la dessendent, pour matter & châtier les autres qui combattent au contraire, comme nous n'auons que par trop éprouvé en ce Royaume depuis trente-cinq ans contre les mesmes aduersaires, & en la mesme cause de laquelle il s'agit maintenant, sans qu'il soit besoin pour nous enseigner que nous iettions les yeux sur nos voisins, ny sur la terre sainte, tombée par nos dissentions & pour nouvices & pechez au pouvoir des insideles.

LE moyen qui depend de nous gist aux forces qui nous restent, & en nostre conduitte.

Nos forces consistent en la vertu de nos Chefs, en la richesse & bonté de nos Villes, au nombre & en la valeur de nos gens de guerre, & en nos deniers communs & publics: Nosdits Chefs sont genereux & experimentez, & tres - affectionnez, & croy certainement que nos affaires ne demeureront par eux, ie souhaite seulement qu'ils soient mieux reuerez, obeïs & vnis, comme il est necessaire pour nous bien faire. Nous auons encore nos principales Villes, mais elles sont fort décheues & appauuries depuis la guerre, comme ie vous ay representé, de sorte que si du commencement elles se gardoient d'ellesmesmes, voire regentoient autour d'elles, fortes de zele, de nombre d'habitans, de commoditez & d'esperance; maintenant il faut que nous les gardions du dehors, & par le dedans auec force & moyens, d'ailleurs non sans peine & sollicitude tres-grande, tant el-Tome I.

458

les sont divisées, déniiées de peuple, pleines de necessité, de crainte & de deffiance de l'aduenir: Quoy estant il sera difficile qu'elles contribuent d'oresnauant aux affaires publiques autre chose que le nom & la reputation de leur ancienne grandeur, auec la retraitte & seureté de ceux du party : ce qui procede du mal qu'on leur a fait par le dehors, & qu'eux mesmes se sont fait par le dedans, dont chacun sçait & ressent les particularitez; mais comme elles ne peuuent estre remises ny restaurées qu'auec le temps, il conuient pour cette heure aduiser plustost au moyen de les soulager & secourir pour les conseruer, que de faire estat (si on ne me trompe) d'en tirer de l'aide, & principalement en deniers pour soustenir la guerre. Quant aux gens de guer-re du party, le nombre en est grand, mais mal reglé & discipliné : car l'ambition & l'auarice les dominent par trop, & tous quasi pen-Sent plus à s'agrandir & enrichir, qu'à l'vtilité publique, vice ordinaire des guerres ciuiles, ores tres-perilleux & contagieux, qui se prend par exemple, non seulement entre égaux, mais aussi du perit au grand : cecy engendre toutes sortes de maux, entr'autres vne licence effrence, vne desobeissance generale, & vne ialousie & combustion extréme, qui corrompt, énerue, & affoiblit tellement la bonté desdits gens de guerre, que nous ne deuons faire estat d'en estre bien seruis pour Le public rant que cela durera. Le secours que nous pouvons tirer des deniers publics est encore plus incertain, d'autant que lesdits gens

1

de guerre le prennent; & comment, tout par tout, sans ordre ny regle, encore n'en ont-ils pas à demy : Dauantage, il faudroit faire reuiure le peuple qui est mort depuis la guerre, & remettre le plat païs en culture, pour en tirer commodité, chose tres-difficile, voire impossible de faire, sinon auec le remps. Toutefois si nous pounions reprendre l'ordre & les reglemens anciens en l'administration des Finances, comme font sagement nosdits aduersaires; peut-estre que nous en tirerions quelque chose pour subuenir aux despens de nos armées, tout ainsi qu'ils font de leur costé, lesquels n'ont quasi autres deniers pour faire la guerre; mais il faudroit y mettre bien-tost la main & viuement, & ne se laisser vaincre aux importunitez & mécontentemens de ceux qui s'en accommodent particulierement, comme l'on a fait iusques à present, de façon que le public n'en a eu aucun secours : doncques estans nos Villes pauures & troublées comme elles sont, nos gens de guerre mal creez & disciplinez, & nos deniers publics mal ménagez & incertains, il faut que nous reconnoissions & aduouyons estre tres-difficile que nous resistions à nosdirs adversaires, & nous maintenions de nous mesmes.

Novs voyons ce que nous pouvons esperer de nostre conduitte, Messieurs, si nous voulons la rendre bonne, & faire qu'elle prospere; il faut que nous la iustissions tellement, que Dieu & les hommes en demeurent satisfaits: Nous la iustisserons, quand vrayement & sincerement nous chercherons la gloire de

Dieu, & l'vtilité publique, comme nous ferons quand nous prendrons le chemin, par Iequel nous pourrons plus seurement & promptement déliurer le Royaume de l'heresie & de la guerre; car tant qu'il sera battu de ces deux fleaux, il ne faut esperer que nous restaurions la Religion ny le public, comme nous auons éprouué aux dépens de l'vne & de l'autre depuis nos mouuemens; au moyen dequoy tout ainsi que ceux qui se veulent preualoir de la ruine de nostre Religion & du Royaume, s'accordent en ce point, sçauoir est de fomenter & nourrir la guerre & nos diuisions par tous moyens & artifices qu'ils peuuent inuenter, si nous voulons sauuer l'yn & l'autre, il faut au contraire nous efforcer de les assoupir & terminer le plustost qu'il nous sera possible. C'est le vray moyen aussi de faire cesser les enuies, partialitez, & passions, qui troublent & destruisent nostre vnion, s'il en faut esperer quelque chose : car il n'y a rien qui puisse plus aider à ranger à la raison, & ramener les particuliers à leur deuoir enuers le public, que l'exemple & la bonne conduite d'iceluy.

A quoy i'adjousteray l'opinion de ceux qui disent que nous deuons promptement élire & créer vn Roy sur nous, comme vn moyen tres-propre, voire qui seul nous reste, pour releuer nos affaires & les garder de naustrage, attribuant à ce dessaut, non seulement toutes nos infortunes passées & nos divisions, partialitez & mauvaises procedures, mais aussi les aduantages que nosdits adversaires ont

gaigné sur nous dedans & dehors le Royaume, pour la reuerence & affection que les François, nourris & accoustumez de tout temps à la Royauté, portent naturellement à leurs Rois, & par le credit & pounoir qu'a ce nom enuers les Princes & Potentats estrangers, lesquels desirans pour leur intérest la conservation entiere de la Couronne, fauorisoient tousiours plus volontiers celuy qui en portera le tiltre qu'ils ne feront toute autre forte d'administration, la quelle ne peut qu'elle ne leur soit d'autant plus suspecte & odieuse, & moins agreable aux subjets d'icelle, qu'elle semble aucunement aspirer & tendre à vne alteration ou mutation d'Estat, chose que i'estime estre à considerer auec beaucoup de raison par ceux qui affectionnent ce conseil; partant ie ne veux estre des derniers à y ioindre mes vœux, toutefois ie desire que nous pesions & considerions bien & meurement la nouveauté & importance du fait deuant que nous y engager. Car, Messieurs, ce n'est pas comme vous scauez trop mieux, le nom ny le tiltre, la Couronne & le Sceptre qui donne authorité, force & puissance aux Rois, & les fait reuerer & aimer; c'est le droit d'vne legitime succession que la nature leur donne par la grace & permission de Dieu, suiuant les loix & constitutions des païs, & leurs vertus & bonne conduite : & si que sques fois l'on s'est dispensé de déroger & contreuenir ausdites loix en faueur de quelqu'vn, ç'a esté auec l'acclamation, approbation, & du consentement vniuersel de tous les Estats & peu-

## MEMOIRES

462

ples d'iceluy, pour vne vtilité & paix publique, & non pour se ierrer & plonger en vne guerre immortelle, tres-perilleuse & douteufe, comme certainement fera celle que nous épouserons par toutes nos vies, faisant ladite élection. Parquoy ie dis qu'il est necessaire au prealable d'aduiser à deux choses: la premiere, s'il n'y a point de moyen ny d'espoir de conseruer nostre Religion sans vser de ce remede. L'autre, s'il y a Prince auquel nous puissions nous donner, qui soit fort & puissant assez pour nous sauuer & déliurer de la guerre, & des vexations d'icelle, afin que l'on n'attribue à passion, ce que la necessité seule. de conseruer nostre Religion nous doit contraindre, & doit excuser de faire, & qu'au lieu meline d'y profiter & à nous melmes, nous n'aduancions la ruine dicelle & la nostre; mais d'autant que ce point est le principal de nostre deliberation, dont ie dois attendre à dire mon aduis, & m'expliquer dauantage à la fin & conclusion de mon discours, ie me contenteray d'en audir touché ce mot en traitant des moyens & remedes qui dependent de nous , afin que l'on n'estime que ie le veiille obmettre.

Mais enfin il faut confesser que nos forces domestiques sont trop soibles, auec toute nostre conduite, pour sortir d'affaires par les armes sans l'aide de nos amis: partant il ne nous reste plus qu'à examiner si c'est chose à laquelle nous deuions esperer de paruenir par leurs moyens ou non, pour sur ce bastir nostre resolution.

MESSIEVRS, nous tenons à bon droit pour nos principaux, plus asseurez, & speciaux amis nostre saint Pere le Pape, le Roy d'Espagne, & auec eux Messieurs les Ducs de Lorraine & de Sauoye, lesquels n'ont rien espargné iusques à present pour nous secourir & fortifier : de sorte qu'il faut reconnoistre veritablement que sans eux nous custions esté contraints de composer auec nos aduersaires, ou de souffrir beaucoup plus que nous n'anons fait. Nosdits faints Peres y ont employé les vns apres les autres leur authorité & leurs threfors spirituels & temporels tres - largement, comme nous voyons qu'ils continuent encore sans épargne : en quoy ils ont esté tres-bien secondez dudit Roy d'Espagne, lequel a eu tant de foin de nous, qu'il faut que nous advoiiyons, fi nous ne voulons estre tres - méconnoissans que nous luy deuons la gloire & la reconnoissance entiere de nostre estre : car sans luy les Villes de Paris & de Roilen, qui sont les deux principales colomnes de nostre cause, ne seroient plus nostres, & n'auons foustenu la guerre depuis le commencement insques à present que de ses deniers & auec ses forces, ayant souuet delaisse; ses propres affaires pour mieux nous secourir: ce que nous pouvons dire semblablement que lesdits Ducs ont fait aussi de leur part, tant que leurs moyens se sont estendus, dont nous voyons que leurs affaires fant en arriere,

& leur païs grandement incommodez.

E r neautmoins ie ne vois pas qu'auec tout cela, joint ce que nous auons pû y contribuet.

de nostre part, lors que nous estions encore plus frais & mieux pourueus de toutes choses que nous ne sommes, & ne pouuons estre cyapres, nous ayons gaigné tel aduantage sur nosdits aduersaires, que nous ayons grande occasion de nous réjouir, ny esperer qu'en continuant nous voyons de long-temps la fin d'eux par les armes : les fulminations de nofdits saints Peres ont plustost aigry leurs cours, & leurs exhortations & admonitions souvent resterées envers les Catholiques qui les assistent, ne les ont pas encore ébranlez: Les gens de guerre qu'ils nous ont aussi par force & à grands frais enuoyez, ne nous ont gueres plus profité, & jaçoir que ledit Roy d'Espagne nous ait enuoyé plusieurs armées l'vne apres l'autre, qu'il ait aussi secouru à part la Bretagne & le Languedoc d'hommes & d'argent, & qu'il n'ait rien obmis à faire pour nous: toutesois le fruit de sa bonne volonté, & des frais qu'il y a faits tres-grands, n'a répondu à nos esperances ny à nostre be-soin. Si ce mal-heur nous est aduenu par nostre faute ou celle d'autruy, pour n'auoir esté les choses conduites, administrées ou employées comme elles devoient estre, ou par impuissance & foiblesse, procedant de nostre part, ou de ceux qui nous secourent, ie m'en rapporte à ce qui en est: tant ya qu'il est ve-ritable & notoire à tous, que nostre condition est plustost empirée qu'amendée, combien que celle de nosdits ennemis soit quasi aussi languissante que la nostre, n'estant moins incommodez & mattez de la guerres.

465

Toutefois d'autant que leur force principalement gift en eux; qu'ils sont mieux vnis que nous; qu'ils tendent & travaillent tous à vn mesme but; qu'ils observent & suivent en Ieurs affaires, tant à la conduite des armées qu'en l'administration de la justice & police, & au maniement des Finances, l'ordre ancien du Royaume, par lequel chacun est authorisé & soustenu en sa charge & fonction, comme il doit estre; qu'ils font argent de tout, comme nos Rois souloient faire en temps de paix; que les Villes sont riches des dépouilles & desordres des nostres, & que le party huguenor va tousiours se fortifiant autant que celuy des Catholiques s'affoiblit par la continuation de leurs divisions, ils se maintiennent mieux que nous, Nous ne faisons rien qu'à force d'hommes & d'argent, & qu'auec toutes les longueurs, peines & difficultez du monde, au lieu que nodits aduersaires s'entretiennent de peu de chose, & font tous les iours quelque effet, comme gens qui disposent de leurs forces & moyens ainsi qu'il leur plaist,& qui seruent leur party, ou pour mieux dire leur maistre de cœur & d'assection, attendans la recompense de leurs seruices de sa prosperité : dauantage, ils ont gaigné ce point sur nous que chacun croit dedans & dehors le Royaume, qu'ils cherchent le combat & que nous le fuyons; chose qui fait craindre leurs armes, & mépriser les nostres, & principalement parmy nous autres François, accoustumez à respecter ceux qui sont non seulement genereux & vaillans, mais aussi hazardeux; joint que nous estimons que c'est le vray moyen d'abreger nos miseres, desquelles nostre langueur & necessité nous rend tous les iours plus impatiens, messament voyant les excez & desordres que sont sur nous sans distinction de party lesdites forces estrangeres, & pareillement les diuerses pratiques & menées qu'aucuns sont par toutes nos Villes, qui tendent plus à nous precipiter

qu'à nous sauuer.

Qvoy estant, quelle raison auons nous d'esperer que nos affaires succedent mieux cyapres qu'elles n'ont fait depuis quatre ans; mais peut-estre que le Roy que nous parlons d'élire, comme vn souverain remede à toutes nos playes, y apportera le changement que nous desirons. Quoy! rendra-il nostre cause plus iuste & nostre vnion plus parfaite qu'elle n'est? réchauffera-il nostre ardeur esteinte par la necessité, ou s'il restaurera nos Villes & fera cesser les partialitez qui acheuent de les dépeupler & détruire ? remettra-il nos champs en culture, & s'il fera reuiure nos laboureurs que la guerre a rauis, afin que nous puissions recueillir nos fruits pour viure, & en tirer les deniers publics pour continuer la guerre : ou bien s'il nous emplira de tant de commoditez, & nous rapportera en peu de temps vn tel aduantage que rien ne nous manquera, ny fera difficile à executer contre nosdits aduersaires, pour nous élargir & concenter? Messieurs, si le zele que nous portons à nostre Religion, & si nostre perplexité nous fait desirer & volontiers esperer ce secours

d'vne telle resolution, saut-il pourtant s'asseurer quels essets s'en ensuiuent sans en estre mieux éclaircis? Croyons-nous que le Roy, qui sera peut-estre composé & creé de nature estrangere, estant adjousté & receu au corps de nostre party, autant parauanture par contrainte, que par raison, aye ses sonctions austivigoureuses & vtiles, que si nature nous l'auoit donné? Messieurs, ouurons les yeux, & reconnoissons que nous sommes hommes; que l'on peut bien imiter la nature, mais non

atteindre à sa perfection.

PARLON'S plus clairement, s'il faut que nous prenions vn Prince dedans nostre party pour estre nostre Roy, il faut necessairement que nous le choisissions au gré du Roy d'Es-pagne & de son desir : car nul sdes autres ne peut estre assez puissant pour se maintenir en ce degré, & nous sauuer sans son aide, quelque reputation, parens, amis & moyens qu'il puisse auoir. C'est chose reconnue de tous, au moyen dequoy si leditRoy veut auoir cette Couronne pour luy ou pour l'Infante sa fille aisnée, comme nous font entendre ses Ministres, & qu'il n'y ait moyen de l'en diuertir, l'obligation que nous luy auons, & le be-foin que nous auons de Iuy, s'il faut que nous continuions la guerre, requierent que nous passions plustost par dessus nos loix & toutes autres considerations pour le contenter, que de l'offenser en nous adressant à vn autre:car tout ainsi que nosdites loix n'ont esté faites que pour bien faire au public, l'observation nous en doit estre chere & recommandée, si-

non autant qu'elle peut estre vtile à iceluy,&. sur tout à la deffense & conservation de nostre Religion que nous deuons preferer à toutes autres choses. Quoy estant il ne nous reste plus qu'à sçauoir, si en élisant ledit Roy d'Espagne, ou ladite Infante sa fille, nous y trouuerons les benedictions & aduantages quinous seront necessaires, comme aucuns se promettent, afin que nous ne soyons si temeraires & mal-aduisez de franchir ce saut qui est si sujet à infinis perils & inconveniens, difficiles à preuoir, mais encore plus à éuiter apres le coup, deuant que d'auoir bien consideré & pese comme il appartient les cuenemens d'iceluy pour éuiter he dommage, le blame & le regret d'vn tardif repentir qui suit de prés ordinairement une resolution precipitée, sans soussir que nos passions, ou attendre que nos necessitez soient si grandes qu'elles nous violentent en ce fait.

Povr monregardie suis d'aduis, s'il faut que nous contentions ledit Roy, que nous nous donnions à luy plustost qu'à sa fille, sans nous arrester qu'elle est issue d'vne fille de France: car s'il est necessaire que nous violions nos loix, ce doit estre pour le party plus vtile, & non pour celuy qui en approche le plus; sans doute nous trouuerons tousiours plus de seureté au tronc qu'aux branches: car les moyens de ladite Insante dependent de la volonté dudit Roy son pere, & apres suy du Prince son fils qui doit estre heritier vniuersel. Mais qui peut répondre & asseurer que ledit Prince succedans aux Estats de son pere,

succede aussi à l'affection; qu'il veilille ob-mettre ses propres affaires pour assister sa sour, comme fait à present le pere sa chere fille; c'est choserare qu'vn fils suiue en tel cas les intentions de son pere; & encores plus, qu'vn Prince delaisse & abandonne ce qui le concerne pour bien faire à autruy, quelque proximité qu'il y ait, ce que nous deuons encores moins nous promettre de ce changement que de nul autre : car il n'y a desia que trop de seruiteurs & subjets dudit Roy, qui regrettent les dépenses qu'il a employées à ce Royaume; de sorte que si Dieu en disposoit deuant que la fille fust establie, & que ledit Prince ne fust conseillé, ou ne peust à cause de ses affaires nous continuer le mesme secours que nous receuons du pere; comment pourrions-nous secourir sa cause & la nostre, les choses de ce Royaume & de la Chrestienté, estant en l'estat qu'elles sont? Dauantage, ic. ne puis croire que le nom & party de l'adite Infante n'engendre par tout les mesmes ialousies & offets que fera celuy du Roy, car. c'est tousiours de se donner à la maison, la grandeur & ruissance de laquelle, & non celle de la personne du Roy, tient en crainte le reste de la Chrestienté; à quoy ne sert de rien de dire qu'elle épousera vn Prince de langue Françoise, d'autant que c'est à elle & non à son mary que ledit Roy entend que nous donnions la Couronne. Partant si elle decedoit sans enfans apres nostre élection, son droit seroit pretendu & debattu par ses plus proches. Du commencement & iusques à la

venuë de Monsieur le Duc de Feria, les Ministres dudit Roy nous ont dit ouvertement, qu'il ne vouloit que ladite Infante fust mariée à vn de nos Princes, pour ne mettre la succession de tous ses Estats au hazard de tomber entre les mains d'vn Prince d'vne autre famille que de la sienne, comme il aduiendroit, si le Prince son fils mouroit sans enfans; de sorte que l'esperance que sous main l'on nous donne maintenant de la bailler à vn des nostres ne me peut estre que suspecte d'estre iettée & publiée entre nous plustost pour gaigner nos voix en faueur de ladite Infante, que pour enuie que l'on ait de l'effe-Auer. En tout cas il seroit donc necessaire pour nostre seuseté que ledit mariage fust accomply deuant ladite élection, afin que l'on ne s'en peust dédire apres icelle, comme il seroit lors trop facile de faire sans remede, ne me pouuant persuader que ledit Roy marie iamais sa fille deuant son fils, principalement à vn Prince d'autre maison que la sienne; mais l'on dit que si ce Royaume est conserué & possedé à part, quand ce seroit par vn Prince de la mesme maison dudit Roy, les autres Princes n'en prendront point tant de ialousie que s'il est à celuy d'Espagne. A quoy ie répons que cette raison seroit considerable si nous pounions à present disposer de la possession, & en rendre la iouissance paisible à ladite fille & à son mary; mais comme c'est chose impossible, & que les Grands se menent principalement par les raisons & choses presentes, & non par celles qui sont attem

dues, lesquelles sont ordinairement incertaines, chacun d'eux craignant autant la ruine & dissipation de ce Royaume, par la continuation de la guerre, que la susdite Vnion auec celuy d'Espagne: Il faut faire estat que les Princes & Potentats de la Chrestienté qui redoutant l'accroissement dudit Roy d'Espagne, & l'affoiblissement de la France, prendront pareille ialousie de l'vne que de l'autre, comme ils ont fait assez paroistre depuis le commencement de nostre guerre: outre cela il faudroit enfraindre nostre loy Salique, laquelle nous a tousiours esté tres-sainte & sacrée, quelque mutation qui soit aduenuë en ce Royaume, auec lequel elle est née, & est tellement attachée & incorporez, que l'vne ne peut patir sans l'autre; iamais aussi on n'à essayé de s'en dispenser qu'à l'instant le Royaume n'ait esté remply & accablé de calamitez, desquelles il n'a esté déliuré que quand elle a esté restaurée en sa premiere force. Et. si maintenant nous la méprisons sur l'esperance d'vn bien futur, faisans estat d'en recenoir en nos iours le mesme traittement, & apres qu'ils seront passez, le mesme blasme & reproche de ceux qui en ont autrefois abulé: e'est aussi vne vraye imagination d'esperer pouvoir persuader aux François que cette loy qui leur a efté si vrile, & à laquelle ils doiuent, apres Dieu, la grandeur & conseruation de leur pais, est violable, estant si auant grauée en leurs cœurs, & d'eux reucrée & cherie comme elle est. Au moyen dequoy tant S'en faut que l'estime que nous en denions faire si peu de compte, que ie dis qu'il est necesfaire de faire cesser les bruits qui courent de ce dessein le plus diligemment qu'il sera possible, comme tres-preiudiciable à nostre cause, & à la reputation de cette assemblée dedans & dehors le Royaume.

C' E s T doncques à la personne mesme dudit Roy d'Espagne, & à la puissance de son empire que nous deuons nous lier, si d'vn costé son assistance nous est si necessaire, que nous ne puissions nous en passer pour conferuer nostre Religion: & si de l'autre il ne luy plaist nous la continuer, que nous ne nous donnions à luy tout à fait, ou à ladite Infante sa fille. Or pour iuger de la necessité dudit secours, il faut discourir du bien & du mal qui nous peut aduenir de ladite Declaration: car si nous ne sommes bien certains qu'il nous en succede mieux qu'il a fait iusques à present de l'assistance que nous auons tirée dud. Roy, encores qu'elle ait esté secondée des moyens du S. Siege & desdits Ducs de Lorraine & de Sauoye, certainement nous ferions yne grande faute de nous y engager.

L'on dit que quand nous nous serons donnez audit Roy, il aura soin de nous comme de celuy qui luy appartiendra en propre, ou sa reputation sera entierement engagée; de sorte qu'il nous secourera à l'aduenir, non pour allumer & faire durer nos troubles, comme à l'aduanture il a fait iusques à present, mais pour les esteindre & faire cesser, & partant plus puissamment & à propos qu'il n'a fait, & que rien ne nous manquera, &

que son élection fera cesser les jalousies, diuissons & desseins privez qui regnent entre nous: car quand nous l'aurons vne fois éleu pour Roy, chacun de nous ne pensera plus qu'à le seruir comme Maistre, ainsi qu'ont accoustumé de faire les grands Princes, qui peuvent remunerer ceux qui les servent fidelement, & punir les autres. Que cela sera cause de conseruer le Royaume en son entier, lequel autrement court fortune d'estre partagé & dissipé par la guerre, s'il ne tombe entre les mains & en la protection d'vn Prince fort pour l'en garentir; toutes choses n'étans desia que trop acheminées à démembrement, qui est le plus grand mal-heur qui nous peut arriuer, lequel nous deuons à cette cause éuiter à quelque prix que ce soit. Qu'estant ledit Roy Prince tres-équitable & grand observareur de sa foy & parole, nous ne deuons point douter qu'il ne nous fasse iourr de tout ce qu'il nous aura promis en general & en particulier par le traité de son élection, à l'exemple du traitement qu'il fait à ses subjets du Comté de Bourgongne, & autres lesquels il. a tousiours gardez & maintenus en leurs franchises & libertez, suiuant leurs loix & constitutions: plus que ce nous sera vn grand aduantage d'estre appuyez de ses autres Estats,: & d'oresnauant participer à la commodité d'iceux comme membres que nous serons de son Empire, & enfans de la maison qui est tres-opulante & puissante. Q s'estant Prince, tres-entier & constant en la Foy Catholique, il perdra-plustost tous ses Estats, & mesme la

474

vie que de manquer d'vn seul point au deuoir d'yn Roy tres-Chrestien pour la dessense d'icelle, qui est tout ce que nous deuons desirer. Qu'il est aujourd'huy le seul Prince de la Chrestienté, qui a le vouloir & le pouvoir de soussement l'Eglise de Dieu assaillie de toutes parts, & comme abandonnée des siens propres. Partant si nous ne nous appuyons de luy & ne l'embrassions, pour en l'assistant & fortissant de toute nostre puissance nous sauuer, il ne nous demeurera en ce Royaume autre moyen que le martyre, pour opposer à la persecution qui se fera contre nous, & principalement contre les gens d'Eglise, lesquels ont dessa commencé à estre traitez en leurs personnes & biens tres-indignement. Que not loix & coustumes ne nous doivent point estre si cheres que nostre Religion & le salut de nos ames, de façon que nous ne poutons conferuer les deux ensemble, il vaut mieux manquer aux hommes qu'à Dieu, & en ce faisant perdre plustost les biens & la vie, & mesme le Royaume, que d'obeir à vn Prince qui a iuré la ruine de nostre Religion dés le ventre de sa mere. Que c'est vn grand heur & aduantage quand il faut changer de Maistre, de tomber entre les mains d'vn Prince puissant, nay & accoustumé à toutes choses grandes comme est ledit Roy; car la nomination en estordinairement plus douce à supporter, & plus vtile & honorable; pour lesquelles raisons aucuns concluent qu'il est non seulement vtile, mais si necessaire pour conseruer nostre Religion, & ne tomber en la puissance

des ennemis d'icelle, de nous ietter entre les bras dudit Roy d'Espagne, & le reconnoistre pour Maistre par preference à tous autres Princes estrangers & domestiques; que si nous faillons à le faire nous n'en pouuons éuiter la tirannie.

A quoy ils adjoustent estre chose que nostre saint Pere le Pape desire & nous conseille de faire, offrant y joindre son authorité & sa puissance spirituelle & temporelle. Qu'estans ces deux forces & puissances vnies en ce dessein, il n'y aura Prince, Potentat ny Republique Catholique qui ose s'y opposer, mesme du costé d'Italie, ou personne ne se peut maintenir qu'auec leur bien-veillance. Que si quelques-vns s'oublient tant que de s'en formaliser, il sera facile ausdits Princes de les ranger à la raison. Que les Princes de Germanie & les Cantons de Suisses Catholiques fauorisent aussi ce dessein; les vns comme parens & alliez dudit Roy d'Espagne, & les autres comme tres-interessez en la cause. Enfin qu'estans toutes ces Couronnes vnies sous vn seul Monarque, doiié des vertus qui abondent en la personne dudit Roy, il n'y aura force ny puissance aucune qui luy refiste. Quoy aduenant, nous changerons bien-tost nostre mal-heur en vn perpetuel bon-heur à la gloire de Dieu; choseque nous ne deuons esperer par autre voye que ce foit.

Avsovelles raisons, tres-fortes & considerables, ceux qui sont de contraire aduis opposent principalement l'impossibilité de ce dessein, disant qu'estant la Religion en peril comme il est certain & notoire à tous qu'elle est, ce seroit vrayement pure impieté que d'y contredire, nous desfaillant tous autres moyens d'y pouruoir, si nous pouuions; ou seulement auions dequoy esperer de faire ce changement heureusement: mais ils connoissoient tant de dissiculté & obstacles qui rendent le succés d'iceluy impossible, qu'ils sont contraints de le reietter.

PREMIEREMENT, ils ne peuuent croire que le general du Royaume, ny mesme du party, l'embrasse iamais de bon cœur, pour estre si contraire à nos loix qu'il est, comme sont les mœurs de la nation Espagnole aux nostres, & sur tout à nostre Noblesse, en laquelle confiste la force du Royaume, laquelle difficilement s'assujettira à vn Prince de maison estrangere, & mesme de nation, contre laquelle nos Rois & nous auec eux auons depuis cent ans continuellement fait la guerre, & debattu de grandeur & préeminence. Qu'il est vray qu'on doit passer par dessus toutes considerations humaines, quand il s'agist de la gloire de Dieu: mais comme nous sommes nés imbecilles & imparfaits, non seulement nous pouvons errer en nos iugemens, mais aussi estre tres difficiles de disposer & faire resoudre tout vn peuple à ce deuoir au peril euident de ce qui le concerne. Qu'il n'y a pas grande apparence que ladite élection rende nostre vnion plus parfaite, ny change les volontez & desseins de ceux qui pretendent faire leur profit particulier de la dissipa-tion de l'Estat : car telles convoitises augmentent auec le temps bien plustost qu'elles ne diminuent, specialement quand elles ont pour exemple vn attentat fait aux loix publiques sous quelque pretexte que ce soit. A quoy l'authorité dudit Roy pour grande qu'elle soit, pourra difficilement remedier par force tant que le Royaume sera troublé; car quiconque refusera de s'y assujettir, n'aura faute de suppots dedans & dehors pour se maintenir. Dauantage, qui doute qu'il ne soit besoin que ledit Roy accorde & delaisse aux Grands de nostre party des aduantages extraordinaires, qui ne pouuans estre que grandement preiudiciable aux droits de la Couronne, pour les attirer & faire condescendre plus volontiers à son desir, de sorte que tant s'en faut que nous deuions faire état d'éuiter par cette élection la dissipation dudit Royaume, qu'à bon droit nous redoutons, il n'y a rien qui en effet la facilite dauantage? Car c'est la guerre plus qu'autre chose qui éguise l'appetit de ceux qui y tendent, & qui peut seul leur donner les moyens d'y paruenir, partant plus elle s'allumera & durera, plus ils auront le jeu beau pour ce faire.

Quoy! y a-il rien qui la puisse tant eschauster & mouuoir que ladite élection, par laquelle elle deuiendra immortelle? d'une guerre de Religion nous sonderons une guerre d'Estats. Ie demanderois volontiers si le Roy d'Espagne apres que nous l'aurons éleu passera en France en personne, exprés pour nous regir & sortisser de sa presence, comme ainsi soit qu'il n'y ait rien qui ensamme plus les cœurs des François que l'œil de seurs Rois? Abandonnera-il l'Espagne en l'âge où luy & le Prince son fils sont, pour icy l'enuelopper, ou peut-estre s'enseuelir en nos miseres & en nostre confusion: ou s'il faudra que nous soyons encores apres ladite élection conduits & gouvernez par Lieurenans generaux, desquels l'authorité, les moyens & les deportemens seront controllez & subjets à milles trauerses & longueurs, qui détruisent les affaires, comme nous auons assez éprouué? Sera-ce à vn Prince François ou à vnétranger que la susdite charge si importante sera commise : si c'est vn de nostre nation les estrangers ne s'y fieront qu'à demy, non plus qu'ils ont fait iusques à present, pour la crainte que tousours ils auront qu'il veuille acquerir de la reputation & faire ses affaires à leurs despens, de façon qu'il n'aura les fon-Aions libres: comme il est necessaire qu'air quiconque exercera ladite charge pour bien faire: dauantage, nos autres Princes: en auront ialousie, tant est grande & débordée l'enuie que la licence du temps a engendrée entre nous. Et si pour remedier l'on cuide y employer vn estranger, qui sera celuy de nos Chefs qui voudra supporter vn tel affront & luy ceder? Messieurs, pensons de bonne heure à ces contentions, car ce ne sont pas ià les moindres & plus legers inconueniens qui naistront de ladite élection, laquelle alterera aussi indubitablement les cœurs des officiers Royaux qui nous restent; comme ceux qui sont plus obligez que tous autres de suiure &

deffendre les loix du Royaume; de sorte qu'il faut faire estat que plusieurs d'eux, combien qu'ils soient tres-affectionnez à la Religion, quitteront plustost leurs Offices, que de consentir ny s'assujettir à ce changement, ce qui apportera vn grand remuëment parmy nous, scandalisera & affoiblira la cause plus qu'aucuns ne veulent croire, car à leurs exemples plusieurs autres, aux Villes & ailleurs se degousteront de s'y embarquer: de sorte qu'au lieu d'estre fortifiez & reiinis dedans nous & pour ladite élection, nous en seront plus diuisez & foibles que nous ne sommes, dont au contraire nosdits adversaires tireront vn grand aduantage, car il ne faut point douter que cela ne lie & affermisse du tout à seur seruice les Catholiques qui les affistent de tous Estats, pour courre tous ensemble vne mesme fortune insques à la fin de la guerre, sans plus penser qu'il y ait autre remede à nos troubles, que par la ruine des vns & des autres, ou de tous les deux partis ensemble, qui est la chose que nous deuons plus craindre & apprehender. Et s'il aduient que les habitans de nos Villes ne reçoiuent de ce changement la deliurance de leurs miseres si promptement & aduantageulement qu'ils se sont promis des esperances qu'on leur a données; & que leur besoin le requiert. Quels effets deuonsnous attendre du mécontentement, ou pour mieux dire du desespoir qui en naistra parmy eux: Y a-il rien qui altere plus les peuples qu'vn tel déplaisir, quand ils en ressentent le dommage? Si nous souffrons vne fois que 4.80

leurs calamitez surmontent & estouffent leur zele, ou qu'ils impriment de pouvoir conseruer leur Religion, & iouïr du benefice d'icelle plus commodément par quelqu'autre voye, que par leur perseuerance en ce dessein, qui doute qu'ils ne le changent encores plus vo-lontiers qu'ils ne l'auront embrassé? auec quoy pourrons-nous retenir ce torrent, s'il s'ébranle? sera-ce à force de garnisons estrangeres? Messieurs, s'il en faut venir là, que deuiendront les priuileges, immunitez & libertez desdites Villes, & les autres promesses que Pon leur aura faites? comme ainsi soit que les Princes n'estiment estre obligez à l'observation de leur foy au desaduantage de leurs affaires: alors quelle fiance aurons-nous d'eux & eux de nous? comment compatirons-nous auec eux, & resisterons tous ensemble à nosdits aduersaires? Preuoyons ces choses deuant qu'elles arriuent, comme accidens infaillibles de ladite resolution, si bien-tost apres la declaration d'icelle, nos Villes ne voyent & ressent les essets desdites promesses, car leurs afflictions commencent desia à leur estre insupportables: & si Dieu & les hommes ont permis que la guerre leur ait esté si peu fauorableiusques icy, exprés pour les attirer & ranger plus facilement au party duquel il s'agir. Prenons garde, Messieurs, qu'apres Ie coup ils ne se repentent d'auoir plustost suiuy leurs desirs & necessitez que leurs loix, & adjoussé plus de foy à leur esperance qu'à l'experience, & que leurs affections & simplicitez ne se changent en fureur au dominage de

de nostre Religion. Messieurs, les conquestes ne se conseruent que par force, & ne faudra point moins de temps pour surmonter cette naturelle dessiance & rigueur Espagnole, qu'il en faudra pour dompter nostre inconstance & impatience Françoise:dont ceux qui en craignent la domination appellent à témoins les Neapolitains, Siciliens, Milanois, Portugais, Indiens & iusques aux mesmes Flamens, pour répondre aux autres qui se mirent en la douceur de ceux du costé de Bourgongne: mais ledit Roy nous affistera apres son élection si puissamment & à propos, qu'en peu de temps nous pourrons vaincre nosdits aduersaires, & apres remettre facilement toutes choses en ce Royaume en leur premier & ancien ordre, ayant deliberé pour cet effet faire vn merueilleux effort deux ansdurant, dedans lequel temps il espere executer ce dessein; c'est ce que l'on nous dit. Maisverisions', Messieurs, si c'est chose qui soit possible, & de laquelle nous ne deuions douter aucunement : pour ce faire il seroit necessaire que ledit Roy enuoyast en ce Royaume plus de forces & d'argent qu'il n'a fait cy-deuant qu'elles y arriuassent plus à propos, & qu'elles sussent mieux conduites, & les dits deniers mieux employez qu'ils n'ont esté, & pareillement que nosdies aduersaires deuinssent plus foibles, & moins affistez & bien-heureux en leurs affaires, qu'ils n'ont esté iusques à present : car s'il n'aduient quelque changement en tout cela à nostre aduantage, com ment esperons nous qu'il-nous en prena-Tome I.

482

mieux à l'aduenir que par le passé; desia sommes nous bien certains que ledit Roy ne sera assisté & seruy d'auttres Princes & Potentats, que de ceux qui se sont employez cy-de-uant pour nous, c'est à sçauoir de nostre saint Pere & desdits Ducs de Lorraine & de Sauoye, & encores deuons-nous douter que les deux derniers s'y prolongent si auant qu'ils ont fait, d'autant que nous ne sçauons s'ils approuueront ce dessein, parce que seurs esperances de s'agrandir en ce Royaume seront du tout retranchées; qu'ils n'ont peutestre tant d'occasion de desirer l'accroissement dudit Roy comme aucuns estiment, & qu'en tout cas leurs affaires ne sont en estat qu'ils puissent faire pour cette cause ce qu'ils ont cy-deuant fait, d'autant qu'ils ont mis & consommé tout ce qu'ils avoient de meilleur, & qu'ils n'ont faute de besongne en leurs propres païs, lesquels ils ne seront conseillez de mettre en plus grand peril pour le bien d'autruy. Quant à sa Saincleté nous n'auons point encore esté bien asseurez qu'elle approuue ce desscin, & si nous pouvons conserver la Religion en ce païs par quelqu'autre moyen, par raison sadite Saincteté nous deuroit conseil-Ier de l'embrasser plustost que cettuy-cy, quand ce ne seroit que pour entretenir la Chrestienté en repos, & pour la conservation & authorité du saint Siege, qui depend du contre-poids de ces deux puissances, dont ses predecesseurs ont tenu & soigneusement gardé la balance & égalité tant qu'ils ont pû: toutefois quand sadite Saincteté passant par

483

dessus toutes ces considerations se resoudra de fauoriser du tout ladite entreprise, c'est tout ce qu'elle pourra faire d'y contribuer autant qu'ont fait depuis quatre ans ceux qui l'ont deuancée: partant il faut necessairement que cette augmentation des forces & deniers, dont l'on nous donne esperance, vienne entierement dudit Roy Catholique, car mesme il ne tira point de secours de la Germanie, ny de Suisse qu'à force d'argent: Ce n'est pas aussi la coustume dudit païs d'en vser autrement. Messieurs, sans doute la puissance dudit Roy est tres-grande, il possede & domine plus de païs que n'a fait aucun Prince en la Chrestienté depuis Charles le Grand. Mais comme ils sont fort separez les vns des autres, ils sont aussi subjets à plusieurs frais & accidens, ausquels il a iusques à present par sa prudence & puissance, fauorisé de la minorité de nos Rois & des troubles de ce Royaume, tres-heureusement pourueu depuis trente-cinq ans : & neantmoins si d'vn costé il a adjousté à son Empire le Royaume de Portugal, auec tout ce qui en pouuoit dependre, il n'a pû toutefois recouurer l'obeissance entiere des Estats des Païs-bas, quelque effort qu'il y ait fait par le moyen de ceux que la nature luy auoit donnez, lors qu'ils estoient paisibles, les forces de son Empire estoient en la Chrestienté & principalement en la France tres-formidable. Car ç'a esté la porte par laquelle ses predecesseurs & luy ont fait plus de dommage au Royaume durant nos guerres estrangeres : c'est vn aduantage que le

MEMOIRES. 484 Royaume de Portugal ne peut recompenser & valoir, pour le dessein qu'il veut entreprendre en ce Royaume; à cause de son éloignement, & de la ialousie de dessiance qu'il a des Portugais, laquelle durera autant qu'eux, & leurs Castillans conserveront leurs noms. S'il est vray que ledit Roy ait retranché & mis en arriere depuis quatre ans la dépense qu'il souloit faire en ses autres pars pour les conseruer, afin de mieux entendre & pouruoir aux affaires de France, & neantmoins n'ait pû nous déliurer de nos miseres, ny bien souuent payer les gens de guerre qu'il nous a enuoyez, ny ceux que nous auons receus en nos Villes, lesquelles par faute de ce ont esté contraints de se débander, & commettre plusseurs excez à nos yeux; par quel moyen de-uons - nous croire qu'il nous pourra mieux pouruoir à l'aduenir? si pour nous acquerir & nous donner occasion de nous ietter entre ses bras il n'a deu par raison épargner aucune chose, comme pour mon regard ie croy qu'il n'a fait, & neantmoins que ses moyens & sa puissance ayent esté trop foibles contre nos maux; deuons-nous esperer qu'il fasse mieux, lors que nous ne nous en pourrons plus dédire, & que par honneur & deuoir nous serons obligez à supporter ses desfauts comme ses

autres subjets, & courre sa fortune iusques au bout? Messieurs, tels Princes n'ont pas accoustumé de se feindre, ny d'épargner aucune chose, quand il est question d'acquerir & adjouster tel accroissement à leur Empire, qu'est ce Royaume, qui merite bien vn bon essorts

de maniere que ie ne puis estre de l'aduis de ceux qui ont attribué à art, plustost qu'à faute de moyens les retardemens & desfauts de deniers dont ledit Roy nous a assistez, comme si luy & ses Ministres auoient voulu nous ranger à leur desir par necessité, plustost que par bien-faits, & partant eussent fait naistre exprés tous ces manquemens, par lesquels nous voyons que l'esperance & consiance premiere que nous auions en leur assistance & bonne volonté est grandement descheuë, ne plus ne moins que la reputation de leurs forces & conduittes au seul aduantage de nosdits aduersaires.

Messieurs, la bonté & prudence dudit Roy ne meritent qu'on luy attribuë vn tel artifice, & faut necessairement plustost croire qu'il n'a esté seruy selon son desir en tout ce qui s'est passé, à l'aduanture, que l'éloignement de sa personne a esté cause, autant que toute autre chose, d'autant qu'il faut perdre beaucoup de temps à l'aduertir de ce qui se passe, & receuoir ses commandemens, & que nos mouuemens en France sont ordinairement si soudains & muables, qu'il est tres-difficile de s'en preualoir si on y apporte de la longueur. L'ay souuenance d'vne réponse que i'ay souuent oûy faire dés le commencement de nostroubles à vn des plus sages Ministres dudir Roy, employé par deça en ses principaux affaires, sur ce qu'aucuns luy remonstroient, que tant qu'ils employroient leurs moyens à nous secourir petit à petit, & écharcement, comme ils faisoient, pour les ménager & X iii

faire duter dauantage, ou peut-estre pour nous le faire trouuer meilleur, ils leurs seroient & à nous infructueux, d'autant que no-Rre feu vouloit estre esteint à force d'armes & d'argent, autrement il consommeroit totallement tout ce que l'on y mettroit, sçauoir est que les moyens de son Roy estoient veritablement tres-grands, mais qu'ils n'estoient infinis, & qu'il estoit necessaire qu'il les départist en diuers endroits, mesmes pour la conservation de ses Estats, nous exhortant à cette cause d'aduiser de bonne heure à establir & dresser quelque fond de nous - mesmes pour subuenir à nos necessitez, & soulager la bourse de son maistre, sans du tout nous reposer & confier sur icelle, comme nous faisons, parce qu'à la longue elle n'y pourroit fournir; Messieurs, l'aduertissement de ce personnage nous a esté confirmé par l'experience que nous en auons faite depuis. Car nous auons d'an en an tousiours esté secourus dudit Roy, & principalement en deniers plus estroittement, non à mon aduis par faute de bonne volonté, mais comme il est vray-semble, parce qu'il n'y a pû fournir selon son desir; c'est aussi vne charge tres-pesante, de laquelle suiuant le conseil du mesme autheur, nous eussions peu trouuer les moyens de le soulager, si la fortune de la guerre nous cust esté plus fauorable; mais elle a tellement appauury nos Villes & mis chacun en arriere, qu'il n'y a celuy de nous qu'il n'ait peine seulement à viure encore bien pauurement & miserablement. Et toutefois ie dis que si nous.

pouuions encore inuenter quelque expedient de pratiquer ce conseil, ie serois d'aduis qu'il en fust vsé, soit que nous nous donnions audit Roy ou non: car sans doute nous succomberons à la longue sous le faix de nos miseres, si nous ne contribuons & aidions aux dépenses qu'il conuient faire pour soustenir la guerre autrement que nous n'auons fait cydeuant, tout l'or des Indes n'estant suffisant pour donner à viure à ceux qui en ont besoin parmy nous, & partant nous maintenir & faire voir en l'estat auquel nous sommes, qui empire tous les iours à veue d'œil : de sorte qu'il faut que nous aduissons à faire quelque effort d'armes, par le moyen duquel nous finissions nos iours, ou entrions en la iouissance de nos heritages, & d'vn commerce plus libre, & moins onereux que celuy qui nous reste, asin que chacun ait dequoy se substanter & nourrir. Car si nostre langueur est à present tres-grande & insupportable elle deuiendra horrible, lors que par nostre susdite refolution nous aurons rendu nostre guerre immortelle, & aurons fermé la porte à toute esperance de paix & reconciliation entre nous autres François, à cause des rigueurs que nous exercerons les vns contre les autres.

Mais posons le cas que ledit Roy faisant vn effort extraordinaire, comme l'on dit qu'il veut faire, puisse mettre ensemble de grandes sommes de deniers. Quoy hazardera-il cy-apres ses gens au combat aussi souuent qu'il est necessaire pour vaincre nosdits, aduersaires, & se rendre paisible possesseur du

X.iiij,

Royaume? Ses seruiteurs & Ministres luy donneront-ils ce conseil en l'âge où il est, ses. Païs-bas estans troublez comme ils sont, & la Chrestienté comme au guet, attendant quelque mutation en son Empire par son trespas ou autrement pour s'en preualoir: ces mesmes considerations qui augmentent auec le temps, ont-elles pas souuent empesché que les armées qu'il a cy-deuant enuoyées à nostre secours, bien qu'elles sussent tres-fortes n'ayent combattu & fait infinis beaux ex-ploits à nostre grand regret & dommage, par lesquels s'ils continuent à estre si retenus & circonspects, Messieurs, quand finirons nos miseres? quand aurons-nous repris tant de Villes & Places que nosdits aduersaires occupent, lesquelles ils fortifient tous les iours de plus en plus? sera-ce en deux ans que l'on dit que doit durer son effort, & à force de temporiser & nous faire languir qu'il aura la raison d'eux? Ce puissant Royaume fut-il oncques conquis autrement qu'à force d'armes? les François de ce temps estans nourris à la guerre comme ils sont, sont-ils moins courageux & magnanimes qu'ils ont esté, ou s'ils sont plus lasches & patiens qu'ils ne souloient? Lisons en nos cœurs, nous n'y trouuerons l'ardeur ny le courage de continuer la guerre entre nous qui y essoit du commencement: mais qui en est cause, que cette langueur & suite de calamitez qui nous a plus mattez que nosdits aduersaires, auec laquelle neantmoins il faut que nous nous resoluions de compâtir, nous donnant audit Roy d'Espagne, si luy & ses Ministres ne veulent resoudre de combattre, pour auec nous vaincre ou mourir, autrement qu'ils ont fait ius-

ques à present.

Mais encore suis-je empesché où ledit Roy trouuera auec son argent des gens de guerre suffisamment pour executer ce dessein, car il n'en voudra dégarnir l'Espagne plus qu'elle est, puis qu'il y tient sur pied vne armée exprés pour obuier aux inconveniens qu'il craint, comme Prince tres-prudent qu'il est, qui y peuuent arriuer, specialement apres son deceds si Dieu le permet, cependant que le Prince son fils est encore ieune. L'Italie luy en peut encore moins fournir, car non seulement elle est menacée &: en doute de remuëment, mais c'est bien chose certainesi les nostres durent qu'elle se troublera à bon escient & bien-tost; nous sçauons aussi en quel estat sont les asfaires au Païs-bas, qui luy ont cy-deuant fourny des soldats en bon nombre: mais nos guerres depuis quatre ans en ont tant deuoré, que ses seruiteurs ont peine maintenant d'y en assembler. Et mesmes en Allemagne si c'est pour venir en France, où ils sçauent n'y auoir plus rien à gaigner que des coups & de la necessité, & c'est ce qui est cause qu'il faut tant de temps comme nous voyons qu'il s'en passe à remettre sus ces armées, quand elles sont vne fois deffaites. Il en pourroit tirer plus commodément des Cantons Catholiques de Suisses que d'autres endroits s'il vouloit s'en seruir: mais pour ce faire, il faudroit qu'il accordast auec eux du payement des debres de la Couronne, ou du moins de celles qu'auons créezau nom de nostre party pour les seruices que nous auons receus d'eux depuis quatre ans, car i'estime qu'ils ne s'y engageront, autrement que tres-difficilement, tant pour le peu de conte que ledit Roy Catholique a fait de leur nation, & pour le soin qu'ont nosdits aduersaires d'en conseruer l'amitié: & toutefois il est certain qu'il ne faut pas remettre ensemble de petites & mauuaises forces, ie ne diray pour ruiner nosdits aduersaires, mais seulement pour élargir cette miserable ville de Paris, & luy ouurir les passages qui luy empeschent les viures, car s'ils sont puissans d'eux mesmes, ils le sont aussi d'alliez & d'amis qui les secourent promptement & volontiers, comme ceux qui sont interressez en leur cause, tant pour le respect de la Religion que pour la conservation & seureté de leurs. Estats, dont il ne se faut point douter que la ialousie dudit Roy d'Espagne n'augmente encore le nombre & l'affection : car comme nofire guerre changera de nom, ils s'y engageront plus librement qu'ils n'ont encore fait, & mesmes du costé d'Italie d'où ils seront assistez d'argent, qui est ce dont ils ont plus: grand besoin: car ils ne peuuent manquer d'hommes, pourueu qu'ils ayent dequoy les payer, ayant l'Angleterre, l'Escosse, l'Allemagne & les Suisses à leur deuotion, & pareillement ceux des Estats des Pais-bas, qui font la guerre audit Roy d'Espagne, & si il faut croire qu'ils feront encore ce qu'ils

pourront pour ébranler le Turc contre ledit Røy: dauantage, ils font plus de besongne d'vn escu, que les Ministres dudit Roy de quatre, tant à cause des interests du port & change de deniers que l'on fait tenir d'Espagne en Flandre, & de là en ce Royaume, où quelquesfois il se perdencore assez sur les especes, parce qu'il y a des debtes du passé à payer à ceux qui sont employez au seruice dudit Roy, qui consomment de grandes sommes de deniers, & ne font rien qu'à force d'argent. Ie suis aussi en peine comment ces grandes armées estrangeres seront cy-apres nourries en ce Royaume, principalement s'il faut qu'elles approchent de Paris, comme il est necessaire qu'elles fassent pour la dégager & conseruer; car d'oresnauant les viures seront tres-rares en ce Royaume, pource que les terres & les vignes ny font labourées comme elles souloient, & desia qu'és enuirons de l'adite ville il ne s'y trouve dequoy viure, principalement pour la Cauallerie:dauantage, quand auront-ils repris par force les Villes & Places que tiennent nosdits aduersaires, seulement à l'entour de ladite ville sur les riuieres d'icelle. Nous auons éprouué souuent qu'il ne faut qu'vn seul siege de place pour ruiner vne forte armée, laquelle aura cousté beaucoup d'argent & de temps à dresser; encore faut-il estre bien asseurez que les munitions de guerre necessaires pour ce faire ne nous manquent, & faire estat aussi que nos-dits aduersaires ne demeureront les bras croissez ny inutiles durant ce temps-là, non

X vj.

plus qu'ils ont fait cy-deuant, & que s'ils ne peuuent pis faire, du moins ils attaqueront nos places quand ils verront nos armées engagées aux leurs, & peut-estre qu'ils en forceront & prendront autant que nous, de sorte que ce sera tousiours à recommencer, & ne s'ensuiura qu'vne entiere & generale ruine & desolation qui ne restaurera nostre Religion, Messieurs, non plus que la continuation de cette miserable guerre, laquelle acheuera de remplir ce Royaume d'impieté, & d'assoiblir.

le party Catholique.

Messieves, ces choses estans veritables comme elles sont; quel aduantage de-uons-nous esperer qu'apportera à nostre Religion & à nostre patrie nostre declaration: en faueur dudit Roy d'Espagne, puis qu'elle rendra nostre guerre immortelle, & plus perilleuse & douteuse pour nous que iamais? qu'elle recompense aurons-nous d'auoir violé nos loix, forcé nos volontez, & épousé pour iamais la domination d'vne nation étrangere, dont les façons de viure sont du tout contraires aux nostres, leur grauité estant incompatible auec nostre naturelle franchise & promptitude; Que ne deuons-nous tenter: & faire pour fuir ce naufrage qui ne nous sera moins vituperable que dommageable; Sera-ce faire le deuoir de vray François, que de nous precipiter à ce gouffre calamiteux, les yeux bandez, comme aucuns nous conseillent, nous confians du tout, ainsi qu'ils disent, en la justice de nostre cause, sans dauantage auoir égard ny nous arrester à tous;

nos vices & passions qui ofsusquent la pureté & lumiere d'icelle: Est-ce le moyen de conferuer la Religion, que de forcer & obliger les Catholiques qui assistent nosdits aduersaires, de plustost mourir que de les abandonner, leur acquerir de nouveaux amis, & nous diviser & partialiser entre nous plus que nous ne sommes: C'est veritablement mourir glorieusement que de finir ses iours pour dessendre sa Religion; mais aussi c'est offenser Dieu que de s'y precipiter inconsiderément & temerairement, car il faut que l'intention soit accompagnée de charité & de raison, & qu'elle prosite à l'esset qui la conduit.

I E m'estonne sur toutes choses commentledit Roy d'Espagne affectionne tant ladite. élection en l'âge où il est, veu les accidens. qui en peuuent naistre au reste de la Chrestienté & à ses Estats, estant Prince doué d'vne tres grande experience & sagesse comme il est, & qui a toute sa vie fait demonstration. de vouloir regler ses entreprises & actions au, pied de la raison & de l'equité, autant que. nul autre Prince de ce siecle : car il me semble qu'il doit plustost desirer de laisser au Prince son fils la succession de ses Estats entiere & paisible, que de le surcharger d'enuie & d'vne querelle hereditaire fondée sur le debat de cette Couronne, n'y ayant point d'ap-, parence qu'il doine esperer d'en voir la fin en: ses iours; & neantmoins il faudra qu'il employe & consomme infinis hommes & de-, niers, qui peut-estre feront faute à son file, apres son trépas; car toutes mutations de Princes sont subjettes à mouuemens, & s'il aduenoit qu'ils trouuassent son Empire dégarny de forces & de moyens, ou de la bonne fortune qui l'a continuellement accompagné depuis cent ans, ils le pourroient endommager grandement. Mais comme il n'y a point de puissance en la Chrestienté qu'il doine craindre pour ce regard que celle de ce Royaume, si d'auanture il n'en deuient le maistre suiuant son dessein, l'on se promet peut-estre qu'il se rendra si foible par la guer-re, qu'il ne pourra pour lors nuire à son sils, ny à ses Estats, de sorte qu'en tout cas il ne luy peut mesaduenir de tenter ce dessein, & nourrir nos divisions. Messieurs, il me semble que ce n'est connoistre la force de la France, ny le naturel des François, que de bastir telles esperances sur fondemens si inconstans, dont le succez pourroit reissir tout au rebours, ne plus ne moins-qu'il aduint en l'année mil cinq cens octante huit, de cette grande & formidable armée de Mer dudit Roy d'Espagne, auec laquelle il s'estoit promis d'enuahir l'Angleterre, & tout ensemble ruiner ceux qui luy font la guerre aux Païs-bas, qui ne seruit toutefois qu'à augmenter la gloire, & asseurer le regne de la Reine dudit païs, & à releuer les affaires des autres qui ont tousiours depuis prosperé au detri-ment de la Religion Catholique: ledit Roy n'a aucun droit en cette Couronne, & suis content de croire aussi qu'il ne s'est engagé à la poursuitte que pour le respect de la Religion', & de crainte qu'il a eu que tombantentre les mains du Roy de Nauarre, il ne voulust remuer l'ancienne querelle dudit Royaume à son preiudice; mais i'estime qu'il n'eust iamais passé si auant s'il n'en eust esté pressé & sollicité, voire importuné par aucuns des nostres, lesquels luy en ont fait la conqueste tres-facile, & ont esté luy en offrir & promettre la domination, comme s'ils eussent eupouuoir d'en disposer. C'est pourquoy maintenant que luy & ses Ministres reconnoissent tout le contraire, i'estime qu'il ne seroit difficile luy persuader de s'en desister, & qu'il aimera tousiours mieux nous conseruer pour ses voisins tres-obligez & amis asseurez, que de nous auoir pour subjets incertains & miferables aux despens de ses thresors, & au peril de ses propres pars, lesquels comme Prin-ce tres-aduise, il n'a voulu insques icy engager, quoy qu'il ait fait pour nous ouuerte-ment en cette guerre, chose qu'il ne pourra éuiter à l'aduenir s'il faut qu'elle se fasse sous son nom: Et en tous éuenemens ie desirerois que nous voulussions tenter cette remonstrance en son endroit, deuant que de nous laisser aller à d'autres conseils; & sur tout nous precipiter en celuy de ladite élection qui rendra. nostre guerre immortelle : car lors il ne sera plus question de la Foy & Religion, ains du droit de la Couronne, duquel l'on n'aura priué seulement ledit Roy de Nauarre; mais aussi tous les Princes de sa maison, jacoit qu'ils fassent profession de la Religion Catholique : ie desirerois semblablement que

l'assemblée fust representée à nostre S. Pere le Pape par personnes dignes de ce faire, & exempts de toute autre conuoitise & passion, que de la consernation de la Religion & du Royaume: car ie ne puis croire que sadite Saincteté ait encores bien entendu la veriré de nos affaires, laquelle luy a esté souuent déguisée autant peut-estre par nous-mesmes que par d'autres, & diuerses fois. Et comment pouuons-nous esperer la guerison de nos playes, si nous mesmes les cachons & déguisons à ceux qui y peuvent remedier, comme peut fairt sadite Saincteté mieux que tour autre pour le lieu qu'elle tient en la Chrestienté, &-l'interest qu'a ledit saint Siege en cette cause,& en la conseruation de ce Royaume, auquel il a tousiours trouué plus de support & d'obeissance qu'en tous autres; Messicurs, faisans donc ce deuoir enuers l'vn & l'autre, s'il est bien receu nous en receurons le principal fruit : si au contraire on n'y veut auoir égard; ce sera autant de descharge en. uers Dieu & le monde, & de consolation en nous mesmes, qui nous soulagera en nos afflictions, & nous ouurira & nous facilitera peut-estre quelqu'autre voye, par laquelle nous pourrons nous en tirer à la gloire de Dieu, au salut de nostre patrie, & à nostre honneur & vtilité. Ie sçay bien que Monsieur le Legat est icy, auquel on dira que nous pou-uons adresser nos remonstrances, & pareillement à Messieurs les Ambassadeurs de sa Majesté Catholique, qui representent leurs Prinses, desquels nous apprendrons leurs intentions, sans enuoyer plus loin; mais ce fait est de tel poids, & importe tant à la Religion, à ce Royaume, & à nous mesmes, qu'il me semble que nous deuons laisser de faire l'offre susdit; car vne remonstrance faite par personnes interessées à viue voix, a plus d'energie: il faut aussi que le Medecin voye, oye & touche le patient en personne, & nonpar procureur, s'il veut bien connoistre, iuger & guarir la maladie : Ces Princes seuls nous peuuent guarir, ou pour le moins grandement aider à nous déliurer de nos maux. Doncques parlons nous-mesmes à eux en corps, & leur representons au vray, & sans nous flatter l'estat de nos affaires, pour les supplier & disposer de nous assister, non à l'appetit d'aucuns en particulier, mais comme tous ensemble nous connoissons qu'il estexpedient & necessaire de faire pour le seruice de Dieu & nostre commun salut.

E r d'autant que tels voyages ne se peuuent faire qu'auec le temps, & qu'il est à craindre qu'ils soient trop tardiss pour nosmaux qui nous pressent merueilleusement; voicy mon aduis, Messieurs, que ie vous supplie receuoir en bonne part, & comme procedant d'vn cœur entierement voüé à la Religion & à son païs; C'est que nous procurions, cependant que la Conference qui a esté proposée & de vous approuuée auec les Catholiques qui assissent nos dits aduersaires, s'essectue, parce qu'il n'en peut aduenir mal, mais, au contraire beaucoup de bien, y portant vneintention vrayement Chrestienne & bandée au salut public. Messieurs, il est certain que c'est le plus seur moyen que nous ayons pour conseruer nostre Religion & le Royaume, que de r'allier ensemble les Catholiques d'icelle; car toutes les puissances estrangeres ne seruiront qu'à destruire l'vne & l'autre, si les divisions continuent: C'est pourquoy ie me suis grandement émerueille & émeu quand ceux qui sont auec nosdits aduersaires nous ent conuié de parler à eux, pour aduiser aux moyens de conseruer la Religion & l'Estat. Aucuns ont dit que c'estoit crime d'y entendre, car i'auois crû auparauant, & l'auois ainsi appris de Messieurs les Legats Ministres de nos saints Peres decedez, que c'estoit ce qu'ils destroient & affectionnoient le plus que ladite reconciliation; & de fait ils s'y estoient employez les vns apres les autres, si ç'a esté inutilement, s'ensuit-il que la chose ne soit encore bonne & ne doiue estre tentée, veu que le temps nous a appris qu'elle est plus necessaire que iamais? Il faut necessairement que ceux-là ayent craint que la Conference fist naistre ouuerture, par le moyen de laquelle nous reconnoissions pouvoir mieux conseruer nostre Religion & nostre païs que pour les autres qui se sont presentées: car sans doute ils n'ont deu craindre qu'il en arrivast aucun inconuenient à la Religion ny à l'Estat, nous rendant moins affectionnez & constans en l'vn & en l'autre, & nos maux plus clairs & sensibles: où ils ont conçeu vne tres-mauuaise opinion de nous en toutes façons, ce que ie m'abstiendray maintenant de vous representer, puis qu'ils l'ont depuis approuué, fi ie n'estimois estre chose indigne de considerer, par laquelle est connue leur inclination & affection en nos affaires. Or i'adjoûteray, vsant de ma franchise accoustumée, que ie desirerois que nous sissions aussi vne cesfation d'armes pour cependant arrester aucunement le cours de la guerre, qui destruit la Religion & le Royaume, & dont la continuation durant ladite Conference ne peut seruir qu'à troubler & empescher les bons effets d'icelle : aussi bien tous les grands aduantages que les vns & les autres pensent re-ceuoir du progrez d'icelle, sont tres-incertains, comme chacun a éprouvé à son retour, tant aux sieges de Paris & Roiien, qu'en la retraite & dissipation des armées estrangeres venues au secours des vns & des autres, & comme nous sommes encores à la veille d'éprouuer de celle qui est sur pied en nostre faueur: car si nous attendons à preparer la voye pour sortir de nos calamitez, & que nous soyons égaux en forces & en esperances, nous perirons de part & d'autre deuant que nous y entendions, pource que ce sera tousiours à recommencer. Il ne faut pas aussi que ce soit la consideration d'vne necessité pressante, ny les accidens qui nous conduisent en ladite recherche, ains le seul zele de nostre Religion, & l'amour de nostre païs : Dauantage, nous pouuons bastir ladite cessation de façon que la cause n'en empirera, ny receura aucun preiudice, toutes choses demeurans en l'estat qu'elles sont pour le temps qu'elle durera; & 100

toutefois les parties ne laisseront d'en tirer quelque commodité & relasche: mais il ne faut pas esperer que nous paruenions iamais à vne resolution generale des affaires que nous ne commencions par là. C'est pourquoy ceux qui desiroient faire leur profit de l'affoiblissement de la Religion & du Royaume, y ont contredit iusques à present tant qu'ils ont pû pour nous empescher de nous reconnoistre, & ce faisant décrié le party plus vtile à la conferuation de l'vn & de l'autre: peut - estre aussi craindrons - nous en ce faisant d'offenser ceux qui nous assistent, & mesmes sa Saincteté & sa Majesté Catholique, & partant qu'ils nous abandonnent deuant que nous ayons pourueu à la seureté de nostre Religion; & d'autant plus que le suc-cez des traitez que l'on peut faire durant ladite cessation ne peut estre que tres-certain. Certainement cette raison est 'considerable, mais ie ne puis croire que sadite Saincteté & sadite Majesté Catholique trouuent mauuais que nous rechercions les moyens de pouruoir à nos miseres, pourueu que nous ne fassions rien qui preiudicie à nostre Religion, & au party Catholique, ny à leur authorité & seruice particulier, comme il me semble que nous ne ferons si nous entretenons les choses en l'estat qu'elles sont, & seur promettons de ne toucher au principal, ny traiter d'iceluy sans leur aduis: car de tout temps semblables traitez ont esté faits, mesme auec les Infideles, que les saints Peres ont excusez, ou pour euiter yn plus grand mal, ou paruenir à yn plus grand bien : en quoy i'estime que sadite Saincteté estant bien informée de nos affaires ne sera non plus difficile que ses deuanciers. Ie fais pareil iugement dudit Roy Catholique, parce que ie veux croire qu'il a soin de nous, & nous assiste pour nous seruir, & non pour nous perdre: & d'autant plus que nostre perte ne peut estre qu'elle ne luy soit honteuse & dommageable, ayant entrepris comme il a fait à bannieres déployées nostre dessen-se. De sorte que si nous luy remostrons que ce chemin nous peut conduire au port de salut, plustost qu'en autre, ie ne me puis persuader qu'il s'en offense, preuoyant, comme i'ay dit, à ce qui le concerne; comme certainement nous sommes tres-obligez de faire. L'on oppose encore à ce conseil deux craintes : l'vne, que nos peuples estans las & recreuës de la guerre, comme ils sont, refusent si besoin est, de rentrer aux perils & miseres d'icelle, apres auoir gousté de la douceur de ladite cessation d'armes, & qu'aucuns prennent pre-texte sur ce de se débander d'auec nous & dresser vne guerre à part au preiudice de la cause publique. Messieurs, ie dis que ces in-conueniens ne sont tant à craindre que les mal-heurs inéuitables de la continuation de nostre guerre, fondée sur les moyens qui nous restent, & aux conditions ausquelles s'on pretend nous abstraindre : car quand nos peuples connoistront qu'il n'aura tenu à noue que nous ne les ayons déliurez de la guerre à l'honneur de Dieu, & au salut public, tant s'en faut qu'ils fuyent de rentrer en la lice

F01 de la guerre, que i'estime qu'ils s'y ierreront auec plus de courage que iamais, meus d'vne iuste indignation qu'ils auront contre ceux qui seront cause de la continuation d'icelle, contre lesquels ils combattront pout lors, comme contre ennemis irreconciliables : ce que d'auanture il sera difficile leur faire faire autrement: & quant à ceux quisse pourroient separer de nous à cause de ladite cessation, le nombre à mon aduis n'en pourra estre que tres-foible, & partant y acquerir plus de honte, qu'il n'apportera de dommage à la cause. Et d'autant plus que tels remuemens seront attribuez à pure ambition, ce qui rendra leurs actions odieuses, & leurs esperances encore plus vaines.

Mais posons le cas que ie me trompe au iugement que ie fais des volontez desdits Princes, & specialement de celle dudit Roy d'Espagne aux fins de ladite cessation. Quoy vaut-il mieux se ietter à corps perdu au pouuoir dudit Roy que de chercher les moyens de sauuer nostre Religion & le Royaume par autre voye : car, Messieurs, il faut que nous fassions l'vn ou l'autre, puisque ses Ministres disent qu'il retirera ses forces, & cessera de nous assister si nous ne le contentions du tout. Ce sont les termes de nostre perplexité, ausquels nos pechez & passions nous ont reduits: aurons nous plus d'honneur & de profit de nous precipiter en vne guerre irreconciliable, auec les aduantages que nous auons éprouuez depuis quatre ans, lesquels augmenteront auec l'âge dudit Roy, qui essaye à les

éuiter par le moyen de ladite cessation; le sçay bien qu'il seroit à l'aduanture plus seur pour nous d'accorder dés à present tout à fait vne bonne paix generale, que de commencer par ladite cessation, à cause de l'incertitude du succez d'icelle, & que ceux qui nous assi-stent ne s'offenceront gueres plus, & peutestre moins de l'vne que de l'autre, d'autant que les Princes quelquesfois s'accommodent par prudence plus volontiers aux choses faites, qu'ils ne consentent aux moyens de les faire; & qu'en tout cas nous aurions pourueu par icelle à la seureté de nostre Religion, ce qui rendroit le mécontentement de ceux qui s'en offenseroient moins perilleux pour nous. Mais, Messieurs, outre que c'est souhaitter l'impossible qu'vn tel traitté soit basty en peu de iours, & sans qu'il soit sçeu & diuulgué; partant lesdits Princes auront-ils pas toùjours le mesme loisir & pretexte de troubler ladite negociation, & retirer lesdites forces à cause d'icelle, & deuant qu'elle soit conclue, comme par ladite cessation, & en ce faisant nous laisser à la mercy & discretion de nosdits aduersaires? C'est bien chose certaine que le peril en seroit d'autant plus grand, qu'il ne nous resteroit aucun temps ny loisir de pouruoir à nos affaires comme nous aurons en faisant ladite cessation, par laquelle nous nous éclaircirons des volontez de ceux auec lesquels nous l'aurons faite deuant qu'elle soit expirée, & si nous jourrons cependant du benefice & rafraichissement d'icelle.

Messieurs, si nous pouvons faire trouver

FO4 bon ausdits Princes, que nous essayons de pouruoir à la conseruation de la Religion & du Royaume par autre voye, que par la conagreable ce qui nous y acheminera par ladite cessation qu'autrement: car ils pourront durant icelle se descharger, s'il leur plaist, d'vne partie des frais qu'ils sont pour nous, & les employer vtilement contre les ennemis de nostre mesme Religion qui font la guerre audit Roy en ses propres païs. Mais si c'est chose que nous deuions esperer, quoy faut-il que nous nous perdions pour les contenter? comme ainsi soit que nous ne puissions faire que ledit Roy desire sans en courre la fortune, comme ie vous ay representé; quel prosit apporteront-ils en ce faisant à nostre Religion. gion, & à nous mesmes? Que deuiendra l'Eglise Catholique si nosdits aduersaires s'establissent une sois par les armes, comme ils se-ront s'ils continuent à prosperer sur nous, ainsi qu'ils ont aduancé depuis les guerres, & qu'il y a apparence qu'ils feront, si nous ne changeons de chemin & conduitte pour y 1emedier; Les Catholiques qui les affistent empescheront-ils apres nostre ruine qu'ils ne disposent de la Religion ainsi qu'il leur plaira? Sera-ce l'honneur, le bien & aduantage du saint Siege, mesme dudit Roy d'Espagne & de ses affaires, que ces choses adviennent? Blasinez-moy, si bon vous semble, d'avoir mauuaise opinion du succez de nos affaires,& si l'ay parlé peut-estre trop librement: mais prenez-vous-en premierement à ceux qui font

font cause des malheurs d'icelle: car pour mon regard i'aime mieux estre repris de timidité & inconsideration que de manquement de soy enuers Dieu & mon païs, & enuers vous, Messieurs, comme ie meriterois si ie ne vous representois & consessois en cette action, ce qu'en ma conscience i'estimp estre vtile à nostre Religion & appartenir à nostre honneur & salut public.

I E suis encore moins d'aduis, Messieurs, que nous forcions la nature & nos loix pour vn autre Prince que pour ledit Roy d'Espagne, comme i'ay desia dir, pource que nostre guerre ne laisseroit d'estre irreconciliable', & toutefois nous aurions moins de moyen pour la soustenir; car il n'y a puissance en la Chrestienté qui soit sustifante pour ce faire si celle dudit Roy ne l'est, laquelle nesçauroit continuer entiere en faueur d'vn autre; car c'est abus d'esperer que nous l'y engagions par le moyen du mariage de l'Infante sa fille, comme aucuns se promettent, pour les raisons que i'ay dites: joint que ce seroit la marier à vne querelle perpetuelle, dont la dessense luy seroit à grande charge & dépense, & l'issuë ne pourroit estre que tres-douteuse. Messieurs, ce seroit tout ce que ledit Roy pourroit faire que de l'accorder à vn Roy de France bien estably & paisible, en l'estat que sont ses affaires: ie sçay que pour tenir & conser-uer l'assissance dudit Roy, nous manquant le bien dudit mariage, il faudra pour le moins Juy faire part du Royaume, & en ce faisant le démembrer, quand ce ne seroit que pour al-Tome I.

seurer ses deniers, & satisfaire aux pretentions de ladite Infante, chose que nous deuons craindre & éuiter sur toutes choses : car si nous souffrons vne fois que ce partage ait lieu, nous deuiendrons les plus miserables gens du monde, comme ceux qui seront sujets à la trannie perpetuelle de plusieurs occupateurs, en perpetuelle guerre & inimitié les vns contre les autres, en opprobre à tout le monde & à nos voisins, & le iouer de toutes les passions de la Chrestienté: Ce seroit aussi l'entiere ruine de nostre Royaume, tant pour l'aduantage qu'auront nosdits aduersaires, que parce que tels vsurpateurs meteroient incontinent toutes pieces en œuure, sans distinction de Religion, pour se maintenir ou s'accroistre les vns sur les autres : car telles vsurpations font ordinairement incompatibles auec les loix, & ennemis de toutes les bonnes mœurs, principalement à leur origine que tout est licite & iuste, qui peut seruir à en conseruer la possession. Dauantage, tel démembrement seroit aussi plus desagreable & ombrageux à toute la Chrestienté que seroit l'accroissement dudit Roy d'Espagne, comme i'ay desia dit : car comme il n'y auroit plus de puissance en icelle qui fist contrepoids & resistance à la sienne, chacun seroit Jujet à ses volontez, qui est la seule crainte & consideration qui meur maintenant les autres en faueur de nosdits aduersaires, lesquels par ce moyen ne seroient priuez du secours qu'ils en esperent: & neantmoins c'est la plus forte raison qui combat pour ce party; car pour mon regard ie croy que difficilement il feroit cesser les partialitez qui sont entre nous, tant elles sont enracinées, par ains nous empirerons nostre condition.

FAVT-IL donc oberrà vn Roy, faisant profession de Religion contraire à la nostra Messieurs, ie n'ay encore donné ce conseil à personne, combien que l'aye conseillé & desiré la paix autant que nul autre; i'ay aussi la conseruation de ma Religion, & le repos de ma conscience en autant de recommandation que ie dois, & ne cederay en cela à creature qui viue. Si ie vous represente en homme de bien l'opinion que i'ay des partis que l'on nous propose, dois-ie pour cela estre accuse de faire banqueroute à ma Religion, & de n'en desirer la propagation : il me semble, sous correction, que c'est mal argumenter, & que ie deurois plustost estre blaimé, si ic vous déguisois ce que i'en sens, ou si la pas-sion me maistrisoit en ce conseil. Ie vous ay protesté dés le commencement que ie ne veux estre opiniastre, & que ie cederay toujours au conseil des plus sages : ie le repete encores maintenant, & m'y oblige de bon cœur, doit-on desirer de moy autre submission; vray est que i'entends estre combattu & vaincu de raisons, & non de passions, d'effets & non d'esperances & de promesses, car la matiere de laquelle il s'agist le requierts ce seroit estre proditeur du seruice de Dien & de la patric que de se fiatter à l'appetit & à l'adueu d'autruy; par art ou par ignorance en ce iugement ; ja à Dieune plaise que ie

508

m'oublie tant que cela, considerant que nos peuples, & iusques aux moindres, voire que plusieurs de ceux qui au commencement étoient si échaustez qu'ils en estoient deuenus aueugles, ont maintenant les yeux tres-ouuerts, estans deuenus sçauans à leurs dépens; enseignez de l'experience leur maistresse ordinaire. Messieurs, ils sont si las de la guerre, & si mal edifiez des choses qui se passent, que si maintenant le Roy de Nauarre leur donnoit occasion d'esperer sa conversion, ou dauantage, si apres quelque forme d'instruction il alloit à la Messe, peut-estre qu'ils n'attendroient le consentement de nostre saint Pere le Pape, ny celuy des Chefs de nostre party, pour le reconnoistre & poser les armes; par où vous pouuez iuger quel hazard nous courons si nous violons nos loix, fondez sur la perseuerance, puis qu'il est au pouuoir de nos aduersaires d'apporter ce changement parmy nous quand il leur plaira: au lieu que du commencement les exemples des mutations qui sont aduenues au fait de la Religion en la Germanie, Angleterre & ailleurs, animoient nos peuples à la guerre, ils seruent maintenant à les faire craindre & apprehender : que si l'on continue à vser de rigueur à l'endroit du Roy de Nauarre sur son instruction & reconciliation à l'Eglise, qu'ils sçauent que les Catholiques qui l'assistent ont par sa permission demandée & recherchée, il est à craindre que le desespoir ne l'emporte auec eux à iouer de son reste en cette guerre, & que le succés en soit aussi prejudiciable à nostre Religion

qu'a esté la resolution prise audit pais de se distraire du tout de l'obeissance du saint Siege, comme ils ont fait: pour cette cause i'eusse bien desiré qu'il eust plû à sa Saincteté de receuoir & ouir celuy que lesdits Catholiques auoient pour cet esset enuoyé deuers luy: car ie crains que le refus qu'elle en a fait, non seulement serue de pretexte à nosdits aduersaires pour couurir leur obstination:mais aussi soit cause d'arrester & lier auec eux plus estroittement que iamais lesdits Catholiques indignez d'iceluy #l'attribuant plustost au pouuoir qu'ont à Rome ceux qui craignent la conuersion dudit Roy de Nauarre & sa grandeur, qu'à toute autre consideration fondée sur la Religion, comme ceux qui connoissent & croyent certainement, comme ie fais de ma part, que ladite conuersion eust apporté à ce Royaume & à toute la Chrestiente vn tres-grand repos pour la suite qu'elle cust euë, & que si elle ne fust aduenuë par la faute dudit Roy, le party Catholique en eust aussi tire vn grand aduantage, d'autant que plusieurs d'eux eussent estimé auoir lors iuste occasion de la quitter, comme ie pense certainement qu'ils eussent fait, car i'en reconnois infinis qui ont grand regret de la division des Catholiques, & de voir que leurs armes seruent à establir les autres : & s'il aduient que la guerre dure, & qu'elle succede mal pour nous, quel regret aurons-nous d'auoir perdu cette occasion de gaigner lesdits Catholiques,& nous reiinir tous ensemble pour nostre mutuelle conservation? Pour mon regard

Y iii

gro

restime, Messieurs, quoy que nous resoluions & fassions, que nos affaires iront tousiours de mal en pis, iusques à ce que les Catholiques du Royaume soient d'accord, & bien refinis à la deffense & manutention de leur Religion, comme ils ont esté autrefois, & partant qu'il est necessaire fur toures choses de viser'& mettre peipe d'attendre à ce but, autrement le party Catholique s'affoiblira tous les iours. à veue d'œil, comme il a fait depuis nostre des vnion : pour ce faire il est du tout besoin que nous iustifions tellement nos intentions. par nostre presente resolution, & nostre conduite en icelle; que ceux qui sont auec nosdits aduersaires n'ayent occasion de croire, comme ils ont fait iusques à present, que nostre guerre est plustost ambitieuse | que religieuse, à quoy peut grandement seruir ladite confesence, pourueu qu'elle soit faite en seureté & dilection vrayement Chrestienne, & auectelle patience qu'il convient. Chose qui nous est tres-difficile d'executer durant la tourmente de la guerre, laquelle occupe tellement les esprits des hommes & principalement des Grands, sans lesquels on n'y peut rien aduancer, que l'on n'y vacquera qu'à demy, & comme par maniere d'acquit, si l'on ne l'a fait cesser pour quelque temps : & si c'est chose que nous ne puissions obtenir de nosdits. aduersaires, lesquels iusques à present certainement s'y sont monstrez tres-mal disposez, au moins differons à prendre vne resolution qui rende les choses irreconciliables, insques à ce que nous voyons ce qui reissira.

de ladite conference, & que nous ayons perdu toute esperance de nous pouvoir maintenir

par autre voye.

OR Monsieur, nous auons tous en cette assemblée les yeux fichez sur vous, tout ainfi que les mariniers sur leur principal pilote en vn passage tres-perilleux, duquel ils n'esperent sortir que par son industrie & experience, en laquelle ils ont toute confiance: nous desirons autant que iamais de plustost perdre les biens & la vie, que de manquer d'vn seul poinct au deuoir de vrais Chrestiens, pour la deffence de nostre Religion : c'est le vœu que nous auons fait, dont nous ne voulons nous dédire pour chose quelconque; mais nous vous supplions ne permettre que les aucugles nous conduisent, ny que les factieux abusent en cela de nostre zele & de vostre authorité, comme plusieurs eussent desia fait si ne l'eussiez empesché, dont ils vous regardent encore d'aussi mauuais œil que iamais, quelque contenance qu'ils fassent du contraire, au lieu que les gens de bien vous en reuerent & cherissent dauantage. Monsieur, le nombre de ceux-cy est plus grand & plus puissant qu'il n'a esté, car l'experience l'a fort accrû; de sorte qu'il vous sera tres-facile, vous servant d'eux & les authorisant, de conduire la barque au port que vous iugerez auce eux estre plus salutaire: Si vous prenez ce conseil vous comblerez vous & vostre maison de benedictions, car chacun à bon droit vous donnera la gloire d'auoir aidé à conserver la Religion & la France en son entier, & vous de Y. ilij

ura sa saluation; vous iustifierez d'vn témoignage irreprochable la memoire des vostres, & toutes vos actions passées & presentes, auec les intentions de rous ceux qui vous ont sui-uy & seruy, lesquels participeront en ce faisant à vostre bonheur : vous bastirez vostre grandeur & la fortune des vostres, sur des fondemens qui pour estre iustes & vtiles au public seront fermes & solides, & partant perdurables; representez-vous ce que vous auez auancé, & pour vous & pour eux depuis quatre ans, vous trouuerez que si le public y a plus perdu que gaigné, vous auez encores moins profité. Qui n'a fait ses affaires mieux que vous ? où sont les Citadelles que vous auez basties, comme ont fait d'autres pour maistriser ceux qui les auoient appellez & receus en leurs Villes? où sont les thresors que vous auez assemblez aux despens du public? sant s'en faut que vous l'ayez fait, encores qu'il ait esté en vostre puissance, que vous y auez mis tout ce que vous auiez. Plusieurs ont abusé de vostre bonté ayant pris argent de yous, lesquels n'ont seruy comme ils vous auoient promis. Il est vray, mais doit-on pour cela vous accuser d'auoir mal ménagé les deniers publics, comme on a osé faire aussi malicieusement qu'indiscrettement? quel chefde party en vne guerre ciuile n'a esté sujet à telles piperies, & quel moyen y a-il de châ-tier les autheurs d'icelle, lesquels trouuent par tout support, non seulement auec les aduersaires; mais aussi parmy les leurs mesmes, desquels il est souvent aduenu qu'ils ont esté

prattiquez & débauchez plustost que les autres; & toutefois vous seul auez porté & portez encores l'enuie & le blasme des fautes d'autruy. Il n'y a partie sur vous ny en vous qui n'ait esté attainte de quelque calomnie: si quelquesois vous auez voulu regler les affaires & y apporter yn ordre, chacun s'y est opposé, comme si vostre interest vous y eust poussé plustost que la consideration publique: & si depuis forcé de la violence du mal vous auez voulu couler le temps auec les autres en la confusion qui a tousiours esté; qui ne s'en est plaint & ne vous a blasmé quand vous auez cherché les moyens d'aduancer & solliciter la presente assemblée, comme vn souuerain remede à tels desordres : l'on a dit que vous voulez traiter auec nosdits aduersaires, & quand au contraire vous auez esté contraint à cause de la guerre & des dangers des chemins la retarder, vous auez esté accusé de le faire exprés pour la crainte que vous auiez d'icelle, & mesme d'estre priué de la charge qui vous a esté commise; peu de gens ayant voulu considerer combien elle est pesante & onereuse, ny les incommoditez, perils & fascheries desquels elle a tousiours esté accompagnée: quels offices n'a-t'on fait contre vous dedans & dehors le Royaume; pour décrier & trauerser vos entreprises, mesmes contre nosdits aduersaires? de sorte que ie ne m'émerueille pas de ce qu'elles ont si mal succedé, mais de ce qu'il n'en est pas aduenu: car maintenant l'on veut pour vous resompenser de toutes vos peines, pertes &

merites que vous fassiez les affaires d'autruy à vos dépens & aux nostres. Monsieur, ie vous diray en vn mot auec ma liberté ordinaire, que si vous suiuez ce chemin, vous y rencontrerez tout le rebours dece que l'autre vous promet. Vous seriez aussi le premier qui se seroit bien trouvé d'auoir introduit dans son païs vn Prince plus grad que soy, & par dessus soy, s'il en aduient autrement, tousiours voftre grandeur & prosperité sera suspecte à. ceux qui tiendront la leur de vous : & si deuant le coup l'on a fait tout ce que l'on a pû pour vous desauthoriser, insques à tenter de faire yn establissement sans vous, deuez-vous croire qu'apres qu'il sera tué, & que vous aurez lasché la parole, l'on vous respecte dauantage? c'est bien ce que l'on vous promet, mais. ce seroit contre toute maxime & regle d'Efat fi l'on l'observoit, quand mesme la guerre dureroit laquelle vous rend necessaire: ie parlerois plus clairement & par exemple, fi i'estimois qu'il en fust besoin. Monsieur, ie ne yeux-plus vous representer qu'vne chose; ciest que si vous entreprenez de disposer du Royaume contre les loix d'iceluy, peut-estre y engagerez-vous pour vn temps nos perfonnes & nos biens, puis que nous vous auons: confié la garde & deposition de nos Villes; mais croyez qu'il sera tres difficile que nos cœurs s'y assubjettissent iamais, principalement s'il faut que nostre langueur dune apres ce saut, comme il y a grande apparence d'e-stimer qu'elle sera, voire qu'elle augmentera plussoft qu'autrement, d'autant qu'il sera en

la puissance de nosdits aduersaires, si vous ne les battez & affoiblissez grandement, de nous incommoder & coupper les viures; principalement en cette ville de Paris, contre laquelle comme contre les autres, il ne faut pas douter, que lors ils ne fassent du pis qu'ils pourront, parce que la querelle sera deuenuë irreconciliable: lors chacun nous reprochera le malheur commun, se ressouvenant qu'il aura esté en vostre puissance de nous garantir, &mesmes vous en aurez esté requis, dont vous ne deuez point douter qu'il ne vous arriue plusieurs inconueniens tres-dangereux; au moyen dequoy ie vous supplie & conseille tout ensemble, comme vostre tres-humble & affectionné scruiteur, de instifier au moins tellement vostre conduitte en cette action & resolution, que vostre honneury soit conserué, auec la creance que vous auez acquise enuers les gens de bien, sans laisser le certain pour l'incertain à l'appetit de gens qui ne se fieront peut-estre iamais en vous, & qui ne se peuvent asseurer & establir en ce Royaume que par vn general & entier renuersement d'icelle; & neantmoins ne peut aducnir que nostre Religion ne coure la mesme fortune, dont seront responsables deuant Dieu tous ceux qui en vne sorte ou en vne autre y auroot presté la main.

CETTE harangue sut faite par Monsieur de Villeroy, au mois de May 1593, pour estre prononcée en l'assemblée des Estats de Paris, où il auoit esté tres-vtile, mais les soupçons, brouilleries & trauerses qu'il y trouua l'emMEMOIRES

F16

pescherent de ce faire; toutesois ledit sieur Duc de Mayenne l'a veuë, & a de beaucoup seruy pour le bien, ayant peut-estre esté le moule qui a formé les humeurs & volontez des gens de bien à rechercher le bien & le salut de cét Estat.

## LETTRE DE MONSIEVR de Villeroy à Monsieur de Mayenne, du 20. iour de l'an

## M. D. LXXXXIV.

ONSEIGNEVR, Ie vous écrirois souvent, si le le pounois faire vtilement pour le public & pour vostre seruice, mais les affaires sont en vir estat tel qu'il n'y a plus que la main de Dieu qui y puisse valoir quelque chose; nous auons perdu toute creance & esperance des vns & des autres, de forte que nous attribuons à art & tromperie les ouvertures que nous faisons de part & d'autre, qui est vn mal difficile à surmonter, car où la confiance defaut, les paroles sont inutiles, principalement celles. qui sont priuées & secrettes. C'est pourquoy ie vous ay souuent supplié, & vous ay encores n'agueres écrit faire manier & traiter publiquement & par personnes publiques les affaires generales, estimant n'y auoir autres moyens d'arrester le cours du mal qui nous ya accabler que cettuy-là; yous l'auez toû-

jours rejetté pour diverses considerations, qui regardent plus les interests prinez que la cause publique. Et c'est ce qui a fait blasmer & calomnier vostre procedure & tous ceux que vous y auez employez; qui vous a fait perdre la bien-veillance du peuple, qui estoit le principal appuy & fondement de vostre authorité, & qui à la fin détruira vostre party aux despens de la Religion & de l'Estat; vous auez eu crainte d'offencer les estrangers qui vous assistent, lesquels toutesois vous en ont fçeu peu de gré, & st ont encores eu mains de foin de vous secourir & foreister comme il falloit, pour remedier par la force & la reputation de vos armes, iointes ensemble à ces subtils mécontentemens & desespoir public, que nous preuoyons qui deuoient naistre dudit renouvellement de la guerre. Les ennemis croyent que vous ne demandez la continuation de la trève, que pour attendre vos forces & mieux dresser vostre party à Rome & en Espagne, & le peuple pour faire du-rer la guerre, & mieux faire vos affaires particulieres: cela estant, comment esperezvous, estant foible comme vous estes persuader aux premiers, que vous voulez negocier de bonne foy, & aux autres que vous ne voulez & ne pouuez les sauuer, que par vne negociation publique & authentique telle que ie vous en ay cy-deuant écrit, qui authorise .& iustifie par toute vostre intention; C'est chose que vous pouuez faire sous le bon plaisir du Pape, asin de rendre à sa Saincteré le respect que vous luy deuez, & satisfaire à

18

vostre parole, laquelle ne peut estre resolue ne conclue si-tost, que vous n'ayez encores loisir d'estre éclaircy de la volonté de sa Saineteté, quand mesme on entreroit en matiere dés demain deuant qu'elle soit acheuée. Vous estimez ce chemin estre trop perilleux & honteux; & ie croy pour mon regard non seulement qu'il ne peut estre que tres-seur & vtile au general, & à vostre particulier tres-ho-norable & à vostre grande décharge; mais aussi qu'il est vnique, & ne vous en reste point d'autre pour arrester le mal qui nous presse. Monseigneur, ie vous dis cecy franchement comme amy de ma patrie, ialoux de la conseruation de nostre Religion & de vostre reputation & seruice; enfin chacun est las de la guerre, & ne sera plus non seulement à l'adnenir question de la Religion, mais aussi en vostre puissance de vous deffendre & conseruer, ny à vous de bien faire à vous mesme. Ie ne vous diray les raisons sur lesquelles ils se fondent, car vous le scauez & sentez mieux: que personne: mais croyez, ie vous supplie, qu'il y a peu de gens qui prennent plaisir de se perdre de gayeté de cœur, & d'épouser vndeses poir pour le reste de leur vie & de leur posterité, les bonnes Villes & Communautez y font les plus bandées, comme celles. qui se trouvent décheues de l'esperance qu'elles auoient conceue de cette guerre, & qui en supportent plus de tourment que les autres. N'attendez-donc les effets de leur desespoir, vous estes trop foible pour l'empescher, &2 selia palle trop auant pour estre retenu par

douceur & par art, vous l'éprouuerez & connoistrez austi, Monseigneur, & Dieu veuille que ce ne soit trop tard pour son service & de vostre particulier : quiconque a volonté de bien faire ne doit faire dissiculté d'operer & d'agir en public, ny de se bien obliger qui veur bien payer. Sur ce ie vous baise trèshumblement les mains, & prie Dieu, Monleigneur, vous conscruer en parfaite fanté.

De Poutoise ce 22, sour de l'an 1594.

## LETTRE DE MONSIEVE de Villeroy à M. de Bellieure, du 17. Mars 1596.

ONSEIGNEVE, Si ie pouvois par mes réponses vous rendre la consolation que ie reçois de vos lettres, qui font pleines d'amitié & de bons enseignemens, ie vous écrirois souvent, &: n'eusse tant tardé de vous remercier de celledu vingt-sixième de Février, que Monsieurde la Verriere m'a fait tenir ; mais tout memanquant pour ce faire horsmis la bonne volonté, ie m'abstiens de vous importuner, comme celuy qui n'a pouvoir de deplorer auec les gens de bien nostre commun malheur, & qui est sans moyen d'y remedier ny de servir-ses amis; e'est ce qui m'a fait sorvir de la pareffe, & me retirer en ce liep; d'où Monlieur, ie ne puis vous offrir qu'vne entière affection de yous honorer, obeir & foruir en touses

MEMOIRES 12.0 choses, qui ne me faudra ny changera ia-mais: ie n'approvue non plus que vous tous ces écrits qui ont esté publiez, lesquels ont esté aussi composez sans moy; i'ay appris à vostre école que ce n'est le chemin qu'il faut tenir pour bien faire, ils ne seruent qu'à effaroucher le gibier, & faire parler le monde : ceux qui veulent accorder vne querelle n'vsent de tels manifestes, qui ne seruent qu'à aigrir les parties plustost qu'à iustifier leur cause. l'en ay dit mon aduis où ie me suis trouué, mais il y en a qu'il faut que l'experience enseigne, & le pis el que ce sera aux dépens du public, à quoy plusieurs innocens pâtiront & auront part comme les autres. l'ay esté des premiers à desirer, & peut-estre à proposer cette Conference des Catholiques, comme vn moyen tres-propre pour faire parler les vns auec les autres à cœur ouvert, & pour arrester le cours à plusieurs desseins extrauagants qui sont par tout, mon intention estoit bonne, & vous diray que l'ayant communiquée à mon arriuée à Paris, elle fut bien receue, & toutefois noftre malheur est tel, que quand elle sut de-puis proposée elle sit peur à beaucoup de gens, & neantmoins elle n'a pû estre rejettée, parce qu'yn tel refus condamneroit les autheurs d'iceluy, & chacun craint ce iugement. C'est pourquoy auec les autres raisons qu'il vous a plû m'écrire ie serois d'aduis

qu'on y voulust entendre; il ne peut mal ad-

uenir qu'à ceux qui y procederont de mauuaife foy, & qui n'auront l'intention bonne; elle retardera plusieurs mauuais desseins qui sons

921

fur le bureau, peut-estre qu'elle produira plus de fruit que nous n'esperons. Combien auons nous veu de choses succeder au contraire de l'intention de ceux qui les auoient commencées & acheminées? nous sommes en vn estat que nous ne deuons faire difficulté de traiter toutes sortes de remedes : car nous sommes comme abandonnez des Medecins, & faut considerer quel est le but d'yn chacun. Ie pense vous auoir écrit cy-deuant que si i'auois vn procés de grande consequence & bonne caufe, ie ne m'attendrois aux poursuites & productions de ma partie pour en auoir la fin à mon contentement, parce que ce ne seroit son profit d'auancer le mien. Aussi nous en voyons peu qui soient pour se resoudre de quitter leur esperance, quandils s'y sont lais-sez emporter, pour iouir d'vn bien qu'ils estiment moindre, encore qu'il soit plus certain, que ceux qui ont le plus d'interest à la matiere fassent leur deuoir, & Dieu leur aidera sans doute, car il est protecteur de l'equité & de verité: c'est ce que i'ay à répondre à vostre lettre derniere; i'ay eu des lettres de M. le Cardinal de Gondy par Monsieur de Bussy: mais ie remets le tout sur ce qu'il me dira, à quoy il m'a promis de satisfaire au retour de Chartres, où il est allé voir Madame sa mere. Ie ne puis vous dire combien i'ay esté picqué des traucrses qu'a receues ledit sieur Car-dinal en son voyage contre les promesses que ie luy auois faites, & ce que i'auois charge de luy dire, dont m'estant plaint viuement, on s'est excusé sur l'indiscretion de ceux qui

MEMOIRES

522 ont fait l'offense, Dieu en sera le luge, mais toutes dissolutions se découuriront auec le temps, aux dépens de ceux qui en vsent quand elles tendent à mal.

Ce dix-septieme Mars 1566.

## MANIFESTE DE MONSIEUR de Villeroy, sur l'enasion de l'Heste fon Commis 1604.

E vingt-deuxiesme du mois d'Avril, le Lieur Descartes Secretaire de Monsieur de Barrault Conseiller du Roy en son Conseil d'Estat, & son Ambassadeur en Espagne, rencontra le sieur de Villeroy, estant sur des cheuaux de poste, entre sa maison de Villeroy & Iunisy, ledit sieur de Villeroy estant en carosse, l'ayant salué il le pria de le suiure iusques au lieu de Villeroy où il alloit coucher, ce qu'il fit : y estant arriué ledit sieur Descartes luy representa bien particulierement de la part dudit sieur de Barrault ce qu'il avoit appris & découuert en Espagne, par le moyen du fieur de Rassis, que ledit Descartes avoit amené auec luy, & laissé à Fontaine-bleau des intelligences que le ieune l'Hoste, l'un des Clercs dudit sieur de Villeroy, auoit auec les Ministres du Roy d'Espagne, ausquels il s'étoit engagé & prostitué dés le temps qu'il estoit en Espagne, seruant le Roy auprés de Monsieur de la Rochepot, auec lequel ledit

Reur de Villeroy l'auoit mis pour apprendre la langue, & y seruir sa Majesté, lesquelles întelligences il auoit depuis entretenues & augmentées au grand prejudice du seruice de sa Majesté. Ce que ledit sieur Descartes verifia & prouua audit fieur de Villeroy, pardeux lettres écrites en Espagnol, de la main dudit l'Hoste, sous nom déguisé, que ledit fieur de Villeroy reconnut tres-bien estre écrites par ledit l'Hoste, apres mesme les auoir confrontées auec d'autres écrites par luyen mesme temps, langue, & charactere, sousfignées de son nom, que luy representa aussi ledit Descartes : tellement que ledit sieur de Villeroy iugea ledit aduis estre veritable, sans plus en douter; & comme ledit sieur Descartes luy proposa qu'il estimoit estre à propos de dissimuler & celer quelque temps ledit aduis, afin de surprendre ledit l'Hoste en faute, comme il seroit facile de faire ne se dessiant de rien, & ses actions estans obseruées de prés. Ledit sieur de Villeroy reietta cette proposition iugeant qu'il estoit dissicile tenir cefait secret long-temps, de façon que ledit l'Hoste n'en cust le vent, mesmes par aduis qui luy en seroit donné par la voye de l'Ambassadeur d'Espagne sur le partement du pars dudit Rassis, & le retour à Valladolid de celuy dans la boëte duquel Monsieur de Barrault auoit fait prendre les deux susdites lettres qui verisioient le crime de l'Hoste. Pour cette cause ledit sieur de Villeroy le pria de re-tourner le iour mesme à Fontaine-bleau où il. auoit laissé ledit Rassis, pour luy dire qu'il

s'y rendroit le lendemain de bonne heure pour informer sa Majesté de ce fait, luy presenter ledit Rassis; & receuoir ses comman-

demens; ce que sit ledit Descartes.

ET le lendemain vingt-troisiesme dudit mois, le sieur de Villeroy arriua à Fontainebleau enuiron les dix heures du matin, fit entendre à sa Majesté le recit que luy auoit fait ledit Descartés, & les preuues qu'il luy auoit fait voir de la perfidie dudit l'Hoste, suppliant sa Majesté d'ouïr sur cela dés le iour mesme ledit Rassis en la presence dudit Descartes, & que ce fust en lieu secret, afin que personne n'eust connoissance de leur veuë, & principalement dudit Raffis que Descartes disoit auoir tenu enfermé & caché au logis où il estoit descendu à son arrivée audit Fontaine-bleau. Sa Majesté ordonna audit Descartes d'amener ledit Rassis en la gallerie de la basse-court incontinent apres son disner, & leur fit bailler vn passe par tout, afin de s'y rendre par les iardins sans passer par la bassecourt ny entrer au Chasteau, pour n'estre veus & découverts, comme ils firent.

LEDIT sieur de Villeroy estant demeuré auprés de sa Majesté iusques à ce qu'elle se mit à table entre midy & vne heure, sortant du Chasteau pour venir en la chambre de la basse-court vit arriuer au bureau de la poste qui est logée prés d'icelle deux courriers vestus à l'Espagnole, auec quelques malles, incontinent il dit à Montaigne commis du sieur de la Varenne qui se trouua là, qu'il sceust quelles gens ils estoient, d'où ils venoient,

& où ils alloient.

LEDIT Montaigne ayant rapporté au fieur de Villeroy qu'ils venoient d'Espagne, & que l'vn d'eux estoit Flaman, de la maison de l'Ambassadeur d'Espagne, qui estoit passé pour aller trouuer ledit Ambassadeur à Paris, ledit sieur de Villeroy luy commanda au nom du Roy de retenir lesdits courriers, & les enuoyer loger en quelque maison du village, & mettre vn homme auprés d'eux, qui ne permissi que personne parlast à eux sans sa permission; ce qu'il luy dit, & luy ordonnoit pour cause qui importoit au seruice du Roy, à quoy ledit Montaigne dit qu'il satisferoit.

Ledit sieur de Villeroy estant monté en sa chambre pour disner, ledit Montaigne luy apporta yn pacquet dudit sieur de Barrault auec vne petite boëte carrée, dans laquelle y auoit des graines de iardins que luy enuoyoit ledit sieur de Barrault, dont il auoit chargé l'yndesdits courriers, lesquels ledit Montaigne asseura ledit de Villeroy auoir enuoyé loger au village, & commis auprés d'eux le ieune Pizeux sils d'yn courrier qui sert il y a

long-temps à la suite de la Cour.

LEDIT sieur de Villeroy sut mandé par le Roy l'aller trouuer en ladite gallerie de la basse-court, n'estant encores hors de table, d'autant quesa Majesté auoit ja disné, voulant aller à la chasse: s'y estant acheminé il trouua sa Majesté en ladite gallerie accompagné de la Reine seule, le sieur de Chasteau-vieux, Cheualier d'honneur de ladite Dame, gardant la porte, leurs Majestez ayans ja oily le recit dudit Rassis touchant la trahison dudit 320

l'Hoste, la façon de laquelle il auoit sceue, & comme il l'auoit découuerte audit sieur de Barrault, ledit Descartes estant present, ledit Rassis informa encore leurs Majestez de plusieurs autres choses tres-importantes à seur seruice, & répondit à plusieurs questions & demandes que sa Majesté suy sit, present ledit sieur de Villeroy.

S A Majesté ayant siny auec ledit Rassis & Descartes, leur commanda s'en retourner au logis par le mesme chemin qu'ils estoient venus, asin de n'estre veus & découuerts de personne, & retint ledit sieur de Villeroy auprés

dielle.

Comme sa Majesté sottoit de ladite gallerie pour prendre la botte pour aller à la chasse sur la terrasse proche la grande gallerie, Desnots aussi commis dudit sieur de la Varenne n'agueres venu de Thurin, depesché vers sa Majesté par led. sieur de la Varenne, se presenta à elle estant arriué à la mesme heure de Paris, où il auoit passé sans voir sa Majesté en ce lieu pour porter sa depesche audit sieur de Villeroy, ainsi que ledit sieur de la Varenne luy auoit commandé, dont sa Majesté n'étoit contente.

LEDIT ficur de Villeroy demeura auprés de sa Majesté iusques à ce qu'elle sût montée à cheual, apres il se retira en sa chambre, & ne sut si-tost entré en son cabinet, que Monsieur l'Eucsque de Chartres accompagné du Perc Cotton & des Aumosniers de sa M. qui sont en quartier y entra pour aduiser auec luy ce qu'il falloit saire le lendemain

iour de S. George pour la ceremonie de l'Ordre de la Iartiere que sa Majesté a accoustumé de solemniser ledit iour; leur conference dura

assez long-temps.

SI-TOST qu'ils furent sortis d'auec luy seur de Villeroy que ledit l'Hoste estoit arriué de Paris auec ledit Desnots, dequoy il n'auoit encore rien sceu, qu'il estoit venu en poste, & que par malheur il l'auoit rencontré retournant auec ledit Raffis de la gallerie où ils auoient parlé au Roy, en leur logis; qu'apperceuant ledit l'Hoste à cent pas de luy, il auoit dit audit Rassis qu'il sist semblant de prendre congéde luy, & qu'il se retirast dans la porte d'vn logis, auprés duquel ils estoient, ce qu'auoit fait ledit Raffis le plus subtilement qu'il peût, & qu'il estoit allé accoster & saluer ledit l'Hoste qu'il auoit trouué étonné, qu'il luy avoit baillé des lettres de Monsieur de Barrault & autres qu'il auoit pour luy auec quelques gants qu'il auoit apportez d'Espagne, & auoit mis peine de l'entretenir mais qu'il auoit l'esprit émeu & trauaillé, & que ledit l'Hoste luy auoit dit auoir sceu qu'il estoit arriué deux courriers d'Espagne; demandant audit Descartes s'il les auoit veus, & comme ledit Descartes luy dit que celuy qu'il auoit pû voir vestu à l'Éspagnole, qui s'estoit separé de luy & estoit entré audit logis, en pouvoit estre l'vn : ledit l'Hoste continuta à faire contenance d'homme qui estoit en peine, neantmoins que ledit Descarres l'auoit entretenu le mieux qu'il auoit

pû fans l'abandonner; qu'estans entrez en la basse-court & venus iusques auprés du logis dudit sieur de Villeroy l'Hoste l'apperceuant venir du Chasteau, il auoit dit audit Descartes qu'il ne vouloit pas qu'il les vist les bottes aux iambes, & qu'il s'alloit débotter, que ledit Descartes luy auoit fait compagnie iusques hors la basse-court, qu'estant auprés du logis dudit sieur Euesque de Chartres, ils auoient rencontré vn des gens dudit Euesque parent dudit l'Hoste, qui les auoit accostez. Que ledit l'Hoste luy auoit dit qu'il n'auoit mangé depuis estre party de Paris, & qu'il vouloit aller en vn cabaret pour trouuer à disner, que ledit Descartes s'estoit offert de l'y accompagner; qu'enfin au lieu d'aller au cabaret, il estoit retourné tout court en la basse-court du Chasteau & estoit entré en la cuisine dudit sieur de Villeroy pour y demanderà manger, que ledit Descartes le voyant là estoit montéen la chambre dudit sieur de Villeroy pour l'en aduertir; mais dautant que ledit sieur Euesque de Chartres & lesdits Aumosniers estoient auec luy il n'auroit osé s'ingerer d'y entrer plustost.

LEDIT sieur de Villeroy entendant ce que dessus partit aussi-tost de son cabinet pour aller faire prendre ledit l'Hoste, s'en alla au logis du Roy, prit le sieur de Lomenie aucc luy pour l'assisser en ce qui se passeroit, & enuoya chercher le Lieutenant du grand Prenost: cependant il commanda à du Noyer qui le seruoit de Maistre d'Hostel d'aller chercher ledit l'Hoste, & demeurer auprés de luy









